



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

### Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.


### About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>



UNIVERSITEITSBIBLIOTHEEK GENT







Class. 687  
L. 101

# C. CORNELII TACITI OPERA.

---

EDITIO ALTERA.

---

*ACCESSERE POLITICA, RES TRAJANI;  
PRINCIPIS OPTIMI, SUPPLEMENTUM  
DIALOGI DE ORATORIBUS, FRAGMENTUM  
LIBRI XCI TITI LIVII SUPPLE-  
MENTO ET NOTIS ILLUSTRATUM.*



C. CORNELII  
TACITI  
OPERA

SUPPLEMENTIS,  
*NOTIS ET DISSERTATIONIBUS*

ILLUSTRAVIT  
*GABRIEL BROTIER.*

---

TOMUS PRIMUS.

---



PARISIIS,  
Ex Typographia L. F. DELATOUR,  
viâ San-Jacobeâ.

---

M. DCC. LXXVI.

*Cum Approbatione & Privilegio Regis.*







## *ERUDITO LECTORI.*

**C**AII CORNELII TACITI opera iterum editurus , primùm de ejus vitâ & scriptis , deinde de præcipuis ejus editoribus & interpretibus , tertio demum de alterâ hac editione præfabor ; & , quæ eam mole minorem , rebus majorem efficiant , explicabo.

### *De vitâ & scriptis CORNELII TACITI.*

**CAIUS CORNELIUS TACITUS** pauca de se, nihil de patriâ & origine suâ prodidit , ingenio & virtutibus potius , quàm loco ac majoribus inclarescendi certus. Interamnates eum municipem suum fuisse glo-  
*Tom. I. a*



riantur<sup>1</sup>. Patre, equite Romano, &, quæ equestris est nobilitas, Belgicæ Galliæ procuratore, genitus videtur<sup>2</sup> circa annum Urbis conditæ DCCCX<sup>3</sup>, Jesu Christi septimum & quinquagesimum. Pueritiam egit, dum, sub Nerone cupidinum immodico, non modò Urbs, sed quæque, ut Urbi proxima, ad omne libidinum genus profluebant. At per ætatem, institutionemque, & prima literarum rudimenta, iis vitiis intactus crevit: pari integritate, turbida Galbæ, Othonis, & Vitellii tempora elapsus est. Vespasianus, rerum potitus, pacem

<sup>1</sup> Hac de re plura vide apud Franciscum Angeloni, *Historia di Terni*, pag. 42 & seqq. Interamna, nunc Terni, dans le duché de Spolète.

<sup>2</sup> Plin. Hist. Nat. VII, 16. Perperam Lipsius aliique multi existimaverunt Tacitum fuisse Belgicæ Galliæ procurato-

rem, a Plinio memoratum. Repugnat temporum ratio, quæ in Taciti patrem rectè cadit.

<sup>3</sup> De Taciti ætate satis constat ex ipsâ ætate Plinii, Epist. VI, 20. & VII, 20. Adde ipsum Tacitum in Dialogo de Oratoribus, cap. 1 & 17.

*P R Æ F A T I O.      iij*

moreſque intulit ; & inter cetera imperii munia , literas artesque amplexus , eas providentiâ & liberalitate refovit. In hac renaſcentis Urbis tranquillitate , Tacitus operam dedit eloquentiæ , cuius ut inter temporum triſtia ad præſidium , ſic inter læta ad decus viſ plurima. Gnarus autem oratorem meliùs exemplis , quàm præceptis , inſtitui , M. Aprum & Julium Secundum , celeberrimum fori ingenia , domi & in publico adſectatus eſt <sup>1</sup>.

AD has ſtudiorum curas fanè acceſſere caſtrenſia ſtipendia. Id enim apud Romanos optimè inſtitutum , ut juvenis , literis imbutus , ſuam in caſtris induſtriam adprobaret : ſic civis unus , vix juventutem ingreſſus , ad omnia reipublicæ munia accingebatur. Tacitus , iis paratus exercitiis , eâque ætate , quâ ad honores patēbat aditus , Veſpaſianum inchoatæ ſuæ dignitatis auctorem

<sup>1</sup> Tacit. Dialog. de Orat. cap. 2.

habuit <sup>1</sup>. Juveni, qui in egregiam spem adolescebat, filiam suam despondit Cneius Julius Agricola, consul anno Urbis conditæ DCCCXXX; ac post consulatum collocavit <sup>2</sup>. Soceri decus genero novum fuit claritudinis adjumentum; ejusque dignitatem auxit Titus <sup>3</sup>.

INTERIM nihil de studiis a Tacito remissum: immo in ea tantò acriùs ferebatur, quòd se ad summa genitum persentisceret, & in foro magnum nomen audentiâ & impetucertius, quàm lentis operosisque moliminibus, præripi cogitaret. In Urbe pridem invaluerat quædam ingeniorum mollities: forum quoque, prævalidâ Principum auctoritate fractum, a veteris eloquentiæ gravitate ad disertis sermonis elegantias deflexerat. Tacitus, ut præcellentibus ingeniis solitum, novam iniit viam: nec aspernatus temporis

<sup>1</sup> Tacit. Hist. I, 1. | <sup>cap. 9.</sup>

<sup>2</sup> Tacit. Vit. Agric. | <sup>3</sup> Tacit. Hist. I, 1.

fui ornatum , sed quod apud antiquos fuerat egregium æmulatus , splendore verborum , sententiarum pondere , & totius orationis dignitate hanc sibi paravit dicendi vim , ut eâ ætate , quâ disertorum virorum laus vigeat , ipse , ut eloquentissimus , celebraretur ; tantamque moveret admirationem , ut juvenes laudis cupidos ad sui imitationem traheret <sup>1</sup>.

IN hoc celebritatis cursu , cùm honorum incrementa a Domitiano accepisset <sup>2</sup>, quindecimvirali sacerdotio præditus , simul & prætor , adfuit sæcularibus ludis anno Urbis conditæ DCCCXLI editis <sup>3</sup>. Tacitum autem ab optimis Principibus Vespasiano Titoque dignitatis initia accepisse , virtutis sanè fuit. Quòd ad novos amplioresque honores a Domitiano, pessimo Principe, fuerit evectus , egregii illius , quod sæpe

<sup>1</sup> Plin. Epist. VII, 20. | <sup>3</sup> Tacit. Annal. XI,  
<sup>2</sup> Tacit. Hist. I, 1. | 11.

ipse commendavit <sup>1</sup>, contumaciam inter & obsequium temperamenti fuisse crediderim. Neque Domitiano, vel inter flagrantia scelera, fuit umquam ita absurdum ingenium, ut virtutem dignitatum penitus expertem voluerit. Ut ut est, post præturam Tacitus ex Urbe secessit, non exsul, neque otii cupidine, quod quibusdam placuit, at, ut verior fert conjectura, prætorius legatus, provinciæve rector a Principe impositus. Absens quadriennum egerat <sup>2</sup>, cùm accepit summo doloris sensu focerum suum Agricolam decimo Kalendas Septembris, anno Urbis conditæ DCCCXLVI, mortem obiisse; &, ut fama erat, Domitiani veneno interceptum <sup>3</sup>.

IN Urbem tum reversus, Principem reperit, non jam insidiis, sed publico bonorum odio ferocem.

<sup>1</sup> Tacit. Vit. Agric. cap. 42. Idem quoque Annal. IV, 20 & aliàs sæpe.

<sup>2</sup> Tacit. Vit. Agric. cap. 44 & 45.

<sup>3</sup> Tacit. Vit. Agric. cap. 43.

Vidit obsessam curiam , clausum armis senatum , senatores in carcerem a senatoribus ductos , aut innocentem perfusos sanguine. Talia Principis senatûsque opprobria vidisse , iisque senatoriæ dignitatis necessitate interfuisse ita inhorrescit , ut , vel ea commemorando , se flagitii nec ministrum , nec suasorem , umquam fuisse satis prodiderit <sup>1</sup>.

FœDA criminibus , luctu mæsta tempora exhilaravit Princeps Nerva anno Urbis conditæ DCCCXIX. Tum redire virtuti decus , vitiis infamia , sceleri exitium. Auspicata principatûs initia insignivit singularis consulatus. Dignitatem enim anno Urbis conditæ DCCCL iniere Nerva Augustus III & Verginius Rufus III consules ; ille imperio ægre capestito , hic adferto olim & spreto illustris : utroque consule dignus Tacitus , in spem , quam citò erat occupaturus , designatus. In hoc

<sup>1</sup> Tacit. Vit. Agric. cap. 45.



viii *P R Æ F A T I O.*

enim privati hominis fastigio Verginius morbo correptus est : dein paullo post extinctus, cum excessisset annum tertium & octogesimum ; cunctis fortunæ & virtutum experimentis ab Augusti excessu ad hæc usque Nervæ tempora probatus. Ut ejus vitæ , ita & morti ingens circumdata est gloria. Ductum publicum funus ; & Verginius , a consule Cornelio Tacito pro rostris laudatus , supremum hunc felicitatis cumulum accepit , laudatorem eloquentissimum <sup>1</sup>.

AT maxima hujus consulatûs laus fuit Trajani adoptio , quâ securitas publica , ob senilem Nervæ ætatem nondum firma , robur adsumpsit <sup>2</sup>. Cum ferverent exultantis Urbis gaudia , Tacitus foceri sui Julii Agricolæ , qui hanc temporum felicitatem augurio votisque erat ominatus <sup>3</sup>, vitam composuit ; prio-

<sup>1</sup> Plin. Epist. II , 1.

<sup>3</sup> Tac. in eâdem Vit.

<sup>2</sup> Tac. Vit. Agric. cap. 3. | Agric. cap. 44.

risque servitutis memoriâ præsentium bonorum sensum auxit. Brevis quidem est libellus : at in quo æternum egregiæ virtutis monumentum , & absolutissimum laudationis exemplar.

TRAJANO II consule , anno Urbis conditæ DCCCLI , Germanorum mores , leges , ususque , pari brevitate descripsit <sup>1</sup> , tum ut eorum laudibus attolleret Trajanum , defuncto Nervâ , rerum potitum , Germanisque formidatum , quos inter adhuc agebat , tum ut Urbem , luxu & deliciis fractam , ad viriles sensus æmulatione provocaret. Plus ad nos utilitatis pervenit. Germanica enim libertas , cujus vim Tacitus præsenferat <sup>2</sup> , diu cum imperio Romano luctata , ac tandem victrix , regna imperiumque condidit suis legibus attemperata , & ultra veterum dominationum memoriam

<sup>1</sup> Tacit. de Moribus German. cap. 37.

<sup>2</sup> Tacit. eodem in libro , ibid.

x      *P R Æ F A T I O.*

longè perennanda. Quàm juvat tantarum rerum originem, a præstantissimo scriptore traditam, evolvere; publici privatique, quo utimur, juris fontes aperire; nostræ gloriæ, nostræ felicitatis fundamentum simul & tutamentum meditari!

HIS acerrimæ mentis operibus haud impedita fori studia. Cùmque Afri Marium Priscum, Africæ proconsulem, pecuniis ob innocentes condemnandos, interficiendos etiam, acceptis infamem, accusassent, senatus, criminis atrocitate motus, Tacitum Pliniumque iis adesse jussit: &, ut plus celebritatis foret, Princepsque interesset, dilata cognitio. Acta tandem causa frequentissimo senatu, cùm Trajanus, in Urbem redux, & consul tertium, anno Urbis conditæ DCCCLIII, præsideret. Triduum in hac cognitione infumptum. Plinius Martianum, qui Mario immanitatis socius fuerat, corripuit, Frontoni

Catio , qui pro Mario insigniter dixit , Tacitus respondit eloquentissimè , & quod eximium orationi ejus inerat , graviter. Damnati fuere Marius & Martianus. In fine sententiæ adjectum , « quòd Tacitus » & Plinius injunctâ advocacy » diligenter fortiterque functi essent , » arbitrari senatum ita eos fecisse , ut » dignum mandatis partibus fuerit<sup>1</sup> ». Pares laudibus fecit senatus , quos eadem ferme ætas , par dignitas , studiorum & animorum similitudo antè conjunxerat , in magnâ nominis celebritate concordēs.

NULLUS enim Tacito pravæ æmulationis sensus. Immo certus decora ingenia literarum communionē commendari , studiosos , qui ad ipsum ex ejus ingenii admiratione conveniebant<sup>2</sup> , consiliis & præceptis erudiebat. Ipse , studiorum hortator , Plinium monuit , ut

<sup>1</sup> Plinius Epist. II , | <sup>2</sup> Plinius , Epist. IV,  
11. | 13.

Historiam scriberet<sup>1</sup>. Quod cùm ille declinaret, difficultate deterri-  
tus, aliisve distentus curis; Tacitus  
id muneris in se recepit, ne exci-  
deret rara temporum felicitas, quâ,  
sub optimo Principe, bono cuique  
sentire quæ vellet, & quæ sentiret  
dicere liceret<sup>2</sup>. Nemo autem ad  
scribendam Historiam naturâ & arte  
umquam paratior accessit. Acre  
enim Tacito inerat iudicium, vi-  
vida mens, magna rerum homi-  
numque scientia & experientia;  
prompta & profunda cogitandi ac  
scribendi vis: quodque iis tempo-  
ribus rarissimum, animus neque  
libertati infensus, neque adversus  
dominantes contumax.

PRIMUM scribendi argumentum  
sumpsit temporum suorum Histo-  
rias<sup>3</sup>, quas a Neronis fine ad Do-  
mitiani necem facillimâ & uberrimâ

<sup>1</sup> Sidonius Appolli-  
naris Epist. IV, 22. Plin.  
Epist. V, 8.

<sup>2</sup> Tacit. Hist. I, 1.

<sup>3</sup> Tacit. Hist. I, 1;  
Annal. XI, 11.

venâ profecutus est , recti verique  
pervicax , sine ullâ assentandi aut  
criminandi libidine. Pars quidem  
operis maxima periit : manent tamen  
initia, quîs non modò expressa avara  
& anceps Galbæ senectus , præceps  
Othonis ambitio , segnis & fœda  
Vitellii ingluvies , sed & bellorum  
civilium artes , fraudesque , & sce-  
lera , majore arte incertum an pru-  
dentiâ , ad totius ævi documentum ,  
deteguntur. Utinam nobis non in-  
vidisset tempus partem alteram, quæ  
providam Vespasiani mentem , bre-  
ves , eoque cariores , Titi virtutes  
explicabat ! Hæc quidem Flaviæ  
domûs decora excepisset atrox Do-  
mitiani nequitia. At , vel inter  
acerba Principis flagitia , quæ , a  
gravissimo scriptore memorata ,  
fuissent magnarum cogitationum  
fecunda , juvasset adhuc , quod  
summatim initio operis ipse Tacitus  
prodidit <sup>1</sup>, ampla virtutum exempla,

<sup>1</sup> Tacit. Hist. I, 3.



supremas clarorum virorum necessitates , ipsamque necessitatem fortiter toleratam cognoscere. Numquam enim illustriora sunt virtutis certamina , quàm cùm duriùs premitur ; & , ut inter tempestatum horrida acriores emicant ignes , sic inter temporum fera vividior puriorque exurgit virtus.

Post hanc Historiarum curam , Tacitus superiorem imperii memoriam narrandam suscepit ; eamque a Tiberii principatu ad Neronis exitum in Annalibus conclusit ; pressior , acrior , sententiis , quàm verbis abundantior : præceptis politicæ artis ita locuples , ut , si hos tantùm Annalium libros edidisset , Principum privatorumque hominum , qui ad rempublicam accedunt , præceptor doctorque haberetur : in hoc scribendi genere primus simul & summus. Inter hæc sapientiæ consilia , & incredibili mentis capacitate , cautissimas Tiberii artes

extricavit, Claudii imbecillitatem pudendam fecit, Neronis libidines infamavit; sanè adversùs Caii furores æquè animosus. At, ut in Historiis, ita & in Annalibus multa absumpsit vorax temporum edacitas.

EA cùm componeret, Augusti Annales meditatus est<sup>1</sup>: magnificum dignumque Tacito argumentum; qui reipublicæ finem, ortum imperii, versos mores, tantarum rerum causas, Augustum iis quidem movendis imparem, sed semel motas sustinendo habilem, plurimâque arte publicum servitium libertatis specie molientem expressisset.

POST tot labores, tradendis superioris ævi rebus impensos, ætatem suam erat repetiturus, ut nova & præsentia bona æternitati consecraret, ac, pro virili portione, sequentium Principum æmulatu continuaret. Nerva enim Cæsar res olim dissociabiles miscuerat, prin-

<sup>1</sup> Tacit. Annal. III, 24.

## xvj P R Æ F A T I O.

ciatum ac libertatem. Publicam felicitatem in dies augebat Trajanus <sup>1</sup>; additâque victoriarum gloriâ, ita imperii fines proferebat, ut nunquam latius sit imperitatum. Uberriam hanc & securissimam materiam senectuti suæ seposuerat Tacitus <sup>2</sup>. Egregia consilia mors importuna abruptit. Ipse, dum Trajanus Orientem novis victoriis lustrabat, (nusquam enim Hadriani tempora memorat) vivendi finem fecit, præpropero fato oppressus. At in brevi mortalitate longioris vitæ celebritatem impleverat: civis optimus, literis & sapientiâ ætatis suæ princeps; eandem famam, parem auctoritatem apud posteros tam diu retenturus, quàm diu in scriptis non otiosa verborum prolixitas, sed valida rerum sententiarumque brevis placebit; quàm diu in re politicâ

<sup>1</sup> Tacit. Vit. Agric. cap. 3. suam hac de re mentem explicat.

<sup>2</sup> Tacit. Hist. I, 1. supremum illud consilium memorat.

mores hominum, rerum momenta, libertatis & dominationis temperamenta, varia & saluberrima pro temporum eventuumque varietate agendi consilia, noscere erit premium.

HÆC quidem cùm recenserem graviora Taciti studia, omisi leviora duo ejus opera: alterum Facetias; alterum Dialogum de Oratoribus. Facetias, Fulgentio Grammatico<sup>1</sup> memoratas, fortè collegit, dum literariam supellectilem parabat, vel subsecivis horis, ut tædia otiave falleret. Periere; nec magnum est earum desiderium. Id enim literaturæ genus ita a tempore locoque pendet, ut vix umquam alios homines, alios mores ferat. Dialogus de Oratoribus exstat, sed mancus atque imperfectus parte haud exigua<sup>2</sup>, & ob naturam rerum, quæ ibi tractabantur, gravissimâ. Dispu-

<sup>1</sup> Quem vide infrâ in- | <sup>2</sup> Tacit. Dialog. de  
ter Testimonia Veterum. | Orat. cap. 35.

xviiij    *P R Æ F A T I O.*

tationi eâ super re habitæ Tacitus, juvenis admodum<sup>1</sup>, interfuerat, cùm M. Aprum & Julium Secundum adfectabatur: eam postea, requirente Justo Fabio, literis mandavit, iisdem numeris, iisdem, quas audierat, rationibus<sup>2</sup>. Ibi tamen passim suum prodit ingenium, nondum quidem illâ brevitate, quæ in Annalibus eminet, subactum, sed jam validum, & ad altos sensus pronum. Apud picturæ curiosos prima summorum artificum lineamenta diligentissimè adservantur: haud minori pretio apud literarum amatores debet esse hoc clarissimi ingenii specimen. Nihil moror quosdam hunc librum Tacito abjudicasse, ut illum Quintiliano aliisve tribuerent. Pugnant conjecturis adversùs manu scriptorum

|                                   |                                  |
|-----------------------------------|----------------------------------|
| <sup>1</sup> Tacit. ibid. cap. 1. | Chronologicam Tom.               |
| Hac de re fusiùs dictum           |                                  |
| in Notis ad Dialogum              |                                  |
| Tom. VI. pag. 342.                |                                  |
| Vide & Appendicem                 | V. pag. 75.                      |
|                                   | <sup>2</sup> Id testatur Tacitus |
|                                   | Dialog. de Orat. cap.            |
|                                   | 1.                               |

codicum veterumque omnium editionum fidem, - adversùs Pomponii Sabini, Grammatici<sup>1</sup>, auctoritatem, demum adversùs certissimam temporum rationem, quæ uni Tacito competit. Contrà sunt qui ei vindicent epistolam unam Plinianis insertam<sup>2</sup>. Haud equidem improbabilis est conjectura. At vix ullius momenti res est, ob materiæ levitatem. Ipsa epistola inter Testimonia Veterum mox subjungetur, ut penes quemque sit judicium.

HACTENUS Taciti studia & meditatamenta recensui; superest ut quorundam adversùs eum criminationes, non editoris adfectu, sed ductu veritatis, expendam. Nemo enim sine adversariis magnum nomen obtinuit; & quantò celebratior Taciti fama, tantò gravioribus patuit accusationibus. Ac primò quidem criminantur malignum eum

<sup>1</sup> Quem vide infrà inter Testimonia Veterum.

<sup>2</sup> Plinius Epist. IX, 10.



xx      *P R Æ F A T I O.*

fuisse & *μισάνθρωπον*, qui omnia vel suspicionibus adulteraret, vel in deteriorem partem traheret. Hæc certè maligni & improbi sunt hominis, qualem nemo dixerit Tacitum, qui sceleratos passim arguit, virtutem meritis laudibus semper extulit, amicos non habuit nisi optimos, ipsamque malignitatem, falsâ libertatis specie illudentem, sæpe corripuit. At suspiciones, conjecturas interferit. Fateor equidem: sed eas legitimas, & quod in veterum librorum, quæ superat, paucitate prorsus mirum est, aliorum scriptorum testimonio, aut ipsarum rerum naturâ comprobatas. Nullas in historiâ usurpare, vel ineptissimi, vel audacissimi mortalium foret. Criminationis causas aperiam. Quidam corruptores & corrupti Tacitum oderunt, quòd eorum arcana nudaverit, eorum vitia perpetuus censor exprobret. Ut sibi aliisque fucum faciant, calumniam hanc

## P R Æ F A T I O.    xxxj

ingerunt. At quis, nisi priùs ei fuerit malefana oculorum acies, splendidiorem purioremque solem esse umquam questus est? Quis, nisi turpis, fideliori speculo irascitur? Alii, procaces ingenio, & offensionum avidi, historias argutiis aculeatas, amaras malignitate, divinationibus falsas scripsere, seque Taciti imitatores audacter sunt professi. Eorum audaciam imperitiamve, non verò Tacitum, argue. Vulgare est sua flagitia aliis obiectare, magnisque nominibus sese tutari. Insuper ex optimis artificibus quavis ætate exorti imitatores pessimi.

CRIMEN alterum: malæ latininitatis est Tacitus. Breviter dictum, an verè? Tacitum aliquando nimis acutum, nimis concisum, ingenii & sensuum profunditate subobscurum arguerent, non valde repugnam, nec eadem esse Thucydidis vitia, aut, ut loquuntur Græci,

## xxij    P R Æ F A T I O.

virtutes , urgerem. Sed Ferretum , aliosque id genus homines , Taciti latinitatem culpare quis ferat ? Eos tamen refutare pudet. Idque prorsus inutile , cùm Muretus <sup>1</sup> , latinitatis & latinarum elegantiarum peritissimus judex , partes illas magnâ cum laude præoccupaverit. Hoc unum addidero inter Romanos scriptores nullum esse verborum concinnitate & splendore Tacito comparandum.

GRAVIORA sunt mendacii crimina : neque dixerim Tacitum nihil esse mentitum. Commune illud est mortalitatis vitium , quod historiæ scriptores in tantâ rerum multitudine , humanique ingenii infirmitate , & ob caliginem veritati offusam , vix effugiant. Proclivior adhuc error , ubi intercedit religionum diversitas. Inde Tacitus falsa de Christianis , absurda de Judæis pro-

<sup>1</sup> Hac de re & Taciti | inter ejus orationes edi-  
laudibus orationem ha- | tas Lipsiæ anno 1698.  
buit Muretus, quam vide | Tom. II. pag. 353.

didit, præjudicatis tum suis, tum aliorum opinionibus abstractus. Ita tamen fidei & diligentiae, quam in ceteris profitetur, retinens, ut, vel cùm hæc peccaret, Christianos incendii crimine, quo Nero eos perculerat, absolverit<sup>1</sup>. Judaicis autem antiquitatibus vera quamplurima intermiscet; eamque religionem valde commendat, quæ deum imagines mortalibus materiis in species hominum non effingit, sed sine simulacris, sine regum, sine Cæsarum adulatione, *unum numen, summum illud & æternum, neque mutabile, neque interitum*<sup>2</sup>, veneratur. Talia veritatis testimonia apud nullum Romanæ gentis scriptorem ante Tacitum reperire est.

ODIOSUM verò, & ut opinor, falsum est ἀθεότητος crimen, quod quidam Tacito objiciunt. Deos enim passim agnovit, negavit nusquam; ipsamque opem divi-

<sup>1</sup> Tac. Ann. XV, 44. |    <sup>2</sup> Tacit. Hist. V, 5.

# xxiv P R Æ F A T I O.

nam <sup>1</sup>, rerum humanarum dominatricem, memorat. Atrocioribus quidem sceleribus & cladibus offensus, aliquando de divinâ providentiâ dubitaverit, dixerit diis non homines, non imperii securitatem, sed ultionem curæ esse <sup>2</sup>; id ἀσέβειας est, non verò ἀθιότητος. Dolendum certè quòd Deum unum non coluerit, & in hac exoriente Christianæ veritatis luce, quæ ipsam Neronis domum subierat <sup>3</sup>, recénsque Flavii Clementis <sup>4</sup>, consulis, aliorumque exemplis ac virtutibus inclaruerat, ipse cæcutierit. At inter ἀθίς, minimè censendus est <sup>5</sup>.

PORRO viri illius celeberrimæ gloria ad feros nepotes propagata

<sup>1</sup> Tacit. Hist. IV, 78.

<sup>2</sup> Tacit. Annal. IV, 20. VI, 22. Hist. I, 3.

<sup>3</sup> D. Paulus, Epist. ad Philipenses IV, 22. Vide & infra Tom. III. pag. 425.

<sup>4</sup> De quo plura vide in priore Taciti editione

Tom. III. pag. 385. & infra Tom. V, pag. 118.

<sup>5</sup> Cl. Joan. Kynaston Tacitum defendit publicâ oratione, Oxonii habitâ, & Londini editâ anno 1764: C. Cornelius Tacitus a falso impietatis crimine vindicatus.

est.

est. Illum parentem suum appellabat, & ab eo originem ducere se gloriabatur M. Claudius Tacitus<sup>1</sup>; qui principatum obtinuit anno Urbis conditæ MXXVIII, Jesu Christi 275: vir egregiè moratus, non ambitione, non crimine, sed singulari senatûs & exercituum consensu imperio admotus: illius capax, & intra sex imperii sui menses tantâ virtutum claritudine, ut laudatissimorum Principum gloriam æquasset, ni, urgentibus Romæ fatis, citò fuisset extinctus. Cornelii Taciti imaginem in omnibus bibliothecis collocari, ejusque libros, ne lectorum incuriâ deperirent, per annos singulos decies publicâ impensâ in civicis archivis describi, & in bibliothecis poni jussit<sup>2</sup>: orbi, literis & parenti optimè consulturus, si ipse, aut frater ejus Florianus, diu imperassent, Recentior adhuc, nec

<sup>1</sup> Vopiscus in Tacito, |  
cap. 10.

Tom. I.

<sup>2</sup> Vopiscus ibid. Vide  
& Testimonia Veterum,

b

xxvj    *P R Æ F A T I O.*

fortè ultimus Tacitorum sanguis ,  
Polemius <sup>1</sup> , Galliarum prætorio  
præfectus , nobilitate & doctrinâ ,  
quasi hereditario jure , illustris , me-  
moratur circa annum Urbis conditæ  
MCCXXIX , Jesu Christi 476 , Au-  
gustuli & imperii Romani supre-  
mum.

VERUM longè major ingenii ;  
quàm sanguinis , laus exstitit , nec  
umquam intermoritura : crevit per  
ætates diffusa , a viris tum Princi-  
pibus , tum privatis , sanctitate ,  
sapientiâ , & fortitudine præcellen-  
tibus , ad nos transmissa : æternum  
vivet apud gentes literarum & ho-  
minum studiosas. Nullum superest  
tanti viri monumentum. Ejus ima-  
go , quæ Interamnæ in Apostolico  
palatio monstratur , nullâ valet  
antiquitatis commendatione. Ante  
ducentos annos , rudera ejus tumuli  
adhuc ostentabantur haud procul  
Interamnâ , viamque propter , quæ

<sup>1</sup> Sidonius Apollinaris , Epistol. IV, 14.

## P R Æ F A T I O. xxvij

Spoletum ducit. Quâ occasione  
Hector Simonetta ea solo æquave-  
rit, Tacitique cineres dissipaverit,  
mærens ejus filius, inscriptione in  
agro paterno positâ anno 1613,  
testatum voluit<sup>1</sup>.

FIG. V. P. O. M. E VATICANO ANTIQVAS STATVAS EHICI  
ROMAE MANDANTE

TACITI ET FLORIANI OPT. IMP. COENOTAPHIA  
IN PROPRIO SOLO CONSTRUCTA A FVLGINE ET  
ANTIQVITATE DEFORMATA

CORNELII TACITI HISTORICI DE RELIGIONE CHRISTIANA  
MALE OBLOQVENTIS MAVSOLEVM VETVSTATE  
COLLAPSVM SEMIDIRVTVM DISSIPATIS CINERIBVS  
DIRVI ET SOLO AEQVARI

MERIDIONALEM IMPERIALIS SOLI PARTEM EX RVINIS  
MYRO CINGI

HECTOR SIMONETTA FVNDI DOMINVS  
INTERAMNAE MANDAT

FVNDAMENTA VIX REMANENT PROH DOLOR TANTARVM  
ANTIQVITATVM IN A. P.

PAVLVS HECT. P. AD AETERNAM REI MEMORIAM POSVIT  
A. S. M. DC. XIII.

<sup>1</sup> Hæc fusè memorat | *Historia di Terni*, pag.  
Franciscus Angeloni, | 51.





*De præcipuis CORNELII  
TACITI editoribus &  
interpretibus.*

INTER initia renascentium literarum, & egregiæ illius artis, quæ hominum ingenia rem publicam fecit, Venetiis circa annum 1468 prodiit prima Taciti editio<sup>1</sup>, antiquitate, elegantia, raritate præstantissima. Multis quidem, & gravissimis erroribus, ut solitum est in

† Hæc prima Taciti editio prodiit sine ullâ loci & anni notâ, his quatuor versibus, in fine subjunctis, conspiciantur.

*Cæsareos mores scribit Cornelius : Esto*

*Iste tibi codex : Historiæ pater est.*

*Insigni quem laude feret gens postera : pressit*

*Spira premens, artis gloria prima suæ.*

Cum Joannes & Vendelinus de Spirâ splendidam Plinii editionem Venetiis vulgaverint anno 1469, hæc Taciti editio, artis gloria prima suæ, anno 1467 aut 1468 publicata est. In eâ continentur sex posteriores Annalium libri, & Historiarum libri quinque; Libellus de situ, moribus & populis Germaniæ; & Dialogus de claris Oratoribus.

# P R Æ F A T I O. xxix

primis quibusque editionibus, fœdata ; abest & Cn. Julii Agricolaë vita : adhuc quoque latebant sex priores Annalium libri. Nihilominus utilissima est, quòd complura veteris scripturæ in recentioribus editionibus perperam immutatæ vestigia retineat.

Franciscus PUTEOLANUS, Parmensis, literarum peritissimus, alteram editionem<sup>1</sup>, vitâ Julii Agricolaë auctam, Mediolani publicavit. Nitidiorem politioemque Tacitum

<sup>1</sup> Huic quoque editioni nulla est adjuncta loci, anni, typographi nota. Eam tamen Mediolani prodiisse haud dubium est, cum cetera Puteolani opera in hac urbe excusa sint, in quâ oratoriam artem magnâ cum laude profitebatur. Puteolanus addidit Vitam Julii Agricolaë; Annalium quoque & Historiarum libros ex M. codice Genuensi recensuit : unde sum-

num debet esse apud literarum amatores hujus editionis pretium, quam miror librorum rariorum indagatoribus fuisse incognitam. Exstat Parisiis in Bibliothecâ sanctæ Genovefæ : eam, pro suâ humanitate, literatis omnibus viris compertâ, mecum communicavit Cl. MERCIER, huic Bibliothecæ præfectus. Recusa est Venetiis annis 1497 & 1512.

*b iij*

## xxx PRÆFATIO.

fecit , tum suis , tum Berardini Lanterii , Mediolanensium ætate suâ eruditissimi , conjecturis ductus. Usus est quoque Ms. codice Genuensi. Tacitum autem nemo meliùs novit , veriùs expressit. Ejus judicium , cuius , ob libri raritatem , non ita obvium , filere nefas. *Omnem , inquit , historiæ legem absolvit Tacitus . . . . nihil falsi dicere , nihil veri omittere ausus. In scribendo enim ne suspectus quidem umquam fuit aut gratiæ , aut similitati aliquid tribuisse. Rerum rationem , quâ ordo temporum , regionum descriptio exigitur , nemo historicorum diligentius observavit. Jam consilia , acta , eventus , ut , dii boni , expendit ! & de consiliis quid probet , quid non. In rebus gestis non solum quid actum , sed quale. De eventu verò omnes causas explicat , casus sapientiæ , temeritatis ; hominum porro non solum res gestas , sed quæ fama , quod nomen , quæ natura ,*

*quæ vita. Quo artificio omnes meâ  
sententiâ facilè vicit, ita creber re-  
rum frequentia, ut verborum propè  
numerum sententiarum numero se-  
quatur; ita dein verbis aptus &  
pressus, ut nescias utrùm res oratio-  
ne, an verba sentiis illustrentur.  
In concionibus (audeo enim promere  
quod sentio) Livio quoque anteferen-  
dus, magis tamen Sallustii argutam  
densitatem, quàm hujus amplitudi-  
nem imitatus. Hunc primò legens,  
laudabis eloquentiam; cùm iterum  
in manus sumpseris, mirum acumen  
deprehendes, & miraberis, ubi con-  
tubernalem reddideris, sæpe artifi-  
ciosâ docebit varietate, immensâque  
jucunditate delectabit<sup>1</sup>.*

**LAUDUM** magnitudine, majori  
operis admiratione, excitato or-  
be literario, in museis omnibus  
quæsitum, si quid aliud tanti viri  
supereffet. Ac tandem in Cor-

<sup>1</sup> Ex præfatione edi- | Antiquario, Ducali Se-  
tionis Puteolani, Jacobo | cretario, inscriptâ.

# xxxij PRÆFATIO.

beienſi <sup>1</sup> ad Viſurgim monaſterio ab Angelo Arcomboldo , Leonis X Pontificis Maximi quæſtore, inventi ſunt quinque priores Annalium libri , quos Lipſius , aliiſque poſtea meliori partitione ſex numeravere. Hos cùm Pontifex , literarum decus & columen , magno quingentorum aureorum nummorum pretio redemiſſet , diligenterque evolviſſet , eorum lectionem *luculentam* , *variâ* , *utilem* , *dignamque omni liberali ingenio*<sup>2</sup> pronuntiavit ; voluitque ut quantò citiùs fieri poſſet a ſitu & oblivione in lucem & memoriam hominum vindicarentur. Id curæ demandatum Philippo BEROALDO , juniore , Academia Romanæ præpoſito : is imperatum opus pro Pontificis auctoritate ſuâque doctrinâ haud indiligenter præſ-

<sup>1</sup> *L'Abbaye de Corvey , en Weſtphalie :* locus religionis & literarum ſtudiis celeberrimus. Viſurgis autem

fluvius , nunc *le Weſer* :

<sup>2</sup> Ex literis Leonis Papæ X , quæ exſtant in calce editionis Beroldinæ.

# P R Æ F A T I O. xxxiiij

titit; inventosque libros ex manu scripto codice, qui postea Florentinæ Mediceorum bibliothecæ fuit illatus, ceteros ex Puteolani recensione edidit Romæ Kal. Martii anno MDXV<sup>1</sup>. In libri fine, infra gentilitia Leonis X insignia, adjectum, quod maximo Principe & literarum reparatore dignum: «No-  
» mine Leonis X Pont. Max. pro-  
» posita sunt præmia non mediocria  
» his qui ad eum libros veteres,  
» neque hætenus editos attulerint».

Alexander MINUTIANUS, Apulus, eruditus typographus Mediolanensis, & Historiæ professor; chartas Beroaldinæ editionis ex Urbe importatas recudit, ut eas auditoribus suis prælegeret. In calce operis reperit se imprudenter illapsum esse in Pontificium interdic-

<sup>1</sup> Cl. Maittaire, *Ann. Typograph.* Tom. V, part. 2. pag. 273, editionem Romanam anni 1514 memorat. Nempe scriptor ille privilegium, a Leone X datum anno 1514, in Taciti editionem transformavit.

xxxiv P R Æ F A T I O.

tum, quo cavebatur, ne quis intra decennium Tacitum recuderet. Culpæ veniam exoravit; suamque editionem, quibusdam in locis emendatam, & Andreæ Alciati notis auctam, absolvit anno MDXVII<sup>1</sup>.

BEATUS, aut veriùs BILDIVS RHENANUS, Selestadiensis, manuscripti codicis Budensis, olim Matthiæ Corvini, Hungariæ regis, copiam nactus, novam & aliquantò accuratorem editionem vulgavit Basileæ anno MDXXXIII. sæpe postea & variis in locis recusam<sup>2</sup>.

Iustus LIPSIUS, Belga, Corneliano spiritu afflatus, magnoque eruditionis paratu ad id opus accessit: omnem hujus laboris laudem reportaturus, si non excerpta tan-

<sup>1</sup> Cl. Maittaire, loc. cit. hanc editionem Romæ prodiisse perperam scribit. Fabricius quoque, *Bibliothec. Latin.* libr. IV. cap. 21. pag. 471, errat in anno. Ea

enim est anni 1517, non verò 1516; formæ in-4°. sed minimæ.

<sup>2</sup> Quarum omnium præcipua est, quæ prodiit Venetiis anno 1534, typis Aldinis.

tum Mss. codicum Vaticanorum, Farnesiani, Covarruviae, Sambuci, veterumque editionum adhibuisset, sed libros integros contulisset<sup>1</sup>. Ingenio eruditique commentariis utcumque id supplevit, & editionem ceteris omnibus, quæ antè prodierant præstantiorem, magnâ cum nominis sui gloriâ Antuerpiæ publicavit anno MDLXXIV. Quam postea ad annum usque MDC sæpe retractavit, emendavit, melioremque fecit. In hoc gloriæ suæ monumento rursus adornando immortalus est anno MDCVI, ætatis suæ LIX.

<sup>1</sup> Majorem laudem adhuc reportaturus, si libros edidisset, quibus contexerat Caianam historiam & initia Claudii Corneliano exemplo stiloque, ut ipse testatur in notis ad Annal. XI, 1. At in migrationibus suis, quas frequentes fecere turbulenta tempora, laborem hunc, fraude an casu, sibi

periisse ibidem declarat. Jactura tantò gravior mihi videtur, quòd hæc adolescens scripserat, ac proinde cum ei molle & elegans adhuc erat ingenium. Postea, singulari humani ingenii inconstantia, in deterius mutatus, durum & horridum scribendi genus adfectavit.

*b vj*



xxxvj *P R Æ F A T I O.*

Lipsiorum stirpis ultimus, & magnum decus <sup>1</sup>.

INTER tantos Lipsii labores, Curtius PICHENA, Magni Ducis Etruriæ a secretis, in emendando Tacito Florentiæ utilem operam posuit <sup>2</sup>. Usus manu scriptis codicibus bibliothecæ Medicæ, loca plurima, quæ alios fugerant, restituit & explicavit. Iis Lipsius non mediocriter profecit in posterioribus suis editionibus, ut nitescerent.

Matthias BERNEGGERUS, Germanus, magis ad utilitatem, quàm ad splendorem, sine ullâ tamen Mss. librorum ope, Taciti editionem accuraverat. Eo defuncto, gener ejus Joannes Freinshemius, vir in republicâ literariâ notissimus,

<sup>1</sup> Innumeræ postea fuerunt Lipsianæ editiones, quarum nitidissimæ sunt quæ typis Elzevirianis prodire Lugduni Batavorum annis 1621, 1634 & 1640.

<sup>2</sup> Pichena seorsus notas primùm edidit; deinde editionem ipse adornavit excusam Francofurti anno 1607. & Aureliæ Allobrogum anno 1609.

## *P R Æ F A T I O. xxxvij*

eam non perpetuis , sed selectis  
notis locupletatam , & a Melchiore  
Freinshemio communibus cum fra-  
tre studiis copioso indice instructam;  
juris publici fecit Argentorati anno  
MDCXXXVIII.

Joannes Fredericus GRONOVIVS,  
Batavus , Berneggerianam editio-  
nem , levi suâ operâ , sed nitidiore  
chartâ , elegantioribus typis , cum  
suis Variorumque notis & quibus-  
dam variantibus Mss. Oxoniensis  
lectionibus in operis calce subjun-  
tis Lugduni Batavorum absolvebat  
anno MDCLXXII, cùm vivendi finem  
fecit. Eadem editio pari nitore  
iterum prodiit Amstelodami anno  
MDCLXXXV.

Julianus PICHON , Gallus , ad  
majora vocatus , vix paria præstitit:  
nullâ adhibitâ Mss. codicum vete-  
rumque librorum collatione , gran-  
dem tamen , sed indigestâ mole  
gravidam , editionem ad usum Se-  
renissimi Delphini Parisiis apparavit

## **xxxviij P R Æ F A T I O.**

anno MDCLXXXII. Recusa est Venetiis anno MDCCVII.

Theodori RYCKII, Batavi, breviora, sed meliora utilioraque in Tacitum studia. Prodiere Lugduni Batavorum anno MDCLXXXVII. Niti-diùs, commodiùsque in lucem iterum emissa Dublinii anno MDCCXXX. Præsto fuere tum excerpta ex Mss. Regio & Florentino, tum Ms. codex, qui olim Rudolphi Agricolaë fuerat. Ei tamen plus æquo tribuit Ryckius, cùm ille codex non tam veterem scripturam, quàm viri eruditi conjecturas contineat.

Christianus HAUFFIUS, Germanus, nihil operæ in emendando Tacito, nimis in explicando collocavit Lipsiæ anno MDCCXIV. Eum enim ita minutatim explanat, ut lectorem fatiget magis, quàm dirigat.

Jacobus GRONOVIVS, Joannis Frederici filius, paternam editionem cum Mss. Florentinis recognitam,

ſuiſque & Variorum notis cumulatam prælo paraverat , cùm morte interceptus eſt anno MDCCXVI. Filius ejus Abraham Gronovius eam Trajecti ad Rhenum anno MDCCXXI publicavit : patris memoriæ conſulturus , ſi convicia adverſùs Rycium , aliaque multa erudito viro indigna omiſiſſet. Ad operis calcem reperire eſt varias quaſdam lectiones ex Mſſ. codicibus Bodleiano & Arundelliano excerptas.

Joannes Auguſtus ERNESTUS , Germanus , in eandem palæſtram Lipſiæ proceſſit anno MDCCLII ; & maximam poſt Lipſium laudem conſecutus eſt. In conferendis enim veteribus editionibus & Mſ. codice Guelferbytano acer & diligens , multa quæ alios latuerant correxit ; ſuaſque notas Lipſii & Joannis Frederici Gronovii commentariis addidit : alteram editionem , quam ex priorè noſtrâ editione paullo meliorem fecit , anno MDCCLXXII publicavit.

*xl*     **P R Æ F A T I O.**

**P**OSTEA prodire elegantiores editiones Glasguæ anno MDCCLIII; Londini anno MDCCLX. Illa ut J. Gronovii, hæc ut Ryckii exemplar exprimeret. Eamdem elegantiam Parisiis anno MDCCLX exhibuit Cl. Joannes Nicolaus LALLEMAND; quam suâ curâ notisque insuper illustravit. In hac editione Parisiensi omissus est Dialogus de Oratoribus, qui in omnibus editionibus antè comparuerat.

**S**ATIS sit præcipuos Taciti editores recensuisse. Eos, qui in omnes ejus libros, vel singulos, notas, animadversiones, commentarios conscripserunt, commemorare infinitum foret ac fastidiosum. Multi enim illaudabiles, quales Æmilius FERRETUS, Carolus PASCHALIUS, Ludovicus D'ORLEANS &c. Nonnulli tamen nobiles & egregii, ut M. Antonius MURETUS, Fulvius URSINUS, Hugo GROTIUS, Daniel HEINSIUS, Godefridus Guilielmus

*P R Æ F A T I O. xlj*

**LEIBNITIUS**, & alii quos pro loci opportunitate & utilitate libenter ultroque laudabimus.

**VERUM** cùm minùs voluptatì, quàm utilitati publicæ, scriptis suis consultum voluerit **Tacitus**, gens ferme nulla est, quæ eum indigenam ac popularem habere non voluerit. In hac tantâ interpretum multitudine, principes appellare juvat. Suum habent Germani **MI-CYLLUM**, suum Batavi **HOOFDIUM**; gentilibus probatos. Inter Hispanos de principatu tres certant **Emmanuel SUEYRO**, **Balthazar ALAMOS**, & **Carolus COLOMA**, quibus haud tam splendor, quàm brevitatis deest. Plures habent Itali, quos inter eminent **Georgius DATI**, **Bernardus DAVANZATI**, & **Adrianus POLITI**. Palmam singulari brevitatis felicitate præripuit **DAVANZATI**. Laudem inter Britannos sibi pepererant **Richardus GRENEWAY** & **Henricus SAVILE**; eam in se traxit **Thomas**

*xlij*    **P R Æ F A T I O.**

GORDON, accuratior quidem, sed adhuc paullo laxior. Antiquum quoque Gallis fuit studium, ut Tacitum interpretarentur. Jam pridem rudi vetustate obsoluere FAUCHET, DE LA PLANCHE, alique hujus veterani. Aliquid artis & ingenii promere coepit Achilles DE HARLAY. Plus elegantiae, haud satis veritatis indidit Nicolaus PERROT D'ABLANCOURT. Mole exemplorum, tædia aggeravit Abraham Nicolaus AMELOT DE LA HOUSSAIE<sup>1</sup>. Ejus versioni, auctoris morte interruptæ, finem imposuit Franciscus BRUYS, vitiis, quàm virtutibus similior.

IN his tentamentis aliquamdiu subsisterant Gallicæ literæ, cùm recens nos rapuit studiorum impetus.

<sup>1</sup> Amelot de la Houssaie XIII priores Annalium libros vertit. Cetera Taciti opera interpretatus est Franciscus Bruys, sed dissimulato suo nomine. *Tacite avec des*

*notes politiques & historiques par M. Amelot de la Houssaie & M. L. C. D. G\*\*\*. A la Haye, chez Scheurleer. 1731 = 1735. 10 vol. in-12.*

*P R Æ F A T I O. xliij*

Tum suam versionem adornavit Cl. GUERIN : aliam meditabatur ; jamque per partes edere cœperat Cl. DE LA BLETERIE ; quam non finivit , morte interceptus. Quæ deerant , perfecit Cl. DOTTEVILLE. Interpretandi leges præscripsit , & ad earum formam selecta & splendida Taciti loca expressit Cl. D'ALEMBERT. Eorum exemplis famâque plures excitati novas apparant Taciti interpretationes. Vigeat crescatque egregius ille ardor , quo summus scriptorum imperii Romani non modò apud nos magis ac magis inclarescet , sed si suâ eum vi ac brevitate exprimimus , magnum accedet literaturæ nostræ decus & incitamentum.

IN hoc autem interpretationis genere non stetit Taciti admiratio : alterum excogitavit , quò licentiùs exspatiaretur. Illustriores scilicet Taciti sententiæ præcipuaque verba , tamquam primaria & propria



sapientiæ principia sunt excerpta ,  
 amplificata , tum veterum , tum  
 recentium ætatum exemplis com-  
 probata. Hac in studiorum palæstrâ,  
 speciosiori fortè , quàm utiliori ,  
 multi inter Italos defudarunt , quo-  
 rum nobilissimi sunt Scipio AMMI-  
 RATO , Ascanius PICCOLOMINI ,  
 Trajanus BOCCALINI , Philippus  
 CAVRIANA , Virgilius MALVEZZI ,  
 & Raphael DALLA TORRE. Eam-  
 dem apud Germanos laudem æmu-  
 lati sunt Janus GRUTERUS , Chris-  
 tophorus FORSTNERUS , Cornelius  
 Lentulus DE LENTZ , aliique plu-  
 rimi ; & fortè iis meliores , quia  
 breviores , Abraham GOLNITZ &  
 Marcus A RECHLINGEN. Non so-  
 lùm inter Hispanos , sed etiam inter  
 Italos nomen obtinuit Balthazar  
 ALAMOS. His maximè operibus  
 apud Gallos innotuit Amelot DE LA  
 HOUSSAIE. Majorem in Britannia  
 celebritatem adsecutus est Thomas  
 GORDON. At , quod jam suprâ

monui, plus mihi videtur in his politicis exercitationibus ostentationis, quàm utilitatis: iisque præceptoribus retardatur magis, quàm incitatur animus. Brevius certiusque iter ingrediendum. Quisquis politicam prudentiam addiscere cogitat, Tacitum legat. Qui mentem eâ imbutam percipit, Tacitum relegat. Hac viâ iere sapientiæ procures, quos prior ætas mirata est. Hac pergant, quos gloria & utilitatis publicæ studium accendit.

*De alterâ hac CORNELII  
TACITI editione.*

SUPEREST, ut laboris mei consilia subsidiaque, quod utrique editioni commune est, paucis expediam; simul quoque, quæ sint hujusce alterius editionis propria, explicem. Mens fuit Tacitum, ad manu scriptorum codicum veterumque & optimarum editionum fidem.

*xlviij* P R Æ F A T I O.

CORNEILLE & Joannis RACINE ,  
quàm validus sit Tacitus fecun-  
dandis ingeniis , ostendere. De  
Christianis , falso incendii crimine  
a Nerone irretitis , dictum ; & ,  
cùm de Judæis esset dicendum ,  
plura de Judæis Sinensibus placuit  
subnectere , tum ob materiæ novi-  
tatem , tum ut Romanorum Sinen-  
siumque hac de re judicia comparare  
promptum foret. Pariter , ut abo-  
leretur opinio , quæ apud quosdam  
invaluit , Tacitum in Germaniæ  
descriptione plus ingenio , quàm  
veritati indulgisse , Germanorum  
mores cum veteribus nostris legibus  
& historiis , cum vigentibus adhuc  
moribus populorum illorum , quos  
barbaros ferocesque appellamus , quòd  
ævi prioris humanitatem nondum  
dedocuere , assidue contuli. Sic  
enim , non nostro suffragio , at  
sæculorum hominumque consen-  
su approbatum est Tacitum non  
modò fuisse maximum antiquitatis  
pictorem ,

pietorem, quæ propria ejus laus, atque omnium sermonibus jam pervulgata, sed & verissimum; quod erat evincendum. Demum cùm vel optimi scriptores multa fileant, quæ tamen nosse quorundam interest, Anecdota ex variis auctoribus collegi, ut harum rerum curiosis satisfacerem.

CURAS ultrà intendi; cùmque summopere dolerem Tacitum truncum ac mutilum circumferri, ad Supplementa adverti animum, non quòd Tacitum æquari posse considerem, sed ut plenior faciliorque flueret ejus narratio, si deperdita ex veterum scriptorum & monumentorum fide supplerentur, stilo moreque Corneliano expressa. Inde adlaboravi, ut Sejani ruina, ceteraque, quæ in quinto Annalium libro deerant, restituerentur. Disjunctos antea libros sextum & undecimum conjungere res Caii Principis & Claudii initia, quatuor libris

*Tom. I.*

c

## 1 P R Æ F A T I O.

composita. Finis quoque libro sextodecimo additus, ut Neronis suprema traderentur. In his quidem subsistere animus primùm fuerat : at postea satiùs visum quìnto quoque Historiarum libro opem ferre, & jam narrari coeptum Hierosolymorum gentisque Judaicæ excidium prosequi. Cetera Vespasiani, Titi, Domitiani, atque Nervæ tempora, ad alterum usque Trajani consulum (hic enim supremus est annus a Tacito memoratus, ac laboris nostri in priorè editione finis) brevi & compendiosâ Appendice declarata sunt.

POSTEA cùm per otium commodamque in alterâ hac editione voluminum partitionem licuisset magis exspatiari, nolui ut egregia Trajani tempora diutiùs silerentur; ejusque res æternâ memoriâ dignas ex veteribus scriptoribus monumentisque composui, quod hætenus ab eruditis viris erat desideratum, & a

## **P R Æ F A T I O.    *ij***

nemine satis præstitum. Tum quoque me piguit Dialogum de Oratoribus ex magnâ suâ parte truncum reliquisse : partem illam supplevi , ut plenior graviorque atque utilior legi posset Dialogus, qui ob elegantiam, concinnitatem, documentorumque opportunitatem, inter præstantissima antiquitatis opera semper adnumerabitur.

NULLA jam Taciti pars hiulca remanebat : animum itaque applicui, ut altera hæc editio novis quoque dissertationibus illustraretur. Veteres ergo Gallorum glorias Tacito celebratas explicavi. De eunuchis, quorum non in Oriente tantum, sed apud Romanos etiam, validissimum fuit nomen, nova & eruditis viris nondum satis perspecta protuli. Ut quæ de Romæ magnitudine incolarumque numero prius dixeram, illustri exemplo confirmarem, inquisivi in populi frequentiam apud Sinas, hujusque tantæ  
*c ij*

## *lij*    *P R Æ F A T I O.*

frequentia<sup>æ</sup> causas. Quæ de ærario , de tributis vectigalibusque populi Romani antè docueram , additamentis confirmavi. Pueros puellasque Ulpianos alimentarios , præstantissimum dignumque optimo Principe institutum , pro rei dignitate & utilitate , cum celeberrimâ ; quæ exstat , Inscriptione , diligenter exposui. De Christianis quoque cum sæpe esset mihi agendum , juvit cur ab optimis etiam Principibus vexarentur expendere. Stupenda demum Trajani opera , pontem supra Danubium , columnam , navem omnium maximam , aliaque id genus monumenta , singillatim descripsi. Et , cum sese occasio dedisset , ut Fragmentum Titi Livii , recens repertum , laudarem , operam meam desiderari non sum passus , ut eruditis viris gratificarer , qui foedam hanc & laceram Livii laciniam integritati suæ restitutam percuperent. Illud ergo Fragmentum supplemento

explevi ; & , ne quid deesset utilitati publicæ , adnotationibus illustravi.

HÆC cùm præstitissem , nihil reliquum mihi visum , quàm ut miram in Tacito rerum civilium prudentiam , omnibus celebratam , nec umquam fatis prædicatam , sub uno quasi intuitu conspiciendam , & politicæ scientiæ cupidis facile parabilem proponerem. Quod ut adsequerer , Taciti politica non modò collegi , sed & ex iis politicum quoddam corpus conflavi , quod quæ in publicæ rei vitæque communis usu præcipua sunt complecteretur. Iis imbutus animus alia plurima & exquisitissima , Tacitum relegendo , deteget , quibus , ut suis , nec a me monstratis , gratiùs adhuc utiliùsque perfruetur. Ea sunt additamenta , quæ alteram hanc editionem , mole minorem , quòd quædam omissa sunt , quæ si quis desiderat , facile ex priorè editione repetet ,

*a    iij*



rebus tamen majorem fecere. Indices quoque & commodius & copiosius distributi sunt.

N U N C verò percurſis laboris noſtri conſiliis , quæ nobis fuerint ſubſidia memorandum. Super editiones , quas in alterâ Præſationis parte modò appellavimus , adjumento fuere manu ſcripti codices , tum ab aliis , tum a nobis inſpecti. Antiquitate principes habet Florentina Bibliotheca. Ibi , ut jam monui , Mſ. codex , omnium vetuſtiſſimus , in Corbeiensî monaſterio repertus. Tiberii principatû , ſeu ſex priores Annalium libros , tantûm complectitur. Alter ibidem eſt Mſ. codex , in quo ſunt ſex poſteriores Annalium , & Hiſtoriarum quinque libri. Exaratus eſt literis Longobardorum , quorum res in Italiâ Carolus Magnus adſcripſit anno 772. Eum Pichena longè vetuſtiorẽ credidit , quòd in eo ſubſcriptum reperit : *Ego Salluſtius legi & emendavi*

## **P R Æ F A T I O.      lv**

*Romæ fœlix , Olibrio & Probino consulibus , in foro Martis controversias declamans oratori Endelexio. Rursus Constantinopoli recognovi Cæsario & Attico consulibus. At librariis mos sæpe fuit , quæ in codicibus reperirent , transcribere , non observatâ ratione temporum , quibus eos describebant. Id quamplurimis compertum exemplis. Langobardicâ autem scriptura evidenter arguit codicem illum Romæ non fuisse scriptum anno Urbis conditæ MCDLVIII , Jesu Christi 395 , quo Olibrius & Probinus consules fuere ; neque Constantinopoli recognitum biennio post , cùm Cæsarius & Atticus eandem dignitatem inierant. Ibi quoque vidi duos alios codices , sed recentissimos , quorum alter ab undecimo Annalium libro ad finem libri secundi Historiarum , alter eosdem Annalium , & Historiarum libros quinque complectitur.*

*c iv*

## *lvj* P R Æ F A T I O.

VATICANA Bibliotheca , non antiquitate codicum , sed numero præcellit. Quatuor in eâ reperi Mss. codices numeris 1863, 1864, 1958 & 2965 notatos. Sex posteriores Annalium , & Historiarum quinque libros habent singuli. Hos inter antiquior videtur Ms. 1864<sup>1</sup>, exaratus sæculo XIV exeunte , aut ineunte XV. Ejusdem ferme antiquitatis est Ms. 1863<sup>2</sup>. Multò recentior Ms. 2965 : neque , ut alii , membranaceus , sed chartaceus. Iis accuratior est Ms. 1958<sup>3</sup>. Ejus ætas in libri fine expressa : *Si quis-  
piam hinc descripserit novum , sciat  
me , quantum reperi , fideliter ab*

<sup>1</sup> Codicem illum haud abfimilem esse codici , quem Lipsius Farnesianum appellat , quemque contulit Jacobus Corbinelli , sæpe sum expertus.

<sup>2</sup> Ex hoc codice , aliove simili , profecta videtur editio princeps.

Nec dissimilis est Ms. codex Bibliothecæ Regiæ Parisiensis.

<sup>3</sup> Descriptus est e Ms. codice Genuensi , quem vidit , aut cujus exemplar habuit Franciscus Puteolanus , ut jam observavimus suprâ pag. **xxviii.**

# P R Æ F A T I O. lvij

*exemplo transcripsisse, quod inter cetera, de quibus scitur, non est neque pessimum, neque mendosissimum. Τέλος Θεῶν χάριν. Die septimadecima Octobris ab ortu Salvatoris nostri domini Jesu Christi anno M. CCCCLVIII. Genuæ, pridie festum divi Lucæ Evangelistæ.*

PRÆTEREA Vaticana Bibliotheca minores habet Taciti libros. In Ms. 1518<sup>1</sup> C. Cornelii Taciti *Dialogus de Oratoribus*. C. Cornelii Taciti *de origine & situ Germanorum*. Ms. 1862<sup>2</sup> C. Cornelii Taciti *de origine & situ Germanorum*. Cornelii Taciti *Dialogus de Oratoribus*. Ms. 2964<sup>3</sup> Cornelius Tacitus *de origine & situ Germanorum; & pars Dialogi de Oratoribus*.

<sup>1</sup> Membranaceus est: sæculo XIV scriptus videtur.

<sup>2</sup> Sæculo XV, ut videtur, exaratus; & membranaceus. In fine Dialogi a scribâ additum: *Ego tantum repperi, &*

*meliusculum feci.*

<sup>3</sup> Chartaceus est, & sæculi XV. Pars autem Dialogi, quæ ibi exstat, incipit tantum ab iis verbis cap. 26. *Expectabam, ut incusato Asinio, &c.*

C V

# lviiij P R Æ F A T I O.

Ms. 3429 <sup>1</sup> *Cornelii Taciti de vitâ & moribus Julii Agricolaë.* Ms. 4498 <sup>2</sup> *Caii Cornelii Taciti de vitâ & moribus Julii Agricolaë. C. Cornelii Taciti Dialogus de Oratoribus. C. Cornelii Taciti de origine & situ Germanorum.* In Ms. 5393 <sup>3</sup> sunt tantum ex Julio Cæsare & Cornelio Tacito excerpta. Consilium suum nomenque auctor ipse prodidit: Ex commentariis Caii Julii Cæsaris; nec non ex libris Cornelii Taciti, Historici facundissimi, eloquentiæ latinæ delectum, & ad Historias componendas, & ad quodcumque genus aptissimum Nicolaus Liburnius Venetus studiosè ac diligenter digessit. In his excerptis partem longè maximam obtinet Tacitus.

<sup>1</sup> Chartaceus quoque codex; & descriptus a Pomponio Læto, viro eruditissimo, qui septuagenarius Romæ mortuus est exeunte sæculo XV. In libri capite notatum: *Vita Agricolaë scripta*

*manu Pomponii Læti; & erat codex Fulvii Ursini.*

<sup>2</sup> Membranaceus est: sæculo XV egregiè scriptus.

<sup>3</sup> Chartaceus est, & recens.

# P R Æ F A T I O. lix

SUAS quoque opes, vel inter tum ferventia bellorum dissidia, contulit Britannia. Eruditique OXONIENSES, pro suo in literas & Tacitum studio, codices Harleianum <sup>1</sup>, Bodleianum <sup>2</sup>, tertiumque Collegii Jesu <sup>3</sup> ultro communicavere, quos Cl. Samuel MUSGRAVE cum Er-

<sup>1</sup> Codex ille scriptus est anno 1452, ut constat ex librarii notâ, Hist. III, 34 appositâ: *Hodie autem ab ortu Creatoris sunt anni M. CCCCLII.* In libri fine additum; *In exemplari tantum erat.* Si quispiam hinc descripserit, sciat me quantum reperi ab exemplari transcripsisse. E M<sup>s</sup>. codice Genuensi profectus est, ut & M<sup>s</sup>. Vaticanus 1958. Præterea collatus est cum M<sup>s</sup>. Vatic. 1863, aliove simili.

<sup>2</sup> Eum descriptum fuisse Genuæ anno 1463 indicat librarii nota, Historiarum fini sub-  
iuncta, *In exemplari*

*tantum erat.* Si quispiam hinc descripserit novum, sciat me quantum repperi fideliter ab exemplo transcripsisse: quod inter cetera non est neque pessimum, neque mendosissimum. *Τίλος Θιῶ χάριν.* Genuæ pridie Idus Decembres anno M. CCCCLX tertio. Similem ferme finem in M<sup>s</sup>. Vaticano 1958 vidimus suprâ pag. LVII.

<sup>3</sup> Descriptus est quoque e M<sup>s</sup>. Genuensi, aut ex ejus exemplari, anno 1458, ut liquet ex librarii notâ quæ exstat Hist. III, 34. *Hodie autem ab ortu Creatoris sunt anni M. CCCCLVIII.*

c vj

# lx      P R Æ F A T I O.

nestinâ editione comparavit, omnesque eorum varietates singulari diligentîâ adnotavit. Pronum hunc doctissimæ gentis in nostros labores animum acceptum referimus clarissimis viris CAROLO MORTON, Regiæ Societati a secretis, Musei Britannici præfecto, & ANTONIO BUTLER, sacrâ eruditione, dum vixit, percelebri, quorum egregiam hac in re voluntatem nos esse expertos grati ac memores libenter profite-mur.

NOSTRA etiam studia humaniter, ut solebat, donec per præpropera fata literis nuper est ereptus, promovit CL. CAPPERONNIER, cui Regiæ Bibliothecæ Parisiensis custodia erat demandata. At in eâ unus est Ms. codex Taciti<sup>1</sup>; isque recens: haud tamen spernendus, quòd ab

<sup>1</sup> Chartaceus est; & sub finem sæculi XV scriptus: quem Bibliothecæ Regiæ obtulit Carolus Du Fresne, Dominus Du Cange anno M. DCLXXXII. ut in libri capite notatum.

eodem codice , quo editio princeps, profectus videtur. Denique non-nihil opis attulit Mf. codex Jacobi CORBINELLI <sup>1</sup>. Sic appellamus codicem ; cujus varias lectiones ad oram Beroaldinæ editionis ipse adscripserat.

SUPER hæc Mss. librorum subsidia , inter laboris nostri adminicula numeraverim breves notas manuscriptas , quas docti viri Marcus Antonius MURETUS , Guillelmus PELLICERIUS , Episcopus Monspelienſis, Daniel HUETIUS, Episcopus

<sup>1</sup> Codex , quem Jacobus Corbinelli , vir literarum & Taciti studiosissimus , contulit , in locis quamplurimis cum Farnesiano codice,quem laudavit Lipsius , consentit; ut jam monuimus suprà pag. LVI. Præter hos omnes codices, quos memoravimus, serò nobis innotuit Mf. codex membranaceus , qui Parisius adservatur , in

Bibliothecâ Institutionis Oratorii Jesu. Quantum ex libri fine & quibusdam locis , quæ inspexi , intelligere est ; haud diversus videtur a codice , quem Jacobus Corbinelli contulit. Quod magis patuit , cum illum evolvit Cl. DOTTEVILLE , Annaliumque & Historiarum libros , quos continet , ipse evulgavit.



## *Lxij*      *P R Æ F A T I O.*

Abrincensis, marginibus exemplorum Taciti, quibus utebantur, inscripserant. Cl. Fredericus Samuel SCHMIDT, juvenis multiplici literarum laureâ nobilis, ad nos transmisit ex Bibliothecâ publicâ Bernensi observationes ab eruditis viris Jacobo CUJACIO & Jacobo BONGARSIO exemplaribus suis illitas. Nonnullas etiam reperi in Mss. Adversariis Dionysii PETAVII, tanti viri eruditione haud indignas. Accepi ab Illustrissimo CHIFFLET, senatûs Vefontini præside, Mss. commentarios Cl. Claudii CHIFFLETII in Tacitum, quos, licet conjecturis aliquando indulgeat, sæpius laudassem, si iis & citiùs & diutiùs frui licuisset. Suam quoque in nos voluntatem testatam voluit Illustrissimus Josephus Andreas ZALUSKI, Kioviensis & Czernichoviensis Episcopus, misitque e Bibliothecâ suâ Varsavianâ Berneggerianam editionem, notis quidem

*P R Æ F A T I O.      lxiij*

**Mss.** instructam, sed cùm omnes ex Lipsii commentariis sint excerptæ, nihil novi adjumenti protulere. Nec ideo silenda nobis fuit voluntas egregii viri, nobis amicissimi, qui ante aliquot annos in summâ vitæ & virtutum claritate mortuus est. Memoraverim quoque Gryphianam editionem a Cl. GOBET nuper ad nos allatam, cui quasdam adnotatiunculas addiderat Nicolaus NANCELIUS, vir medicinæ magis, quàm historiæ peritus: ita oscitanter, & ab eruditione imparatus, Tacitum legerat, ut in eo nihil opis esse possit.

**I**is, per quos profeci, commemoratis, haud siluerim primum laboris nostri hortatorem instinctoremque Cl. Hippolytum Ludovicum GUERIN. Nostras quidem laudes, si adhuc viveret, ejus modestia oppressisset. Eas nunc omittere non finit ejus vita, optimi civis officiis, ingenii facilitate, morum constantiâ,

*lxiv*    *P R Æ F A T I O.*

prudentiâ consiliorum , literarum cultu , artis suæ typographicæ splendore illustrata ; & , quod certissimum est veræ virtutis argumentum , memoria post fata superstes , bonarumque artium studiosis carissima. Felix , qui , cùm laudabilis vitæ spatia implevisset , reliquit , quos eadem laudis æmulatio succendit.

HÆC fuere præfanda , ut Cornelii Taciti vita & scripta , præcipui ejus editores & interpretes , hujus editionis consilia ac subsidia recenserentur. Eâ curâ perfunctus , eruditum lectorem mei rerumve mearum commemoratione haud morabor. Velim tantùm ut pro suâ eruditione atque humanitate studiis meis faveat & indulgeat.



---

# TESTIMONIA

## VETERUM SCRIPTORUM

### DE C. CORN. TACITO.



*EX EPISTOLIS*  
C. PLINII CÆCILII SECUNDI.

---

*LIBR. I. Ep. VI.*

C. PLINIUS CORN. TACITO SUO S.

**R**IDEBIS, & licet, rideas. Ego ille, quem nosti, apros tres, & quidem pulcherrimos, cepi. Ipse, inquis? Ipse: non tamen ut omnino ab inertia meâ & quiete discederem. Ad retia sedebam: erant in proximo, non venabulum aut lancea, sed stilus & pugillares. Meditabar aliquid enotabamque, ut si manus vacuas, plenas tamen ceras reportarem. Non est quod contempnas hoc studendi genus. Mirum est, ut animus agitatione motuque corporis excitetur. Jam undique silvæ & solitudo, ipsumque illud silentium, quod venationi datur, magna cogitationis incitamenta sunt. Proinde cum venabere,

licebit , auctore me , ut panarium & lagunculam , sic etiam pugillares feras. Experieris non Dianam magis montibus , quàm Mineram inerrare. Vale.

*LIBR. I. EP. XX.*

C. PLINIUS CORN. TACITO SUO S.

FREQUENS mihi disputatio est cum quodam docto homine & perito , cui nihil æquè in causis agendis , ut brevitatis placet. Quam ego custodiendam esse confiteor , si causa permittat : alioquin prævaricatio est , transire dicenda ; prævaricatio etiam , cursim & breviter attingere , quæ sint inculcanda , infigenda , repetenda. Nam plerisque longiore tractatu vis quædam & pondus accedit. Utque corpori ferrum , sic oratio animo non ictu magis , quàm morâ imprimitur. Hic ille mecum auctoritatibus agit , ac mihi ex Græcis orationes Lysiae ostentat ; ex nostris Gracchorum Catonisque , quorum sanè plurimæ sunt circumcisæ & breves : ego Lysiae Demosthenem , Æschinem , Hyperidem , multosque præterea Gracchis ; & Catoni , Pollionem , Cæsarem , Cœlium , in primis Marcum Tullium , oppono , cujus oratio optima fertur esse , quæ maxima. Et hercule , ut aliæ bonæ res , ita bonus liber melior est quisque , quò major. Vides ut statuas , signa , picturas , hominum denique , multorumque animalium formas , arborum etiam , si modò sint decoræ , nihil magis quàm amplitudo commendet. Idem orationibus evenit : quin etiam voluminibus ipsis auctoritatem quamdam & pulchritudinem

adjicit magnitudo. Hæc ille, multaque alia; quæ a me in eandem sententiam solent dici, ut est in disputando incomprehensibilis & lubricus, ita eludit, ut contendat, hos ipsos, quorum orationibus nitar, pauciora dixisse quàm ediderint. Ego contrà puto. Testes sunt multæ multorum orationes, & Ciceronis pro Murenâ, pro Vareno; in quibus brevis & nuda quasi subscriptio quorundam criminum solis titulis indicatur. Ex his apparet, illum permulta dixisse; cùm ederet, omisisse. Idem pro Cluentio ait, se totam causam veteri instituto solum perorasse, & pro Cornelio quatrIduo egisse: ne dubitare possimus, quæ per plures dies, ut necesse erat, latius dixerit, postea recisa ac purgata in unum librum, grandem quidem, unum tamen, coarctasse. At aliud est actio bona, aliud oratio. Scio nonnullis ita videri: sed ego (forsitan fallor) persuasum habeo, posse fieri, ut sit actio bona, quæ non sit bona oratio; non posse non bonam actionem esse, quæ sit bona oratio. Est enim oratio actionis exemplar, & quasi ἀρχέτυπον<sup>1</sup>. Ideo in optimâ quâque mille figuras extemporales invenimus: in his etiam, quas tantum editas scimus, ut in Verrem: *Artificem quem? quemnam? Rectè admones: Polycletum esse dicebant.* Sequitur ergo, ut actio sit absolutissima, quæ maximè orationis similitudinem expresserit, si modò justum & debitum tempus accipiat: quod si negetur, nulla orationis, maxima judicis culpa est. Adsunt huic opinioni meæ leges, quæ longissima tempora largiuntur, nec

<sup>1</sup> *Imago primigenia.*

brevitatem dicentibus, sed copiam, hoc est; diligentiam, suadent; quam præstare, nisi in angustissimis causis, non potest brevitatis. Adjiciam quod me docuit usus, magister egregius. Frequenter egi, frequenter judicavi, frequenter in consilio fui. Aliud alios movet; ac plerumque parvæ res maximè trahunt. Varia sunt hominum judicia, variæ voluntates: inde qui eandem causam simul audierunt, sæpe diversum, interdum idem, sed ex diversis animi motibus sentiunt. Præterea suæ quisque inventioni favet, & quasi fortissimum amplectitur, cum ab alio dictum est, quod ipse prævidit. Omnibus ergoandum est aliquid, quod teneant, quod agnoscant. Dixit aliquando mihi Regulus, cum simul adessemus: *Tu omnia, quæ sunt in causâ, putas exsequenda; ego jugulum statim video, hunc premo.* Premit sanè quod elegit, sed in eligendo frequenter errat. Respondi posse fieri, ut genu esset, aut tibia, aut talus, ubi ille jugulum putaret. At ego, inquam, qui jugulum perspicere non possum, omnia pertento, omnia experior, πάντα denique λίθοι κινῶ<sup>1</sup>. Utque in agriculturâ non vineas tantum, verum etiam arbuta; nec arbuta tantum, verum etiam campos curo & exerceo; utque in ipsis campis non far aut siliginem solam, sed hordeum, fabam, ceteraque legumina sero: sic in actione plura quasi semina latius spargo, ut, quæ provenerint, colligam. Neque enim minùs imperspicua, incerta, fallaciaque sunt judicum ingenia, quàm tempestatum terrarumque. Nec me præterit, summum oratorem Periclem sic a comico Eupolide laudari,

<sup>1</sup> *Omnem lapidem moveo.*

Πρὸς δὲ γ' αὐτῷ τῷ τάχει

Πειθῶ τις ἐπεκάθητο τοῖς χείλεσιν.

Οὕτως ἐκάλει, καὶ μόνος τῶν ῥητόρων

Τὸ κέντρον ἐγκατέλιπε τοῖς ἀκροαμένοις <sup>1</sup>.

Verum huic ipsi Pericli nec illa πειθῶ, nec illud ἐκάλει brevitatem, vel velocitatem, vel utrâque (differunt enim) sine facultate summâ contigisset: nam delectare, persuadere, copiam dicendi spatiumque desiderant: relinquere verò aculeum in audientium animis is demum potest, qui non pungit, sed infigit. Adde, quæ æquè de eodem Pericle comicus alter <sup>2</sup>,

Ἡρακλῆς, ἰδρόντα, ξυνεκύκα τὴν Ἑλλάδα.

Non enim amputata oratio & abscissa, sed lata, & magnifica, & excelsa tonat, fulgurat; omnia denique perturbat ac miscet. Optimus tamen modus est: quis negat? Sed non minùs non servat modum, qui infra rem, quàm qui supra: qui adstrictiùs, quàm qui effusiùs dicit. Itaque audis frequenter, ut illud immodicè & redundanter, ita hoc jejunè & infirmè. Alius excessisse materiam, alius dicitur non implese. Æquè uterque;

<sup>1</sup> Versus illos, ex Eupolide comico in Δίμῳ excerptos, recitat Scholiastes | Aristophanis, AXAPNHΣ, Act. II. Scen. V. vers. 529.

*Præter illius celeritatem,*

*Suadela quadam infidebat labris:*

*Aded delectabat; & solus rhetorum*

*Aculeum relinquebat auditoribus.*

<sup>2</sup> Aristophanes, loc. cit. vers. 530.

*Tonabat, fulgurabat, miscébat Graciam.*



sed ille imbecillitate, hic viribus peccat: Quod certè etsi non limatioris, majoris tamen ingenii vitium est. Nec verò, cum hæc dico, illum Homericum ἀμετροειπή<sup>1</sup> probo, sed hunc,

Καὶ τ' ἔπεια νιφάδεσσιν ἰοικότα χειμερίησιν<sup>2</sup>.

Non quia non & ille mihi validissimè placeat,

Παῦρα μὲν, ἀλλὰ μάλα λιγύας<sup>3</sup>.

Si tamen detur electio, illam orationem similem nivibus hibernis, id est, crebram, assiduam & largam, postremò divinam & cælestem volo. At est gratior multis actio brevis. Est; sed inertibus, quorum delicias desidiâque, quasi iudicium, respicere ridiculum est. Nam si hos in consilio habeas, non solum satius est breviter dicere, sed omnino non dicere. Hæc est adhuc sententia mea, quam mutabo, si dissenseris tu: sed planè cur dissentias, explices rogo. Quamvis enim cedere auctoritati tuæ debeam, rectius tamen arbitror, in tantâ re, ratione quàm auctoritate superari. Proinde, si non errare videor, id ipsum quàm voles brevi epistolâ, sed tamen scribe; confirmabis enim iudicium meum: si erraro, longissimam para. Num corrumpi te, qui tibi, si mihi accederes, brevis epistolæ necessitatem; si dissentires, longissimæ imposui? Vale.

<sup>1</sup> *Immodica loquentem.*  
Homerus, Iliad. II, 212,  
de Therſite.

<sup>2</sup> *Et verba nivibus simili-  
lia hibernis.* Homer. Iliad.

III, 222, de Ulyſſe ſa-  
pienti & facundo viro.

<sup>3</sup> *Pauca quidem, ſed  
valde argutè.* Homer. Iliad.  
III, 214, de Menelao.

## LIBR. II. EP. I.

## C. PLINIUS ROMANO SUO S.

Post aliquot annos infigne, atque etiam memorabile populi Romani oculis spectaculum exhibuit publicum funus Verginii Ruffi<sup>1</sup>, maximi & clarissimi civis, & perinde felicitis. Triginta annis gloriæ suæ supervixit. Legi scripta de se carmina, legit historias, & posteritati suæ interfuit. Perfunctus est tertio consulatu, ut summum fastigium privati hominis impleret, cum Principis nolisset. Cæsares, quibus suspectus, atque etiam invisus virtutibus fuerat, evasit: reliquit incolumem optimum atque amicissimum, tamquam ad hunc ipsum honorem publici funeris reservatus. Annum tertium & octogesimum excessit in altissimâ tranquillitate, pari veneratione. Usus est firmâ valetudine; nisi quod solebant ei manus tremere, citra dolorem tamen: aditus tantum mortis durior longiorque, sed hic ipse laudabilis. Nam cum vocem præpararet, acturus in consulatu Principi gratias, liber, quem forte acceperat grandiore, & seni & stanti ipso pondere elapsus est. Hunc dum consequitur colligitque, per leve & lubricum pavementum, fallente vestigio, cecidit, coxamque fregit, quæ parum aptè collocata, reluctante ætate, malè coiit. Hujus viri exsequiæ magnum ornamentum Principi,

<sup>1</sup> De Virginio Ruffo ejusque morte dictum est supra in Præfatione pag. vij. | Vide quoque Appendicem Chronologicam Tom. V. pag. 123.

magnum sæculo, magnum etiam foro & rostris attulerunt. Laudatus est a consule Cornelio Tacito: nam hic supremus felicitati ejus cumulus accessit, laudator eloquentissimus. Et ille quidem plenus annis abiit, plenus honoribus, illis etiam quos recusavit. Nobis tamen quærendus ac desiderandus est, ut exemplar ævi prioris: mihi verò præcipuè, qui illum non solum publicè, sed etiam privatim, quantum admirabar, tantum diligebam; primum quòd utrique eadem regio, municipia finitima, agri etiam possessionesque conjunctæ: præterea quòd ille tutor mihi relictus, adfectum parentis exhibuit. Sic candidatum me suffragio ornavit; sic ad omnes honores meos ex secessibus adcurrit, cum jampridem ejusmodi officiis renuntiasset; sic illo die, quo sacerdotes solent nominare quos dignissimos sacerdotio judicant, me semper nominabat. Quin etiam in hac novissimâ valetudine veritus, ne fortè inter quinqueviros crearetur, qui minuendis publicis sumptibus judicio senatûs constituebantur, cum illi tot amici senes consularesque superessent, me hujus ætatis, per quem excusaretur, elegit, his quidem verbis: *Etiam si filium haberem, tibi mandarem.* Quibus ex causis necesse est, tamquam immaturam mortem ejus in sinu tuo defleam; si tamen fas est aut flere, aut omnino mortem vocare, quâ tanti viri mortalitas magis finita quàm vita est. Vivit enim, vivetque semper, atque etiam latius in memoriâ hominum & sermone versabitur, postquam ab oculis recessit. Volui tibi multa alia scribere, sed totus animus in hac unâ contemplatione defixus est. Verginium cogito, Verginium video,

video, Verginium jam vanis imaginibus, recentibus tamen, audio, adloquor, teneo: cui fortasse cives aliquos virtutibus pares & habemus, & habebimus, gloriâ neminem. Vale.

## LIBR. II. EP. XI.

C. PLINIUS ARRIANO SUO S.

SOLET esse gaudio tibi, si quid actum est in senatu dignum ordine illo. Quamvis enim quietis amore secesseris, insidet tamen animo tuo majestatis publicæ cura. Accipe ergo quod per hos dies actum est, personæ claritate famosum, severitate exempli salubre, rei magnitudine æternum. Marius Priscus<sup>1</sup>, accusantibus Atris, quibus consul præfuit, omisâ defensione, judices petiit. Ego & Cornelius Tacitus adesse provincialibus jussi, existimavimus fidei nostræ convenire, notum senatui facere, excessisse Priscum immanitate & sævitiâ crimina, quibus dari judices possent; cum ob innocentes condemnandos, interficiendos etiam, pecunias accepisset. Respondit Fronto Catus, deprecatusque est ne quid ultra repetundarum legem quæreretur, omniaque actionis suæ vela vir movendarum lacrimarum peritissimus, quodam velut vento miserationis implevit. Magna contentio, magni utrimque clamores: aliis cognitionem senatûs lege conclusam, aliis liberam solutamque dicentibus; quantumque admisisset reus, tantum vindicandum. Novissimè consul designatus

<sup>1</sup> Marius Priscus memoratus est suprâ in Præfatione pag. 2.

Julius Ferox, vir rectus & sanctus, Mario quidem iudices interim censuit dandos; evocandos tamen, quibus diceretur innocentium pœnas vendidisse. Quæ sententia non prævaluit modò, sed omnino post tantas dissensiones fuit sola frequens: adnotatumque experimentis, quòd favor & misericordia acres & vehementes primos impetus habent, paullatim consilio & ratione, quasi reſtincta, confidunt. Unde evenit, ut quod multi clamore permisso tuentur, nemo tantibus ceteris dicere velit: patescit enim, cùm separaris a turbâ, contemplatio rerum, quæ turbâ teguntur. Venerunt qui adesse erant iussi, Vitellius Honoratus, & Flavius Martianus, ex quibus Honoratus trecentis millibus <sup>1</sup> exsilium equitis Romani, septemque amicorum ejus ultimam pœnam; Martianus unius equitis Romani septingentis millibus <sup>2</sup> plura supplicia arguebatur emisse: erat enim fustibus cæsus, damnatus in metallum, strangulatus in carcere. Sed Honoratum cognitioni senatûs mors opportuna subtraxit: Martianus inductus est, absente Prisco. Itaque Tuccius Cerealis consularis jure senatorio postulavit, ut Priscus certior fieret: sive quia miserabiliorem, sive quia invidiosorem fore arbitrabatur, si præſens fuisset: sive (quod maximè credo) quia æquissimum erat commune crimen ab utroque defendi, & si dilui non potuisset, in utroque puniri. Dilata res est in proximum senatum, cujus ipse conspectus augustissimus fuit. Princeps præſidebat (erat enim consul):

<sup>1</sup> Gallicæ monetæ libris  
58,352.

<sup>2</sup> Gallicæ monetæ libris  
136,171.

ad hoc Januarius mensis cùm cetera, tum præcipuè senatorum frequentia celeberrimus: præterea causæ amplitudo, auctaque dilatione expectatio & fama, insitumque mortalibus studium magna & inusitata noscendi, omnes undique exciverat. Imaginare quæ sollicitudo nobis, qui metus, quibus super tantâ re in illo cœtu, præsentē Cæsare, dicendum erat. Equidem in senatu non semel egi: quin immo nusquam audiri benignius soleo: tunc me tamen, ut nova omnia novo metu permovebant. Obversabatur præter illa, quæ suprâ dixi, causæ difficultas: stabat modò consularis, modò septemvir epulorum, jam neutrum. Erat igitur perquam onerosum, accusare damnatum, quem, ut premebat atrocitas criminis, ita quasi peractæ damnationis miseratio tuebatur. Utcumque tamen animum cogitationemque collegi. Cœpi dicere non minore audientium adsensu, quàm sollicitudine meâ: dixi horis pæne quinque; nam duodecim clepsydris, quas spatiosissimas acceperam, sunt additæ quatuor<sup>1</sup>: adeò illa ipsa, quæ dura & adversa dicturo videbantur, secunda dicenti fuerunt. Cæsar quidem mihi tantum studium, tantam etiam curam (nimium est enim dicere sollicitudinem) præstitit, ut libertum meum post

<sup>1</sup> Ex hoc Plinii loco intelligere est sexdecim illas clepsydras fuisse singulas quadrantis unius horarii, aut quinûm denûm temporis minutorum, ut vulgo scribimus 15'. Quinque horas implevere, quòd hæc

causa acta sit mense Januario, cùm breves sunt dies, breves quoque horæ Romanæ. Juxta nostrum autem computandi modum, Plinius dixit per horas quatuor; quod sanè fuit spatiosissimum dicendi tempus.

d ij

me stantem, sæpius admoneret, voci late-  
 rique consulerem: cum me vehementius  
 putaret intendi, quàm gracilitas mea per-  
 peti posset. Respondit mihi pro Martiano  
 Claudius Marcellinus. Missus deinde sena-  
 tus, & revocatus in posterum: neque enim  
 jam inchoari poterat actio, nisi ut noctis  
 interventu scinderetur. Postero die dixit  
 pro Mario Salvius Liberalis, vir subtilis,  
 dispositus, acer, disertus; in illâ verò causâ  
 omnes artes suas protulit. Respondit Cor-  
 nelius Tacitus eloquentissimè, &, quod  
 eximium orationi ejus inest, *σικεῖν*<sup>1</sup>. Dixit  
 pro Mario rursus Fronto Catiùs insigniter;  
 utque jam locus ille poscebat, plus in pre-  
 cibus temporis, quàm in defensione con-  
 sumpsit. Hujus actionem vespera inclusit,  
 non tamen sic ut abrumperet: itaque in  
 tertium diem probationes exierunt. Jam hoc  
 ipsum pulchrum & antiquum, senatum nocte  
 dirimi, triduo vocari, triduo contineri.  
 Cornutus Tertullus cos. designatus, vir egre-  
 gius, & pro veritate firmissimus, censuit  
 septingenta millia<sup>2</sup>, quæ acceperat Marius,  
 ærario inferenda: Mario Urbe Italiâque in-  
 terdicendum: Martiano hoc amplius, Africâ.  
 In fine sententiæ adjecit, quòd ego & Ta-  
 citus injunctâ advocacy diligenter forti-  
 terque functi essemus, arbitrari senatum,  
 ita nos fecisse, ut dignum mandatis parti-  
 bus fuerit. Adsenserunt consules designati,  
 omnes etiam consulares usque ad Pompeium  
 Collegam: ille & septingenta millia, quæ  
 acceperat Marius, ærario inferenda, &

<sup>1</sup> *Graviter, splendidè.* | <sup>2</sup> Gallicæ monetæ librarum  
 Quæ propria Taciti laus. | 126, 171.

Martianum in quinquennium relegandum :  
 Marium repetundarum pœnæ , quam jam  
 passus esset , censuit relinquendum. Erant  
 in utrâque sententiâ multi , fortasse etiam  
 plures in hac vel solutiore , vel molliore :  
 nam quidam ex illis quoque , qui Cornuto  
 videbantur adfensi , hunc qui post ipsos  
 censuerat , sequebantur. Sed cùm fieret  
 discessio , qui sellis consulum adstiterant ,  
 in Cornuti sententiam ire cœperunt. Tum  
 illi , qui se Collegæ adnumerari patiebantur ,  
 in diversum transierunt : Collega cum  
 paucis relictus. Multum postea de impulsoribus  
 suis , præcipuè de Regulo , questus est ,  
 qui se in sententiâ , quam ipse dictaverat ,  
 deseruisset. Est alioquin Regulo tam mobile  
 ingenium , ut plurimum audeat , plurimum  
 timeat. Hic finis cognitionis amplissimæ :  
 superest tamen λειτῶργον <sup>1</sup> non leve , Hostilius  
 Firminus , legatus Marii Prisci , qui permistus  
 causæ , graviter vehementerque vexatus est.  
 Nam & rationibus Martiani , & sermone ,  
 quem ille habuerat in ordine Leptitanorum<sup>2</sup> ,  
 operam suam Prisco ad turpissimum ministerium  
 commodasse , stipulatusque de Martiano  
 quinquaginta millia denarium<sup>3</sup> probabatur :  
 ipse præterea accepisse sestertium decem  
 millia <sup>4</sup> , fœdissimo quidem titulo , nomine  
 unguentarii , qui titulus a vitâ hominis  
 compti semper & pumicati non abhorrebat.  
 Placuit , censente Cornuto , referri de eo  
 proximo senatu : tunc enim , casu incertum ,  
 an conscientiam , abfuerat. Habes res urbanas :  
 invicem rusticas scribe : quid arbusculæ

<sup>1</sup> *Negotium publicum.*

38,905.

<sup>2</sup> Vide Tom. V , p. 367.

<sup>4</sup> Gallicæ monetæ libras

<sup>3</sup> Gallicæ monetæ libras

1,945.



lxxviiij    T E S T I M O N I A

tux, quid vineæ, quid segetes agunt, quid oves delicatissimæ? In summâ, nisi æquè longam epistolam reddes, non est quòd postea, nisi brevissimam, expectes. Vale.

LIBR. III. EP. XVI.

PLINIUS NEPOTI SUO. S<sup>i</sup>.

ADNOTASSE videor facta dictaque virorum  
feminarumque illustrium, alia clariora esse,  
alia majora. Confirmata est opinio mea he-  
terno Fanniæ sermone. Neptis hæc Arriæ  
illius, quæ marito & solatium mortis &  
exemplum fuit. Multa referebat aviæ suæ  
non minora hoc, sed obscuriora; quæ tibi  
existimo tam mirabilia legenti fore, quàm  
mihi audienti fuerunt. Ægrotabat Cæcina  
Pætus, maritus ejus; ægrotabat & filius,  
uterque mortiferè, ut videbatur. Filius  
excessit eximiâ pulchritudine, pari vere-  
cundiâ, & parentibus non minùs ob alia  
carus, quàm quòd filius erat. Huic illa ita  
funus paravit, ita duxit exsequias, ut igno-  
raret maritus. Quin immo quoties cubi-  
culum ejus intraret, vivere filium, atque  
etiam commodiorem esse simulabat: ac per-  
sæpe interroganti *quid ageret puer*, respon-  
debat, *Bene quievit, libenter cibum sumpsit*.  
Deinde cum diu cohibitæ lacrimæ vincerent  
prorumperentque, egrediebatur: tunc se  
dolori dabat: satiata, ficcis oculis, com-  
posito vultu redibat, tamquam orbitatem  
foris reliquisset. Præclarum quidem illud

<sup>1</sup> Hanc epistolam, cum Tacitum Annal. XVI, 21 & seqq. & Supplementum | Annal. IX, 40 & seqq. illustret, hic reperire lecto-  
ribus utile ac gratum erit.

eiusdem, ferrum stringere, perfodere pectus, extrahere pugionem, porrigere marito, addere vocem immortalem ac pæne divinam, *Pæte, non dolet.* Sed tamen facienti ista dicentique gloria & æternitas ante oculos erant: quò majus est sine præmio æternitatis, sine præmio gloriæ abdere lacrimas, operire luctum, amissoque filio matrem adhuc agere. Scribonianus arma in Illyrico contra Claudium moverat: fuerat Pætus in partibus, & occiso Scriboniano, Romam trahebatur. Erat adscensurus navem: Arria milites orabat ut simul imponeretur. *Nempe enim, inquit, daturi estis consulari viro servulos aliquos, quorum e manu cibum capiat, a quibus vestiatur, a quibus calcietur: omnia sola præstabo.* Non impetravit. Conduxit piscatoriam naviculam, ingensque navigium minimo secuta est. Eadem apud Claudium, uxori Scriboniani, cum illa profiteretur indicium, *Ego, inquit, te audiam, cujus in gremio Scribonianus occisus est, & vivis?* Ex quo manifestum est ei consilium pulcherrimæ mortis non subitum fuisse. Quin etiam cum Thrasea gener ejus deprecaretur ne mori pergeret, interque alia dixisset, *Tu vis ergo filiam tuam, si mihi pereundum fuerit, mori mecum?* respondit, *Si tam diu tantæque concordia vixerit tecum, quàm ego cum Pæto, volo.* Auxerat hoc responso curam suorum. Attentiùs custodiebatur: sensit, & *Nihil agitis, inquit. Potestis enim efficere ut malè moriar; ne moriar, non potestis.* Dum hæc dicit, exsiluit cathedrâ, adversoque parieti caput ingenti impetu impegit, & corruit. Focillata, *Dixeram, inquit vobis inventuram me quamlibet duram ad mortem viam, si vos facilem negassetis.*

# lxxx      T E S T I M O N I A

Videnturne hæc tibi majora illo, *Pæte*, non dolet, ad quod per hæc perventum est? Cum interim illud quidem ingens fama, hæc nulla circumfert. Unde colligitur, quod initio dixi, alia esse clariora, alia majora. Vale.

## LIBR. IV. EP. XIII.

C. PLINIUS CORNELIO TACITO SUO S.

SALVUM te in Urbem venisse gaudeo. Venisti autem, si quando aliàs, nunc maximè mihi desideratus. Ipse pauculis adhuc diebus in Tusculano commorabor, ut opusculum, quod est in manibus, absolvam. Vereor enim ne, si hanc intensionem jam in finem laxavero, ægre resumam: interim, ne quid festinationi meæ pereat, quod sum præsens petiturus, hoc quasi præcursoriâ epistolâ rogo. Sed prius accipe causas rogandi, deinde ipsum, quod peto. Proximè cum in patriâ meâ fui, venit ad me salutandum municipis mei filius prætextatus. Huic ego, *Studes?* inquam. Respondit, *Etiam. Ubi?* *Mediolani. Cur non hic?* Et pater ejus (erat enim unâ, atque etiam ipse adduxerat puerum:) *Quia nullos hic præceptores habemus. Quare nullos? Nam vehèmenter intererat vestrâ, qui patres estis, (& opportunè complures patres audiebant) liberos vestros hic potissimum discere. Ubi enim aut jucundius morarentur, quàm in patriâ? aut pudicius continerentur, quàm sub oculis parentum? aut minore sumptu, quàm domi? Quantulum est ergo, collatâ pecuniâ, conducere præceptores? quodque nunc in habitationes, in viaticâ, in ea quæ peregre emuntur, (omnia autem*

peregre emuntur) impenditis, adjicere mercedibus? Atque adeò ego, qui nondum liberos habeo, paratus sum pro republicâ nostrâ, quasi pro filiâ, vel parente, tertiam partem ejus, quod conferre vobis placebit, dare. Totum etiam pollicerer, nisi timerem, ne hoc munus meum quandoque ambitu corrumpetur, ut accidere multis in locis video, in quibus præceptores publicè conducuntur. Huic vitio uno remedio occurri potest, si parentibus solis jus conducendi relinquatur, iisdemque religio rectè judicandi necessitate collationis addatur. Nam qui fortasse de alieno negligentes, certè de suo diligentes erunt: dabuntque operam, ne eam a me pecuniam non nisi dignus accipiat, si accepturus & ab ipsis erit. Proinde consentite, conspirete, majoremque animum ex meo sumite, qui cupio esse quàm plurimum, quod debeam conferre. Nihil honestius præstare liberis vestris, nihil gratius patriæ potestis. Educentur hîc, quî hîc nascuntur, statimque ab infantiâ natale solum amare, frequentare consuescant. Atque utinam tam claros præceptores inducatis, ut finitimis oppidis studia hinc petantur, utque nunc liberi vestri aliena in loca, ita mox alieni in hunc locum confluant! Hæc putavi altius & quasi a fonte repetenda; quò magis scires, quàm gratum mihi foret, si susceperis, quod injungo. Injungo autem, & pro rei magnitudine rogo, ut ex copiâ studiosorum, quæ ad te ex admiratione ingenii tui convenit, circumspicias præceptores, quos sollicitare possimus; sub eâ tamen conditione, ne cui fidem meam obstringam. Omnia enim libera:

d u

# lxxxij    T E S T I M O N I A

parentibus servo. Illi judicent, illi eligant: ego mihi curam tantum & impendium vindico. Proinde si quis fuerit repertus, qui ingenio suo fidat, eat illuc eâ lege, ut hinc nihil aliud certum, quàm fiduciam suam ferat. Vale.

## *LIBR. IV. EP. XV.*

C. PLINIUS FUNDANO SVO S.

Si quid omnino, hoc certè judicio facio, quòd Asinium Rufum singulariter amo. Est homo eximius & bonorum amantissimus. Cur enim non me quoque inter bonos numerem? Idem Cornelium Tacitum (scis quem virum) arctâ familiaritate complexus est<sup>1</sup>. Proinde si utrumque nostrum probas, de Rufo quoque necesse est idem sentias, cum sit ad connectendas amicitias vel tenacissimum vinculum, morum similitudo. Sunt ei liberi plures. Nam in hoc quoque functus est optimi civis officio, quòd fecunditate uxoris largè frui voluit eo sæculo, quo plerisque etiam singulos filios orbitatis præmia graves faciunt: quibus ille despectis, avi quoque nomen adsumpsit. Est enim avus, & quidem ex Saturio Firmo, quem diliges ut ego, si, ut ego, propius inspexeris. Hæc eò pertinent, ut scias, quàm copiosam, quàm numerosam domum uno beneficio sis obligaturus: ad quod petendum, voto primum, deinde bono quodam omine adducimur. Optamus enim tibi ominamurque

<sup>1</sup> Inde, ut ex multis aliis argumentis, patet quales amicos habuerit Tacitus.

in proximum annum consulatum. Ita nos virtutes tuæ, ita judicia Principis augurari volunt. Concurrit autem, ut sit eodem anno quæstor, maximus ex liberis Rufi, Asinius Bassus, juvenis, (nescio an dicam, quod me pater & sentire & dicere cupit, adolescentis verecundia vetat) ipso patre melior. Difficile est, ut mihi de absente credas, quamquam credere soles omnia, tantum in illo industriæ, probitatis, eruditionis, ingenii, studii, memoriæ denique esse, quantum expertus invenies. Vellem tam ferax sæculum bonis artibus haberemus, ut aliquos Basso præferre deberes: tum ego te primus hortarer moneremque, circumferres oculos, ac diu pensitares, quem potissimum elegeris. Nunc verò: sed nihil volo de amico meo arrogantius dicere: hoc solum dico, dignum esse juvenem, quem more majorum in filii locum adsumas. Debent autem sapientes viri, ut tu, tales quasi a republicâ liberos accipere, quales a naturâ solemus optare. Decorus erit tibi consuli quæstor patre prætorio, propinquis consularibus; quibus, iudicio ipsorum, quamquam adolescentulus adhuc, jam tamen invicem ornamento est. Proinde indulge precibus meis, obsequere consilio; & ante omnia, si festinare videor, ignosce: primum, quòd in eâ civitate, in quâ omnia quasi ab occupantibus aguntur; quæ legitimum tempus exspectant, non matura, sed fera sunt; deinde quòd rerum, quas adsequi cupias, præsumptio ipsa jucunda est. Revereatur jam te Bassus ut consulem; tu dilige eum ut quæstorem: nos denique, utriusque vestrum amantissimi, duplici lætitiâ

# lxxxiv. T E S T I M O N I A

perfruamur. Etenim cùm sic te, sic Bassum diligamus, ut & illum cujuscumque, & tuum quemcumque quæstorem in petendis honoribus omni ope, labore, gratiâ simus juvaturi; perquam jucundum nobis erit, si in eundem juvenem studium nostrum, & amicitiae meae & consulatus tui ratio contulerit: si denique precibus meis tu potissimus adjutor accesseris, cujus senatus & suffragio libentissimè indulgeat, & testimonio plurimùm credat. Vale.

## LIBR. V. EP. VIII.

### PLINIUS CAPITONI SUO S<sup>r</sup>.

SUADES ut historiam scribam, & suades non solus: multi hoc me sæpe monuerunt, & ego volo; non quia commodè facturum esse confidam (id enim temere credas, nisi expertus) sed quia mihi pulchrum in primis videtur, non pati occidere, quibus æternitas debeatur, aliorumque famam cum suâ extendere. Me autem nihil æquè ac diuturnitatis amor & cupido sollicitat, rei homine dignissimæ, præsertim qui nullius sibi conficius culpæ, posteritatis memoriam non reformidet. Itaque diebus ac noctibus cogito, *si quâ me quoque possim tollere humo* (id enim voto meo sufficit) illud supra votum, *victorque virum volitare per ora. Quamquam ô!* Sed hoc satis est, quod propè sola historia polliceri videtur. Orationi enim & carmini

\* Teste Joanne Savarone, hæc epistola in emendatioribus libris non *Capitoni*, sed *Tacito* inscribitur. Favet quoque Sidonius Apollinaris, Epist. IV, 22. Vide & suprà Præfationem, pag. xij.

parva gratia, nisi eloquentia est summa: historia quoquo modo scripta delectat. Sunt enim homines naturâ curiosi, & quamlibet nudâ rerum cognitione capiuntur, ut qui fermunculis etiam fabellisque ducantur. Me verò ad hoc studium impellit domesticum quoque exemplum. Avunculus meus, idemque per adoptionem pater, historias, & quidem religiosissimè scripsit. Invenio autem apud sapientes honestissimum esse majorum vestigia sequi, si modò recto itinere præcefferint. Cur ergo cunctor? Egi magnas & graves causas. Has (etiamsi mihi tenuis ex eis spes) destino retractare, ne tantus ille labor meus, nisi hoc, quod reliquum est, studii addidero, mecum pariter intercidat. Nam si rationem posteritatis habeas, quidquid non est peractum, pro non inchoato est. Dices, Potes simul & rescribere actiones, & componere historiam. Utinam! sed utrumque tam magnum est, ut abundè sit alterum efficere. Undevicesimo ætatis anno dicere in foro cœpi, & nunc demum quid præstare debeat orator, adhuc tamen per taliginem video. Quid si huic oneri novum accesserit? Habent quidem oratio & historia multa communia, sed plura diversa in his ipsis, quæ communia videntur. Narrat sanè illa; narrat hæc, sed aliter. Huic pleraque humilia & fordida, & ex medio petita; illi omnia recondita, splendida, excelsa conveniunt. Hanc sæpius ossa, muscoli, nervi; illam tori quidam & quasi jubæ decent. Hæc vel maximè vi, amaritudine, instantiâ; illa tractu & suavitate, atque etiam dulcedine, placet. Postremò alia verba, alius sonus, alia constructio. Nam plurimum refert, ut



# lxxxvj T E S T I M O N I A

Thucydides <sup>1</sup> ait, κῆμα <sup>2</sup> fit, an ἀγώνισμα <sup>3</sup>, quorum alterum oratio, alterum historia est. His ex causis non adducar ut duo dissimilia; & hoc ipso diverſa quòd maxima, confundam misceamque; ne tantâ quasi colluvie turbatus, ibi faciam quod hîc debeo. Ideoque interim veniam (ut ne a meis verbis discedam) advocandi peto. Tu tamen jam nunc cogita quæ potissimum tempora aggrediamur. Vetera & scripta aliis? parata inquisitio, sed onerosa collatio. Intacta & nova? graves offensæ, levis gratia. Nam præter id quòd in tantis vitiis hominum plura culpanda sunt, quàm laudanda; tum si laudaveris, parcus; si culpaveris, nimius fuisse dicaris; quamvis illud plenissimè, hoc restrictissimè feceris. Sed hæc me non retardant; est enim mihi pro fide satis animi. Illud peto: præstruas ad quod hortaris, eligasque materiam, ne mihi jam scribere parato, alia rursus cunctationis & moræ justa ratio nascatur. Vale.

## LIBR. VI. EP. IX.

C. PLINIUS TACITO SUO S.

COMMENDAS mihi Julium Nasonem candidatum. Nasonem mihi? quid si me ipsum? Fero tamen & ignosco. Eundem enim commendassem tibi, si, te Romæ morante, ipse abfuisset. Habet hoc sollicitudo, quòd omnia necessaria putat. Tu tamen, censeo,

<sup>1</sup> Thucydides Hist. I, 22, hæc accuratè distinguunt. | <sup>2</sup> Perpetuum monumentum. | <sup>3</sup> Ludicrum certamen;

VETERUM SCRIPTORUM. lxxxvij  
alios roges; ego precum tuarum minister,  
adjutor, particeps ero. Vale.

LIBR. VI. EP. XVI.

PLINIUS TACITO SUO S.

PETIS ut tibi avunculi mei exitum <sup>1</sup> scribam, quò veriùs tradere posteris possis: gratias ago: nam video morti ejus, si celebretur a te, immortalem gloriam esse propositam. Quamvis enim pulcherrimarum clade terrarum, ut populi, ut urbes, memorabili casu, quasi semper victurus, occiderit: quamvis ipse plurima opera & mansura condiderit; multum tamen perpetuitati ejus scriptorum tuorum æternitas addet. Equidem beatos puto, quibus deorum munere datum est aut facere scribenda, aut scribere legenda; beatissimos verò quibus utrumque. Horum in numero avunculus meus & suis libris & tuis erit. Quò libentius suscipio, depono etiam quod injungis. Erat Miseni <sup>2</sup>, classemque imperio præsens regebat. Nonum Kalend. Septembres <sup>3</sup>, horâ fere septimâ, mater indicat ei, apparere nubem inusitatâ & magnitudine & specie:

<sup>1</sup> De hoc C. Plinii exitu dictum est in Appendice Chronologicâ, Tom. V. pag. 86.

<sup>2</sup> Nunc *Capo di Miseno*, haud procul Neapoli. Ibi Romanorum classis. Vide *Annal. V. 4.*

<sup>3</sup> In veteribus editionibus & quibusdam *Miss.* co-

dicibus *Kalendas Novembres*. Eruditus Dodwellus conjicit emendandum *nonum Kalendas Octobres*; quod verum puto. Idque satis innuit Dio LXVI, pag. 755, cùm ait illud Vesuvii incendium contigisse sub autumnii tempus, κατ' αὐτὸ τὸ φθινόπωρον.

# lxxxvii] T E S T I M O N I A

Ufus ille sole, mox frigidâ<sup>1</sup>, gustaverat jacens, studebatque: poscit soleas, ascendit locum, ex quo maximè miraculum illud conspici poterat. Nubes (incertum procul intuentibus ex quo monte, Vesuvium fuisse postea cognitum est) oriebatur, cujus similitudinem & formam non alia magis arbor<sup>2</sup> quàm pinus exprefferit. Nam longissimo velut trunco elata in altum, quibusdam ramis diffundebatur; credo, quia recenti spiritu evecta, deinde senescente eo destituta, aut etiam pondere suo victa, in latitudinem vanescebat; candida interdum, interdum sordida & maculosa, prout terram cineremve sustulerat. Magnum propiùsque noscendum, ut eruditissimo viro, visum. Jubet liburnicam aptari: mihi, si venire unà vellem, facit copiam. Respondi studere me malle; & fortè ipse quod scriberem dederat. Egrediebatur domo, accipit codicillos. Retinæ<sup>3</sup> classarii, imminenti periculo exterriti (nam villa ea subjacebat, nec ulla nisi navibus fuga) ut se tanto discrimini eriperet orabant. Vertit ille consilium, & quod studioso animo inchoaverat, obit maximo. Deducit quadriremes, ascendit ipse non Retinæ modò, sed multis (erat enim frequens amœnitas oræ) laturus auxilium. Properat illuc unde alii fugiunt; rectumque cursum, recta gubernacula in periculum tenet, adeò solutus metu, ut omnes illius mali motus, omnes figuras, ut de-

<sup>1</sup> Æstate Plinius jacebat in sole: post solem frigidâ lavabatur. Vide Plinium, Ep. III, 5.  
<sup>2</sup> Eadem arboris imago.  
 iterum ab eruditis Anglâ est observata, cum Vesuvius ante aliquot annos conflavit.  
<sup>3</sup> Hodie *Refina*.

prehenderat oculis, dictaret enotaretque. Jam navibus cinis incidebat, quò propius accederent, calidior & densior; jam pumices etiam, nigrique & ambusti & fracti igne lapides; jam vadum subitum, quinâque montis litora obstantia. Cunctatus paullum an retro flecteret, mox gubernatori ut ita faceret monenti, *Fortes*, inquit, *fortuna juvat: Pomponianum*<sup>1</sup> *pete*. Stabiis erat, diremptus sinu medio. Nam sensim circumactis curvatisque litoribus mare infunditur. Ibi, quamquam nondum periculo appropinquante, conspicuo tamen, & cùm cresceret, proximo, sarcinas contulerat in naves, certus fugæ, si contrarius ventus resedisset, quo tunc avunculus meus secundissimo in vectus, complectitur trepidantem, consolatur, hortatur; utque timorem ejus suâ securitate leniret, deferri se in balineum jubet, lotus accubat, cenat, atque hilaris, aut, quod æquè magnum, similis hilari. Interim e Vesuvio monte pluribus locis latissimæ flammæ, altaque incendia relucebant, quorum fulgor & claritas tenebris noctis excitabatur. Ille agrestium trepidatione ignes relictos, desertasque villas per solitudinem ardere, in remedium formidinis, dictitabat: tum se quieti dedit, & quievit verissimo quidem somno. Nam meatus animæ, qui illi propter amplitudinem corporis gravior & sonantior erat, ab iis qui limini obversabantur, audiebatur. Sed area, ex quâ diæta<sup>2</sup> adibatur, ita jam

<sup>1</sup> Pomponianus, Plinii amicus, erat Stabiis, nunc *Castel a mare di Stabbia*,  
 diremptus sinu medio, qui

est inter Misenum & Stabias.

<sup>2</sup> Diæta, pars erat domus, in quâ cenaculum.

cinere, mixtisque pumicibus oppleta fur-  
rexerat, ut, si longior in cubiculo mora,  
exitus negaretur. Excitatus procedit, seque  
Pomponiano, ceterisque qui pervigilarant,  
reddit. In commune consultant, intra tecta  
subsistant, an in aperto vagentur. Nam  
crebris vastisque tremoribus tecta nutabant,  
& quasi emota sedibus suis, nunc huc, nunc  
illuc abire aut referri videbantur. Sub dio  
rursus, quamquam levium exesorumque  
pumicum casus metuebatur, quod tamen  
periculorum collatio elegit; & apud illum  
quidem ratio rationem, apud alios timorem  
timor vicit. Cervicalia capitibus imposita  
linteis constringunt. Id munimentum ad-  
versus incidentia fuit. Jam dies alibi, illic  
nox omnibus noctibus nigrior densiorque,  
quam tamen faces multæ variaque lumina  
solabantur. Placuit egredi in litus, & e  
proximo aspicere ecquid jam mare admit-  
teret, quod adhuc vastum & adversum per-  
manebat. Ibi super abjectum linteum recu-  
bans, semel atque iterum frigidam poposcit,  
hausitque: deinde flammæ, flammarumque  
prænuntius odor sulfuris, alios in fugam  
vertunt, excitant illum. Innitens servulis  
duobus assurrexit, & statim concidit, ut  
ego conjecto, crassiore caligine spiritu ob-  
structo, clausoque stomacho, qui illi naturâ  
invalidus, angustus, & frequenter inter-  
æstuans erat. Ubi dies redditus (is ab eo,  
quem novissimè viderat, tertius) corpus  
inventum integrum, illæsum, opertumque,  
ut fuerat indutus: habitus corporis quies-  
centi quàm defuncto similior. Interim Mi-  
seni ego & mater. Sed nihil ad historiam, nec  
tu aliud quàm de exitu ejus scire voluisti.

Finem ergo faciam : unum adjiciam , omnia me , quibus interfueram , quæque statim , cum maximè vera memorantur , audiveram , verè persecutum : tu potissima excerpes. Aliud est enim epistolam , aliud historiam ; aliud amico , aliud omnibus scribere. Vale.

## LIBR. VI. EP. XX.

PLINIUS CORNELIO TACITO SUO S.

AIS TE adductum literis , quas exigenti tibi de morte avunculi mei scripsi , cupere cognoscere , quos ego Miseni relictus ( id enim ingressus abruperam ) non solum metus , verum etiam casus pertulerim. *Quamquam animus meminisse horret . . . incipiam.* Profecto avunculo , ipse reliquum tempus studiis ( ideo enim remanseram ) impendi : mox balineum , cena , somnus inquietus & brevis. Præcesserat per multos dies tremor terræ minus formidolosus , quia Campaniæ solitus : illâ verò nocte ita invaluit , ut non moveri omnia , sed verti crederentur. Irrumpit cubiculum meum mater : surgebam invicem , si quiesceret , excitaturus. Residimus in areâ domûs quæ mare a tectis modico spatio dividebat. Dubito constantiam vocare an imprudentiam debeam : agebam enim duodevicesimum annum. Posco librum Titî Livii , & quasi per otium lego , atque etiam , ut cœperam , excerpo. Ecce amicus avunculi , qui nuper ad eum ex Hispaniâ venerat , ut me & matrem sedentes , me verò etiam legentem videt , illius patientiam , securitatem meam corripit : nihilo segnius ego intentus in librum. Jam hora diei

prima<sup>1</sup>, & adhuc dubius & quasi languidus dies; jam quassatis circumjacentibus tectis, quamquam in aperto loco, angusto tamen, magnus & certus ruinæ metus. Tum demum excedere oppido visum. Sequitur vulgus attonitum, quodque in pavore simile prudentiæ, alienum consilium suo præfert, ingentique agmine abeuntes premit & impellit. Egressi tecta confisimus: multa ibi miranda, multas formidines patimur. Nam vehicula quæ produci jusseramus, quamquam in planissimo campo, in contrarias partes agebantur, ac ne lapidibus quidem fulta, in eodem vestigio quiescebant. Præterea mare in se resorberi, & tremore terræ quasi repelli videbamus. Certè processerat litus, multaque animalia maris siccis arenis detinebat. Ab altero latere nubes atra & horrenda, ignei spiritûs tortis vibratisque discursibus rupta, in longas flammarum figuras dehiscebat: fulgoribus illæ & similes & majores erant. Tum verò ille idem ex Hispaniâ amicus acrius & instantius, *Si frater, inquit, tuus, tuus avunculus, vivit, vult esse vos salvos: si periit, superstites voluit: proinde quid cessatis evadere?* Respondimus, *Non commissuros nos, ut de salute illius incerti, nostræ consuleremus.* Non moratus ultrà proripit se, effusoque cursu periculo aufertur: nec multò post, illa nubes descendere in terras, operire maria. Cinxerat Capreas<sup>2</sup>, & absconderat: Miseni quod procurrit, abstulerat. Tum mater orare, hortari, jubere, quoquo modo fugerem; posse enim juvenem:

<sup>1</sup> Hora ferme sexta matutina, ut nunc numeramus.

<sup>2</sup> Capreæ, insula Tiberiî secessu & libidinibus notissima, nunc *Capri*.

*Se & annis & corpore gravem bene morituram, si mihi causa mortis non fuisset. Ego contrà, salvum me, nisi unà, non futurum: dein manum ejus amplexus, addere gradum cogo: paret ægre, incusatque se quòd me moretur. Jam cinis, adhuc tamen rarus: respicio: densa caligo tergis imminebat, quæ nos, torrentis modo infusa terræ, sequebatur. Deflectamus, inquam, dum videmus, ne in viâ strati, comitantium turbâ in tenebris obteramur. Vix consideramus, & nox non quasi illunis aut nubila, sed qualis in locis clausis lumine extincto: audires ululatus feminarum, infantium quiritatus, clamores viro- rum: alii parentes, alii liberos, alii conjuges vocibus requirebant, vocibus noscitabant: hi suum casum, illi suorum miserabantur: erant qui metu mortis mortem precarentur. Multi ad deos manus tollere, plures nusquam jam deos ullos, æternamque illam & novissimam noctem mundo interpreta- bantur. Nec defuerunt qui fictis mentitis- que terroribus vera pericula augerent. Ad- erant qui Miseni illud ruisse, illud ardere, falsò, sed credentibus nuntiabant. Paullum reluxit, quod non dies nobis, sed adven- tantis ignis indicium videbatur: & ignis quidem longiùs substitit; tenebræ rursus, cinis rursus multus & gravis: hunc iden- tidem assurgentes excutiebamus; operti alio- quin, atque etiam obliti pondere essemus. Possem gloriari non gemitum mihi, non vocem parum fortem in tantis periculis exci- disse, nisi me cum omnibus, omnia mecum perire, misero, magno tamen mortalitatis solatio credidissem. Tandem illa caligo tenuata quasi in fumum nebulamve decessit:*



mox dies verus; sol etiam effulfit, luridus tamen, qualis esse cum deficit, solet. Occursabant trepidantibus oculis mutata omnia, altoque cinere tamquam nive obducta. Regressi Misenum, curatis utcumque corporibus, suspensam dubiamque noctem spe ac metu exegimus: metus prævalebat. Nam & tremor terræ perseverabat, & plerique lymphati terrificis vaticinationibus, & sua & aliena mala ludificabantur. Nobis tamen ne tunc quidem, quamquam & expertis periculum, & expectantibus, abeundi consilium, donec de avunculo nuntius. Hæc nequaquam historiâ digna non scripturus leges; & tibi scilicet qui requisisti imputabis, si digna ne epistolâ quidem videbuntur. Vale.

*LIBR. VII. EP. XX.*

PLINIUS TACITO SUO S.

LIBRUM tuum legi, & quàm diligentissimè potui, adnotavi quæ commutanda, quæ eximenda arbitrarer. Nam & ego verum dicere assuevi, & tu libenter audire. Neque enim ulli patientius reprehenduntur; quàm qui maximè laudari merentur. Nunc a te librum meum cum adnotationibus tuis expecto. O jucundas, ô pulchras vices! Quàm me delectat, quòd, si qua posteris cura nostrî, usquequaque narrabitur quâ concordîâ, simplicitate, fide vixerimus! Erit rarum & insigne, duos homines ætate, dignitate propemodum æquales, nonnullius in literis nominis (cogor enim de te quoque parcius dicere, quia de me simul dico) alterum alterius studia fovisse. Equidem adolescentulus,

cùm jam tu famâ gloriâque florerés, te sequi, tibi *longo*, *sed proximus*, *intervalla* & esse & haberi concupiscebam. Et erant multa clarissima ingenia; sed tu mihi (ita similitudo naturæ ferebat) maximè imitabilis, maximè imitandus videbaris. Quo magis gaudeo quòd, si quis de studiis sermo, unà nominamur; quòd de te loquentibus statim occorro. Nec desunt qui utrique nostrum præferantur. Sed nihil interest meâ quo loco jungimur: nam mihi primus, qui a te proximus. Quin etiam in testamentis debes adnotasse; nisi quis fortè alterutri nostrum amicissimus, eadem legata, & quidem pariter, accipimus. Quæ omnia huc spectant, ut invicem ardentius diligamus, cum tot vinculis nos studia, mores, fama, suprema denique hominum judicia constringant. Vale.

## LIBR. VII. EP. XXIX.

PLINIUS MONTANO SUO S<sup>r</sup>.

RIDEBIS, deinde indignaberis, deinde ridebis, si legeris; quod nisi legeris, non potes credere. Est viâ Tiburtinâ intra primum lapidem (proximè adnotavi) monumentum Pallantis ita inscriptum: *Huic senatus, ob fidem pietatemque erga patronos, ornamenta prætoria decrevit, & sestertium centies quinquagies<sup>2</sup>; cujus honore contentus fuit. Equidem numquam sum miratus quæ sæpius a*

<sup>1</sup> Hanc epistolam hîc retulisse haud pigebit, quòd eâ maximè illustretur Tacitus Annal. XII, 53. Eâdem quoque de re vide

Plinii epistolam VIII, 6, quæ mox infra subjungetur.

<sup>2</sup> Gallicæ monete librarum 2,918,348.

fortunâ, quàm a judicio proficiscerentur !  
maximè tamen hic me tumulus admonuit,  
quàm essent mimica & inepta, quæ inter-  
dum in hoc cœnum, in has sordes abjice-  
rentur : quæ denique ille furcifer & recipere  
ausus est, & reculare, atque etiam, ut mo-  
derationis exemplum, posteris proderet. Sed  
quid indignor ? Ridere satius, ne se magnum  
aliquid adeptos putent, qui huc felicitate  
perveniunt, ut rideantur. Vale.

LIBR. VII. EP. XXXIII.

PLINIUS TACITO SUO S.

AUGUROR (nec me fallit augurium) histo-  
rias tuas immortales futuras ; quò magis illis  
(ingenuè fatebor) inferi cupio. Nam si esse  
nobis curæ solet, ut facies nostra ab optimo  
quoque artifice exprimatur, nonne debemus  
optare, ut operibus nostris similis tuî scriptor  
prædicatorque contingat. Demonstrò ergo,  
quamquam diligentiam tuam fugere non  
possit, cum sit in publicis actis ; demonstrò  
tamen, quò magis credas jucundum mihi  
futurum, si factum meum, cujus gratia peri-  
culo crevit, tuo ingenio, tuo testimonio  
ornaveris. Dederat me senatus cum Heren-  
nio Senecione advocatum provinciæ Bæticiæ  
contra Bæbium Massam<sup>1</sup>; damnatoque Massâ  
censuerat, ut bona ejus publicè custodirentur.  
Senecio, cum explorasset consules  
postulationibus vacaturos, convenit me :  
&, *Quâ concordia, inquit, junctam nobis*

<sup>1</sup> Id memoravimus in Appendice Chronologicâ Tom:  
V. pag. 117.

*accusationem*

accusationem exsecuti sumus, hac adeamus consules, petamusque ne bona dissipari sinant, quorum esse in custodia debent. Respondi: Cùm simus advocati a senatu dati, dispice num peractas putes partes nostras, senatus cognitione finitâ. Et ille; Tu quem voles tibi terminum statues, cui nulla cum provinciâ necessitudo, nisi ex beneficio tuo, & hoc recenti: ipse & natus ibi, & quæstor in eâ fui. Tum ego, Si fixum tibi istud ac deliberatum, sequar te, ut si qua ex hoc invidia, non tua tantùm sit. Venimus ad consules: dicit Senecio quæ res ferebat: aliqua subjungo. Vixdum conticuëramus, & Massa questus Senecionem non advocati fidem, sed inimici amaritudinem implese, impietatis reum postulat. Horror omnium: ego autem, Vereor, inquam, clarissimi consules, ne mihi Massa silentio suo prævaricationem objecerit, quod non & me reum postularit. Quæ vox & statim excepta, & postea multo sermone celebrata est. Divus quidem Nerva (nam privatus quoque attendebat his, quæ rectè in publico fierent) missis ad me gravissimis literis, non mihi solùm, verùm etiam sæculo gratulatus cui exemplum (sic enim scripsit) simile antiquis contigisset. Hæc, utcumque se habent, notiora, clariora, majora tu facies: quamquam non exigo ut excedas actæ rei modum. Nam nec historia debet egredi veritatem, & honestè factis veritas sufficit. Vale.



## LIBR. VIII. EP. VI.

PLINIUS MONTANO SUO S<sup>r</sup>.

COGNOVISSE jam ex epistolâ meâ debes adnotasse me nuper monumentum Pallantis sub hac inscriptione: *Huic senatus ob fidem pietatemque erga patronos, ornamenta prætoris decrevit, & sestertium centies quinquagies<sup>2</sup>; cujus honore contentus fuit.* Postea mihi visum est pretium operæ ipsum senatusconsultum quærere. Inveni tam copiosum & effusum, ut ille superbissimus titulus, modicus atque etiam demissus videretur. Conferant se, non dico illi veteres Africani, Achaïci, Numantini, sed hi proximi, Marii, Sullæ, Pompeii (nolo progredi longius) infra Pallantis laudes jacebunt. Urbanos, qui illa censuerunt, putem, an miseris? Dicerem urbanos, si senatum deceret urbanitas. Miseros ergo? sed nemo tam miser est, ut illa cogatur. Ambitio ergo, & procedendi libido? sed quis adeò demens, ut per suum, per publicum dedecus procedere vellet in eâ civitate, in quâ hic esset usus florentissimæ dignitatis, ut primus in senatu laudare Pallantem posset? Mitto quòd Pallanti servo prætoria ornamenta offeruntur. quippe offeruntur a servis: mitto quòd censent, *Non exhortandum modò, verùm etiam compellendum ad usum aureorum anulorum.* Erat enim contra

<sup>1</sup> Hæc epistola, ut & ea, quam supra attulimus ex libro VII, 29, illustrat Tacitum Annal. XII, 53. & infamiam Claudianorum

temporū incredibilemque libertorum potentiam demonstrat.

<sup>2</sup> Gallicæ monetæ libræ 2,918,348.

majestatem senatûs , si ferreis prætorius uteretur. Levia hæc & transeunda : illa memoranda, quòd nomine *Pallantis senatus* ( nec expiata postea curia est ) *Pallantis nomine senatus* gratias agit Cæsari , quòd & ipse cum summo honore mentionem ejus prosecutus esset , & senatui facultatem fecisset testandi erga eum benevolentiam suam. Quid enim senatui pulchrius , quàm ut erga Pallantem satis gratus videretur ? Additur , *Ut Pallas* , cui se omnes pro virili parte obligatos fatentur , singularis fidei , singularis industriæ fructum meritissimò ferat. Prolatos imperii fines , redditos exercitus reipublicæ credas. Adstruitur his , Cùm senatui populoque Romano liberalitatis gratior repræsentari nulla materia possit , quàm si abstinentissimi fidelissimique custodis Principium opum facultates adjuvare contigisset. Hoc tunc votum senatûs , hoc præcipuum gaudium populi , hæc liberalitatis materia gratissima , si Pallantis facultates adjuvare publicarum opum egestione contingeret. Jam quæ sequuntur , *Voluisse quidem senatum censere dandum ex ærario sestertium centies quinquagies ; & quantò ab ejusmodi cupiditatibus remotior ejus animus esset , tantò impensius petere a publico parente , ut eum compelleret ad cedendum senatui.* Id verò deerat , ut cum Pallante auctoritate publicâ ageretur ; Pallas rogaretur ut senatui cederet ; ut illi superbissimæ abstinentiæ Cæsar ipse advocatus esset , ne sestertium centies quinquagies sperneret. Sprevit , quod solum potuit , tantis opibus publicè oblati , arrogantius facere , quàm si accepisset. Senatus tamen id quoque , similis querenti , laudibus tulit , his quidem verbis : *Sed cùm Princeps optimus , parensque publicus , rogatus a Pallante , eam*  
*e ij*

partem sententiæ, quæ pertinebat ad dandum ei ex ærario centies quinquagies sestertium, remitti voluisset, testari senatum & se libenter ac meritò hanc summam inter reliquos honores, ob fidem diligentiamque, Pallanti decernere cœpisse: voluntati tamen Principis sui, cui in nullâ re fas putaret repugnare, in hac quoque re obsequi. Imaginare Pallantem velut intercedentem senatusconsulto, moderantemque honores suos, & sestertium centies quinquagies, ut nimium, recusantem, cum prætorii ornamenta, tamquam minus recepisset. Imaginare Cæsarem liberti precibus, vel potius imperio, coram senatu obtemperantem. Imperat enim libertus patrono, quem in senatu rogat. Imaginare senatum usquequaque testantem, meritò libenterque se hanc summam inter reliquos honores Pallanti cœpisse decernere; & perseveraturum fuisse se, nisi obsequeretur Principis voluntati, cui non esset fas in ullâ re repugnare. Ita, ne sestertium centies quinquagies Pallas ex ærario ferret, verecundiâ ipsius, obsequio senatûs opus fuit, in hoc præcipuè non obsecuturi, si in ullâ re putasset fas esse non obsequi. Finem existimas? Manedum & majora accipe. Utiq; cum sit utile, Principis benignitatem promptissimam ad laudem præmiæque merentium illustrari ubique, & maxime his locis, quibus incitari ad imitationem præpositi rerum ejus curæ possent, & Pallantis spectatissima fides, atque innocentia exemplo provocare studium tam honestæ æmulationis possit, ea quæ quarto Kalendas Februarias, quæ proximæ fuissent, in amplissimo ordine optimus Princeps recitasset, senatûsque consulta de iis rebus facta in æs inciderentur, idque æs figeretur ad statuam loricatam

*divi Julii.* Parum visum, tantorum dedecorum esse curiam tectem: delectus est celeberrimus locus, in quo legenda præsentibus, legenda futuris proderentur. Placuit ære signari omnes honores fastidiosissimi mancipii, quosque repudiasset, quosque, quantum ad decernentes pertinet, gessisset. Incisa & insculpta sunt publicis æternisque monumentis prætoria ornamenta Pallantis, sic quasi fœdera antiqua, sic quasi sacrae leges. Tanta Principis, tanta senatûs, tanta Pallantis ipsius.... quid dicam nescio, ut vellet in oculis omnium figi, Pallas insolentiam suam, patientiam Cæsar, humilitatem senatus. Nec puduit rationem turpitudini obtendere; egregiam quidem pulchramque rationem, ut exemplo Pallantis præmiorum ad studium æmulationis ceteri provocarentur. Ea honorum vilitas erat, illorum etiam, quos Pallas non se dignabatur. Inveniebantur tamen honesto loco nati, qui peterent cuperentque, quod dari liberto, promitti servis videbant. Quàm juvat quòd in tempora illa non incidi, quorum sic me, tamquam illis vixerim, pudet! Non dubito similiter afficere te. Scio quàm sit tibi vivus & ingenuus animus: ideo facilius est, ut me, quamquam indignatione quibusdam in locis fortasse ultra epistolæ modum extulerim, parum doluisse, quàm nimis, credas. Vale.





*LIBR. VIII. Ep. VII.*

PLINIUS TACITO SUO S.

NEQUE ut magistro magister, neque ut discipulo discipulus ( sic enim scribis ) sed ut discipulo magister ( nam tu magister, ego contrà; atque ideo tu in scholam revocas, ego adhuc Saturnalia extendo ) librum misisti. Num potui longiùs hyperbaton<sup>1</sup> facere, atque hoc ipso probare eum esse me, qui non modò magister tuus, sed ne discipulus quidem debeam dici? Sumam tamen personam magistri; exeramque in librum tuum jus, quod dedisti; eò liberiùs, quòd nihil ex meis interim missurus sum tibi, in quo te ulciscaris. Vale.

*LIBR. IX. Ep. X.*

PLINIUS TACITO SUO S<sup>2</sup>.

CUPIO præceptis tuis parere; sed aporum tanta penuria est, ut Minervæ & Dianæ, quas ais pariter colendas, convenire non

<sup>1</sup> Hyperbaton est parenthesis, cujus frequens longusque usus tironum est, non verò magistrorum in arte scribendi.

<sup>2</sup> Hæc est epistola, quam quidam Tacito vindicant, ut jam monui in Præfatione pag. xix, voluntque eam a Tacito fuisse scriptam, ut responderet Plinii epistolæ I, 6, quam suprâ retuli.

Inde Stephanus, Gryphius, Catanæus, epistolam inscribere: *Cornelius Tacitus C. Plinio suo S.* Contrà Casaubonus, quem Cellarius alique sunt secuti, existimant hac epistolâ Plinium respondisse Taciti epistolæ, quæ non exstat. Perperam in quibusdam editionibus inscriptum, *Cornelio Tacito C. Plinius.*

possit. Itaque Minervæ tantum serviendum est, delicate tamen, ut in secessu, & æstate. In viâ planè nonnulla leviora, statimque delenda, eâ garrulitate, quâ sermones in vehiculo feruntur, extendi. His quædam addidi in villâ, cum aliud non liberet. Itaque poemata quiescunt, quæ tu inter nemora & lucos commodissimè perfici putas. Oratiunculam unam, alteram retractavi; quamquam id genus operis inamabile, inamœnum, magisque laboribus ruris, quàm voluptatibus simile. Vale.

## LIBR. IX. EP. XIV.

PLINIUS TACITO SUO S.

Nec ipse tibi plaudis, & ego nihil magis ex fide, quàm de te scribo. Posteris an aliqua cura nostrî, nescio: nos certè meremur, ut sit aliqua, non dico ingenio (id enim superbum) sed studio, & labore, & reverentiâ posterorum. Pergamus modò itinere instituto, quod ut paucos in lucem famamque provexit, ita multos e tenebris & silentio protulit. Vale.

## LIBR. IX. EP. XXIII.

PLINIUS MAXIMO SUO S.

FREQUENTER agenti mihi evenit, ut centumviri, cum diu se intra iudicum auctoritatem gravitatemque tenuissent, omnes repentè quasi victi coactique confurgènt laudarentque. Frequenter e senatu famam, qualem maximè optaveram, retuli: num-

c iv

quam tamen majorem cepi voluptatem, quàm nuper ex sermone Cornelii Taciti. Narrabat sedisse se cum quodam Circensibus proximis: hunc post varios eruditosque sermones requisivisse, *Italicus es, an provincialis?* se respondisse, *Nosti me, & quidem ex studiis.* Ad hoc illum: *Tacitus es, an Plinius?* Expressere non possum, quàm sit jucundum mihi, quòd nomina nostra, quasi literarum propria, non hominum, literis redduntur; quòd uterque nostrum his etiam ex studiis notus, quibus aliter ignotus est. Accidit aliud ante pauculos dies simile. Recumbebat mecum vir egregius Fabius Rufinus, super eum municeps ipsius, qui illo die primum venerat in Urbem: cui Rufinus, demonstrans me, *Vides hunc?* Multa deinde de studiis nostris. Et ille, *Plinius est*, inquit. Verum fatebor, capio magnum laboris mei fructum. An si Demosthenes jure lætatus est, quòd illum anus Attica ita noscitavit, *Οὗτός ἐστι Δημοσθένης!* ego celebritate nominis mei gaudere non debeo? Ego verò & gaudeo, & gaudere me dico. Neque enim vereor, ne jactantior videar, cùm de me aliorum judicium, non meum profero; præsertim apud te, qui nec ullius invides laudibus, & faves nostris. Vale.

## SCHOLIASTES Juvenalis.

*Juvenal. Satyr. II, 99.*

Ille tenet speculum pathici gestamen Othonis.

*Scholiastes:* Occiso Galbâ Imperatore, Otho invasit imperium: qui tam probrosæ curæ in poliendâ formâ fuit, ut humecto

pane faciem liniret ad sollicitandum candorem: utebatur & speculo. Hunc incomparabilis vitæ bello civili Vitellius vicit apud Bebryaci campum. Horum bellum scripsit Cornelius<sup>1</sup>; scripsit & Pompeius Planta, qui ait Bebryacum vicum esse a Cremonâ vicesimo lapide.

*Juvenal. Satyr. V, 108.*

Nemo petit, modicis quæ mittebantur amicis  
A Senecâ, quæ Piso bonus, quæ Cotta solebat  
Largiri.

*Scholiastes in hæc verba, a Senecâ: Hic sub Claudio quasi conscius adulteriorum Juliæ, Germanici filiæ, in Corsicam relegatus, post triennium revocatus est. Qui etsi magno desiderio Athenas tenderet, ab Agrippinâ tamen erudiendo Neroni in palatium adductus, sævum immanemque natum & sensit citò, & mitigavit: inter familiares solitus dicere: Non fore sævo illi leoni, quin gustato semel hominis cruore, ingenita redeat sævitia. Huic postremò, quòd habitus esset inter conscios conjurationis Pisonianæ, Nero per tribunum ultimam necessitatem denuntiavit. Hic interritus, amicorum animos, quibus jam ejus casus lacrimas exciverat, ad firmitudinem revocavit, rogitans: Ubi præcepta sapientiæ? ubi tot per annos meditata ratio adversus imminentia? cui præterea ignota fuerit Neronis sævitia? neque aliud esse post matrem fratremque interfectos, quàm ut educatoris præceptorisque necem adjiceret<sup>2</sup>. Deinde sibi venas*

<sup>1</sup> Cornelius Tacitus. | scripsit ex Taciti *Annal.*

<sup>2</sup> Scholiastes hæc ex- | XV, 62.

## cvj      T E S T I M O N I A

præsecans , crurumque venas abrumpens ,  
& durante tractu lentitudineque mortis ,  
hausto veneno , & postremò calidæ aquæ  
stagnum introiens , exanimatus est.

*Juvenal. Satyr. XIV, 101.*

Tradidit arcano quodcumque volumine Moses.

*Scholiastes* : Moyſes ſacerdos , vel rex ejus  
gentis, aut ipſius quidem religionis inventor:  
cujus Cornelius etiam Tacitus meminit <sup>1</sup>.

### P O M P O N I U S   S A B I N U S , Grammaticus.

CORNELIUS TACITUS appellat ſcripta Mæ-  
cenatis *calamifſtros* <sup>2</sup>.

### F U L G E N T I U S   P L A N C I A D E S , Grammaticus.

ELOGIUM eſt hereditas in malo. Cornelius  
Tacitus libro Facetiarum <sup>3</sup> : *Cæſi itaque morum  
elogio in filiis relicto.*

## T E R T U L L I A N U S

*Apologetic. adversùs Gentes cap. 16.*

SOMNIASIS caput aſininum eſſe Deum  
noſtrum. Hanc Cornelius Tacitus ſuſpicio-  
nem ejuſmodi inferuit. Is enim in quintâ  
Hiſtoriarum ſuarum bellum Judaicum exor-

<sup>1</sup> Tacit. Hiſt. V, 3 &  
ſeqq.

<sup>2</sup> Ita appellantur a Ta-  
cito in Dialog. de Oratori-  
bus cap. 26.

<sup>3</sup> Liber ille periit, ut jam

monuimus in Præſatione ,  
pag. xvij. Julius Cæſar alii-  
que viri præſtantiſſimi Fa-  
cetas quoque collegerant.  
Haud miror idem Tacito  
placuiſſe.

Ius ab origine gentis, etiam de ipsâ tam origine, quàm de nomine & religione gentis, quæ voluit, argumentatus, Judæos refert Ægypto expeditos, sive, ut putavit, extorres, vastis Arabiæ in locis aquarum egentissimis, cùm siti macerarentur, onagris, qui fortè de pastu potum petitori æstimabantur, indicibus fontis usos, ob eam gratiam consimilis bestiæ superficiem consecrasse<sup>1</sup>. Atque ita inde præsumptum opinor, nos quoque ut religionis Judaicæ propinquos, eidem simulacro initiari. At enim idem Cornelius Tacitus, sanè ille mendaciorum loquacissimus, in eâdem Historiâ refert Cn. Pompeium, cùm Hierusalem cepisset, proptereaque templum adisset speculandis Judaicæ religionis arcanis, nullum illic reperisse simulacrum<sup>2</sup> : & utique, si id colebatur, nusquam magis quàm in sacrario suo exhiberetur, eò magis, quia nec verebatur extraneos arbitros quamquam vana cultura. Solis enim sacerdotibus adire licitum, & conspectus ceterorum velo oppassò interdicebatur.

## FLAVIUS VOPISCUS

*in Aureliano cap. 2.*

QUONIAM sermo nobis de Trebellio Pollione, qui a duobus Philippis usque ad divum Claudium, & ejus fratrem Quintilium, Imperatores tam claros quàm obscuros memoriæ prodidit, in eodem vehiculo fuit, asserente Tiberiano quòd Pollio multa incuriosè, multa breviter prodidisset : me contrà dicente, neminem scriptorum, quantum ad

<sup>1</sup> Tacit. Hist. V, 3 & 4. | <sup>2</sup> Tacit. Hist. V, 9.

Historiam pertinet, non aliquid esse mentum : prodente quin etiam in quo Livius, in quo Sallustius, in quo Cornelius Tacitus, in quo denique Trogus manifestis testibus convincerentur : pedibus in sententiam transitum faciens, ac manum porrigens, jocando præterea : Scribe, inquit, ut libet : securus, quod velis dicas, habiturus mendaciorum comites, quos historicæ eloquentiæ miramur auctores.

**IDEM** in *Tacito cap. 10.*

CORNELIUM TACITUM, scriptorem Historiæ Augustæ, quod parentem suum eundem diceret, in omnibus bibliothecis collocari jussit Tacitus Imperator. Et ne lectorum incuriâ deperiret, librum per annos singulos decies describi publicitûs in evicis<sup>1</sup> archiis jussit, & in bibliothecis poni.

**IDEM** in *Probo cap. 2.*

MIHI quidem id animi fuit, non ut Sallustios, Livios, Tacitos, Trogos, atque omnes disertissimos imitarer viros in vitâ Principum & temporibus differendis, sed Marium Maximum, Suetonium Tranquillum, Fabium Marcellinum, Gargillium Martialem, Julium Capitolinum, Ælium Lampridium, ceterosque qui hæc & talia non tam diserte, quàm verè memoriæ tradiderunt.

<sup>1</sup> Corruptè pro *eundis* vel *civiciis*.



## S. HIERONYMUS

*in Commentar. in caput XIV Zacharia.*

HÆC omnia plenissimè Josephus, qui Judaicam scripsit Historiam; & multò majora, quàm legimus in Prophetis, eos sustinuisse commemorat. Cornelius quoque Tacitus, qui post Augustum usque ad mortem Domitiani vitas Cæsarum triginta voluminibus<sup>1</sup> exaravit.

## PAULUS OROSIUS

*Histor. I, 5.*

ANTE annos Urbis conditæ mille centum sexaginta, confinem Arabiæ regionem, quæ tunc Pentapolis vocabatur, arsisse penitus igne cælesti, inter alios etiam Cornelius Tacitus refert, qui sic ait: *Haud procul inde campi, quos ferunt olim uberes, magnisque urbibus habitatos, fulminum jactu arsisse: sed & adhuc manere vestigia; terramque ipsam specie solidam, vim frugiferam perdidisse*<sup>2</sup>. Et cum hoc loco nihil de incensis propter peccata hominum civitatibus, quasi ignarus, expresse, paullo post, velut oblitus consilii, subjicit & dicit: *Ego sicut inclitas quondam urbes igne cælesti flagrasse concesserim, ita halitu lacus infici terram & corrumpi reor*<sup>3</sup>. Quo dicto, invitus

<sup>1</sup> Inde patet quanta Taciti pars perierit. Ex hoc quoque loco intelligere est Tacitum XVI Annalium, & XIV Historiarum libros scripsisse. Ob civilium quidem bellorum motus lon-

giora fuere Historiarum initia: brevior autem finis, ut illorum temporum tranquillitas ferebat.

<sup>2</sup> Hæc habet Tacit. Hist. V, 7.

<sup>3</sup> Tacit. ibid.



CX TESTIMONIA

licèt, de exustis urbibus, quæ procul dubio peccatorum noxâ conflagraverunt, & scisse se, & concessisse confessus, palam prodidit non sibi cognitionis fidem defuisse, sed exprimendæ fidei voluntatem.

IDEM *Histor. I, 10.*

ANNO ante Urbem conditam octingentesimo quinto, infanda Ægyptiis mala, atque intolerabiles plagas incubuisse Pompeius Corneliusque testantur: qui quidem, cùm hæc ambo de Judæis referenda proponant, aliquantulum me pro suâ diversitate moverunt. Ait enim Pompeius, sive Justinus<sup>1</sup>, hoc modò: Ægyptii cùm scabiem & vitiliginem paterentur, responso moniti, Moysen cum agris, ne pestis ad plures serperet, terminis Ægypti pellunt. Dux igitur exsulum factus sacra Ægyptiorum furto abstulit: quæ armis repetentes Ægyptii, domum redire tempestatibus compulsi sunt. At verò Cornelius de eâdem re sic ait: Plurimi auctores consentiunt, ortâ per Ægyptum tabe, quæ corpora sædaret, regem Bocchorim, adito Ammonis oraculo, remedium petentem, purgare regnum, & id genus hominum, ut invisum diis, alias in terras avehere jussu: sic conquistum collectumque vulgus, postquam vastis locis relictum sit, ceteris per lacrimas torpentibus, Moysen, unum exsulum, monuisse, ne quam deorum hominumve opem exspectarent; sed sibimet duci cælesti crederent, primo cujus auxilio præsentis miserias pepulissent<sup>2</sup>. Itaque Cornelius dicit, quòd, ipsis Ægyptiis cogentibus, Judæi in

<sup>1</sup> Justinus, qui Historias Trogi Pompeii breviores fecit, hæc prodidit libr.

XXXVI, 2.

<sup>2</sup> Hæc descripta ex Tacit. Hist. V, 3.

deserta propulsi sint : & postea subjungit incautè quòd ope Moyfis, ducis in Ægypto, miserias pepulissent. Quà re ostenditur quædam, quæ per Moysem strenuè acta sunt, fuisse celata. Item Justinus asserit pulsum æquè cum populo Moysem sacra Ægyptiorum fuisse furatum : quæ Ægyptios armis recipere molientes, coactos tempestatibus ac repulso domum redisse. Et hîc aliquid amplius, etsi non totum, prodidit, quod ille celavit. Quapropter quia Moyfi, magno illi duci, testimonium ambo dixerunt, ab ipso sicut per eum & gesta & dicta sunt, proferentur.

I D E M *Histor. VII, 3.*

ANNO imperii Cæsaris *Augusti* quadragesimo octavo, adeò dira Romanos fames consecuta est, ut Cæsar lanistarum familias, omnesque peregrinos, servorumque maximas copias, exceptis medicis & præceptoribus, trudi Urbe præceperit. Ita peccante Principe in sanctum Dei, & correpto per famem populo, quantitatem offensionis qualitas ultionis ostendit. Deinde ut verbis Cornelii Taciti<sup>1</sup> loquar: *Sene Augusto, Janus patefactus, dum apud extremos terrarum terminos novæ gentes sæpe ex usu, & aliquando cum damno quærentur, usque ad Vespasiani duravit imperium*<sup>2</sup>. Huc

<sup>1</sup> Verba hæc Taciti Orosius excerpsit ex perditis Historiarum libris. Janum a Vespasiano clausum diximus in Supplemento libri Historiarum V, 52. Tom. V. pag. 63.

<sup>2</sup> Jar um Nero clauferat, ut testantur ejus nummi

inscripti PACE PR TER-  
RA MARIQ PARTA IAN-  
NVM CLVSIT. At hæc  
adulatoria esse fortè mo-  
nuerat Tacitus; ni fortè id  
tacuisset, quòd *tam nullo  
quàm residuo bello* Janum  
Nero clauferat. Vide Sue-  
tonium in Nerone, cap. 12.

cxij      T E S T I M O N I A

usque Cornelius. Ceterum tunc captâ eversâ-  
que urbe Hierosolymorum, sicut Prophetæ  
prænantiauerunt, extinctisque Judæis, Titus,  
qui ad vindicandum domini nostri Jesu  
Christi sanguinem judicio Dei fuerat ordi-  
natus, victor triumphans cum Vespasiano  
patre Janum clausit.

I D E M *Histor. VII, 9.*

De millia Judæorum eo, *Judaico*, bello  
interfecta <sup>1</sup> Cornelius & Suetonius referunt.

I D E M *Histor. VII, 10.*

BELLUM adversum Germanos & Dacos  
per legatos gessit *Domitianus* pari reipublicæ  
perniciæ; cum & in Urbe ipse senatum pœ-  
pulumque laniaret, & foris malè circum-  
actum exercitum assiduâ hostes cæde confi-  
cerent. Nam quanta fuerint Diurpanei,  
Dacorum regis, cum Fusco duce prælia,  
quantæque Romanorum clades, longo con-  
textu evolverem, nisi Cornelius Tacitus,  
qui hanc historiam diligentissimè contexuit,  
*de reticendo intersectorum numero, & Sallustium*  
*Crispum, & alias auctores quamplurimos sanxisse,*  
*& se ipsum idem potissimum elegisse* <sup>2</sup> dixisset.

<sup>1</sup> Sexcenta millia obsef-  
sorum, non intersectorum  
dixit Tacitus Hist. V, 13.  
Illum autem intersectorum  
numerus habet Eusebius,  
non Suetonius. Fortè &  
illum habebat Tacitus in  
amissis Historiarum libris.

<sup>2</sup> Hæc adhuc Orosius  
excerpsit ex deperditis His-  
toriarum libris, quibus  
Tacitus res Domitiani com-  
posuerat. De Diurpanei  
bello diximus in Appendice  
Chronologicâ, Tom. V.  
pag. 105 & seq.



VETERUM SCRIPTORUM. cxiiij  
SULPITIUS SEVERUS

*Histor. sacræ libr. II.*

Id tantum annotasse contentus sum hunc *Neronem* per omnia fœdissima & crudelissima eò processisse, ut matrem interficeret: post etiam *Pythagoræ* cuidam<sup>1</sup> in modum solemnium conjugiorum nuberet. Inditumque imperatori flammeum: dos & genialis thorax, & faces nuptiales, cuncta denique, quæ vel in feminis non sine verecundiâ conspiciuntur, spectata.

IDEM *ibid.*

INTEREA abundante jam Christianorum multitudine, accidit ut Roma incendio conflagraret, Nerone apud Antium constituto. Sed opinio omnium invidiam incendii in Principem retorquebat; credebaturque Imperator gloriam innovandæ Urbis quæsisse. Neque ullâ re Nero efficiebat, quin ab eo iustum incendium<sup>2</sup> putaretur. Igitur vertit invidiam in Christianos, actæque in innoxios crudelissimæ quæstiones: quin & novæ mortes excogitatæ, ut ferarum tergis contacti, laniatu canum interirent. Multi crucibus affixi, aut flammâ usti. Plerique in id reservati, ut cum defecisset dies, in usum nocturni luminis uterentur.

<sup>1</sup> Hæc ferme totidem  
verbis Tacitus Annal. XV,  
37.

<sup>2</sup> Hæc omnia deprompta  
e Tacito Annal. XV, 40  
& 44.



APOLLINARIS SIDONIUS.

*Epistol. IV, 14.*

SIDONIUS Polemio <sup>1</sup> suo salutem. C. Tacitus unus e majoribus tuis, Ulpianorum temporum consularis, sub verbis cujuspiam Germanici ducis in Historiâ suâ retulit, dicens: *Cum Vespasiano mihi vetus amicitia, & dum privatus esset, amici vocabamur* <sup>2</sup>.

IDEM *Epistol. IV, 22.*

SIDONIUS Leoni <sup>3</sup> suo salutem. Vir magnificus Hesperius, gemma amicorum literarumque, nuper urbe cum rediit e Toloſatium, præcipere te dixit, ut epistolarum curam, jam terminatis libris earum, converteremus ad styllum Historiæ. Reverentiâ summâ, summo & affectu, talem atque tantam sententiam amplector. Idoneum quippe pronuncias ad majora opera, quem mediocria putas deferere debere. Sed quod fatendum est, facilius audeo hujusmodi suscipere judicium, quam suscipere consilium. Res quidem digna, quam tu juberet: sed non minùs digna, quam faceret. Namque, & antiquitus, cum C. Cornelius C. Secundo <sup>4</sup> paria suassisset, ipse postmodum, quod in-

<sup>1</sup> De Polemio jam dictum in Præfatione p. XXVI. Vir fuit plurimarum literarum & Platonica philoſophiæ studiosus. Vide Sidonium in carminibus XIV & XV.

<sup>2</sup> Tacit. Hist. V, 26.

<sup>3</sup> Leo Eurici & Alarici,

regum Gothorum, consiliarius, eloquentiæ, poetiæ & politicæ artis studiis clarus ut ferebant hæc tempora; ideoque laudatissimus.

<sup>4</sup> Plinio. Hac de re dictum in Præfatione, pag. xij.

junxit, arripuit. Idque ab exemplo nunc me melius aggredieris, quia & ego Plinio, ut discipulus assurgo, & tu vetusto genere narrandi jure Cornelium antevenis; qui sæculo nostro si revivisceret, teque, qualis in literis & quantus habere, conspiceretur, modò veriùs Tacitus esset.

IDEM *in Panegyrico ad Anthemium Augustum.*

*Carminè II. vers. 190.*

Quà Crispus brevitæ placet, quo pondere Varro,  
Quo genio Plautus, quo fulmine Quintilianus,  
Quà pompâ Tacitus numquam sine laude loquendus.

IDEM *ad Consentium V. C. civem Narbonensem, in laudibus urbis Narbonis.*

*Carminè XXIII. vers. 146.*

Quid vos eloquii canam Latini,  
Arpinas, Patavine, Mantuane,  
Et te comica qui doces, Terenti?  
Et te, tempore qui satus severo,  
Graios, Plaute, sales lepore transis?  
Et te multimodâ satis verendum  
Scriptorem numerositate, Varro?  
Et te, qui brevitæ, Crispe, polles?  
Et te, qui pro ingenio fluente, nulli,  
Corneli Tacite, es tacendus ori?

cxvj      T E S T I M O N I A  
C A S S I O D O R U S

*Variarum Epist. V, 2.*

HÆSTIS<sup>1</sup> Theodericus rex<sup>2</sup>. Illo & illo<sup>3</sup> legatis vestris venientibus, grande vos studium notitiæ nostræ habuisse cognovimus; ut in Oceani litoribus constituti, cum nostrâ mente jungamini: suavis nobis admodum & grata petitio; ut ad vos perveniret famâ nostra, ad quos nulla potuimus destinare mandata. Amate jam cognitum, quem requisistis ambientes ignotum. Nam inter tot gentes viam præsumere, non est aliquid facile concupisse. Et ideo salutatione vos affectuosâ requirentes, indicamus succina, quæ a vobis per harum portitores dicta sunt<sup>4</sup>, grato animo fuisse suscepta: quæ ad vos Oceani unda descendens, hanc levissimam substantiam, sicut & vestrorum relatio continebat, exportat: sed unde veniat, incognitum vos habere dixerunt, quam ante omnes homines, patriâ vestrâ offerente, suscipitis. Hoc, quodam Cornelio<sup>5</sup> scribente, legitur in interioribus insulis Oceani ex arboris succo defluens, unde & succinum dicitur, paulatim Solis ardore coalescere. Fit enim sudatile metallum teneritudo perspicua: modò croceo colore rubens, modò flammeâ

<sup>1</sup> Ii sunt Æstii, Suevici maris accolæ, quos memorat Tacitus de moribus Germanorum, cap. 45.

<sup>2</sup> Theodericus, aut Theodoricus, Gothorum in Italiâ regnum instituit anno 493.

<sup>3</sup> Hæc posita pro lega-

torum nominibus.

<sup>4</sup> Melius: *per horum portitores ducta sunt.*

<sup>5</sup> Hanc quidem succini originem, sed multò elegantius, prodidit Tacitus de Moribus Germanorum, cap. 45. Pro *quodam* fortè legendum *quondam*.

claritate pinguescens : ut cùm in maris fuerit delapsa confinio , æstu alternante purgata , vestris litoribus tradatur exposita. Quod ideo judicavimus indicandum , ne omnino putetis notitiam nostram fugere , quod occultum creditis vos habere. Proinde requirite nos sæpius per vias , quas amor vester aperuit. Quia semper prodest divitum regum acquisita concordia ; qui dum parvo munere leniuntur , majore semper compensatione prospiciunt. Aliqua vobis etiam per legatos vestros verbo mandavimus ; per quos quæ grata esse debeant , nos destinasse declaramus.

## JORNANDES

*de Rebus Geticis I, 2.*

REFERT Strabo <sup>1</sup> , Græcorum nobilis scriptor , tantas illam , *Britanniam* , exhalare nebulas , madefactâ humo Oceani crebris excursibus , ut subiectus sol per illum pæne totum fœdiorem , qui serenus est , diem negetur aspectui , noctemque clariorem. In extremâ ejus parte Memmâ <sup>2</sup> , quam Cornelius <sup>3</sup> etiam Annalium scriptor narrat metallis plurimis copiosam , herbis frequentem , & his feraciorem omnibus , quia pecora magis , quàm homines alat. Labi verò per eam & multa quàm maxima , relabique flumina ,

<sup>1</sup> Strabo IV, pag. 138.

<sup>2</sup> Juxta eruditum Camden , *Britannia* , pag. 153, Memma est pars illa provinciæ Cornubiæ, *Cornwal*, quæ nunc *Meneg* dicitur , prope Ocrinum promontorium , nunc *le Cap Lézard*.

<sup>3</sup> Nonnulla ex his refert Tacitus in Vit. Agric. cap. 11 & 12. Cetera , ut opinor , Jornandes exscripsit ex perditis Annalium libris ; quibus Tacitus Britannicam Claudii expeditionem narraverat.



# cxvii] T E S T I M O N I A

gemmas, margaritasque volventia. Sylorum<sup>1</sup> colorati vultus, torto plerique crine & nigro nascuntur. Calidoniam<sup>2</sup> verò incolentibus rutilæ comæ, corpora magna, sed fluida; qui Gallis, sive Hispanis, quibusque attenduntur, assimiles. Unde conjectavere nonnulli, quòd ex his accolæ continuò vocatos acceperit. Inculti æquè omnes populi regesque populorum. Cunctos tamen in Calidoniæ Memmatarumque nomina concessisse auctor est Dio<sup>3</sup> celeberrimus scriptor Annalium.

## JOANNES SARESBERIENSIS

*in Polycratice VIII, 18.*

QUÆ si quis diligentius recenseri voluerit, legat ea quæ Trogius Pompeius, Josephus, Egesippus, Suetonius, Q. Curtius, Cornelius Tacitus, T. Livius, Serenus, & Tranquillus, & alii Historici, quos enumerare longum est, suis comprehenderunt Historiis.

<sup>1</sup> Verius *Silurum*. Vide Vitam Agricolaë, cap. 11.

<sup>2</sup> Potius *Caledoniam*. Vide Tacitum, ibid.

<sup>3</sup> Hæc quidem habet Dio LXXVI, pag. 866. Sed Mæatæ, non verò Memmatæ ab illo vocantur Κελιδόνιαι ἢ Μαιάται.



## C. PLINIUS SECUNDUS

*Hist. Nat. VII, 16.*

De Cornelio Tacito, *ut videtur, patre*  
*C. Cornelii Taciti, Historici.*

INVENIMUS in monumentis; Salamine Euthymenis filium, in tria cubita triennio adolevisse<sup>1</sup>, incessu tardum, sensu hebetem, & jam puberem factum voce robustâ, absumptum contractione membrorum subitâ, triennio circumactô. Ipsi non pridem vidimus eadem ferme omnia præter pubertatem in filio Cornelii Taciti, equitis Romani, Belgicæ Galliæ rationes procurantis<sup>2</sup>. *Ἐτραπίλυσ* Græci vocant eos: in Latio non habent nomen.

<sup>1</sup> Mallem, *accrevisse*, ut legitur in Ms. codice optimæ notæ.

<sup>2</sup> Reinesius, *Inscript.*

*Antiq. pag. 103*, memorat veterem Inscriptionem in agro Juliacenſi prope *Pat-tenes* repertam:

APOLLINI. ....

RATIONATORIS. HONORE

VSVRV. SECVNDVM

CORNELIVS VERV. TACITVS

EREXIT. MONVMENTI. LOCO

Incertum utrûm hæc inscriptio ad Tacitum, de quo agit Plinius, sit referenda. Certè non pertinet ad Tacitum, Historiæ scriptorem, ut voluit Reinesius.

# QUINCTILIANUS

*de Institutione oratoriâ X, 1.*

*Cum Servilium Nonianum & Bassum Aufidium memorasset, addit: Superest adhuc, & exornat ætatis nostræ gloriam, vir sæculorum memoriâ dignus<sup>1</sup>, qui olim nominabitur, nunc intelligitur. Habet amatores, nec imitatores, ut libertas, quamquam circumcisis quæ dixisset, ei nocuerit. Sed elatum abundè spiritum & audaces sententias deprehendas etiam in iis, quæ manent.*

<sup>1</sup> Sunt qui ad Tacitum hæc referant. Quod tamen probabile minimè crediderim. Quinctilianus enim sub Domitiano Principe scripsit, cum neque Annales, neque Historias Tacitus

condiderat. Haud feliciores sunt, qui ea de Plinio intelligunt. Ad aliquem horum temporum scriptorem, cujus opera perierint, pertinere potius mihi videntur.



C. CORNELII

C. CORNELII  
*TACITI*  
ANNALES.

---



# BREVIARIUM

## LIBRI PRIMI.

I. *ROMANARUM rerum status ab Urbe conditâ ad Augusti excessum. V. Tiberius imperium suscipit, tardè, & cupidinem dissimulans. Roma in servitium ruit. XVI. Pannonicas legiones tres seditio gravis incessit. Ea, missò Druso, Tiberii filio, ægre componitur. XXXI. Idem in Germaniâ inferiore motus, qui consedit, non sine sanguine & cæde. L. Germanicus Cæsar in hostem ducit: eâque expeditione Marşi, Tubantes, Bructeri, Usipetes vastati, aut cæsi. LIII. Julia, Augusti filia, Rhegii vitam finiit. LIV. Sodales in honorem Augusti, & ludi Augustales instituti. LV. Germanicus iterum Rhenum transmittit, in Cattos ducit: agros,*

*domos, homines, vastat, urit, cædit :  
 Segestem obsidione Arminii liberat.  
 Ob hæc imperator consalutatus. LIX.  
 Bellum deinde in Cheruscas gestum.  
 Reliquiæ Vari & militum lætæ : su-  
 premaque iis soluta. LXIII. Romani  
 in reditu, sub Cæcinâ duce, pericli-  
 tati. Hostes tamen prosperâ eruptione  
 fusi, fugati. LXXII. Majestatis lex  
 reducâ, & aspere exercita. LXXVI.  
 Tiberis inundat. LXXVII. Theatri  
 licentia erumpit : & per eam causam  
 decreta patrum expressa ad coercendos  
 histriones. LXXIX. Postremò actum  
 de subducendis Tiberi aquis. Eoque  
 nomine querelæ civitatum Italiæ, &  
 legationes.*

Hæc biennio fere gesta:

A. U. C.      J. C.

|            |    |       |                                       |
|------------|----|-------|---------------------------------------|
| DCCLXVII.  | 14 | Coff. | { Sexto Pompeio ;<br>Sexto Appuleio.  |
| DCCLXVIII. | 15 | Coff. | { Druso Cæsare,<br>C. Norbano Flacco. |



C. CORNELII  
*TACITI*  
ANNALES.



*LIBER PRIMUS.*

**U**RBE M ROMAM a principio reges habuere. Libertatem & consulatum L. Brutus instituit. Dictaturæ ad tempus sumebantur : neque decemviralis potestas ultra biennium , neque tribunorum militum consulare jus diu valuit. Non Cinnæ , non Sullæ longa dominatio : & Pompeii Crassique potentia , citò in Cæsarem ; Lepidi , atque Antonii arma , in Augustum cessere ; qui cuncta discordiis civilibus fessa , nomine *Principis* sub

A iij



imperium accepit. Sed veteris populi Romani prospera, vel adversa, claris scriptoribus memorata sunt: temporibusque Augusti dicendis non defuere decora ingenia, donec gliscente adulatione detererentur. Tiberii, Caiique, & Claudii, ac Neronis res, florentibus ipsis, ob metum falsæ; postquam occiderant, recentibus odiis compositæ sunt. Inde consilium mihi pauca de Augusto, & extrema tradere: mox Tiberii principatum, & cetera, sine irâ & studio, quorum causas procul habeo.

II. POSTQUAM, Bruto & Cassio cæsis, nulla jam publica arma; Pompeius apud Siciliam oppressus; exutoque Lepido, interfecto Antonio, ne Julianis quidem partibus, nisi Cæsar, dux reliquus: posito *triumviri* nomine, consulem se ferens, & ad tuendam plebem tribunicio jure contentum; ubi militem donis, populum annonâ, cunctos dulcedine otii pellexit, insurgere paullatim, munia senatûs, magistratuum, legum in se trahere, nullo adversante; cum ferocissimi per acies, aut proscriptione cecidissent; ceteri nobilium, quantò quis servitio promptior, opibus & honoribus extollerentur; ac novis ex rebus aucti, tuta &

præsentia , quàm vetera & periculosa  
mallent. Neque provinciæ illum rerum  
statum abnuebant , suspecto senatûs po-  
puliue imperio ob certamina potentium,  
& avaritiam magistratuum : invalido le-  
gum auxilio , quæ vi , ambitu , postremò  
pecuniâ turbabantur.

III. CETERUM Augustus subsidia do-  
minationi Claudium Marcellum , sororis  
filium , admodum adolescentem , pon-  
tificatu & curuli ædilitate ; M. Agrippam,  
ignobilem loco , bonum militiâ , & vic-  
torix socium , geminatis consulatibus ex-  
tulit ; mox defuncto Marcello , generum  
sumpsit : Tiberium Neronem , & Clau-  
dium Drusum , privignos , imperatoriis  
nominibus auxit , integrâ etiamdum do-  
mo suâ. Nam genitos Agrippâ , Caium  
ac Lucium , in familiam Cæsarum indu-  
xerat ; necdum positâ puerili prætextâ ,  
*principes juventutis* appellari , destinari  
consules , specie recusantis flagrantissimè  
cupiverat. Ut Agrippa vitâ concessit ,  
L. Cæsa rem euntem ad Hispanienses  
exercitus , Caium remeantem Armeniâ ,  
& vulnere invalidum , mors fato propera ,  
vel novercæ Livix dolus abstulit ; Dru-  
soque pridem extincto , Nero solus e pri-  
vignis erat : illuc cuncta vergere : filius ,

A iv

collega imperii, consors tribuniciæ potestatis adsumitur, omnesque per exercitus ostentatur: non obscuris, ut antea, matris artibus, sed palam hortatu. Nam senem Augustum devinxerat adeò, uti nepotem unicum, Agrippam Postumum, in insulam Planasiam projiceret: rudem sanè bonarum artium, & robore corporis stolidè ferocem, nullius tamen flagitii compertum. At herculè Germanicum Druso ortum, octo apud Rhenum legionibus imposuit, adscirique per adoptionem a Tiberio jussit, quamquam esset in domo Tiberii filius juvenis, sed quò pluribus munimentis insisteret. Bellum eà tempestate nullum, nisi adversus Germanos supererat: abolendæ magis infamiæ, ob amissum cum Quinctilio Varo exercitum, quàm cupidine proferendi imperii, aut dignum ob præmium. Domi res tranquillæ: eadem magistratuum vocabula. Juniores post Actiacam victoriam, etiam senes plerique inter bella civium nati: quotusquisque reliquus, qui rempublicam vidisset?

IV. Igitur verso civitatis statu; nihil usquam prisca & integri moris: omnes, exutâ æqualitate, jussa principis aspectare: nullâ in præsens formidine,

dum Augustus ætate validus, seque & domum & pacem sustentavit. Postquam provecta jam senectus, ægro & corpore fatigabatur, aderatque finis, & spes novæ: pauci bona libertatis incassum differere, plures bellum pavescere, alii cupere; pars multò maxima imminentes dominos variis rumoribus differebant.

« Trucem Agrippam, & ignominiâ accensum; non ætate, neque rerum experientiâ tantæ moli parem. Tiberium Neronem maturum annis, spectatum bello: sed vetere atque insitâ Claudiæ familiæ superbiâ; multaque indicia sævitix, quamquam premantur, erumpere. Hunc & primâ ab infantiâ educatum in domo regnatrice: congestos juveni consulatus, triumphos: ne iis quidem annis, quibus Rhodi specie secessûs exulem egerit, aliquid quàm iram, & simulationem, & secretas libidines meditatum. Accedere matrem muliebri impotentiâ: serviendum feminx, duobusque insuper adolescentibus, qui rempublicam interim premant, quandoque distrahant ».

V. Hæc atque talia agitantibus, gravescere valetudo Augusti: & quidam scelus uxoris suspectabant. Quippe rumor

A V.

A. U. C.

767.

J. C.

141

**=====** incesſerat , paucos ante menſes , Augu-  
 A. U. C. ſtum , electis conſciis , & comite uno  
 767. Fabio Maximo , Planafiam vectum , ad  
 J. C. viſendum Agrippam. Multas illic utrim-  
 14. que lacrimas , & ſigna caritatis , ſpem-  
 que ex eo , fore ut juvenis penatibus avi  
 redderetur : quod Maximum uxori Mar-  
 ciæ aperuiſſe : illam Liviæ : gnarum id  
 Cæſari : neque multò poſt , extincto Ma-  
 ximo (\*dubium an quæſitâ morte ) au-  
 ditos in funere ejus , Marcix gemitus  
 ſemet incuſantis , “ quòd cauſa exiti  
 „ marito fuiſſet „. Utcumque ſe ea res  
 habuit , vixdum ingreſſus Illyricum Ti-  
 berius , properis matris literis accitur :  
 neque ſatis compertum eſt , ſpirantem  
 adhuc Auguſtum apud urbem Noſam ,  
 an exanimem repererit. Acribus namque  
 cuſtodiis domum , & vias ſepſerat Livia :  
 lætique interdum nuntii vulgabantur ,  
 donec proviſis , quæ tempus monebat , ſi-  
 mul exceſſiſſe Auguſtum , & rerum potiri  
 Neronem fama eadem tulit.

VI. PRIMUM facinus novi principa-  
 tus fuit , Poſtumi Agrippæ cædes : quem  
 ignarum inermumque , quamvis firmatus  
 animo , centurio ægre confecit. Nihil  
 de eâ re Tiberius apud ſenatum diſſeruit.  
 Patris jufſa ſimulabat , quibus præſcrip-

fisset tribuno custodiæ adposito , « ne  
 » cunctaretur Agrippam morte adficere ,  
 » quandoque ipse supremum diem ex-  
 » plevisset » . Multa sine dubio sævaque  
 Augustus de moribus adolescentis que-  
 stus , ut exsilium ejus senatusconsulto  
 sanciretur , perfecerat : ceterum in nullius  
 umquam suorum necem duravit : neque  
 mortem nepoti pro securitate privigni  
 inlatam , credibile erat. Propius vero ,  
 Tiberium ac Liviam , illum metu , hanc  
 » overcalibus odiis , suspecti & invisi ju-  
 » venis cædem festinavisse. Nuntianti cen-  
 » turioni , ut mos militiæ , « factum esse  
 » quod imperasset » : « neque imperasse  
 » sese , & rationem facti reddendam  
 » apud senatum » , respondit. Quod post-  
 quam Sallustius Crispus , particeps secre-  
 torum ( is ad tribunum miserat codicil-  
 los ) comperit ; metuens ne reus subde-  
 retur , juxta periculoso ficta seu vera  
 promeret , monuit Liviam , « ne arcana  
 » domûs , ne consilia amicorum , mini-  
 » stria militum vulgarentur : neve Ti-  
 » berius vim principatûs resolveret ,  
 » cuncta ad senatum vocando. Eam con-  
 » ditionem esse imperandi , ut non aliter  
 » ratio constet , quam si uni reddatur » .

VII. AT ROMÆ fuisse in servitium

A vj

A. U. C.

767.

J. C.

14.

■■■■ consules, patres, eques: quantò quis in-  
 A. U. C. lustrior, tantò magis falsi ac festinantes,  
 767. vultuque composito, ne læti excessu  
 J. C. Principis, neu tristiores primordio, la-  
 74. crimas, gaudium, questus, adulationes  
 miscebant. Sex. Pompeius & Sex. Ap-  
 puleius, consules, primi in verba Tiberii  
 Cæsaris juravere: apudque eos Seius  
 Strabo, & C. Turranius, ille prætoriarum  
 cohortium præfectus, hic annonæ:  
 mox senatus, milesque & populus. Nam  
 Tiberius cuncta per consules incipiebat,  
 tamquam vetere republicâ, & ambiguus  
 imperandi: ne edictum quidem, quo  
 patres in curiam vocabat, nisi tribunicie  
 potestatis præscriptione posuit, sub Au-  
 gusto acceptæ. Verba edicti fuere pauca,  
 & sensu permodesto: « de honoribus  
 » parentis consulturum: neque absc-  
 » dere a corpore: idque unum ex publicis  
 » muneribus usurpare ». Sed defuncto  
 Augusto, signum prætoriiis cohortibus,  
 ut imperator dederat: excubiæ, arma,  
 cetera aulæ: miles in forum, miles in  
 curiam comitabatur: literas ad exercitus,  
 tamquam adepto principatu, misit: nus-  
 quam cunctabundus, nisi cùm in senatu  
 loqueretur. Causa præcipua ex formidine,  
 ne Germanicus, in cujus manu tot legio-

nes, immensa sociorum auxilia, mirus  
 apud populum favor, habere imperium, A. U. C.  
767.  
J. C.  
146  
 quàm expectare mallet. Dabat & famæ,  
 ut vocatus electusque potius a republicâ  
 videretur, quàm per uxorium ambitum,  
 & senili adoptione inrepsisse. Postea  
 cognitum est, ad introspectiendas etiam  
 procerum voluntates, inductam dubita-  
 tionem: nam verba, vultus, in crimen  
 detorquens recondebat.

VIII. NIHIL primo senatûs die agi  
 passus, nisi de supremis Augusti, cujus  
 testamentum inlatum per virgines Vestæ,  
 Tiberium & Liviam heredes habuit. Li-  
 via in familiam Juliam, nomenque Au-  
 gustæ adsumebatur: in spem secundam  
 nepotes pronepotesque: tertio gradu pri-  
 mores civitatis scripserat: plerosque in-  
 visos sibi, sed jactantiâ gloriâque ad po-  
 steros. Legata non ultra civilem modum,  
 nisi quòd populo & plebi ccccxv, præ-  
 toriarum cohortium militibus singula  
 nummum millia, legionariis atque co-  
 hortibus civium Romanorum trecenos  
 nummos viritim dedit. Tum consultatum  
 de honoribus, ex quibus maximè insignes  
 visi: « ut portâ triumphali duceretur  
 » funus », Gallus Asinius; « ut legum  
 » platarum tituli, victarum ab eo gentium



« vocabula anteferrentur » , L. Arrun-  
 tius censuere. Addebat Messala Valerius  
 « renovandum per annos sacramentum  
 in nomen Tiberii » : interrogatusque  
 a Tiberio , « num , se mandante , eam  
 sententiam prompsisset » ? « sponte  
 dixisse » , respondit ; « neque in iis  
 quæ ad rempublicam pertinerent , con-  
 silio nisi suo usurum , vel cum periculo  
 offensionis » . Ea sola species adulandi  
 supererat. Conclamant patres , « corpus  
 ad rogam humeris senatorum feren-  
 dum » . Remisit Cæsar adroganti mo-  
 deratione : populumque edicto monuit ,  
 ne , ut quondam nimis studiis funus  
 divi Julii turbassent , ita Augustum in  
 foro potius , quàm in campo Martis ,  
 sede destinatâ , cremari vellent » . Die  
 funeris , milites velut præsidio steterè ,  
 multum inridentibus , qui ipsi viderant ,  
 quique a parentibus acceperant diem  
 illum crudi adhuc servitii , & libertatis  
 improspere repetitæ , cum occisus dicta-  
 tor Cæsar , aliis pessimum , aliis pul-  
 cherrimum facinus videretur : « nunc  
 senem Principem , longâ potentiâ , pro-  
 visis etiam heredum in rempublicam  
 opibus , auxilio scilicet militari tuen-  
 dum , ut sepultura ejus quieta foret »

IX. **MULTUS** hinc ipso de Augusto **fermo**, plerisque vana mirantibus : **A. U. C.**  
 « quod idem dies accepti quondam im- 767.  
 » perii princeps, & vitæ supremus; quod J. C.  
 » Nolæ in domo & cubiculo, in quo 14.  
 » pater ejus Octavius, vitam finivisset.  
 » Numerus etiam consulatum celebra-  
 » batur, quo Valerium Corvum & C.  
 » Marium simul æquaverat; continuata  
 » per septem & triginta annos tribunicia  
 » potestas; nomen imperatoris semel  
 » atque vices partum; aliaque honorum  
 » multiplicata, aut nova ». At apud  
 prudentes vita ejus variè extollebatur,  
 arguebaturve. « Hi pietate erga paren-  
 » tem, & necessitudine reipublicæ, in  
 » quâ nullus tunc legibus locus, ad arma  
 » civilia actum, quæ neque parari pos-  
 » sent, neque haberi per bonas artes :  
 » multa Antonio, dum interfectores  
 » patris ulcisceretur, multa Lepido con-  
 » cessisse; postquam hic socordiâ senuerit,  
 » ille per libidines pessum datus sit, non  
 » aliud discordantis patriæ remedium  
 » fuisse, quàm ut ab uno regeretur.  
 » Non regno tamen, neque dictaturâ,  
 » sed Principis nomine constitutam rem-  
 » publicam : mari Oceano, aut omnibus  
 » longinquis septum imperium : regio-

~~\_\_\_\_\_~~ » nes , provincias , classes , cuncta inter  
 A. U. C. » se connexa : jus apud cives , modestiam  
 767. » apud socios : Urbem ipsam magnifico  
 J. C. » ornatu : pauca admodum vi tractata ,  
 24. » quò ceteris quies esset ».

X. DICEBATUR contrà , « pietatem  
 » erga parentem , & tempora reipublicæ ,  
 » obtentui sumpta : ceterum cupidine  
 » dominandi concitos per largitiones ve-  
 » teranos , paratum ab adolescente pri-  
 » vato exercitum , corruptas consulis  
 » legiones , simulatam Pompeianarum  
 » gratiam partium : mox ubi decreto  
 » patrum , fasces & jus prætoris invaserit ,  
 » cæsis Hirtio & Pansâ ( sive hostis illos ,  
 » seu Pansam venenum vulneri adfusus ,  
 » sui milites Hirtium , & machinator  
 » doli Cæsar abstulerant ) utriusque co-  
 » pias occupavisse : extortum invito fe-  
 » natu consulatum , armaque quæ in  
 » Antonium acceperit , contra tempu-  
 » blicam versa : proscriptionem civium ,  
 » divisiones agrorum , ne ipsis quidem  
 » qui fecere laudatas. Sanè Cassii , &  
 » Brutorum exitus paternis inimiciis  
 » dados ( quamquam fas sit privata odia  
 » publicis utilitatibus remittere ) sed  
 » Pompeium imagine pacis , sed Lepi-  
 » dum specie amicitiae deceptos : post ,

» Antonium Tarentino Brundisinoque  
 » fœdere , & nuptiis sororis inlectum , A. U. C.  
 » subdolæ adfinitatis pœnas morte ex- 767.  
 » solvisse. Pacem sine dubio posthæc , J. C.  
 » verùm cruentam : Lollianas , Varia- 144  
 » nasque clades : interfectos Romæ Var-  
 » rones , Egnatios , Julos ». Nec dome-  
 » sticis abstinebatur. « Abducta Neroni  
 » uxor ; & consulti per ludibrium pon-  
 » tifices , an concepto , necdum edito  
 » partu rite nuberet : Q. Tediæ & Vedii  
 » Pollionis luxus : postremò Livia gravis  
 » in rempublicam mater , gravior domui  
 » Cæsarum noverca. Nihil deorum ho-  
 » noribus relictum , cùm se templis &  
 » effigie numinum , per flamines & sa-  
 » cerdotes coli vellet. Ne Tiberium qui-  
 » dem caritate , aut reipublicæ curâ suc-  
 » cessorem adscitum : sed quoniam adro-  
 » gantiam sævitiamque ejus introspexe-  
 » rit , comparatione deterrimâ sibi glo-  
 » riam quæsisisset ». Etenim Augustus ,  
 paucis antè annis , cùm Tiberio tribuni-  
 ciam potestatem a patribus rursus po-  
 stularet , quamquam honorâ oratione ,  
 quædam de habitu vultuque & institutis  
 ejus jecerat , quæ velut excusando expro-  
 braret.

XI. CETERUM sepulturâ more per-

~~\_\_\_\_\_~~ festâ , templum & cælestes religiones  
 A. U. C. decernuntur. Versæ inde ad Tiberium  
 767. preces. Et ille variè differebat, de ma-  
 J. C. gnitudine imperii, suâ modestiâ. « Solam  
 14. » divi Augusti mentem tantæ molis ca-  
 » pacem : se in partem curarum ab illo  
 » vocatum , experiendo didicisse , quàm  
 » arduum , quàm subjectum fortunæ ,  
 » regendi cuncta onus : proinde in ci-  
 » vitate tot inlustribus viris subnixâ , non  
 » ad unum omnia deferrent ; plures fa-  
 » ciliùs munia reipublicæ sociatis labo-  
 » ribus exsecuturos ». Plus in oratione  
 tali dignitatis , quàm fidei erat : Tibe-  
 rioque etiam in rebus , quas non occu-  
 leret , seu naturâ , sive adfuetudine , sus-  
 pensa semper & obscura verba : tunc verò ,  
 nitenti ut sensus suos penitus abderet , in  
 incertum & ambiguum magis implica-  
 bantur. At patres , quibus unus metus , si  
 intelligere viderentur , in questus , lacri-  
 mas , vota effundi : ad deos , ad effigiem  
 Augusti , ad genua ipsius manus tendere ;  
 cùm proferri libellum recitarique jussit.  
 Opes publicæ continebantur : quantum  
 civium , sociorumque in armis ; quot clas-  
 ses , regna , provinciæ , tributa , & vecti-  
 galia , & necessitates ac largitiones : quæ  
 cuncta suâ manu perscripserat Augustus ;

addideratque consilium, coercendi intra terminos imperii; incertum metu, an per invidiam.

A. U. C.

767.

J. C.

141

XII. INTER quæ senatu ad infimas obtestationes procumbente, dixit fortè Tiberius, « se, ut non toti reipublicæ » parem, ita quæcumque pars sibi mandaretur, ejus tutelam suscepturum ». Tum Asinius Gallus, « Interrogo », inquit, « Cæsar, quam partem reipublicæ » mandari tibi velis »? Percussus improvisâ interrogatione, paullum reticuit, dein collecto animo respondit: « Nequaquam decorum pudori suo, legere ali- » quid aut evitare ex eo, cui in universum excusari mallet ». Rursum Gallus (etenim vultu offensionem conjectaverat) « non idcirco interrogatum » ait, « ut » divideret quæ separari nequirent: sed » ut suâ confessione argueretur, unum » esse reipublicæ corpus, atque unius » animo regendum ». Addidit laudem de Augusto, Tiberiumque ipsum victoriarum suarum, quæque in togâ per tot annos egregiè fecisset, admonuit. Nec ideo iram ejus lenivit, pridem invisus, tamquam ductâ in matrimonium Vipsaniâ, M. Agrippæ filiâ, quæ quondam Tiberii uxor fuerat, plusquam civilia

~~=====~~ agitarer, Pollionisque Asinii, patris;  
 A. U. C. ferociam retineret.

767.

J. C.

14.

XIII. POST QUÆ L. Arruntius, haud multum discrepans a Galli oratione, perinde offendit. Quamquam Tiberio nulla vetus in Arruntium ira: sed divitem, promptum, artibus egregiis, & pari famâ publicè, suspectabat. Quippe Augustus supremis sermonibus cum tractaret, quanam adipisci principem locum suffecturi abnuerent, aut impares vellent, vel iidem possent cuperentque: « M. Lepidum dixerat capacem, sed aspernantem: Gallum Asinium, avidum, at minorem: L. Arruntium, non indignum, & si casus daretur, ausurum ». De prioribus consentitur. Pro Arruntio quidam Cn. Pisonem tradidere, omnesque præter Lepidum, variis mox criminibus, struente Tiberio, circumventi sunt. Etiam Q. Haterius, & Mamercus Scaurus, suspicacem animum perstrinxere: Haterius cum dixisset, « Quousque patieris, Cæsar, non adesse caput reipublicæ? » Scaurus quia dixerat, « spem esse ex eo non inritas fore senatus preces, quod relationi consulum jure tribunicia potestatis non intercessisset ». In Haterium statim invehit; Scaurum,

eui implacabiliùs irascebatur, silentio tra-  
 misit: fessusque clamore omnium, expo-  
 stulatione singulorum, flexit paullatim,  
 non ut fateretur suscipi a se imperium,  
 sed ut negare & rogari desineret. Constat  
 Haterium, cum deprecandi causâ pala-  
 tium introisset, ambulantisque Tiberii  
 genua advolveretur, propè a militibus  
 interfectum, quia Tiberius casu, an ma-  
 nibus ejus impeditus, prociderat: neque  
 tamen periculo talis viri mitigatus est,  
 donec Haterius Augustam oraret, ejus-  
 que curatissimis precibus protegeretur.

A. U. C.

767.

J. C.

141

XIV. M U L T A patrum & in Augustam  
 adulatio. Alii *parentem*, alii *matrem patriæ*  
 appellandam; plerique ut nomini Cæsaris  
 adscriberetur, *Julia filius*, censebant.  
 Ille « moderandos feminarum honores »  
 dictitans, « eâdemque se temperantiâ  
 » usurum in his quæ sibi tribuerentur »;  
 ceterum anxius invidiâ, & muliebri fa-  
 stigium in deminutionem suâ accipiens,  
 ne lictorem quidem ei decerni passus est:  
 aramque adoptionis, & alia hujuscemodî  
 prohibuit. At Germanico Cæsari procon-  
 sulare imperium petivit, missique legati  
 qui deferrent, simul mæstiriam ejus ob  
 excessum Augusti solarentur. Quominus  
 idem pro Druso postularetur, ea causa,



~~\_\_\_\_\_~~ quòd designatus consul Drusus, præsen-  
**A. U. C.** que erat. Candidatos præturæ duodecim  
**767.** nominavit, numerum ab Augusto tradi-  
**J. C.** tum: & hortante senatu ut augeret, jure-  
**14.** jurando obstrinxit, se non excessurum.

**XV. TUM PRIMUM** e campo comi-  
 tia ad patres translata sunt. Nam ad eam  
 diem, etsi potissima arbitrio Principis,  
 quædam tamen studiis tribuum fiebant:  
 neque populus ademptum jus questus est,  
 nisi inani rumore: & senatus largitionibus  
 ac precibus sordidis exsolutus, libens  
 tenuit, moderante Tiberio, ne plures  
 quàm quatuor candidatos commendaret,  
 sine repulsâ & ambitu designandos. Inter  
 quæ tribuni plebei petivere, ut proprio  
 sumptu ederent ludos, qui de nomine  
 Augusti, fastis additi, Augustales voca-  
 rentur: sed decreta pecunia ex ærario,  
 utque per Circum triumphali veste ute-  
 rentur: curru vehi haud permissum. Mox  
 celebratio annua ad prætorem translata,  
 cui inter cives & peregrinos jurisdictio  
 evenisset.

**XVI. HIC RERUM** urbanarum status  
 erat, cùm Pannonicas legiones seditio  
 incessit: nullis novis causis, nisi quòd mu-  
 tatus Princeps licentiam turbarum, & ex  
 civili bello spem præmiorum ostendebat.

Castris æstivis tres simul legiones habebantur, præfidente Junio Bruto : qui fine Augusti, & initiis Tiberii auditis, ob justitium aut gaudium, intermiserat solita munia. Eo principio lascivire miles, discordare, pessimi cujusque sermonibus præbere aures, denique luxum & otium cupere, disciplinam & laborem aspernari. Erat in castris Percennius quidam, dux olim theatralium operarum, dein gregarius miles, procax linguâ, & miscere cætus histrionali studio doctus. Is imperitos animos, & quænam post Augustum militiæ conditio ambigentes, impellere paullatim nocturnis colloquiis, aut flexo in vesperam die, & dilapsis melioribus, deterrimum quemque congregare. Postremò, promptis jam & aliis seditionis ministris, velut concionabundus interrogabat:

A. U. C.  
767.  
J. C.  
140

XVII. « CUR PAUCIS centurionibus, paucioribus tribunis, in modum servorum obedirent? quando ausuros exposcere remedia, nisi novum & nutantem adhuc Principem precibus, vel armis adirent? satis per tot annos ignaviâ peccatum, quòd tricena aut quadragena stipendia senes, & plerique truncato ex vulneribus corpore, tole-



incitamentis : hi verberum notas , illi  
 canitiem , plurimi detrita tegmina &  
 nudum corpus exprobrantes. Postremò eò  
 furoris venere , ut tres legiones miscere  
 in unam agitaverint : depulsi æmulatione ,  
 quia suæ quisque legioni eum honorem  
 quærebant , aliò vertunt , atque unà tres  
 aquilas & signa cohortium locant : simul  
 congerunt cespites , exstruunt tribunal ,  
 quò magis conspicua sedes foret. Prope-  
 rantibus Blæsus advenit ; increpabatque ,  
 ac retinebat singulos , clamitans : « Meâ  
 » potius cæde imbuite manus : levio-  
 » re flagitio legatum interficietis , quàm ab  
 » imperatore desciscitis. Aut incolumis  
 » fidem legionum retinebo , aut jugulatus  
 » pænitentiam adcelerabo ».

XIX. AGGEREBATUR nihilominus  
 cespes , jamque pectori usque adcreverat ,  
 cùm tandem pervicaciâ victi incœptum  
 omisere. Blæsus multâ dicendi arte ,  
 « Non per seditionem & turbas desideria  
 » militum ad Cæsarem ferenda » , ait :  
 » neque veteres ab imperatoribus priscis ,  
 » neque ipsos a divo Augusto tam nova  
 » petivisse : & parum in tempore inci-  
 » pientes Principis curas onerari. Si ta-  
 » men tenderent in pace tentare , quæ  
 » ne civilium quidem bellorum victores

B

A. U. C.  
 767.  
 J. C.  
 14.

■■■ expostulaverint ; cur contra morem ob-  
 A. U. C. »sequii , contra fas disciplinæ , vim me-  
 767. »ditentur ? decernerent legatos , seque  
 J. C. »coram mandata darent ». Adclama-  
 14. vere , « ut filius Blæsi , tribunus , lega-  
 »tione eâ fungeretur , peteretque mili-  
 »tibus missionem ab sexdecim annis :  
 »cetera mandaturos , ubi prima prove-  
 »nissent. » Profecto juvene , modicum  
 otium : sed superbire miles , quòd filius  
 legati , orator publicæ causæ , satis osten-  
 deret , necessitate expressa , quæ per mo-  
 destiam non obtinuissent.

XX. INTEREA manipuli , ante cœ-  
 ptam seditionem Nauportum missi ob  
 itinera , & pontes , & alios usus , post-  
 quam turbatum in castris acceperere , vexilla  
 convellunt : direptisque proximis vicis ,  
 ipsoque Nauporto , quod municipii instar  
 erat , retinentes centuriones inrisu & con-  
 tumeliis , postremò verberibus insectantur :  
 præcipuâ in Aufidienum Rufum , præ-  
 fectum castrorum , irâ , quem dereptum  
 vehiculo , sarcinis gravant , aguntque  
 primo in agmine , per ludibrium rogi-  
 tantes , « an tam immensa onera , tam  
 » longa itinera libenter ferret » ? Quippe  
 Rufus diu manipularis , dein centurio ,  
 mox castris præfectus , antiquam duram-

que militiam revocabat, vetus operis ac laboris, & eò immitior, quia toleraverat.

A. U. C.

767.

J. C.

141

XXI. HORUM adventu redintegratur seditio, & vagi circumjecta populabantur. Blæsus paucos, maximè prædâ onustos, ad terrorem ceterorum, adfici verberibus, claudi carcere jubet; nam etiam tum legato a centurionibus, & optimio quoque manipularium, parebatur. Illi obniti trahentibus, prensare circumstantium genua, ciere modò nomina singulorum, modò centuriam quisque, cujus manipularis erat, cohortem, legionem, eadem omnibus imminere clamitantes: simul probra in legatum cumulant; cælum ac deos obtestantur: nihil reliquî faciunt, quominus invidiam, misericordiam, metum, & iras permoverent. Adcurritur ab universis, & carcere effracto, solvunt vincula; desertoresque ac rerum capitalium damnatos, sibi jam miscent.

XXII. FLAGRANTIOR inde vis, plures seditioni duces: & Vibulenus quidam gregarius miles, ante tribunal Blæsi adlevatus circumstantium humeris, apud turbatos, & quid pararet intentos: « Vos » quidem », inquit, « his innocentibus, » & miserrimis lucem & spiritum reddidistis; sed quis fratri meo vitam, quis

B ij

A. U. C.

767.

J. C.

14.

» fratrem mihi reddit ? quem missum ad  
 » vos a Germanico exercitu de commu-  
 » nibus commodis, nocte proximâ jugu-  
 » lavit per gladiatores suos, quos in exi-  
 » tium militum habet atque armat. Res-  
 » ponde, Blæse, ubi cadaver abjeceris ?  
 » ne hostes quidem sepulturæ invident :  
 » cùm osculis, cùm lacrimis dolorem  
 » meum implevero, me quoque trucidari  
 » jube; dum interfectos nullum ob scelus,  
 » sed quia utilitati legionum consuleba-  
 » mus, hi sepeliant ».

XXIII. INCENDEBAT hæc fletu, &  
 pectus atque os manibus verberans : mox  
 disiectis quorum per humeros sustineba-  
 tur, præceps & singulorum pedibus ad-  
 volutus, tantum consternationis invidiæ-  
 que concivit, ut pars militum, gladia-  
 tores qui e servitio Blæsi erant, pars ce-  
 teram ejusdem familiam vincirent, alii  
 ad quærendum corpus effunderentur. Ac  
 ni properè, neque corpus ullum reperiri,  
 & servos, adhibitis cruciatibus, abnuere  
 cædem, neque illi fuisse umquam fratrem  
 pernotuisset, haud multùm ab exitio le-  
 gati aberant. Tribunos tamen, ac præ-  
 fectum castrorum extrudere. Sarcinæ fu-  
 gientium direptæ; & centurio Lucillius  
 interficitur, cui militaribus facetiis vo-

cabulum, *Cedo alteram*, indiderant: quia fractâ vite in tergo militis, alteram clarâ voce, ac rursus aliam poscebat. Ceteros latebræ texere, uno re-  
 tento Clemente Julio, qui perferendis militum mandatis habebatur idoneus, ob promptum ingenium. Quin ipsæ inter se legiones octava & quintadecuma ferrum parabant: dum centurionem cognomento Sirpicum, illa morti deposcit, quintadecumani tuentur: ni miles nonanus preces, & adversum aspernantes, minas interjecisset.

A. U. C.  
 767.  
 J. C.  
 14.

XXIV. HÆC AUDITA, quamquam abstrusum, & tristissima quæque maximè occultantem Tiberium perpulere, ut Drusum filium cum primoribus civitatis, duabusque prætorii cohortibus mitteret, nullis fatis certis mandatis: ex re consulturum. Et cohortes delecto milite supra solitum firmatæ. Additur magna pars prætoriani equitis, & robora Germanorum, qui tum custodes imperatori aderant: simul prætorii præfectus Ælius Sejanus, collega Straboni patri suo datus, magnâ apud Tiberium auctoritate, rector juveni, & ceteris periculorum præmiorumque ostentator. Druso propinquanti, quasi per officium obvix fuere legiones,

B iij



~~non~~ non lætæ, ut adsolet, neque insignibus  
 A. U. C. fulgentes, sed inluvie deformi, & vultu,  
 767. quamquam mæstitiam imitarentur, con-  
 J. C. tumaciæ propiores.

14.

XXV. POST QUAM vallum introiit;  
 portas stationibus firmant, globos armato-  
 rum certis castrorum locis opperiri jubent:  
 ceteri tribunal ingenti agmine circumve-  
 niunt. Stabat Drusus silentium manu pos-  
 cens. Illi quotiens oculos ad multitudinem  
 retulerant, vocibus truculentis strepere;  
 rursus, viso Cæsare, trepidare: murmur  
 incertum, atrox clamor, & repentè quies:  
 diversis animorum motibus, pavebant  
 terrebantque. Tandem interrupto tumul-  
 tu, literas patris recitat, in quibus perscri-  
 ptum erat, « præcipuam ipsi fortissimarum  
 » legionum curam, quibuscum plurima  
 » bella toleravisset: ubi primùm a luctu  
 » requiesset animus, acturum apud patres  
 » de postulatis eorum: misisse interim  
 » filium, ut sine cunctatione concederet,  
 » quæ statim tribui possent: cetera senatui  
 » servanda, quem neque gratiæ, neque  
 » severitatis expertem haberi par esset ».

XXVI. RESPONSUM est a concione,  
 « mandata Clementi centurioni, quæ  
 » proferret ». Is orditur « de missione a  
 » sexdecim annis: de præmiis finitæ mi-

« litia : ut denarius diurnum stipendium  
 « foret : ne veterani sub vexillo habe- A. U. C.  
 « rentur ». Ad ea Drusus, cùm arbitrium 767.  
 senatûs & patris obtenderet, clamore J. C.  
 turbatur. « Cur venisset, neque augendis 141  
 « militum stipendiis, neque adlevandis  
 « laboribus, denique nullâ benefaciendi  
 « licentiâ ? at herculè verbera, & necem  
 « cunctis permitti : Tiberium olim no-  
 « mine Augusti desideria legionum fru-  
 « strari solitum : easdem artes Drusum  
 « retulisse. Numquamne ad se nisi filios-  
 « familiarum venturos ? novum id planè,  
 « quòd imperator sola militis commoda  
 « ad senatum rejiciat : eundem ergo se-  
 « natum consulendum, quotiens supplicia  
 « aut prælia indicantur : an præmia sub  
 « dominis, pœnas sine arbitro esse » ?

XXVII. POSTREMO deserunt tribu-  
 nal, ut quis prætorianorum militum,  
 amicorumve Cæsaris occurreret, manus  
 intentantes, causam discordiæ, & initium  
 armorum : maximè infensi Cn. Lentulo,  
 quòd is ante alios ætate & gloriâ belli,  
 firmare Drusum credebatur, & illa mi-  
 litia flagitia primus aspernari. Nec multò  
 post digredientem cum Cæsare, ac pro-  
 visu periculi hiberna castra repetentem,  
 circumstant, rogitantes, « quòd pergeret ?

B iv

ad imperatorem, an ad patres? ut illic  
 A. U. C. 767. quoque commodis legionum adverfa-  
 J. C. retur? simul ingruunt, saxa jaciunt:  
 14. jamque lapidis ictu cruentus, & exiti-  
 certus, adcurfu multitudinis, quæ cum  
 Drufo advenerat, protectus est.

XXVIII. N O C T E M minacem, & in  
 scelus erupturam, fors lenivit: nam luna  
 claro repentè cælo visa languescere. Id  
 miles, rationis ignarus, omen præsentium  
 accepit, ac suis laboribus defectionem  
 fideris adsimulans, prospereque cessura  
 quæ pergerent, si fulgor & claritudo deæ  
 redderetur. Igitur æris sono, tubarum  
 cornuumque concentu strepere: prout  
 splendidior, obscuriorve, lætari, aut mæ-  
 rere: & postquam ortæ nubes offecere  
 visui, creditumque conditam tenebris;  
 ut sunt mobiles ad superstitionem perculsæ  
 semel mentes, « sibi æternum laborem  
 » portendi, sua facinora averfari deos »  
 lamentantur. Utendum inclinatione eâ  
 Cæsar, & quæ casus obtulerat, in sapien-  
 tiam vèrtenda ratus, circumiri tentoria  
 jubet. Accitur centurio Clemens, & si  
 qui alii bonis artibus grati in vulgus: ii  
 vigiliis, stationibus, custodiis portarum  
 se inserunt, spem offerunt, metum in-  
 tendunt. « Quousque filium imperatoris

»obsidebimus? quis certaminum finis? A. U. C. 767.  
 »Percennione, & Vibuleno sacramentum J. C. 14a  
 »dicturi fumus? Percennius & Vibulenus  
 »stipendia militibus, agros emeritis lar-  
 »gientur? Denique pro Neronibus &  
 »Drusis, imperium populi Romani ca-  
 »pessent? quin potius, ut novissimi in  
 »culpam, ita primi ad pœnitentiam su-  
 »mus? Tarda sunt quæ in commune ex-  
 »postulantur: privatam gratiam statim  
 »mereare, statim recipias». Commotis  
 per hæc mentibus, & inter se suspectis,  
 tironem a veterano, legionem a legione  
 diffociant. Tum redire paullatim amor  
 obsequii: omittunt portas, signa unum  
 in locum principio seditionis congregata,  
 suas in sedes referunt.

XXIX. DRUSUS, orto die, & vocatâ  
 concione, quamquam rudis dicendi, no-  
 bilitate ingenitâ, incusat priora, probat  
 præsentia. Negat & se terrore & minis  
 »vinci: flexos ad modestiam si videat,  
 »si supplices audiat, scripturum patri,  
 »ut placatus legionum preces exciperet».  
 Orantibus, rursus idem Blæsus & L.  
 Apronius eques Romanus e cohorte Drusi,  
 Justusque Catonius primi ordinis centu-  
 rio, ad Tiberium mittuntur. Certatum  
 inde sententiis, cùm alii « opperiendos

B v

A. U. C. 767. J. C. 14.   
 «legatos, atque interim comitate per-  
 mulcendum militem» censerent; alii  
 «fortioribus remediis agendum: nihil in  
 vulgo modicum: terrere, ni paveant:  
 ubi pertimuerint, impune contemni:  
 dum superstitio urgeat, adjiciendos ex  
 duce metus, sublati seditionis aucto-  
 ribus». Promptum ad asperiora inge-  
 nium Druso erat: vocatos Vibulenum &  
 Percennium interfici jubet. Tradunt ple-  
 rique, intra tabernaculum ducis obrutos:  
 alii, corpora extra vallum abjecta ostentui.

XXX. Tum, ut quisque præcipuus  
 turbator, conquisiti: & pars extra castra  
 palantes, a centurionibus, aut prætoriarum  
 cohortium militibus cæsi: quosdam  
 ipsi manipuli, documentum fidei, tra-  
 didere. Auxerat militum curas præmatura  
 hiems, imbribus continuis, adeoque  
 sævis, ut non egredi tentoria, congregari  
 inter se, vix tutari signa possent, quæ  
 turbine atque undâ raptabantur: durabat  
 & formido cælestis iræ, «nec frustra ad-  
 versus impios hebescere sidera, ruere  
 tempestates: non aliud malorum leva-  
 mentum, quàm si linquerent castra  
 infaulta temerataque, & soluti piacu-  
 lo, suis quisque hibernis redderentur».

Primùm octava, dein quintadecima legio,

rediere. Nonanus opperiendas Tiberii epistolas clamitaverat: mox desolatus aliorum discessione, imminentem necessitatem sponte prævenit: & Drusus, non expectato legatorum regressu, quia præsentia satis confederant, in Urbem rediit.

A. U. C.

767.

J. C.

14.

XXXI. IISDEM ferme diebus, iisdem causis Germanicæ legiones turbatæ, quantò plures, tantò violentiùs: & magnâ spe fore ut Germanicus Cæsar imperium alterius pati nequiret, daretque se legionibus, vi suâ cuncta tracturus. Duo apud ripam Rheni exercitus erant: cui nomen superiori, sub C. Silio legato; inferiorem A. Cæcina curabat. Regimen summæ rei penes Germanicum, agendo Galliarum censui tum intentum. Sed quibus Silius moderabatur, mente ambigûâ, fortunam seditionis alienæ speculabantur: inferioris exercitûs miles in rabiem prolapsus est, orto ab unetvicesimanis quintanisque initio, & tractis primâ quoque ac vicesimâ legionibus: nam iisdem æstivis, in finibus Ubiorum habebantur, per otium, aut levia munia. Igitur audito fine Augusti, vernacula multitudo, nuper acto in Urbe delectu, lasciviæ sueta, laborum intolerans, implere ceterorum rudes animos: « Venisse tempus quo veterani maturam

B vj

missionem, juvenes largiora stipendia,  
 A. U. C. cuncti modum miseriarum exposcerent,  
 767. sævitiamque centurionum ulcisceren-  
 J. C. tur ». Non unus hæc, ut Pannonicas  
 44. inter legiones, Percennius, nec apud  
 trepidas militum aures alios validiores  
 exercitus respicientium, sed multa sedi-  
 tionis ora vocesque: « suâ in manu sitam  
 rem Romanam, suis victoriis augeri  
 rempublicam, in suum cognomentum  
 adscisci imperatores ».

XXXII. NE C L E G A T U S obviam ibat:  
 quippe plurium vecordia constantiam  
 exemerat. Repentè lymphati, destriictis  
 gladiis, in centuriones invadunt: ea ve-  
 rustissima militaribus odiis materies, &  
 sæviendi principium: prostratos verberi-  
 bus mulcant, sexageni singulos, ut nu-  
 merum centurionum adæquarent. Tum  
 convulsos laniatosque, & partim exani-  
 mos, ante vallum, aut in amnem Rhe-  
 num projiciunt. Septimius cùm perfugisset  
 ad tribunal, pedibusque Cæcinæ advol-  
 veretur, eò usque flagitatus est, donec  
 ad exitium dederetur. Cassius Chærea,  
 mox cæde C. Cæsaris memoriam apud po-  
 steros adeptus, tum adolescens, & animi  
 ferox, inter obstantes & armatos ferro  
 viam patefecit. Non tribunus ultrà, non

castrorum præfectus jus obtinuit : vigilias, stationes , & si qua alia præsens usus indixerat , ipsi partiebantur. Id militares animos alitiùs conjectantibus præcipuum indicium magni atque implacabilis motûs, quòd neque disjecti, vel paucorum instinctu , sed pariter ardescerent , pariter filerent : tantâ æqualitate & constantiâ , ut regi crederes.

A. U. C.

767.

J. C.

14.

XXXIII. INTEREA Germanico per Gallias , ut diximus , census accipienti , « excessisse Augustum » adfertur. Neptem ejus Agrippinam in matrimonio , pluresque ex eâ liberos habebat. Ipse Druso , fratre Tiberii , genitus , Augustæ nepos : sed anxius occultis in se patrui aviæque odiis , quorum causæ acriores , quia iniquæ : quippe Drusi magna apud populum Romanum memoria , credebaturque , si rerum potitus foret , libertatem redditurus : unde in Germanicum favor , & spes eadem. Nam juveni civile ingenium , miracomitas , & diversa a Tiberii sermone , vultu , adrogantibus & obscuris. Accedebant muliebres offensiones , novercalibus Liviae in Agrippinam stimulis : atque ipsa Agrippina paullo commotior , nisi quòd castitate , & mariti amore , quamvis indomitum animum in bonum vertebat.



**XXXIV.** SED GERMANICUS quantò summæ spei propior, tantò impensius pro Tiberio niti. Sequanos proximos, & Belgarum civitates in verba ejus adigit. Dehinc, audito legionum tumultu, raptim profectus, obvias extra castra habuit, dejectis in terram oculis, velut pænitienciâ. Postquam vallum iniit, dissoni questus audiri cœpere: & quidam prensâ manu ejus, per speciem exosculandi, inferuerunt digitos, ut vacua dentibus ora contingeret: alii curvata senio membra ostendebant. Adfidentem concionem, quia permixta videbatur, « discedere in manipulos » jubet: « sic meliùs audituros » responsum: vexilla præferri ut id saltem discerneret cohortes: tardè obtemperavere. Tunc « a veneratione Augusti » orsus, flexit « ad victorias triumphosque Tiberii », præcipuis laudibus celebrans, « quæ apud Germanias illis cum legionibus pulcherrima fecisset ». inde « consensum, Galliarum fidem » extollit; « nil usquam turbidum aut discordans ».

**XXXV.** SILENTIO hæc, vel murmure modico audita sunt. Ut seditionem attigit, « ubi modestia militaris? ubi veteris disciplinæ decus? quónam tri-

»bunos? quò centuriones exegissent »? ~~=====~~  
 rogitans: nudant universi corpora, « cica- A. U. C.  
 »trices ex vulneribus, verberum notas » 767.  
 exprobrant; mox indiscretis vocibus, J. C.  
 « pretia vacationum, angustias stipendii, 14.  
 »duritiam operum », ac propriis nomini-  
 bus incusant, « vallum, fossas, pabuli,  
 »materiæ, lignorum adgestus », & si  
 qua alia ex necessitate, aut adversus otium  
 castrorum quærantur. Atrocissimus vete-  
 ranorum clamor oriebatur, qui tricena,  
 aut suprâ, stipendia numerantes, « me-  
 »deretur fessis, neu mortem in iisdem  
 »laboribus, sed finem tam exercitæ mi-  
 »litæ, neque inopem requiem », ora-  
 bant. Fuere etiam qui legatam a divo  
 Augusto pecuniam repõcerent, faustis in  
 Germanicum ominibus: & si vellet im-  
 perium, promptos ostentavere. Tum verò  
 quasi scelere contaminaretur, præcep-  
 tribunali defiluit: opposuerunt abeunti  
 arma, minitantes, ni regrederetur. At ille  
 « moriturum potiùs quàm fidem exueret »  
 clamitans, ferrum a latere diripuit, ela-  
 tumque defererebat in pectus, ni proximi  
 prensam dextram vi attinuissent. Extrema  
 & conglobata inter se pars concionis, ac  
 vix credibile dictu, quidam singuli pro-  
 piùs incedentes, « feriret », hortabantur:

~~et~~ miles, nomine Calusidius, strictum  
 A. U. C. obtulit gladium, addito, « acutiorem  
 767. » esse ». Sævum id, malique moris, etiam  
 J. C. furentibus visum; ac spatium fuit, quo  
 14. Cæsar ab amicis in tabernaculum rape-  
 retur.

XXXVI. CONSULTATUM ibi de remedio: etenim nuntiabatur « parari » legatos, qui superiorem exercitum ad » causam eandem traherent: destinatum » excidio Ubiorum oppidum: imbutasque » prædâ manus, in direptionem Galliarum erupturas ». Augebat metum gnarus Romanæ seditionis, &, si omitteretur ripa, invasurus hostis. At si auxilia & focii adversum abscedentes legiones armarentur, civile bellum suscipi. Periculosa severitas, flagitiosa largitio: seu nihil militi, seu omnia concederentur, in ancipiti republica. Igitur, volutatis inter se rationibus, placitum, ut epistolæ nomine Principis scriberentur: « missionem dari vicena » stipendia meritis, exauctorari qui sena- » dena fecissent, ac retineri sub vexillo; » ceterorum immunes, nisi propulsandi » hostis: legata quæ petiverant, exsolvi » duplicarique ».

XXXVII. SENSIT miles in tempus conficta, statimque flagitavit: missio per

tribunos maturatur : largitio differebatur  
 in hiberna cujusque. Non abscessere quin-  
 tani unetvicesimanique , donec iisdem  
 in æstivis contracta ex viatico amicorum  
 ipsiusque Cæsaris pecunia persolveretur.  
 Primam ac vicesimam legiones Cæcina  
 legatus in civitatem Ubiorum reduxit ,  
 turpi agmine , cùm fisci de imperatore  
 rapti , inter signa , interque aquilas , ve-  
 herentur. Germanicus superiorem ad exer-  
 citum profectus , secundam & tertiam-  
 decumam & sextamdecumam legiones ,  
 nihil cunctatas , sacramento adigit. Quar-  
 tadecumani paullum dubitaverant : pe-  
 cunia & missio , quamvis non flagitanti-  
 bus , oblata est.

A. U. C.

767.

J. C.

141

XXXVIII. AT IN CHAUCIS cœpta-  
 vere seditionem , præsidium agitantes ve-  
 xillarii discordium legionum , & præsentî  
 duorum militum supplicio paullum re-  
 pressi sunt. Jusserat id Mennius castrorum  
 præfectus , bono magis exemplo , quàm  
 concesso jure. Deinde intumescente motu ,  
 profugus repertusque , postquam intus  
 latebræ , præsidium ab audaciâ mutuatur :  
 « Non præfectum ab iis , sed Germanicum  
 » ducem , sed Tiberium imperatorem  
 » violari ». Simul exterritis qui obstiterant ,  
 raptum vexillum ad ripam vertit , & « si

~~=====~~ »quis agmine decessisset , pro desertore  
 A. U. C. »fore » clamitans , reduxit in hiberna  
 767. turbidos , & nihil ausos.

J. C.

14.

XXXIX. INTEREA legati ab senatu ,  
 regressum jam apud Aram Ubiorum Ger-  
 manicum adeunt. Duæ ibi legiones, prima  
 atque vicesima , veteranique nuper missi  
 sub vexillo hiemabant. Pavidos & conf-  
 scientiâ vecordes intrat metus , venisse pa-  
 trum jussu , qui irrita facerent , quæ per  
 seditionem exprefferant : utque mos vul-  
 go , quamvis falsis reum subdere , Muna-  
 tium Plancum consulatu functum , prin-  
 cipem legationis , auctorem senatuscon-  
 sulti incusant : & nocte concubiâ vexillum  
 in domo Germanici situm flagitare occi-  
 piunt : concursuque ad januam facto , mo-  
 liuntur fores : extractum cubili Cæsarem ,  
 tradere vexillum , intento mortis metu ,  
 subigunt : mox vagi per vias , obvios ha-  
 buere legatos , auditâ consternatione , ad  
 Germanicum tendentes : ingerunt contu-  
 melias ; cædem parant , Planco maximè ,  
 quem dignitas fugâ impediverat : neque  
 aliud periclitanti subsidium , quàm castra  
 primæ legionis : illic signa & aquilam  
 amplexus , religione sese tutabatur : ac ni  
 aquilifer Calpurnius vim extremam ar-  
 cuisset , rarum etiam inter hostes , legatus

populi Romani, Romanis in castris, sanguine suo altaria deum commaculavisset. A. U. C.  
767.  
J. C.  
14.  
Luce demum, postquam dux, & miles, & facta noscebantur, ingressus castra Germanicus, perducere ad se Plancum imperat, recipitque in tribunal. Tum « fatalem » increpans « rabiem, neque militum, sed » deum iram resurgere », cur venerint legati aperit: « jus legationis, atque ipsius » Planci gravem & immeritum casum, » simul quantum dedecoris adierit legio », facundè miseratur: attonitâque magis, quàm quietâ concione, legatos præsidio auxiliarium equitum dimittit.

XL. EO IN METU arguere Germanicum omnes, quod non ad superiorem exercitum pergeret, ubi obsequia, & contra rebelles auxilium. « Satis superque » missione & pecuniâ, & mollibus consulis peccatum: vel si vilis ipsi salus, » cur filium parvulum, cur gravidam conjugem inter furentes, & omnis humani » juris violatores haberet? illos saltem » avo, & reipublicæ redderet ». Diu cunctatus, aspernantem uxorem, cum « se divo Augusto ortam, neque degenerem ad pericula » testaretur, postremo uterum ejus, & communem filium multo cum fletu complexus, ut abiret perpulit.

~~Inc~~ Incedebat muliebre & miserabile agmen,  
 A. U. C. profuga ducis uxor parvulum sinu filium  
 767. gerens; lamentantes circum amicorum  
 J. C. conjuges, quæ simul trahebantur: nec  
 14. minùs tristes qui manebant.

XLI. NON FLORENTIS Cæsaris,  
 neque suis in castris, sed velut in urbe  
 victâ, facies, gemitusque ac planctus,  
 etiam militum aures oraque advertêre.  
 Progrediuntur contuberniis: « quis ille  
 » flebilis sonus? quod tam triste? feminas  
 » inlustres, non centurionem ad tutelam,  
 » non militem, nihil imperatoris uxoris,  
 » aut comitatûs soliti, pergere ad Tre-  
 » veros, & externæ fidei ». Pudor inde  
 & miseratio, & patris Agrippæ, Augusti  
 avi memoria, socer Drusus; ipsa insigni  
 fecunditate, præclarâ pudicitia: jam in-  
 fans in castris genitus, in contubernio  
 legionum eductus, quem militari voca-  
 bulo *Caligulam* appellabant, quia ple-  
 rumque ad concilianda vulgi studia eo  
 tegmine pedum induebatur. Sed nihil  
 æquè flexit, quàm invidia in Treveros:  
 orant, obsistunt, « rediret, maneret »:  
 pars Agrippinæ occurrentes, plurimi ad  
 Germanicum regressi: isque ut erat re-  
 cens dolore & irâ, apud circumfusus ita  
 cœpit.

XLII. « NON MIHI uxor, aut filius, A U. C. 767. J. C. 14.  
 »patre & republicâ cariores sunt: sed  
 »illum quidem sua majestas, imperium  
 »Romanum ceteri exercitus defendent:  
 »conjugem, & liberos meos, quos pro  
 »gloriâ vestrâ libens ad exitium offer-  
 »rem, nunc procul a furentibus submo-  
 »veo: ut, quidquid istuc sceleris immi-  
 »net, meo tantum sanguine pietur; neve  
 »occisus Augusti pronepos, interfecta  
 »Tiberii nurus, nocentiores vos faciat.  
 »Quid enim per hos dies inausum, in-  
 »temeratumve vobis? quod nomen huic  
 »cœtui dabo? *milites*ne appellem? qui  
 »filium imperatoris vestri, vallo & armis  
 »circumsedistis. An *cives*? quibus tam  
 »projecta senatûs auctoritas: hostium quo-  
 »que jus, & sacra légationis, & fas gen-  
 »tium rupistis. Divus Julius seditionem  
 »exercitûs verbo uno compescuit, *Quirites*  
 »vocando, qui sacramentum ejus detrec-  
 »tabant. Divus Augustus, vultu & aspectu  
 »Actiacas legiones exterruit: nos, ut  
 »nondum eisdem, ita ex illis ortos, si  
 »Hispaniæ Syriæve miles aspernaretur,  
 »tamen mirum & indignum erat: pri-  
 »mane, & vicesima legiones, illa signis  
 »a Tiberio acceptis, tu tot præliorum  
 »solia, tot præmiis aucta, egregiam duci



A. U. C. 767.  
 J. C. 14.  
 «vestro gratiam refertis ? hunc ego nun-  
 »tium patri, læta omnia aliis e provinciis  
 »audienti, feram ? ipsius tirones, ipsius  
 »veteranos, non missione, non pecuniâ  
 »fatiatos : hîc tantùm interfici centurio-  
 »nes, ejici tribunos, includi legatos :  
 »infecta sanguine castra, flumina : me-  
 »que precariam animam inter infensos  
 »trahere » ?

XLIII. «CURENIM primo concionis  
 »die, ferrum illud quod pectori meo in-  
 »figere parabam, detraxistis ? O impro-  
 »vidi amici ! meliùs & amantiùs ille, qui  
 »gladium offerebat : cecidissem certè,  
 »nondum tot flagitiorum exercitui meo  
 »consciis : legissetis ducem, qui meam  
 »quidem mortem impunitam fineret,  
 »Vari tamen & trium legionum ulcisce-  
 »retur. Neque enim dii sinant, ut Bel-  
 »garum, quamquam offerentium, decus  
 »istud & claritudo sit, subvenisse Ro-  
 »mano nomini, compressisse Germaniæ  
 »populos. Tua, dive Auguste, cælo re-  
 »cepta mens ; tua, pater Druse, imago,  
 »tui memoria, iisdem istis cum militi-  
 »bus, quos jam pudor & gloria intrat,  
 »eluant hanc maculam, irasque civiles  
 »in exitium hostibus vertant. Vos quo-  
 »que, quorum alia nunc ora, alia pectora

» contueor , si legatos senatui , obsequium  
 » imperatori , si mihi conjugem ac filium  
 » redditis , discedite a contactu , ac di-  
 » vidite turbidos : id stabile ad pæniten-  
 » tiam , id fidei vinculum erit ».

A. U. C.  
 767.  
 J. C.  
 14.

XLIV. SUPPLICES ad hæc , & vera  
 exprobrari fatentes , orabant , « puniret  
 » noxios , ignosceret lapsis , & duceret in  
 » hostem ; revocaretur conjunx , rediret  
 » legionum alumnus , neve obses Gallis  
 » traderetur ». Reditum Agrippinæ ex-  
 cusavit ob imminentem partum , & hie-  
 mem : « venturum filium : cetera ipsi ex-  
 » sequerentur ». Discurrunt mutati , &  
 seditiosissimum quemque vinctos trahunt  
 ad legatum legionis primæ , C. Cetro-  
 nium , qui iudicium & pœnas de singulis  
 in hunc modum exercuit. Stabant pro  
 concione legiones , destriictis gladiis : reus  
 in suggestu per tribunum ostendebatur : si  
 « nocentem » adclamaverant , præceps  
 datus trucidabatur. Et gaudebat cædibus  
 miles , tamquam semet absolveret : nec  
 Cæsar arcebat , quando nullo ipsius jussu ,  
 penes eosdem sævitia facti & invidia erat.  
 Secuti exemplum veterani , haud multò  
 post in Rætiam mittuntur , specie defen-  
 dendæ provinciæ , ob imminentes Suevos :  
 ceterùm ut avellerentur castris , trucibus

**ad**huc non minùs asperitate remedii ;  
 A. U. C. quàm sceleris memoriâ. Centurionatum  
 767. inde egit : citatus ab imperatore, nomen,  
 J. C. ordinem , patriam , numerum stipendio-  
 34. rum , quæ strenuè in præliis fecisset , &  
 cui erant dona militaria , edebat : si tri-  
 buni , si legio , industriam innocentiam-  
 que adprobaverant , retinebat ordinem :  
 ubi avaritiam , aut crudelitatem consensu  
 objectavissent , solvebatur militiâ.

XLV. SIC COMPOSITIS præsentibus , haud minor moles supererat , ob  
 ferociam quintæ & unetvicesimæ legio-  
 num , sexagesimum apud lapidem , ( loco  
*Vetera* nomen est ) hibernantium : nam  
 primi seditionem cœptaverant ; atrocissi-  
 mum quodque facinus horum manibus  
 patratum : nec pœnâ commilitonum ex-  
 territi , nec pænitiâ conversi , iras re-  
 tinebant. Igitur Cæsar arma , classem ,  
 socios demittere Rheno parat : si imperium  
 detrectetur , bello certaturus.

XLVI. AT ROMÆ nondum cognito ;  
 qui fuisset exitus in Illyrico , & legionum  
 Germanicarum motu audito , trepida ci-  
 vitas incusare Tiberium , » quòd , dum  
 » patres , & plebem , invalida & inermia ,  
 » cunctatione fictâ ludificetur , dissideat  
 » interim miles , neque duorum adoles-  
 » centium

centium nondum adultâ auctoritate com-  
 »primi queat : ire ipsum , & opponere A. U. C.  
 »majestatem imperatoriam debuisse ces- 767.  
 »suris , ubi Principem longâ experienciâ , J. C.  
 »eumdemque severitatis & munificentia 14  
 »sumum , vidissent. An Augustum fessâ  
 »ætate , totiens in Germanias commeari  
 »potuisse ; Tiberium vigentem annis ,  
 »sedere in senatu verba patrum cavillan-  
 »tem? satis prospectum Urbanæ servituti :  
 »militaribus animis adhibenda fomenta ,  
 »ut ferre pacem velint ».

XLVII. IMMOTUM adversus eos ser-  
 mones , fixumque Tiberio fuit , non omit-  
 tere caput rerum , neque se remque pu-  
 blicam in casum dare. Multa quippe &  
 diversa angebant : « validior per Germa-  
 »niam exercitus ; propior apud Panno-  
 »niam : ille Galliarum opibus subnixus ,  
 »hic Italiæ imminens : quos igitur ante-  
 »ferret? ac , ne postpositi contumeliâ in-  
 »cenderentur. At per filios pariter adiri ,  
 »majestate salvâ , cui major e longinquo  
 »reverentia : simul adolescentibus excu-  
 »satum , quædam ad patrem rejicere :  
 »resistentesque Germanico , aut Druso ,  
 »posse a se mitigari vel infringi : quod  
 »aliud subsidium , si imperatorem sprevis-  
 »sent? Ceterum , ut jam jamque iturus ;

C

lêgit comites , conquisivit impedimenta ,  
 A. U. C. adornavit naves : mox hiemem , aut ne-  
 767. gotia variè caufatus , primò prudentes ,  
 J. C. dein vulgum , diutiffimè provincias fe-  
 14. fellit.

XLVIII. AT GERMANICUS, quamquam contracto exercitu , & paratâ in defeñtores ultione , dandum adhuc fpatium ratus , fi recenti exemplo fibi ipfi confulerent, præmittit literas ad Cæcinam , « venire fe validâ manu , ac ni fupplicium in malos præfument , ufurum promifcuâ cæde ». Eas Cæcina aquiliferis figniferisque , & , quod maximè caſtrorum fincerum erat , occultè recitat ; « utque cunctos infamiæ , » feipfos morti eximant » hortatur : « nam » in pace caufas & merita fpectari : ubi » bellum ingruat , innocentes ac noxios » juxtâ cadere ». Illi , tentatis quos idoneos rebantur , poſtquam majorem legionum partem in officio vident ; de ſententiâ legati , ſtatuunt tempus , quo fœdiſſimum quemque & ſeditioni promptum ferro invadant. Tunc , ſigno inter ſe dato , irrumpunt contubernia , trucidant ignaros : nullo , niſi conſciis , noſcente quod cædis initium , quis finis.

XLIX. DIVERſA omnium , quæ umquam accidere , civilium armorum facies :

non prælio, non adversis e castris, sed  
 iisdem e cubilibus, quos simul vescentes  
 dies, simul quietos nox habuerat, disce-  
 dunt in partes, ingerunt tela: clamor,  
 vulnera, sanguis palam; causa in occulto:  
 cetera fors regit: & quidam bonorum  
 cæsi, postquam, intellecto in quos sævi-  
 retur, pessimi quoque arma rapuerant.  
 Neque legatus, aut tribunus moderator  
 adfuit: permessa vulgo licentia atque ultio  
 & satietas. Mox ingressus castra Germa-  
 nicus, « non medicinam illud » plurimis  
 cum lacrimis, « sed cladem » appellans,  
 « cremari corpora » jubet. Truces etiam  
 tum animos cupido involat eundi in ho-  
 stem, piaculum furoris: nec aliter posse  
 placari commilitonum manes, quàm si  
 pectoribus impiis honesta vulnera acce-  
 pissent. Sequitur ardorem militum Cæsar,  
 junctoque ponte tramittit duodecim mil-  
 lia e legionibus, sex & viginti socias co-  
 hortas, octo equitum alas, quarum eâ  
 seditione intemerata modestia fuit.

A. U. C.  
 767.  
 J. C.  
 14.

L. LÆTI, neque procul, Germani  
 agitabant, dum justitio ob amissum Au-  
 gustum, post discordiis attinemur. At  
 Romanus agmine propero silvam Cæsiam,  
 limitemque a Tiberio cœptum scindit:  
 castra in limite locat: frontem ac tergum

C ij

**vallo**, latera concædibus munitus. Inde  
**A. U. C.** saltus obscuros permeat, & consultatque  
 767. » ex duobus itineribus, breve & solitum  
 J. C. » sequatur: an impeditius & intentatum,  
 14. » eoque hostibus incautum ». Delectâ longiore viâ, cetera adcelerantur: etenim attulerant exploratores & festam eam Germanis noctem, ac sollemnibus epulis ludicram ». Cæcina cum expeditis cohortibus præire, & obstantia silvarum amoliri jubetur: legiones modico intervallo sequuntur. Juvit nox sideribus inlustris: ventumque ad vicos Marforum, & circumdatæ stationes, stratis etiam tum per cubilia, propterque mensas, nullo metu, non antepositis vigiliis; adeò cuncta incuriâ disjecta erant, neque belli timor: ac ne pax quidem, nisi languida & soluta inter temulentos.

LI. CÆSAR avidas legiones, quò latior populatio foret, quatuor in cuneos dispertit: quinquaginta millium spatium ferro flammisque pervastat: non sexus, non ætas miserationem attulit; profana simul & sacra, & celeberrimum illis gentibus templum, quod *Tanfgna* vocabant, solo æquantur. Sine vulnere milites, qui semisomnos, inermos, aut palantes ceciderant. Excivit ea cædes Bructeros, Tu-

bantes, Usipetes; saltusque, per quos ~~exercitui regressus~~ infedere: quod gnarum duci; incessitque itineri & prœlio: pars equitum, & auxiliariæ cohortes ducebant; mox prima legio, & mediis impeditis, sinistrum latus unetvicesimani, dextrum quintani claufere: vicesima legio terga firmavit, post ceteri sociorum. Sed hostes, donec agmen per saltus porrigeretur, immoti; dein latera, & frontem modicè adsultantes, totâ vi novissimos incurrere: turbabanturque densis Germanorum catervis leves cohortes, cum Cæsar, advectus ad vicesimanos, voce magnâ, « hoc illud tempus oblitterandæ seditionis clamitabat: pergerent, properarent culpam in decus vertere ». Exarsere animis, unoque impetu perruptum hostem redigunt in aperta, cæduntque: simul primi agminis copiæ evasere silvas, castraque communivere. Quietum inde iter: fidentisque recentibus, ac priorum oblitus miles, in hibernis locatur.

LII. NUNTIATA ea Tiberium lætitiâ curâque adfecere: gaudebat oppressam seditionem; sed, quòd largiendis pecuniis, & missione festinatâ favorem militum quæsisset, bellicâ quoque Germanici

C iiij

A. U. C.

767.

J. C.

14.



**A. U. C.**  
767.  
**J. C.**  
14.  
gloriâ , angebatur. Retulit tamen ad senatum de rebus gestis , multaque de virtute ejus memoravit , magis in speciem verbis adornata , quàm ut penitus sentire crederetur. Paucioribus Drusum , & finem Illyrici motûs laudavit ; sed intentior , & fidâ oratione : cunctaque quæ Germanicus indulserat , servavit , etiam apud Pannonicos exercitus.

LIII. EODEM anno , Julia supremum diem obiit , ob impudicitiam olim a patre Augusto Pandatariâ insulâ , mox oppido Reginorum , qui Siculum fretum accolunt , clausa. Fuerat in matrimonio Tiberii , florentibus Caio & Lucio Cæsaribus , spreveratque ut imparem : nec alia tam intima Tiberio causa , cur Rhodum abscederet : imperium adeptus , extorrem , infamem , & post interfectum Postumum Agrippam , omnis spei egenam , inopiâ ac tæbe longâ peremit , obscuram fore necem longinquitate exsilii ratus. Par causa sævitæ in Sempronium Graccum , qui familiâ nobili , follers ingenio , & pravè facundus , eamdem Juliam in matrimonio M. Agrippæ temeraverat : nec is libidini finis ; traditam Tiberio , perversax adulter contumaciâ & odiis in maritum accendebat ; literæque , quas Julia patri Augusto

cum infectatione Tiberii scripsit, a Gracco  
 compositæ credebantur. Igitur amotus  
 Cercinam, Africi maris insulam, qua-  
 tuordecim annis exsilium toleravit. Tunc  
 milites ad cædem missi, invenere in pro-  
 minenti litoris nihil lætum opperientem:  
 quorum adventu « breve tempus » petivit,  
 « ut suprema mandata uxori Alliaræ per  
 » literas daret »: cervicemque percussori-  
 bus obrulit, constantiâ mortis haud indi-  
 gnus Sempronio nomine; vitâ degenera-  
 verat. Quidam non Româ eos milites,  
 sed ab L. Asprenate, proconsule Africæ,  
 missos tradidere, auctore Tiberio, qui  
 famam cædis posse in Asprenatem verti,  
 frustra speraverat.

A. U. C.  
 767.  
 J. C.  
 14.

LIV. IDEM annus novas cærimonias ac-  
 cepit, addito sodalium Augustalium sa-  
 cerdotio; ut quondam T. Tattius retinen-  
 dis Sabinorum sacris, sodales Tattios in-  
 stituerat: forte ducti e primoribus civitatis  
 unus & viginti. Tiberius, Drususque, &  
 Claudius, & Germanicus adjiciuntur.  
 Ludos Augustales, tunc primùm cœpta  
 turbavit discordia, ex certamine histrio-  
 num. Indulserat ei ludicro Augustus, dum  
 Mæcenati obtemperat effuso in amorem  
 Bathylli: neque ipse abhorrebat talibus  
 studiis, & civile rebatur misceri volupta-

C iv

tibus vulgi : alia Tiberio morum via : sed populum per tot annos molliter habitum, nondum audebat ad duriora vertere.

A. U. C.

768.

J. C.

15.

LV. DRUSO Cæsare, C. Norbano Consulibus, decernitur Germanico triumphus, manente bello ; quod quamquam in æstatem summâ ope parabat , initio veris , & repentino in Cattos excursu , præcepit : nam spes inceserat dissidere hostem in Arminium ac Segestem, insignem utrumque perfidiâ in nos , aut fide. Arminius turbator Germaniæ : Segestes , « parari » rebellionem » sæpe aliàs , & supremo convivio , post quod in arma itum , aperuit : suavitque Varo , « ut se , & Arminium , & ceteros proceres vinciret : nihil » ausuram plebem , principibus amotis ; » atque ipsi tempus fore , quo crimina , & » innoxios discerneret » : sed Varus fato , & vi Arminii cecidit. Segestes, quamquam consensu gentis in bellum tractus, discors manebat, auctis privatim odiis , quòd Arminius filiam ejus , alii pactam , rapuerat ; gener invisus , inimici foceri ; quæque apud concordēs vincula caritatis , incitamenta irarum apud infensos erant.

LVI. Igitur Germanicus quatuor legiones, quinque auxilium millia , & tumultuarias catervas Germanorum cis

Rhenum colentium, Cæcinæ tradit: totidem legiones, duplicem sociorum numerum ipse ducit: positoque castello super vestigia paterni præsidii in monte Tauno, expeditum exercitum in Cattos rapit; L. Apronio ad munitiones viarum & fluminum relicto. Nam, rarum illi cælo, siccitate, & amnibus modicis inoffensum iter properaverat; imbresque, & fluminum auctus regredienti metuebatur. Sed Cattis adeò improvisus advênit, ut quod imbecillum ætate ac sexu, statim captum, aut trucidatum sit. Juventus flumen Adranam nando tramiserat, Romanosque pontem cœptantes arcebant: dein tormentis sagittisque pulsi, tentatis frustra conditionibus pacis, cùm quidam ad Germanicum perfugissent, reliqui, omissis pagis vicisque, in silvas disperguntur. Cæsar incenso Matio (id genti caput) aperta populatus, vertit ad Rhenum: non auso hoste terga abeuntium laceßere, quod illi moris, quotiens astu magis, quàm per formidinem cessit. Fuerat animus Cheruscis juvare Cattos, sed exterruit Cæcina huc illuc ferens arma: & Marfos congregi ausos, prospero prælio cohibuit.

LVII. NEQUE multò pòst legati a Segeste venerunt, auxilium orantes adversùs

C v

A. U. C.

768.

J. C.

15.

~~=====~~ vim popularium, a quibus circumsidebatur;   
 A. U. C. validiore apud eos Arminio, quando bel-   
 768. lum suadebat. Nam barbaris, quanto quis   
 J. C. audacia promptus, tanto magis fidus,   
 15. rebusque motis potior habetur. Addiderat   
 Segestes legatis filium, nomine Segimundum: sed juvenis conscientiam cunctabatur: quippe anno, quo Germaniam descivere, sacerdos apud Aram Ubiorum creatus, ruperat vittas, profugus ad rebelles. Adductus tamen in spem clementiae Romanae, pertulit patris mandata, benigneque exceptus cum praesidio Gallicam in ripam missus est. Germanico pretium fuit, convertere agmen: pugnatumque in obsidentes, & ereptus Segestes magnam cum propinquorum & clientium manu. Inerant feminae nobiles, inter quas uxor Arminii, eademque filia Segestis, mariti magis quam parentis animo, neque victa in lacrimas, neque voce supplex, compressis intra sinum manibus, gravidum uterum intuens. Ferebantur & spolia Varianae cladis, plerisque eorum, qui tum in dedicationem veniebant, praedae data. Simul Segestes ipse ingens visu, & memoriam bonae societatis impavidus: verba ejus in hunc modum fuere.

LVIII. «NON HIC mihi primus erga

»populum Romanum fidei & constantiæ  
 »dies : ex quo a divo Augusto civitate do-  
 »natus sum, amicos inimicosque ex vestris  
 »utilitatibus delegi : neque odio patriæ,  
 »(quippe proditores, etiam iis quos ante-  
 »ponunt, invisi sunt) verum quia Ro-  
 »manis Germanisque idem conducere;  
 »& pacem, quam bellum probabam. Ergo  
 »raptorem filię meæ, violatorem fœderis  
 »vestri Arminium, apud Varum, qui tum  
 »exercitui præsidebat, reum feci : dilatus  
 »segnitiâ ducis, quia parum præsidii in  
 »legibus erat, ut me, & Arminium, &  
 »conscios vinceret, flagitavi. Testis illa  
 »nox, mihi utinam potiùs novissima!  
 »Quæ secuta sunt, defleri magis, quam  
 »defendi possunt : ceterum & injeci cate-  
 »nas Arminio, & a factione ejus injectas  
 »perpessus sum. Atque ubi primùm tui  
 »copia, vetera novis, & quæta turbidis  
 »antehabeo : neque ob præmium, sed ut  
 »me perfidiâ exsolvam; simul genti Ger-  
 »manorum idoneus conciliator, si pæni-  
 »tentiam quam perniciem maluerit. Pro  
 »juventâ & errore filii veniam precor :  
 »filiam necessitate huc adductam fateor :  
 »tuum erit consultare, utrum prævaleat,  
 »quòd ex Arminio concepit, an quòd ex  
 »me genita est». Cæsar, clementi res-

A. U. C.

768.

J. C.

15.

C vj

~~=====~~ ponso, liberis propinquisque ejus incolu-  
 A. U. C. mitatem, ipsi sedem Vetera, in provinciâ;  
 768. pollicetur. Exercitum reduxit, nomenque  
 J. C. *imperatoris* auctore Tiberio accepit. Ar-  
 45. minii uxor, virilis sexûs stirpem edidit:  
 educatus Ravennæ puer, quo mox ludi-  
 brio conflictatus sit, in tempore memo-  
 rabo.

LIX. FAMA dediti benignèque excepti  
 Segestis vulgata, ut quibusque bellum  
 invitis aut cupientibus erat, spe vel dolore  
 accipitur. Arminium, super insitam vio-  
 lentiam, rapta uxor, subjectus servitio  
 uxoris uterus, vecordem agebant: volita-  
 batque per Cheruscos, arma in Segestem,  
 arma in Cæsarem poscens: neque probris  
 temperabat. «Egregium patrem! magnum  
 »imperatorem! fortem exercitum! quo-  
 »rum tot manus unam mulierculam ave-  
 »xerint. Sibi tres legiones, totidem le-  
 »gatos procubuisse. Non enim se prodi-  
 »tione, neque adversùs feminas gravidas,  
 »sed palam adversùs armatos bellum trac-  
 »tare: cerni adhuc Germanorum in lucis  
 »signa Romana, quæ diis patriis suspen-  
 »derit: coleret Segestes victam ripam;  
 »redderet filio sacerdotium: hominem  
 »Germanos numquam fatis excusaturos,  
 »quòd inter Albim & Rhenum virgas,

& secures, & togam viderint. Aliis  
 gentibus, ignorantia imperii Romani,  
 in experta esse supplicia, nescia tributa:  
 quæ quando exuerint, inritusque disces-  
 serit ille inter numina dicatus Augustus,  
 ille delectus Tiberius, ne imperitum  
 adolescentulum, ne seditiosum exerci-  
 tum pavescerent. Si patriam, parentes,  
 antiqua mallent, quam dominos, &  
 colonias novas; Arminium potius gloriæ  
 ac libertatis, quam Segestem flagitiosæ  
 servitutis ducem sequerentur.

A. U. C.  
 768.  
 J. C.  
 151

LX. CONCITI per hæc non modò Che-  
 rusci, sed conterminæ gentes: tractusque  
 in partes Inguiomerus Arminii patruus;  
 veteri apud Romanos auctoritate: unde  
 major Cæsari metus: & ne bellum mole  
 unâ ingrueret, Cæcinam cum quadraginta  
 cohortibus Romanis, distrahendo hosti;  
 per Bructeros ad flumen Amisiam mittit:  
 equitem Peditæ præfectus, finibus Frisio-  
 rum ducit: ipse impositas navibus quatuor  
 legiones per lacus vexit: simulque pedes,  
 eques, classis, apud prædictum amnem  
 convenere. Chauci cum auxilia pollice-  
 rentur, in commilitium adsciti sunt.  
 Bructeros sua urentes, expeditâ cum manu  
 L. Stertinius, missu Germanici fudit,  
 interque cædem & prædam reperit un-



~~=====~~  
 A. U. C. deviceſimæ legionis aquilam cum Varo  
 768. amiſſam. Duſtum inde agmen ad ultimos  
 J. C. Bruſterorum: quantumque Amiſiam &  
 15. Luppiam amnes inter, vaſtatum; haud  
 procul Teutoburgiendi ſaltu, in quo reli-  
 quia Vari legionumque inſepultæ dice-  
 bantur.

LXI. Igitur cupido Cæſarem invadit  
 ſolvendi ſuprema militibus, ducique; per-  
 moto ad miſerationem omni, qui aderat,  
 exercitu, ob propinquos, amicos, denique  
 ob caſus bellorum & ſortem hominum.  
 Præmiſſo Cæcinâ, ut occulta ſaltuum  
 ſcrutaretur, pontesque & aggeres humido  
 paludum & fallacibus campis imponeret,  
 incedunt mæſtos locos, viſuque ac me-  
 moriâ deformes. Prima Vari caſtra, lato  
 ambitu, & dimenſis principiis, trium  
 legionum manus oſtentabant: dein ſemi-  
 ruto vallo, humili foſſâ, acciſæ jam reli-  
 quia confediſſe intelligebantur: medio  
 campi albertia oſſa, ut fugerant, ut  
 reſtiterant, diſjecta vel aggerata: adja-  
 cebant fragmina telorum, equorumque  
 artus, ſimul truncis arborum antefixa ora;  
 lucis propinquis barbaræ aræ, apud quas  
 tribunos, ac primorum ordinum centu-  
 riones maſtaverant: & cladiſ ejus ſuper-  
 ſtites pugnam aut vincula elapſi, refere-

bant, « hîc cecidisse legatos; illic raptas  
 » aquilas; primum ubi vulnus Varo adac-  
 » tum; ubi infelici dextrâ, & suo ictu  
 » mortem invenerit; quo tribunali con-  
 » cionatus Arminius; quot patibula capti-  
 » vis, quæ scrobes; utque signis & aquilis  
 » per superbiam inluserit ».

A. U. C.

768.

J. C.

15,

LXII. IGTUR Romanus, qui aderat;  
 exercitus, sextum post cladis annum,  
 trium legionum ossa, nullo noscente alie-  
 nas reliquias an suorum humo tegeret,  
 omnes ut conjunctos, ut consanguineos,  
 auctâ in hostem irâ, mæsti simul & infensi  
 condebant. Primum extruendo tumulo  
 cespitem Cæsar posuit, gratissimo munere  
 in defunctos, & præsentibus doloris socius.  
 Quod Tiberio haud probatum; seu cuncta  
 Germanici in deterius trahenti; sive exer-  
 citum imagine cæsorū insepultorumque  
 tardatum ad prælia, & formidolosiores  
 hostium credebat: « neque imperatorem  
 » auguratu & vetustissimis cærimoniis præ-  
 » ditum, ad tractare feralia debuisse ».

LXIII. SED GERMANICUS cedentem in  
 avia Arminium secutus, ubi primum copia  
 fuit, evehi equites, campumque, quem  
 hostis infederat, eripi jubet. Arminius  
 colligi suos, & propinquare silvis monitos,  
 vertit repentè: mox signum prorumpendi

~~dedit~~ dedit iis, quos per saltus occultaverat.  
 A. U. C. Tunc novâ acie turbatus eques, missæque  
 768. subsidiariæ cohortes, & fugientium agmine impulsæ, auxerant consternationem: trudebanturque in paludem gnaram vincentibus, iniquam nesciis, ni Cæsar productas legiones instruxisset: inde hostibus terror, fiducia militi: & manibus æquis abscissum. Mox reducto ad Amisiam exercitu, legiones classe, ut advexerat, reportat. Pars equitum litore Oceani petere Rhenum iussa. Cæcina, qui suum militem ducebat, monitus, quamquam notis itineribus regrederetur, Pontes longos quàm maturrimè superare. Angustus is trames, vastas inter paludes, & quondam a L. Domitio aggeratus: cetera limosa, tenacia gravi cœno, aut rivis incerta erant: circum silvæ paullatim adclives; quas tum Arminius implevit, compendiis viarum, & cito agmine, onustum sarcinis armisque militem cùm antevenisset. Cæcinæ, dubitanti quonam modo ruptos vetustate pontes reponeret, simulque propulsaret hostem, castrametari in loco placuit; ut opus, & alii prælium inciperent.

LXIV. BARBARI perfringere stationes, seque inferre munitioribus nisi, lacessunt, circumgrediuntur, occurrant: miscetur

operantium bellantiumque clamor : & cuncta pariter Romanis adversa ; locus uligine profundâ , idem ad gradum instabilis , procedentibus lubricus ; corpora gravia loriceis , neque librare pila inter undas poterant. Contrâ Cheruscis sueta apud paludes prælia , procera membra , hastæ ingentes ad vulnera facienda , quamvis procul : nox demum inclinantes tum legiones adversæ pugnae exemit. Germani ob prospera indefessi , ne tum quidem sumptâ quiete , quantum aquarum circumfurgentibus jugis oritur , vertere in subjecta : mersâque humo , & obruto quod effectum operis , duplicatus militi labor. Quadagesimum id stipendium Cæcina parendi , aut imperitandi habebat : secundarum ambiguarumque rerum sciens , eoque interritus. Igitur futura volvens , non aliud reperit , quàm ut hostem silvis coerceret , donec faucii , quantumque gravioris agminis , anteirent : nam medio montium & paludum porrigebatur planities , quæ tenuem aciem pateretur. Deliguntur legiones , quinta dextro lateri ; unetvicesima in lævum ; primani ducendum ad agmen ; vicesimanus adversum secuturos.

A. U. C.  
768.  
J. C.  
15,

LXV. Nox per diversa inquires : cùm

A. U. C.  
 768.  
 J. C.  
 15.

barbari festis epulis, læto cantu, aut truci  
 sonore subjecta vallium ac resultantes sal-  
 tus complerent; apud Romanos invalidi  
 ignes, interruptæ voces, atque ipsi passim  
 adjacerent vallo, oberrarent tentoriis,  
 infomnes magis quàm pervigiles. Ducem-  
 que terruit dira quies: nam Quinctilium  
 Varum sanguine oblitum, & paludibus  
 emersum, cernere & audire visus est,  
 velut vocantem, non tamen obsecutus,  
 & manum intendentis repulisse. Cœptâ  
 luce, missæ in latera legiones metu, an  
 contumaciâ, locum deseruere: capto  
 properè campo, humentia ultra. Neque,  
 tamen Arminius, quamquam libero in-  
 cursu, statim prorupit: sed ut hæserè cœno  
 fossisque impedimenta, turbati circum  
 milites, incertus signorum ordo, utque  
 tali in tempore sibi quisque properus, &  
 lentæ adversum imperia aures, irrumpere  
 Germanos jubet, clamitans, « En Varus,  
 » & eodem iterum fato victæ legiones! »  
 Simul hæc: & cum delectis scindit agmen,  
 equisque maximè vulnera ingerit: illi  
 sanguine suo, & lubrico paludum lapsan-  
 tes, excussis rectoribus disjicere obvios,  
 proterere jacentes: plurimus circa aquilas  
 labor, quæ neque adversum ferri in-  
 gruentia tela, neque figi limosâ humo

pōterant. Cæcina dum sustentat aciem, ~~=====~~  
 suffosso equo delapsus circumveniebatur, A. U. C.  
 ni prima legio sese opposuisset : juvit 768.  
 hostium aviditas, omisâ cæde, prædam J. C.  
 sectantium; enisæque legiones, vesperas- 15.  
 cente die, in aperta & solida : neque is  
 miseriarum finis : struendum vallum, pe-  
 tendus agger : amissa magnâ ex parte,  
 per quæ egeritur humus, aut exciditur  
 cespes : non tentoria manipulis, non fo-  
 menta faucibus : infectos cæno aut cruore  
 cibos dividentes, funestas tenebras, & tot  
 hominum millibus unum jam reliquum  
 diem lamentabantur.

LXVI. FORTE equus abruptis vinculis  
 vagus, & clamore territus, quosdam oc-  
 currentium obturbavit : tanta inde conf-  
 ternatio inrupisse Germanos credentium,  
 ut cuncti ruerent ad portas; quarum De-  
 cumana maximè petebatur, averfa hosti,  
 & fugientibus tutior. Cæcina, comperto  
 vanam esse formidinem, cùm tamen ne-  
 que auctoritate, neque precibus, ne manu  
 quidem obistere, aut retinere militem  
 quiret; projectus in limine portæ, mise-  
 ratione demum, quia per corpus legati  
 eundum erat, clausit viam : simul tribuni  
 & centuriones falsum pavorem docue-  
 runt.

A. U. C.  
768.  
J. C.  
15.

LXVII. TUNC CONTRACTOS in principiis, iussosque dicta cum silentio accipere, temporis ac necessitatis monet. « Unam » in armis salutem, sed ea consilio temperanda: manendumque intra vallum, » donec expugnandi hostes spe, propius » succederent: mox undique erumpendum: illâ eruptione ad Rhenum perveniri: quod si fugerent, plures silvas, » profundas magis paludes, sævitiam hostium superesse: at victoribus decus, » gloriam: quæ domi cara, quæ in castris » honesta », memorat: reticuit de adversis. Equos dehinc, orsus a suis, legatorum tribunorumque, nullâ ambitione, fortissimo cuique bellatori tradit, ut hi, mox pedes, in hostem invaderent.

LXVIII. HAUD MINUS inquit Germanus, spe, cupidine, & diversis ducum sententiis agebat: Arminio, « sinerent » egredi, egressosque rursus per humida » & impedita circumvenirent », suadente: atrociora Inguiomero, & læta barbaris, « ut vallum armis ambirent: promptam » expugnationem, plures captivos, incorruptam prædam fore ». Igitur ortâ die, proruunt fossas, injiciunt crates, summa valli prensant, raro super milite, & quasi ob metum defixo. Postquam hælere

munimentis, datur cohortibus signum, ~~=====~~  
 cornuaque ac tubæ concinuere: exin  
 clamore & impetu tergis Germanorum  
 circumfunduntur, exprobrantes, « non  
 » hîc silvas, nec paludes, sed æquis locis  
 » æquos deos ». Hosti, facile excidium,  
 & paucos & semermos cogitanti, sonus  
 tubarum, fulgor armorum, quantò ino-  
 pina, tantò majora offunduntur: cade-  
 bantque, ut rebus secundis avidi, ita  
 adversis incauti. Arminius integer, In-  
 guiomerus post grave vulnus, pugnam  
 deseruere: vulgus trucidatum est, donec  
 ira & dies permansit. Nocte demum re-  
 versæ legiones, quamvis plus vulnorum,  
 eadem ciborum egestas fatigaret, vim,  
 sanitatem, copias, cuncta in victoriâ  
 habuere.

LXIX. PERVASERAT interim « cir-  
 » cumventi exercitûs » fama, & « infesto  
 » Germanorum agmine Gallias peti » : ac  
 ni Agrippina impositum Rheno pontem  
 solvi prohibuisset, erant qui id flagitium  
 formidine auderent: sed femina ingens  
 animi, munia ducis per eos dies induit,  
 militibusque ut quis inops, aut saucius,  
 vestem & fomenta dilargita est. Tradit  
 C. Plinius, Germanicorum bellorum  
 scriptor, stetisse apud principium pontis,

A. U. C.  
 768.  
 J. C.  
 151



**laudes & grates reversis legionibus habentem.** Id Tiberii animum altiùs penetravit.

A. U. C. 768.

J. C.

15.

«Non enim simplices eas curas: nec ad-  
versùs externos militem quæri: nihil  
relictum imperatoribus, ubi femina ma-  
nipulos intervifat, signa adeat, largi-  
tionem tentet, tamquam parum ambi-  
tiosè filium ducis gregali habitu circum-  
ferat, *Casaremque Caligulam* appellari  
velit. Potiorem jam apud exercitus Agrip-  
pinam, quàm legatos, quàm duces:  
compressam a muliere seditionem, cui  
nomen Principis obsistere non quiverit».   
Accendebat hæc onerabatque Sejanus,  
peritiâ morum Tiberii, odia in longum  
jaciens, quæ reconderet, auctaque pro-  
meret.

LXX. AT GERMANICUS legionum;  
quas navibus vexerat, secundam & quar-  
tamdecimam itinere terrestri P. Vitellio  
ducendas tradit, quò levior classis vadoso  
mari innaret, vel reciproco sideret. Vi-  
tellius primum iter siccâ humo, aut mo-  
dicè adlabente æstu, quietum habuit. Mox  
impulsu aquilonis, simul fidere æqui-  
noctii, quo maximè tumescit Oceanus,  
rapi agique agmen: & opplebantur terræ:  
eadem freto, litori, campis facies: neque  
discerni poterant incerta ab solidis, brevità

a profundis. Sternuntur fluctibus, hauriuntur gurgitibus : jumenta, sarcinæ, corpora exanima, interfluunt, occurrant : permiscantur inter se manipuli, modò pectore, modò ore tenus exstantes, aliquando subtracto solo disjecti aut obruti : non vox, & mutui hortatus juvabant, adversante undâ : nihil strenuus ab ignavo, sapiens ab imprudenti, consilia a casu differre : cuncta pari violentiâ involvebantur. Tandem Vitellius in editiora enisus, eodem agmen subduxit : pernoctavere sine utensilibus, sine igni, magna pars nudo aut mulcato corpore, haud minùs miserabiles, quàm quos hostis circumfidet : quippe illis etiam honestæ mortis usus, his inglorium exitium : lux reddidit terram; penetratumque ad amnem Unsingin, quò Cæsar classe contenderat : impositæ deinde legiones, vagante famâ submersas; nec fides salutis, antequam Cæsarem exercitumque reducem vidêre.

LXXI. JAM STERTINIUS ad accipiendum in deditionem Segimerum fratrem Segestis præmissus, ipsum & filium ejus in civitatem Ubiorum perduxerat : data utrique venia, facilè Segimero, cunctantiùs filio ; quia Quinctilii Vari corpus inclusisse dicebatur. Ceterùm ad supplenda

A. U. C.

768.

J. C.

159

~~exercitus~~ exercitûs damna certavere Galliæ, Hispaniæ, Italia; quod cuique promptum, arma, equos, aurum offerentes: quorum laudato studio Germanicus, armis modò & equis ad bellum sumptis, propriâ pecuniâ militem juit. Utque cladis memoriam etiam comitate leniret, circumire faucios; facta singulorum extollere; vulnera intuens, alium spe, alium gloriâ, cunctos alloquio & curâ, sibi & prælio firmabat.

LXXII. DECRETA eo anno triumphalia insignia A. Cæcinæ, L. Apronio, C. Silio, ob res cum Germanico gestas. Nomen patris patriæ Tiberius a populo sæpius ingestum, repudiavit: neque in acta sua jurari, quamquam censente senatu, permisit: « cuncta mortalium incerta, quantoque plus adeptus foret, tantò se magis in lubrico » dictans. Non tamen ideo faciebat fidem civilis animi: nam legem majestatis reduxerat, cui nomen apud veteres idem, sed alia in judicium veniebant; si quis proditione exercitum, aut plebem seditionibus, denique malè gestâ republicâ majestatem populi Romani minuisset: facta arguebantur, dicta impune erant. Primus Augustus cognitionem de famosis libellis, specie legis ejus tractavit, comz

commotus Cassii Severi libidine, quâ viros  
feminasque inlustres procacibus scriptis  
diffamaverat : mox Tiberius , consultante  
Pompeio Macro prætore , « an judicia  
» majestatis redderentur » ? « exercendas  
» leges esse » respondit. Hunc quoque  
asperavere carmina , incertis auctoribus  
vulgata in sævitiam superbiamque ejus ,  
& discordem cum matre animum.

A. U. C.  
768.  
J. C.  
151

LXXIII. HAUD PIGEBIT referre , in  
Falanio & Rubrio , modicis equitibus  
Romanis , prætentata crimina ; ut quibus  
initiis , quantâ Tiberii arte , gravissimum  
exitium irreperit , dein repressum sit ,  
postremò arserit , cunctaque corripuerit ,  
noscat. Falanio objiciebat accusator ,  
« quòd inter cultores Augusti , qui per  
» omnes domos in modum collegiorum  
» habebantur , Cassium quemdam mimum  
» corpore infamem adscivisset : quòdque  
» venditis hortis , statuam Augusti simul  
» mancipasset ». Rubrio crimini dabatur ,  
« violatum perjurio nomen Augusti ».  
Quæ ubi Tiberio notuere , scripsit consu-  
libus ; « Non ideo decretum patri suo cæ-  
» lum , ut in perniciem civium is honor  
» verteretur. Cassium histrionem solitum  
» inter alios ejusdem artis interesse ludis ,  
» quos mater sua in memoriam Augusti

D

768. ~~=====~~ »sacraffet. Nec contra religiones fieri;  
 A. U. C. »quodd effigies ejus, ut alia numinum  
 J. C. »simulacra, venditionibus hortorum &  
 15. »domuum accedant. Jusjurandum perinde  
 »æstimandum, quàm si Jovem fefellisset:  
 »deorum injurias diis curæ ».

LXXIV. NEC MULTO pòst Granium  
 Marcellum, prætorem Bithyniæ, quæstor  
 ipsius Cæpio Crispinus majestatis postula-  
 vit, subscribente Romano Hispone: qui  
 formam vitæ iniit, quam postea celebrem  
 miseriæ temporum, & audaciæ hominum  
 fecerunt: nam egens, ignotus, inquires,  
 dum occultis libellis sævitæ principis  
 adrepat, mox clarissimo cuique periculum  
 facessit, potentiam apud unum, odium  
 apud omnes adeptus, dedit exemplum,  
 quod secuti, ex pauperibus divites, ex  
 contemptis metuendi, perniciem aliis ac  
 postremum sibi invenere. Sed Marcellum  
 insimulabat, « finistros de Tiberio ser-  
 »mones habuisse»: inevitabile crimen,  
 cùm ex moribus Principis fœdissima quæ-  
 que deligeret accusator, objectaretque  
 reo: nam quia vera erant, etiam dicta  
 credebantur. Addidit Hispo, « statuam  
 »Marcelli alitius, quàm Cæsarum sitam:  
 »& aliâ in statuâ, amputato capite Au-  
 »gusti, effigiem Tiberii inditam»: ad

od exarsit adeò, ut ruptâ taciturnitate  
 clamaret, «se quoque in eâ causâ  
 uturum sententiam palam & juratum»,  
 ceteris eadem necessitas fieret. Ma-  
 ant etiam tum vestigia morientis li-  
 ratis. Igitur Cn. Piso, «Quo», inquit,  
 co censebis, Cæsar? si primus, habebō  
 uod sequar: si post omnes, vereor ne  
 nprudens dissentiam»: permotus his,  
 intòque incautiùs efferbuerat, pæniten-  
 patiens, tulit absolvi reum criminibus  
 estatis: de pecuniis repetundis, ad  
 peratores itum est.

XXV. NEC PATRUM cognitionibus  
 tus, judiciis adsidebat in cornu tri-  
 alis, ne prætorem curuli depelleret:  
 aque eo coram, adversus ambitum  
 potentium preces constituta: sed dum  
 ati consulitur, libertas corrumpeba-  
 Inter quæ Pius Aurelius, senator,  
 tus «mole publicæ viæ, ductuque  
 arum, labefactas ædes suas», auxilium  
 m invocabat: resistantibus ærarij  
 ribus, subvênit Cæsar, pretiumque  
 m Aurelio tribuit, erogandæ per  
 sta pecuniæ cupiens: quam virtutem  
 etinuit, cùm ceteras exueret. Pro-  
 o Celeri prætorio, veniam ordinis  
 upertatem petenti, decies festeriûm

D ij

~~=====~~ »sacrasset. Nec contra religiones fieri;  
 A. U. C. »quòd effigies ejus, ut alia numinum  
 768. »simulacra, venditionibus hortorum &  
 J. C. »domuum accedant. Jusjurandum perinde  
 15. »æstimandum, quàm si Jovem fefellisset:  
 »deorum injurias diis curæ».

LXXIV. NEC MULTO post Granium  
 Marcellum, prætorem Bithyniæ, quæstor  
 ipsius Cæpio Crispinus majestatis postula-  
 vit, subscribente Romano Hispone: qui  
 formam vitæ iniit, quam postea celebrem  
 miseriæ temporum, & audaciæ hominum  
 fecerunt: nam egens, ignotus, inquires,  
 dum occultis libellis sævitæ principis  
 adrepat, mox clarissimo cuique periculum  
 facessit, potentiam apud unum, odium  
 apud omnes adeptus, dedit exemplum,  
 quod secuti, ex pauperibus divites, ex  
 contemptis metuendi, perniciem aliis ac  
 postremum sibi invenere. Sed Marcellum  
 insimulabat, « finistros de Tiberio ser-  
 »mones habuisse»: inevitabile crimen,  
 cum ex moribus Principis fœdissima quæ-  
 que deligeret accusator, objectaretque  
 reo: nam quia vera erant, etiam dicta  
 credebantur. Addidit Hispo, « statuam  
 »Marcelli altiùs, quàm Cæsarum sitam:  
 »& aliâ in statuâ, amputato capite Au-  
 »gusti, effigiem Tiberii inditam»: ad

Quod exarsit adeò, ut ruptâ taciturnitate proclamaret, «se quoque in eâ causâ A. U. C.  
768.  
J. C.  
15. » laturum sententiam palam & juratum », quò ceteris eadem necessitas fieret. Manebant etiam tum vestigia morientis libertatis. Igitur Cn. Piso, « Quo », inquit, « loco censebis, Cæsar? si primus, habebo » quod sequar : si post omnes, vereor ne » imprudens dissentiam » : permotus his, quantòque incautiùs efferbuerat, pænitiâ patiens, tulit absolvi reum criminibus majestatis : de pecuniis repetundis, ad reciperatores itum est.

LXXV. NEC PATRUM cognitionibus fatiatus, judiciis adsidebat in cornu tribunalis, ne prætorem curuli depelleret : multaque eo coram, adversùs ambitum & potentium preces constituta : sed dum veritati consulitur, libertas corrumpebatur. Inter quæ Pius Aurelius, senator, questus « mole publicæ viæ, ductuque » aquarum, labefactas ædes suas », auxilium patrum invocabat : resistentibus ærarii prætoribus, subvênit Cæsar, pretiumque ædium Aurelio tribuit, erogandæ per honesta pecuniæ cupiens : quam virtutem diu retinuit, cùm ceteras exueret. Proptio Celeri prætorio, veniam ordinis ob paupertatem petenti, decies sestertiûm

D ij



largitus est, satis comperto, paternas ei  
 A. U. C. angustias esse: tentantes eadem alios;  
 768. probare causam senatui iussit; cupidine  
 J. C. severitatis, in his etiam, quæ rite faceret,  
 15. acerbus: unde ceteri silentium & pauper-  
 tatem confessioni & beneficio præposuere.

LXXVI. EODEM anno continuis im-  
 bribus auctus Tiberis, plana urbis stagna-  
 verat: relabentem secuta est ædificiorum  
 & hominum strages. Igitur censuit Asinius  
 Gallus, « ut libri Sibyllini adirentur »:  
 renuit Tiberius, perinde divina humana-  
 que obtegens: sed remedium coercendi  
 fluminis Ateio Capitoni, & L. Arruntio  
 mandatum. Achaiam ac Macædoniam  
 onera deprecantes, levare in præsens pro-  
 consulari imperio, tradique Cæsari placuit.  
 Edendis gladiatoribus, quos Germanici  
 fratris ac suo nomine obtulerat, Drusus  
 præsedet, quamquam vili sanguine nimis  
 gaudens: quod vulgus formidolosum, &  
 pater arguisse dicebatur: cur abstinuerit  
 spectaculo ipse, variè trahebant; alii tæ-  
 dio cœtus, quidam tristitiâ ingenii, &  
 metu comparationis, quia Augustus co-  
 miter interfuisset. Non crediderim ad  
 ostentandam sævitiam, movendasque po-  
 puli offensiones, concessam filio mate-  
 riem: quamquam id quoque dictum est.

LXXVII. AT THEATRI licentia proximo  
 priore anno cœpta, gravius tum erupit,  
 occisis non modò e plebe, sed militibus  
 & centurione, vulnerato tribuno prætorix  
 cohortis, dum probra in magistratus &  
 dissensionem vulgi prohibent. Actum de  
 eâ seditione apud patres, dicebanturque  
 sententiæ, «ut prætoribus jus virgarum  
 »in histriones esset»: intercessit Haterius  
 Agrippa tribunus plebei, increpitusque  
 est Asinii Galli oratione, silente Tiberio,  
 qui ea simulacra libertatis senatui præbe-  
 bat: valuit tamen intercessio, quia divus  
 Augustus «immunes verberum histriones»  
 quondam responderat, neque fas Tiberio  
 infringere dicta ejus. De modo lucaris;  
 & adversus lasciviam fautorum, multa  
 decernuntur; ex quîs maximè insignia:  
 «Ne domos pantomimorum senator in-  
 »troiret: ne egredientes in publicum,  
 »equites Romani cingerent: aut alibi,  
 »quàm in theatro, spectarentur: & spec-  
 »tantium immodestiam exsilio multandi  
 »potestas prætoribus fieret».

LXXVIII. TEMPLUM ut in coloniâ  
 Tarraconensi strueretur Augusto, peten-  
 tibus Hispanis permissum; datumque in  
 omnes provincias exemplum. Centesi-  
 mam rerum venalium post bella civilia

D iij

A. U. C.  
 768.  
 J. C.  
 15.

~~institutam~~ institutam deprecante populo, edixit Tiberius « militare ærarium eo subsidio niti :  
 A. U. C. 768. » simul imparem oneri rempublicam, nisi  
 J. C. » vicesimo militiæ anno veterani dimittè-  
 15. » rentur » : ita proximæ seditionis malè  
 consultata, quibus sexdecim stipendiorum  
 finem expresserant, abolita in posterum.

LXXIX. ACTUM deinde in senatu ab Arruntio & Ateio, an ob moderandas Tiberis exundationes verterentur flumina & lacus, per quos augescit. Auditæque municipiorum & coloniarum legationes, orantibus Florentinis, « ne Clanis solito »  
 » alveo demotus in amnem Arnun trans-  
 » ferretur, idque ipsis perniciem adferret ». Congruentia his Interamnates disseruere :  
 » pessum ituros fecundissimos Italiæ cam-  
 » pos, si amnis Nar » (id enim parabatur)  
 » in rivos diductus, superstagnavisset ». Nec Reatini silebant, Velinum lacum, quæ in Narem effunditur, obstrui recusantes; « quippe in adjacentia erupturum :  
 » optumè rebus mortalium consuluisse na-  
 » turam, quæ sua ora fluminibus, suos  
 » cursus, utque originem, ita fines dederit :  
 » spectandas etiam religiones sociorum,  
 » qui sacra, & lucos, & aras patriis am-  
 » nibus dicaverint : quin ipsum Tiberim  
 » nolle, prorsus accolis fluviis orbatum,

» minore gloriâ fluere ». Seu preces coloniarum, seu difficultas operum, sive superstitio valuit, ut in sententiam Pisonis concederetur, qui nil mutandum censerat.

A. U. C.

768.

J. C.

15.

LXXX. PROROGATUR Poppæo Sabino provincia Mœsia, additis Achaiâ ac Macedoniâ. Id quoque morum Tiberii fuit, continuare imperia, ac plerosque ad finem vitæ in iisdem exercitiis, aut jurisdictionibus habere. Causæ variæ traduntur: alii « tædio novæ curæ, semel placita pro æternis servavisse »: quidam « invidiâ, » ne plures fruerentur »: sunt qui existiment, « ut callidum ejus ingenium, ita anxium judicium »: neque enim eminentes virtutes sectabatur, & rursus vitia oderat: ex optimis, periculum sibi; a pessimis, dedecus publicum metuebat: quâ hæsitazione postremò eò provectus est, ut mandaverit quibusdam provincias, quos egredi Urbe non erat passurus.

LXXXI. DE COMITIIS consularibus, quæ tum primùm illo principe, ac deinceps fuere, vix quidquam firmare ausim; adeò diversa, non modò apud auctores, sed in ipsius orationibus reperiuntur. Modò, subtractis candidatorum nominibus, originem cujusque, & vitam, &

D iv

stipendia descripsit, ut qui forent intelli-  
 geretur : aliquando, eâ quoque significa-  
 tione subtractâ, candidatos hortatus, ne  
 ambitu comitia turbarent, suam ad id  
 curam pollicitus est : plerumque, « eos  
 » tantum apud se professos » differuit,  
 « quorum nomina consulibus edidisset ;  
 » posse & alios profiteri, si gratiæ, aut  
 » mēitis confiderent » : speciosa verbis,  
 re inania, aut subdola : quantoque majore  
 libertatis imagine tegebantur, tantò erup-  
 tura ad infensus servitium.



# B R E V I A R I U M

## LIBRI SECUNDI.

I. *M*OTUS aliqui in Oriente.  
 III. *Vonones*, Parthorum rex, solio  
 ab Artabano pulsus, & ad Armenios  
 profugus, ab his in regnum accipitur:  
 quo mox demovetur ob metum & Ar-  
 tabani minas. V. *Tiberius*, specie  
 moti Orientis, Germanicum a Ger-  
 manicis legionibus abstrahit. Paret  
 ille, sed lentè. Germaniam enim  
 ingreditur. *Cheruscus* & *Arminium*  
 magno prælio vincit. Mox adversa  
 maris expertus, quæ prosperâ in *Mar-*  
*fos* expeditione pensavit. XXVII.  
*Libo Drusus* rerum novarum accu-  
 satus. *Spretæ M. Hortali* preces.  
 XXXIX. *Clemens*, ementito *Postu-*  
*mi Agrippæ* nomine, turbat. Sal-

D v.

*lustii Crispi artibus capitur , & Romam perducitur. XLI. Germanicus de Cattis , Cheruscis , aliisque nationibus usque ad Albim triumphat. XLII. Archelaus, Cappadocum rex, dolo in Urbem accitus , & indignè habitus , moritur. Regnum ejus in provinciam redactum. XLIII. Germanico Oriens permissus ; Pisoni Syria , cum occultis , ut creditur , in Germanicum mandatis. XLIV. Drusus in Illyricum mittitur contra Germanos , qui inter se discordes otium & securitatem Romanis fecere. XLV. Cherusci , duce Arminio , potentem & veterem regem Maroboduum , magno nec incruento prælio vincunt. XLVII. In Asiâ duodecim urbes terræ motu collapsæ. Tiberii liberalitas. L. Adolefcit lex majestatis. LII. Tacfarinas in Africâ bellum movet. A Furio Camillo statim re-*

*pressus. LIII. Germanicus , iterum consul , in Armeniam venit : regem Zenonem , amoto Vonone , volentibus iis imponit. Deinde Ægyptum proficiscitur. LXII. Drusus Germanos ad discordias inlicit. Maroboduus , vi Catualdæ regno pulsus , in Italiam venit , & Ravennæ per duodeviginti annos egit. Idem Catualdæ mox casus , qui Forum Julium missus est. LXIV. Rhescuporis , Thracum rex , operâ Pomponii Flacci datur in vincula : Romam perducitur. LXVIII. Vononis cædes. LXIX. Germanicus , Ægypto remeans , cuncta , quæ iusserat , a Pisone abolita , vel in contrarium versa reperit. Hinc inimicitiarum semina. Paulo post morbo correptus , cum ingenti gentium omnium luctu , Antiochiæ exstinguitur. LXXIV. Piso , veneficii suspectus , Syriam repetere impeditur. LXXXIII.*

D vi



*Honores multi mortuo Germanico  
Romæ decreti. LXXXV. Sanctio-  
nes contra muliebrem impudicitiam.  
LXXXVI. Virginis Vestalis delec-  
tus. LXXXVII. Arminius in Ger-  
maniâ popularium dolo cæsus.*

*Hæc gesta annis quatuor.*


A. U. C. J. C.

DCCLXIX. 16. Coss. { T. STATILIO Sisennâ  
Tauro ,  
L. SCRIBONIO Libone.

DCCLXX. 17. Coss. { C. CÆCILIO Rufo ,  
L. POMPONIO Flacco  
Græcino.

DCCLXXI. 18. Coss. { TIBERIO Cæsare Augu-  
sto III ,  
GERMANICO Cæsare II.

DCCLXXII. 19. Coss. { M. JUNIO Silano ,  
L. NORBANO Flacco.



# C. CORNELII TACITI ANNALES.

---

## *LIBER SECUNDUS.*

---

**S**ISENNA Statilio Tauro, L. Libone  
 Consulibus, mota Orientis regna, pro-  
 vinciaëque Romanæ; initio apud Parthios  
 orto, qui petitum Româ, acceptumque  
 regem, quamvis gentis Arfacidarum, ut  
 externum aspernabantur. Is fuit Vonones,  
 obses Augusto datus a Phraate. Nam  
 Phraates, quamquam depulisset exercitus,  
 ducesque Romanos, cuncta venerantium  
 officia ad Augustum verterat; partemque  
 prolis, firmandæ amicitiaë, miserat: haud

A. U. C.

769.

J. C.

164

**=====** perinde nostrî metu , quàm fidei popula-  
 A. U. C. rium diffusus.

769.

J. C.

16.

II. POST FINEM Phraatis & sequentium  
 regum , ob internas cædes , venire in  
 Urbem legati a primoribus Parthis , qui  
 Vononen vetustissimum liberorum ejus ac-  
 cirent. Magnificum id sibi credidit Cæsar,  
 auxitque opibus : & accepere barbari læ-  
 tantes , ut ferme ad nova imperia. Mox  
 subit pudor , « degeneravisse Parthos : pe-  
 » titum alio ex orbe regem hostium artibus  
 » infectum : jam inter provincias Romanas  
 » solium Arfacidarum haberi , darique.  
 » Ubi illam gloriam trucidantium Craf-  
 » sum , exturbantium Antonium , si man-  
 » cipium Cæsaris, tot per annos servitutem  
 » perpeffum , Parthis imperitet ? » Ac-  
 cendebat dedignantes & ipse , diversus a  
 majorum institutis , raro venatu , segni  
 equorum curâ ; quotiens per urbes ince-  
 deret , lecticæ gestamine , fastuque erga  
 patrias epulas : inridebantur & Græci  
 comites , ac vilissima utensilium anulo  
 clausa : sed prompti aditus , obvia comi-  
 tas , ignotæ Parthis virtutes , nova vitia ;  
 & quia ipsorum moribus aliena , perinde  
 odium pravis & honestis.

III. IGITUR Artabanus Arfacidarum e  
 sanguine , apud Dahas adultus , excitur ;

primoque congressu fusus, reparat vires, ~~=====~~  
 regnoque potitur. Victo Vononi perfu- A. U. C.  
 gium Armenia fuit, vacua tunc, interque 769.  
 Parthorum & Romanas opes infida, ob J. C.  
 scelus Antonii, qui Artavastden, regem 16.  
 Armeniorum, specie amicitiae inlectum,  
 dein catenis oneratum, postremò interfe-  
 cerat. Ejus filius Artaxias, memoriâ patris  
 nobis infensus, Arsacidarum vi seque  
 regnumque tutatus est. Occiso Artaxiâ  
 per dolum propinquorum, datus a Cæsare  
 Armeniis Tigranes, deductusque in reg-  
 num a Tiberio Nerone. Nec Tigrani diu-  
 turnum imperium fuit, neque liberis  
 ejus, quamquam sociatis more externo  
 in matrimonium regnumque. Dein jussu  
 Augusti impositus Artavastdes, & non  
 sine clade nostrâ dejectus.

IV. TUM C. CÆSAR componendæ  
 Armeniæ deligitur. Is Ariobarzanen,  
 origine Medum, ob insignem corporis  
 formam, & præclarum animum, volenti-  
 bus Armeniis præfecit. Ariobarzane morte  
 fortuitâ absumpto, stirpem ejus haud  
 toleravere: tentatoque feminæ imperio,  
 cui nomen Erato, eâque brevi pulsâ,  
 incerti solutique, & magis sine domino,  
 quàm in libertate, profugum Vononen  
 in regnum accipiunt. Sed ubi minitari

~~Artabanus~~ Artabanus, & parum subsidii in Armeniis;  
 A. U. C. vel si nostrâ vi defenderetur, bellum ad-  
 769. versûs Parthos sumendum erat; rector  
 J. C. Syriæ Creticus Silanus excitum custodiâ  
 16. circumdat, manente luxu & regio nomi-  
 ne: quod ludibrium ut effugere agitaverit  
 Vonones, in loco reddemus.

V. CETERUM Tiberio haud ingratum  
 accidit turbari res Orientis, ut eâ specie  
 Germanicum suetis legionibus abstra-  
 heret; novisque provinciis impositum,  
 dolo simul & casibus objectaret. At ille,  
 quantò acriora in eum studia militum, &  
 averfa patruï voluntas, celerandæ victoriæ  
 intentior, tractare præliorum vias, &  
 quæ sibi tertium jam annum belligeranti  
 sæva vel prospera evenissent: « fundi  
 » Germanos acie & justis locis; juvari  
 » silvis, paludibus, brevi æstate, & præ-  
 » maturâ hieme: suum militem haud  
 » perinde vulneribus, quàm spatiis itine-  
 » rum, damno armorum adfici: fessas  
 » Gallias ministrandis equis: longum im-  
 » pedimentorum agmen, opportunum ad  
 » insidias, defensoribus iniquum. At si  
 » mare intretur, promptam ipsis posses-  
 » sionem, & hostibus ignotam: simul  
 » bellum maturiùs incipi, legionesque &  
 » commeatus pariter vehi: integrum equi;

»tem, equosque, per ora & alveos fluminum mediâ in Germaniâ fore ».

A. U. C.

VI. IGITUR huc intendit: missis ad census Galliarum, P. Vitellio & C. Antio; Silius, & Anteiſus, & Cæcina fabricandæ classi præponuntur. Mille naves sufficere viſæ, properataque: aliæ breves, angustâ puppi prorâque, & lato utero, quò faciliùs fluctus tolerarent: quædam planæ carinis, ut sine noxâ ſiderent: plures, adpositis utrimque gubernaculis, con-verſo ut repentè remigio, hinc vel illinc adpellerent: multæ pontibus ſtratae, super quas tormenta veherentur, ſimul aptæ ferendis equis aut commeatui, velis habiles, citæ remis, augebantur alacritate militum in ſpeciem ac terrorem. Inſula Batavorum in quam convenirent prædicta, ob faciles adpulſus, accipiendiſque copiis, & transmittendum ad bellum opportuna. Nam Rhenus uno alveo continuus, aut modicas inſulas circumveniens, apud principium agri Batavi, velut in duos amnes dividitur, ſervatque nomen & violentiam curſûs, quâ Germaniam prævehitur, donec Oceano miſceatur: ad Gallicam ripam latior & placidior adfluens, verſo cognomento *Vakalem* accolæ dicunt: mox id quoque vocabulum,

769.

J. C.

16,

~~=====~~ mutat *Mosâ* flumine, ejusque immenso  
 A. U. C. ore eundem in Oceanum effunditur.

769.

VII. SED CÆSAR, dum adiguntur na-  
 J. C. ves, Silium legatum cum expeditâ manu  
 16. inruptionem in Cattos facere jubet: ipse,  
 audito castellum Lupiæ flumini adpositum  
 obsideri, sex legiones eò duxit. Neque  
 Silio ob subitos imbres aliud actum, quàm  
 ut modicam prædam, & Arpi principis  
 Cattorum conjugem, filiamque raperet:  
 neque Cæsari copiam pugnae obsessores  
 fecere, ad famam adventus ejus dilapsi.  
 Tumulum tamen nuper Varianis legio-  
 nibus structum, & veterem aram Druso  
 sitam disjecerant: restituit aram; hono-  
 rique patris princeps ipse cum legionibus  
 decucurrit. Tumulum iterare haud visum:  
 & cuncta inter castellum Alifonem, ac  
 Rhenum, novis limitibus, aggeribusque  
 permunita.

VIII. JAMQUE classis advenerat, cum  
 præmisso commeatu, & distributis in  
 legiones ac socios navibus, fossam, cui  
*Drusiana* nomen, ingressus, precatusque  
 Drusum patrem, « ut se eadem ausum,  
 » libens placatusque exemplo ac memoriâ  
 » consiliorum atque operum juvaret »:  
 lacus inde & Oceanum usque ad Amisiam  
 flumen secundâ navigatione pervehitur:

classis Amisæ relicta, lævo amne; erratumque in eo, quòd non subvexit: transposuit militem dextras in terras iturum: ita plures dies efficiendis pontibus absumpti. Et eques quidem ac legiones primæstuaræ, nondum adcrecente undâ, intrepidi transiere: postremum auxiliorum agmen, Batavique in parte eâ, dum insultant aquis, artemque nandi ostentant, turbati, & quidam hausti sunt. Metanti castra Cæsari Angrivariorum defectio a tergo nuntiatur: missus illico Stertinius cum equite & armaturâ levi, igne & cædibus perfidiam ultus est.

A. U. C.

769.

J. C.

16a

IX. FLUMEN Visurgis Romanos Cheruscosque interfluebat: ejus in ripâ cum ceteris primoribus Arminius adstitit, quæsitoque « an Cæsar venisset? » postquam « adesse » responsum est, « ut liceret cum » fratre conloqui » oravit. Erat is in exercitu cognomento Flavius, insignis fide, & amisso per vulnus oculo paucis antè annis, duce Tiberio: tum permissum; progressusque salutatur ab Arminio: qui amotis stipatoribus, « ut sagittarii nostrâ » pro ripâ dispositi abscederent », postulat; & postquam digressi, « unde ea deformitas oris? » interrogat fratrem: illo locum, & prælium referente; « quod»



~~nam~~ »nam præmium recepisset?» exquirat.  
 A. U. C. Flavius « aucta stipendia , torquem , &  
 769. » coronam , aliaque militaria dona » me-  
 J. C. morat , inridente Arminio vilia servitii  
 46. pretia.

X. EXIN diversi ordiuntur : hic « ma-  
 » gnitudinem Romanam , opes Cæsaris ,  
 » & victis graves pœnas ; in deditionem  
 » venienti paratam clementiam ; neque  
 » conjugem & filium ejus hostiliter habe-  
 » ri ». Ille « fas patriæ , libertatem avitam ,  
 » penetrales Germaniæ deos , matrem  
 » precum sociam ; ne propinquorum &  
 » adfinium , denique gentis suæ desertor  
 » & proditor , quàm imperator esse mal-  
 » let ». Paullatim inde ad jurgia prolapsi ,  
 quominus pugnam confererent , ne flu-  
 mine quidem interjecto cohibebantur ;  
 ni Stertinius adcurrrens , plenum iræ ,  
 « armaque & equum » poscentem Fla-  
 vium attinuisset. Cernebatur contrà mi-  
 nitabundus Arminius , præliumque de-  
 nuntians : nam pleraque Latino sermone  
 interjaciebat , ut qui Romanis in castris  
 ductor popularium meruisset.

XI. POSTERO die , Germanorum acies  
 trans Visurgim stetit. Cæsar , nisi pontibus  
 præsidiisque impositis , dare in discrimen  
 legiones haud imperatorium ratus , equi-

tem vado tramittit : præfuere Stertinius ,  
 & e numero primipilariū Æmilius ,  
 distantibus locis invec̃ti , ut hostem didu-  
 cerent. Quà celerrimus amnis , Cariovalda  
 dux Batavorum erupit : eum Cherusci  
 fugam simulantes , in planitiem saltibus  
 circumjectam traxere : dein coorti , &  
 undique effusi trudent adversos , instant  
 cedentibus , collectosque in orbem , pars  
 congressi , quidam eminus proturbant.  
 Cariovalda , diu sustentatâ hostium sævi-  
 tiâ , hortatus suos ut ingruentes catervas  
 globo frangerent , atque ipse in densissi-  
 mos inrumpens , congestis telis & suffosso  
 equo labitur , ac multi nobilium circà :  
 ceteros vis sua , aut equites cum Stertinio  
 Æmilioque subvenientes , periculo exe-  
 mere.

A. U. C.  
 769.  
 J. C.  
 16.

XII. CÆSAR transgressus Visurgim ;  
 indicio perfugæ cognoscit , « delectum  
 » ab Arminio locum pugnæ ; convenisse  
 » & alias nationes in silvam Herculi sa-  
 » cram , aufurosque nocturnam castrorum  
 » oppugnationem ». Habita indici fides ,  
 & cernebantur ignes ; suggestisque propiùs  
 speculatores « audiri fremitum equorum ,  
 » immensique & inconditi agminis mur-  
 » mur » attulere. Igitur propinquo sum-  
 mæ rei discrimine , explorandos militum

animos ratus, quonam id modo incor-  
 ruptum foret, secum agitabat: «Tribunos  
 A. U. C. 769. » & centuriones læta sæpiùs, quàm com-  
 J. C. 16. » perta nuntiare; libertorum servilia in-  
 » genia; amicis inesse adulationem: si  
 » concio vocetur, illic quoque, quæ pauci  
 » incipiant, reliquos adstreperè: penitus  
 » noscendas mentes, cùm secreti & in-  
 » custoditi, inter militares cibos, spem  
 » aut metum proferrent ».

XIII. NOCTE cœptâ, egressus augurali,  
 per occulta & vigilibus ignara, comite  
 uno, contactus humeros ferinâ pelle, adit  
 castrorum vias, adsistit tabernaculis, frui-  
 turque famâ sui: cùm hic «nobilitatem  
 » ducis», «decorem» alius, plurimi  
 «patientiam, comitatem, per feria,  
 » per jocos eundem animum», laudibus  
 ferrent: «reddendamque gratiam in  
 » acie» faterentur: simul «perfidios &  
 » ruptores pacis, ultioni & gloriæ mactan-  
 » dos». Inter quæ unus hostium Latinæ  
 linguæ, sciens, acto ad vallum equo,  
 voce magnâ, «conjuges, & agros, &  
 » stipendii in dies, donec bellaretur, se-  
 » stertios centenos, si quis transfugisset»,  
 Arminii nomine pollicetur. Incendit ea  
 contumelia legionum iras: «veniret dies,  
 » daretur pugna: sumpturum militem

» Germanorum agros, tracturum conju-  
 » ges : accipere omen , & matrimonia ac  
 » pecunias hostium prædæ destinare ».  
 Tertiâ fermè vigiliâ adfultatum est castris,  
 sine conjectu teli , postquam crebras pro  
 munimentis cohortes , & nihil remissum  
 sensere.

A. U. C.

769.

J. C.

169

XIV. NOX EADEM lætam Germanico  
 quietem tulit , viditque se operatum ,  
 & sanguine sacro respersâ prætextâ , pul-  
 chriorem aliam manibus aviæ Augustæ  
 accepisse. Auctus omine , addicentibus  
 auspiciis , vocat concionem , & quæ sa-  
 pientiâ prævisa , aptaque imminenti pu-  
 gnæ , differit. « Non campos modò militi  
 » Romano ad prælium bonos , sed si ratio  
 » adsit , silvas & saltus : nec enim im-  
 » mensa barbarorum scuta , enormes ha-  
 » stas , inter truncos arborum , & enata  
 » humo virgulta , perinde haberi quàm  
 » pila , & gladios , & hærentia corpori  
 » tegmina : densarent ictus , ora mucro-  
 » nibus quærent : non lorica Germano-  
 » no , non galeam ; ne scuta quidem ferro  
 » nervove firmata , sed viminum textus ,  
 » vel tenues & fucatas colore tabulas : pri-  
 » mam utcumque aciem hastatam ; cete-  
 » ris , præulta aut brevia tela : jam corpus ,  
 » ut visu torvum , & ad brevem impetum

**==** animos ratus, quonam id modo incor-  
**A. U. C.** ruptum foret, secum agitabat : « Tribunos  
 769. » & centuriones læta sæpiùs , quàm com-  
**J. C.** » perta nuntiare ; libertorum servilia in-  
 16. » genia ; amicis inesse adulationem : si  
 » concio vocetur, illic quoque, quæ pauci  
 » incipiant , reliquos adstreperè : penitus  
 » noscendas mentes , cùm secreti & in-  
 » custoditi , inter militares cibos , spem  
 » aut metum proferrent ».

XIII. NOCTE cœptâ, egressus augurali,  
 per occulta & vigilibus ignara , comite  
 uno, contactus humeros ferinâ pelle , adit  
 castrorum vias , adsistit tabernaculis , frui-  
 turque famâ sui : cùm hic « nobilitatem  
 » ducis », « decorem » alius , plurimi  
 « patientiam , comitatem , per seria ,  
 » per jocos eundem animum », laudibus  
 ferrent : « reddendamque gratiam in  
 » acie » faterentur : simul « perfidos &  
 » ruptores pacis, ultioni & gloriæ mactan-  
 » dos ». Inter quæ unus hostium Latinæ  
 linguæ , sciens , acto ad vallum equo ,  
 voce magnâ , « conjuges , & agros , &  
 » stipendii in dies , donec bellaretur , se-  
 » stertios centenos , si quis transfugisset »,  
 Arminii nomine pollicetur. Incendit ea  
 contumelia legionum iras : « veniret dies ,  
 » daretur pugna : sumpturum militem

» Germanorum agros, tracturum conju-  
 » ges : accipere omen, & matrimonia ac  
 » pecunias hostium prædæ destinare ». A. U. C.  
769.  
J. C.  
16,  
 Tertiâ fermè vigiliâ adfultatum est castris,  
 sine conjectu teli, postquam crebras pro  
 munimentis cohortes, & nihil remissum  
 sensere.

XIV. NOX EADEM lætam Germanico  
 quietem tulit, viditque se operatum,  
 & sanguine sacro respersâ prætextâ, pul-  
 chriorem aliam manibus aviæ Augustæ  
 accepisse. Auctus omine, addicentibus  
 auspiciis, vocat concionem, & quæ sa-  
 pientiâ prævisa, aptaque imminenti pu-  
 gnæ, differit. « Non campos modò militi  
 » Romano ad prælium bonos, sed si ratio  
 » adsit, silvas & saltus: nec enim im-  
 » mensa barbarorum scuta, enormes ha-  
 » stas, inter truncos arborum, & enata  
 » humo virgulta, perinde haberi quàm  
 » pila, & gladios, & hærentia corpori  
 » tegmina: densarent ictus, ora mucro-  
 » nibus quærent: non lorica Germano-  
 » no, non galeam; ne scuta quidem ferro  
 » nervove firmata, sed viminum textus,  
 » vel tenues & fucatas colore tabulas: pri-  
 » mam utcumque aciem hastatam; cete-  
 » ris, præusta aut brevia tela: jam corpus,  
 » ut visu torvum, & ad brevem impetum

» validum , sic nullâ vulnerum patientiâ :  
 A. U. C. » sine pudore flagitii , sine curâ ducum ,  
 769. » abire , fugere ; pavidos adversis ; inter  
 J. C. » secunda , non divini , non humani juris  
 16. » memores. Si tædio viarum ac maris fi-  
 » nem cupiant , hac acie parari : propio-  
 » rem jam Albim , quàm Rhenum : neque  
 » bellum ultrâ , modò se patris patruique  
 » vestigia prementem , iisdem in terris  
 » victorem sisterent ». Orationem ducis  
 secutus militum ardor ; signumque pugnae  
 datum.

XV. NEC ARMINIUS , aut ceteri Ger-  
 manorum procures omittebant suos quis-  
 que testari : « Hos esse Romanos Variani  
 » exercitûs fugacissimos , qui ne bellum  
 » tolerarent , seditionem induerint : quo-  
 » rum pars onusta vulneribus tergum ;  
 » pars fluctibus & procellis fractos artus ,  
 » infensis rursus hostibus , adversis diis ,  
 » objiciant , nullâ boni spe. Classem quippe  
 » & avia Oceani quæsitâ , ne quis venien-  
 » tibus occurreret , ne pulsos premeret :  
 » sed ubi miscuerint manus , inane victis  
 » ventorum remorumque subsidium. Me-  
 » minissent modò avaritiæ , crudelitatis ,  
 » superbiæ : aliud sibi reliquum , quàm  
 » tenere libertatem , aut mori ante ser-  
 » vitium » ?

XVI. Sic

XVI. SIC ACCENSOS & prælium poscentes in campum, cui *Idistaviso* nomen, deducunt : is medius inter Visurgim & colles, ut ripæ fluminis cedunt, aut prominentia montium resistunt, inæqualiter sinuatur : pone tergum insurgebat silva, editis in altum ramis, & purâ humo inter arborum truncos. Campum & prima silvarum, barbara acies tenuit : soli Cherusci juga insedere, ut præliantibus Romanis desuper incurrerent. Noster exercitus sic incessit : auxiliares Galli, Germanique in fronte : post quos pedites sagittarii : dein quatuor legiones, & cum duabus prætoriiis cohortibus, ac delecto equite Cæsar : exin totidem aliæ legiones, & levis armatura cum equite sagittario, ceteræque sociorum cohortes. Intentus paratusque miles, ut ordo agminis in aciem adlisteret.

A. U. C.

769.

J. C.

164

XVII. VISIS Cheruscorum catervis, quæ per ferociam proruperant, validissimos equitum incurrere latus, Stertinium cum ceteris turmis circumgredi, tergaque invadere jubet, ipse in tempore adfuturus. Interea pulcherrimum augurium, octo aquilæ petere silvas, & intrare visæ, imperatorem advertere : exclamat, *Irrent, sequerentur Romanas aves, pro-*

Tom. I.

E



~~=====~~ »pria legionum numina». Simul pedestris acies infertur; & præmissus eques, postremos ac latera impulit. Mirumque dictu, duo hostium agmina diversâ fugâ, qui silvam tenuerant, in aperta, qui campis adstiterant, in silvam ruebant: mediî inter hos Cherusci, collibus detrudebantur: inter quos insignis Arminius manu, voce, vulnere, sustentabat pugnam: incubueratque sagittariis, illâ rupturus, ni Rætorum Vindelicorumque, & Gallicæ cohortes signa objecissent: nisu tamen corporis, & impetu equi pervasit, oblitus faciem suo cruore, ne nosceretur: quidam « agnitum a Chaucis inter auxilia » Romana agentibus, emissumque » tradiderunt. Virtus, seu fraus eadem, Inguiometro effugium dedit: ceteri passim trucidati. Et plerosque tranare Visurgim conantes, injecta tela aut vis fluminis, postremò moles ruentium, & incidentes ripæ, operuere. Quidam turpi fugâ in summa arborum nisi, ramisque se occultantes, admotis sagittariis per ludibrium figebantur: alios prorutæ arbores afflixere. Magna ea victoria, neque cruenta nobis fuit.

XVIII. QUINTA ab horâ diei ad noctem cæsi hostes, decem millia passuum

cadaveribus atque armis opplevēre ; re-  
 pertis inter spolia eorum catenis, quas in  
 Romanos, ut non dubio eventu, porta-  
 verant. Miles in loco prœlii, Tiberium  
*Imperatorem* salutavit, struxitque agge-  
 rem, & in modum tropæorum arma,  
 subscriptis victarum gentium nominibus,  
 imposuit.

A. U. C.

769.

J. C.

164

XIX. HAUD PERINDE Germanos vul-  
 nera, luctus, excidia, quàm ea species  
 dolore & irâ adfecit : qui modò abire  
 sedibus, trans Albim concedere parabant,  
 pugnam volunt, arma rapiunt : plebes,  
 primores, juvenus, senes, agmen Ro-  
 manum repentè incursant, turbant : po-  
 stremò deligunt locum, flumine & silvis  
 clausum, arctâ intus planitie, & humidâ :  
 silvas quoque profunda palus ambibat,  
 nisi quòd latus unum Angrivarii lato ag-  
 gere extulerant, quò a Cheruscis dirime-  
 rentur : hîc pedes adstitit ; equitem pro-  
 pinquis lucis texêre, ut ingressis silvam  
 legionibus a tergo foret.

XX. NIHIL ex iis Cæsari incognitum :  
 consilia, locos, prompta, occulta nove-  
 rat, astusque hostium in perniciem ipsis  
 vertebat. Seio Tuberoni legato tradit  
 equitem, campumque : peditum aciem  
 ita instruxit, ut pars æquo in silvam aditu

E ij

**██████** incederet, pars objectum aggerem eni-  
**A. U. C** teretur: quod arduum, sibi; cetera legatis  
**769.** permisit. Quibus plana evenerant, facile  
**J. C.** intrupere: quīs impugnandus agger, ut si  
**46.** murum succederent, gravibus supernè  
 ictibus conflictabantur. Sensit dux impar-  
 rem cominus pugnam, remotisque paul-  
 lum legionibus, funditores libratoresque  
 excutere tela, & proturbare hostem jubet:  
 missæ e tormentis hastæ, quantoque cons-  
 picui magis propugnatores, tantò pluribus  
 vulneribus dejecti. Primus Cæsar cum  
 prætoriiis cohortibus, capto vallo, dedit  
 impetum in silvas: conlato illic gradu cer-  
 tatum: hostem a tergo palus, Romanos  
 flumen aut montes claudebant: utrisque  
 necessitas in loco, spes in virtute, salus  
 ex victoriâ.

XXI. NEC MINOR Germanis animus;  
 sed genere pugnæ & armorum superaban-  
 tur; cùm ingens multitudo, arctis locis,  
 prælongas hastas non protenderet, non  
 colligeret, neque adfultibus & velocitate  
 corporum uteretur, coacta stabile ad præ-  
 lium: contrà miles, cui scutum pectori  
 adpressum, & insidens capulo manus,  
 latos barbarorum artus, nuda ora fode-  
 ret, viamque strage hostium aperiret:  
 imprompto jam Arminio, ob continua

pericula , sive illum recens acceptum  
vulnus tardaverat. Quin & Inguiomerum  
totâ volitantem acie , fortuna magis quàm  
virtus deserebat : & Germanicus , quò  
magis adgnosceretur , detraxerat regimen  
capiti , orabatque « insisterent cædibus ,  
» nil opus captivis , solam internecionem  
» gentis finem bello fore ». Jamque sero  
diei subducit ex acie legionem , faciendis  
castris : ceteræ ad noctem cruore hostium  
fatiatæ sunt : equites ambiguè certavere.

A. U. C.  
769.  
J. C.  
162

XXII. LAUDATIS pro concione victo-  
ribus , Cæsar congeriem armorum struxit,  
superbo cum titulo : DEBELLATIS INTER  
RHENUM ALBIMQUE NATIONIBUS EXER-  
CITUM TIBERII CÆSARIS EA MONIMENTA  
MARTI ET IOVI ET AUGUSTO SACRAVISSE :  
de se nihil addidit , metu invidiæ , an  
ratus conscientiam factis satis esse. Mox  
bellum in Angrivarios Stertinio mandat ,  
ni deditionem properavissent : atque illi  
supplices , nihil abnuendo , veniam om-  
nium accepere.

XXIII. SED ÆSTATE jam adultâ , le-  
gionum aliæ itinere terrestri in hiberna-  
cula remissæ : plures Cæsar classi impositas  
per flumen Amisiam Oceano invexit. Ac  
primò placidum æquor mille navium  
remis strepere , aut velis impelli : mox

E iiij

**==** atro nubium globo effusa grando : simul  
 A. U. C. variis undique procellis , incerti fluctus  
 769. prospectum adimere , regimen impedire :  
 J. C. milesque pavidus , & casuum maris igna-  
 36. rus , dum turbat nautas , vel intempestivè  
 juvat : officia prudentium corrumpibat :  
 omne dehinc cælum , & mare omne in  
 austrum cessit , qui tumidis Germaniæ  
 terris , profundis amnibus , immenso nu-  
 bium tractu validus , & rigore vicini sep-  
 temtrionis horridior , rapuit disjecitque  
 naves in aperta Oceani , aut insulas saxi  
 abruptis , vel per occulta vada infestas :  
 quibus paulum ægreque vitatis , postquam  
 mutabat æstus , eodemque quò ventus  
 ferebat ; non adhærere ancoris , non  
 exhaurire inrumpentes undas poterant :  
 equi , jumenta , sarcinæ , etiam arma  
 præcipitantur , quò levarentur alvei ma-  
 nantes per latera , & fluctu superurgente .

XXIV. QUANTO violentior cetero  
 mari Oceanus , & truculentiâ cæli præstat  
 Germania , tantum illa clades novitate &  
 magnitudine excessit , hostilibus circum  
 litoribus , aut ita vasto & profundo , ut  
 credatur novissimum ac sine terris mare :  
 pars navium haustæ sunt ; plures , apud  
 insulas longius sitas ejectæ : milesque nullo  
 illic hominum cultu , fame absumptus ,

nisi quos corpora equorum eodem elisa  
 toleraverant. Sola Germanici triremis  
 Chaucorum terram adpulit; quem per  
 omnes illos dies noctesque, apud scopulos  
 & prominentes oras, cum « se tanti exitii  
 » reum » clamitaret, vix cohibuere amici,  
 quominus eodem mari oppeteret. Tan-  
 dem relabente æstu, & secundante vento,  
 claudæ naves, raro remigio, aut intentis  
 vestibis, & quædam a validioribus tractæ,  
 revertère: quas raptim resectas misit, ut  
 scrutarentur insulas: collecti eâ curâ ple-  
 rique: multos Angrivarii nuper in fidem  
 accepti, redemptos ab interioribus red-  
 didere: quidam in Britanniam rapti,  
 & remissi a regulis. Ut quis ex longinquo  
 venerat, « miracula » narrabant, « vim  
 » turbinum, & inauditas volucres, mon-  
 » stra maris, ambiguas hominum & bel-  
 » luarum formas »: visa, sive ex metu  
 credita.

A. U. C.  
 769.  
 J. C.  
 16.

XXV. SED FAMA classis amissæ, ut  
 Germanos ad spem belli, ita Cæsarem  
 ad coercendum erexit. C. Silio cum tri-  
 ginta peditum, tribus equitum millibus  
 ire in Catos imperat: ipse majoribus  
 copiis Marfos inrumpit: quorum dux  
 Malovendus nuper in deditionem acce-  
 ptus, « propinquo luco defossam Varianæ

E iv

~~legionis~~ » legionis aquilam modico præsidio fer-  
 A. U. C. » vari » indicat. Missa extemplo manus,  
 769. quæ hostem a fronte eliceret, alii qui  
 J. C. terga circumgressi recluderent humum :  
 16. & utrisque adfuit fortuna. Eò promptior  
 Cæsar pergit introrsus, populatur, ex-  
 cindit non ausum congredi hostem : aut  
 sicubi restiterat, statim pulsus, nec um-  
 quam magis, ut ex captivis cognitum est,  
 paventem. Quippe « invictos & nullis  
 » casibus superabiles Romanos » prædica-  
 bant, « qui perditâ classe, amissis armis,  
 » post constrata equorum virorumque cor-  
 » poribus litora, eâdem virtute, pari fe-  
 » rociâ, & veluti aucti numero inrupis-  
 » sent ».

XXVI. REDUCTUS inde in hiberna  
 miles, lætus animi, quòd adversa maris,  
 expeditione prosperâ pensavisset : addidit  
 munificentiam Cæsar, quantum quis  
 damni professus erat, exsolvendo. Nec  
 dubium habebatur, labare hostes, pe-  
 tendæque pacis consilia sumere, & si pro-  
 xima æstas adjiceretur, posse bellum pa-  
 trari : sed crebris epistolis Tiberius mo-  
 nebat, « rediret ad decretum triumphum :  
 » satis jam eventuum, satis casuum : prof-  
 » pera illi & magna prælia : eorum quo-  
 » que meminisset, quæ venti & fluctus,

» nullâ ducis culpâ , gravia tamen & sæva  
 » damna intulissent : se novies a divo  
 » Augusto in Germaniam missum , plura  
 » consilio quàm vi perfecisse. Sic Sugam-  
 » bros in deditionem acceptos , sic Sue-  
 » vos , regemque Maroboduum pace ob-  
 » strictum : posse & Cheruscos , ceterasque  
 » rebellium gentes , quando Romanæ ul-  
 » tioni consultum esset , internis discordiis  
 » relinqui ». Precante Germanico annum  
 efficiendis cœptis , acriùs modestiam ejus  
 adgreditur , alterum consulatum offeren-  
 do , cujus munia præsens obiret : simul  
 adnectebat , « si foret adhuc bellandum ,  
 » relinqueret materiem Drusi fratris glo-  
 » riæ , qui nullo tum alio hoste , non nisi  
 » apud Germanias adsequi nomen impe-  
 » ratorium , & deportare lauream posset » .  
 Haud cunctatus est ultrà Germanicus ,  
 quamquam fingi ea , seque per invidiam  
 parto jam decori abstrahi intelligeret.

A. U. C.

769.

J. C.

16.

XXVII. SUB IDEM tempus , e familiâ  
 Scriboniorum Libo Drusus defertur mo-  
 liri res novas. Ejus negotii initium , ordi-  
 nem , finem curatiùs differam ; quia tum  
 primùm reperta sunt , quæ per tot annos  
 rempublicam exedêre. Firmius Catus se-  
 nator , ex intimâ Libonis amicitia , juve-  
 nem improvidum & facilem inanibus ,

E v



ad Chaldæorum promissa , Magorum  
 sacra , somniorum etiam interpretes im-  
 pulit : dum « proavum Pompeium , ami-  
 » tam Scriboniam , quæ quondam Augusti  
 » conjunx fuerat , consobrinos Cæsares ,  
 » plenam imaginibus domum » ostentat ;  
 hortaturque ad luxum & æs alienum ,  
 socius libidinum & necessitatum , quò  
 pluribus indiciis inligaret.

XXVIII. UT SATIS testium , & qui  
 servi eadem noscerent , reperit , aditum  
 ad principem postulat , demonstrato cri-  
 mine & reo per Flaccum Vescularium  
 equitem Romanum , cui propior cum  
 Tiberio usus erat. Cæsar indicium haud  
 aspernatus , congressus abnuitt : « posse  
 » enim , eodem Flacco internuntio , ser-  
 » mones commeari ». Atque interim Li-  
 bonem ornat præturâ , convictibus ad-  
 hibet , non vultu alienatus , non verbis  
 commotior (adeò iram condiderat) cunc-  
 taque ejus dicta factaque cùm prohibere  
 posset , scire malebat : donec Junius qui-  
 dam , tentatus ut infernas umbras car-  
 minibus eliceret , ad Fulcinium Trionem  
 indicium detulit : celebre inter accusa-  
 tores Trionis ingenium erat , avidumque  
 tamæ malæ. Statim corripit reum , adit  
 consules , senatûs cognitionem poscit : &

vocantur patres, addito, «consultandum  
»super re magnâ & atroci».

A. U. C.

769.

J. C.

16.

XXIX. LIBO interim veste mutatâ, cum primoribus feminis, circumire domos, orare adfines, vocem adversum pericula poscere: abnudentibus cunctis, cum diversa prætenderent, eâdem formidine, die senatûs metu & ægritudine fessus, sive ut tradidere quidam, simulato morbo, lecticâ delatus ad fores curiæ, innisusque fratri, & manus ac supplices voces ad Tiberium tendens, immoto ejus vultu excipitur: mox libellos & auctores recitat Cæsar, ita moderans, ne lenire, neve asperare crimina videretur.

XXX. ACCESSERANT, præter Trionem & Catum accusatores, Fonteius Agrippa, & C. Vibius, certabantque cui jus perorandi in reum daretur: donec Vibius, quia nec ipsi inter se concederent, & Libo sine patrono introisset, singillatim se crimina objecturum professus, protulit libellos vecordes adeò, ut consultaverit Libo, «an habiturus foret opes, quâs  
»viam Appiam Brundisium usque pecuniâ  
»operiret». Inerant & alia hujuscemodi, stolidâ, vana; si molliùs acciperes, miseranda. Uni tamen libello, manu Libonis, nominibus Cæsarum aut senatorum

E vj

**rum**, additas atroces vel occultas notas;  
**A. U. C.** accusator arguebat. Negante reo, agnos-  
**769.** centes servos per tormenta interrogari  
**J. C.** placuit. Et quia vetere senatusconsulto,  
**16.** quæstio in caput domini prohibebatur,  
 callidus & novi juris repertor Tiberius,  
 mancipari singulos auctori publico jubet:  
 scilicet, ut in Libonem ex servis, salvo  
 senatusconsulto, quæreretur. Ob quæ  
 posterum diem reus petivit; domumque  
 digressus, extremas preces P. Quirinio  
 propinquo suo ad Principem mandavit:  
 responsum est, « ut senatum rogaret ».

**XXXI. CINGEBATUR** interim milite do-  
 mus; strepebant etiam in vestibulo, ut au-  
 diri, ut aspici possent: cum Libo, ipsis,  
 quas in novissimam voluptatem adhibue-  
 rat, epulis excruciatas, vocare percussor-  
 rem, prensare fervorum dexteras, inferere  
 gladium: atque illis, dum trepidant, dum  
 refugiunt, evertentibus adpositum mensâ  
 lumen, feralibus jam sibi tenebris, duos  
 ictus in viscera direxit. Ad gemitum con-  
 labentis, adcurrere liberti, & cæde visâ  
 miles abstinit. Accusatio tamen apud pa-  
 tres adseveratione eâdem peracta, jura-  
 vitque Tiberius, « petiturum se vitam,  
 » quamvis nocenti, nisi voluntariam mor-  
 tem properavisset ».

XXXII. BONA inter accusatores dividuntur : & præturæ extra ordinem datæ his , qui senatorii ordinis erant. Tunc Cotta Messalinus , « ne imago Libonis » exsequias posteriorum comitaretur » , censuit : Cn. Lentulus , « ne quis Scribonius cognomentum Drusi adsumeret » : « supplicationum dies » , Pomponii Flacci sententiâ , constituti : « ut dona Jovi , » Marti , Concordiæ , utque Iduum Septembrium dies , quo se Libo interfecerat , dies festus haberetur » , L. P. & Gallus Asinius , & Papius Mutilus , & L. Apronius decrevere : quorum auctoritates adulationesque retuli , ut sciretur vetus id in republicâ malum. Facta & de Mathematicis Magisque Italiâ pellendis senatusconsulta : quorum e numero , L. Pituvianus saxo dejectus est. In P. Martium consules extra portam Esquilinam , cùm classicum canere jussissent , more prisco advertêre.

XXXIII. PROXIMO senatûs die , multa in luxum civitatis dicta a Q. Haterio consulari , Octavio Frontone præturâ functo : decretumque « ne vasa auro solida ministrandis cibis fierent : ne vestis serica » viros fœdaret ». Excessit Fronto , ac postulavit « modum argento , supellectili ,

A. U. C.

769.

J. C.

164

769.  
 A. U. C. J. C. 16.  
 »familia» . Erat quippe adhuc frequens  
 senatoribus, si quid e republicâ crede-  
 rent, loco sententiæ promere. Contra  
 Gallus Asinius differuit, «Auctu imperii  
 »adolevisse etiam privatas opes; idque  
 »non novum, sed e vetustissimis moribus.  
 »Aliam apud Fabricios, aliam apud Sci-  
 »piones pecuniam; & cuncta ad rem-  
 »publicam referri: quâ tenui, angustas  
 »civium domos; postquam eò magnifi-  
 »centiæ venerit, gliscere singulos. Neque  
 »in familiâ & argento, quæque ad usum  
 »parentur, nimium aliquid, aut modi-  
 »cum, nisi ex fortunâ possidentis: di-  
 »stinctos senatûs & equitum census, non  
 »quia diversi naturâ, sed ut locis, ordi-  
 »nibus, dignationibus, antissent & aliis,  
 »quæ ad requiem animi, aut salubritatem  
 »corporum parentur: nisi fortè clarissimo  
 »cuique plures curas, majora pericula  
 »subeunda; delinimentis curarum &  
 »periculorum carendum esse». Facilem  
 ad sensum Gallo, sub nominibus honestis,  
 confessio vitiorum & similitudo audien-  
 tium dedit. Adjecerat & Tiberius, «non  
 »id tempus censuræ: nec, si quid in  
 »moribus labaret, defuturum corrigendi  
 »auctorem».

XXXIV. INTER quæ L. Piso «ambi-

»tum fori, corrupta iudicia, sævitiam  
 »oratorum accusationes minitantium», A. U. C.  
 increpans, «abire se, & cedere Urbe, 769.  
 »victurum in aliquo abdito & longinquo J. C.  
 »rure» testabatur: simul curiam relin- 168  
 quebat. Commotus est Tiberius, & quam-  
 quam mitibus verbis Pisonem permulsi-  
 set, propinquos quoque ejus impulit, ut  
 abeuntem auctoritate vel precibus tene-  
 rent. Haud minus liberi doloris docu-  
 mentum idem Piso mox dedit, vocatâ in  
 jus Urgulaniâ, quam supra leges amicitia  
 Augustæ extulerat: nec aut Urgulaniâ  
 obtemperavit, in domum Cæsaris, spreto  
 Pione, vecta; aut ille abstinit, quam-  
 quam Augusta «se violari & imminui»  
 quereretur. Tiberius hætenus indulgere  
 matri civile ratus, ut «se iturum ad  
 »prætoris tribunal, adfuturum Urgula-  
 »niæ» diceret, processit palatio, procul  
 sequi jussis militibus: spectabatur, occur-  
 sante populo, compositus ore, & sermo-  
 nibus variis tempus atque iter ducens;  
 donec propinquis Pisonem frustra coer-  
 centibus, deferri Augusta pecuniam, quæ  
 petebatur, juberet. Isque finis rei, ex  
 quâ neque Piso inglorius, & Cæsar ma-  
 jore famâ fuit. Ceterum Urgulaniæ po-  
 tentia adeo nimia civitati erat, ut testis

~~in~~ in causâ quâdam quæ apud senatum tractabatur, venire dedignaretur: missus est prætor, qui domi interrogaret; cùm virgines Vestales in foro & iudicio audiri, quotiens testimonium dicerent, verus mos fuerit.

A. U. C.  
769.  
J. C.  
16.

XXXV. RES eo anno prolatas haud referrem, ni pretium foret, Cn. Pisonis, & Asinii Galli super eo negotio diversas sententias noscere. Piso, « quamquam » afuturum se dixerat Cæsar, ob id magis » agendas » censebat, « & absente Prin- » cipe, senatum & equites posse sua munia » sustinere decorum reipublicæ fore ». Gallus, quia speciem libertatis Piso præceperat, « nihil satis inlustre, aut ex- » dignitate populi Romani, nisi coram & » sub oculis Cæsaris: eoque conventum » Italiæ & adfluentes provincias, præsentia » ejus servanda » dicebat. Audiente hæc Tiberio ac silente, magnis utrimque contentionibus acta; sed res dilata.

XXXVI. ET CERTAMEN Gallo adversus Cæsarem exortum est: nam censuit « in » quinquennium magistratuum comitia » habenda: utque legionum legati, qui » ante præturam eâ militiâ fungebantur, » jam tum prætores destinarentur: Prin- » cepts duodecim candidatos, in annos

»singulos nominaret». Haud dubium  
 erat, eam sententiam altiùs penetrare,  
 & arcana imperii tentari: Tiberius tamen  
 quasi augeretur potestas ejus differuit:  
 «Grave moderationi suæ tot eligere, tot  
 »differre: vix per singulos annos offen-  
 »siones vitari, quamvis repulsam pro-  
 »pinqua spes soletur: quantum odii fore  
 »ab his, qui ultra quinquennium proji-  
 »ciantur! unde prospici posse, quæ cuique  
 »tam longo temporis spatio mens, domus,  
 »fortuna? superbire homines etiam annuâ  
 »designatione: quid si honorem per quin-  
 »quennium agitent? quinquuplicari pror-  
 »sus magistratus, subverti leges, quæ sua  
 »spatia exercendæ candidatorum indu-  
 »striæ, quærendisque aut potiundis ho-  
 »noribus statuerint».

A. U. C.  
 769.  
 J. C.  
 16.

XXXVII. FAVORABILI in speciem  
 oratione vim imperii tenuit, censusque  
 quorundam senatorum juit: quò magis  
 mirum fuit, quòd preces M. Hortali  
 nobilis juvenis, in paupertate manifestâ,  
 superbiùs accepisset. Nepos erat oratoris  
 Hortensii, inlectus a divo Augusto libe-  
 ralitate decies sestertii ducere uxorem,  
 suscipere liberos, ne clarissima familia  
 exstingueretur. Igitur quatuor filiis ante  
 limen curiæ adstantibus, loco sententiæ,



**=====** cùm in palatio senatus haberetur, modò  
 A. U. C. Hortensii inter oratores sitam imaginem,  
 769. modò Augusti intuens, ad hunc modum  
 J. C. cœpit: « Patres conscripti, hos quorum  
 16. » numerum & pueritiam videtis, non  
 » sponte sustuli, sed quia Princeps mone-  
 » bat: simul majores mei meruerant, ut  
 » posteros haberent: nam ego, qui non  
 » pecuniam, non studia populi, neque  
 » eloquentiam, gentile domûs nostræ bo-  
 » num, varietate temporum accipere vel  
 » parare potuissem, satis habebam, si  
 » temues res meæ nec mihi pudori, nec  
 » cuiquam oneri forent: iussus ab impe-  
 » ratore, uxorem duxi. En stirps & pro-  
 » genes tot consulum, tot dictatorum:  
 » nec ad invidiam ista, sed conciliandæ  
 » misericordiæ refero: adsequentur, flo-  
 » rente te, Cæsar, quos dederis honores;  
 » interim Q. Hortensii pronepotes, divi  
 » Augusti alumnos, ab inopiâ defende ».

XXXVIII. INCLINATIO senatûs inci-  
 tamentum Tiberio fuit, quò promptiùs  
 adversaretur, his ferme verbis usus: « Si  
 » quantum pauperum est, venire huc,  
 » & liberis suis petere pecunias cœperint;  
 » singuli numquam exsatiabuntur, res-  
 » publica deficiet. Nec sanè ideo a mayo-  
 » ribus concessum est egredi aliquando

relationem, & quod in commune con-  
 »ducatur loco sententiæ proferre, ut privata  
 »negotia, res familiares nostras hîc au-  
 »geamus, cum invidiâ senatûs & prin-  
 »cipum, sive indulserint largitionem,  
 »sive abnuerint. Non enim preces sunt  
 »istuc, sed efflagitatio intempestiva qui-  
 »dem & improvîsa, cùm aliis de rebus  
 »convenerint patres, consurgere, &  
 »numero atque ætate liberûm suorum  
 »urgere modestiam senatûs, eamdem  
 »vim in me transmittere, ac velut per-  
 »fringere ærarium: quod si ambitione  
 »exhauserimus, per scelera supplendum  
 »erit. Dedit tibi, Hortale, divus Augustus  
 »pecuniam, sed non compellatus, nec  
 »eâ lege ut semper daretur: languescet  
 »alioqui industria, intenderetur socordia,  
 »si nullus ex se metus, aut spes; & securi  
 »omnes aliena subsidia expectabunt, sibi  
 »ignavi, nobis graves». Hæc atque talia,  
 quamquam cum adsensu audita ab his,  
 quibus omnia principum honesta atque  
 inhonesta laudare mos est, plures per si-  
 lentium aut occultum murmur excepere:  
 sensitque Tiberius; & cùm paullum reti-  
 cuisset: «Hortalo se respondisse» ait,  
 «ceterum si patribus videretur, daturum  
 »liberis ejus ducena sestertia singulis, qui

A. U. C.  
 769.  
 J. C.  
 169

~~=====~~ »sexûs virilis essent». Egêre alii grates ;  
 A. U. C. filuit Hortalus, pavore, an avitæ nobili-  
 769. tatis etiam inter angustias fortunæ reti-  
 J. C. nens: neque miseratus est posthac Tibe-  
 16. rius, quamvis domus Hortensii pudendam  
 ad inopiam delaberetur.

XXXIX. EODEM anno, mancîpii unius  
 audacia, ni maturè subventum foret,  
 discordiis armisque civilibus rempubli-  
 cam perculisset. Postumi Agrippæ servus,  
 nomine *Clemens*, comperto fine Augusti,  
 pergere in insulam Planasiam, & fraude  
 aut vi raptum Agrippam ferre ad exercitus  
 Germanicos, non servili animo concepit.  
 Ausa ejus impedivit tarditas onerariæ  
 navis: atque interim patratâ cæde, ad  
 majora & magis præcipitia conversus,  
 furatur cineres; vectusque Cosam, Etru-  
 riæ promontorium, ignotis locis sese  
 abdit, donec crinem barbamque promit-  
 teret: nam ætate & formâ haud dissimili  
 in dominum erat. Tum per idoneos &  
 secreti ejus focios, crebrescit « vivere  
 » Agrippam », occultis primùm sermoni-  
 bus, ut vetita solent; mox vago rumore  
 apud imperitissimi cujusque promptas  
 aures, aut rursus apud turbidos, eoque  
 nova cupientes. Atque ipse adire mu-  
 nicipia obscuro diei, neque propalam

aspici, neque diutius iisdem locis: sed quia veritas visu & morâ, falsa festinatione & incertis valescunt, relinquebat famam, aut præveniebat.

A. U. C.

769.

J. C.

16.

XL. VULGABATUR interim per Italiam, « servatum munere deum Agrippam »; credebatur Romæ: jamque Ostiam in-  
vectum multitudo ingens, jam in Urbe clandestini cœtus celebrabant: cum Tiberium anceps cura distrahere, vine militum servum suum coerceret, an inanem credulitatem tempore ipso vanescere sineret: modò nihil spernendum, modò non omnia metuenda, ambiguus pudoris ac metûs reputabat. Postremò dat negotium Sallustio Crispo: ille e clientibus duos (quidam milites fuisse tradunt) deligit, atque hortatur, simulatâ conscientiam adeant, offerant pecuniam, fidem atque pericula polliceantur. Exsequuntur ut jussum erat: dein speculati noctem incustoditam, acceptâ idoneâ manu, vinculum clauso ore in palatium traxere. Percunctanti Tiberio, « Quomodo Agrippa » factus esset »? respondisse fertur, « Quo- » modo tu Cæsar ». Ut ederet socios, subigi non potuit: nec Tiberius pœnam ejus palam ausus; in secretâ palatii parte interfici jussit, corpusque clam auferri;

**=====** & quamquam multi e domo Principis;  
 A. U. C. equitesque ac senatores, sustentasse opi-  
 769. bus, juvisse consiliis dicerentur, haud  
 J. C. quæsitum.  
 16.

**=====** XLI. FINE anni, arcus propter ædem  
 Saturni, ob recepta signa cum Varo amissa,  
 ductu Germanici, auspiciis Tiberii; &  
 ædes Fortis Fortunæ Tiberim juxta in hor-  
 tis, quos Cæsar dictator populo Romano  
 legaverat; sacrarium genti Juliæ, effi-  
 giesque divo Augusto apud Bovillas, di-  
 cantur. C. Cæcilio, L. Pomponio consu-  
 libus, Germanicus Cæsar A. D. VII. Ka-  
 770. lendas Junias triumphavit de Cheruscis  
 J. C. Cattsque & Angrivariis, quæque aliæ  
 17. nationes usque ad Albim colunt: vecta  
 spolia, captivi, simulacra montium, flu-  
 minum, præliorum: bellumque, quia  
 conficere prohibitus erat, pro confecto  
 accipiebatur: augebat intuentium visus  
 eximia ipsius species, currusque quinque  
 liberis onustus: sed suberat occulta for-  
 mido reputantibus, « haud prosperum in  
 » Druso patre ejus favorem vulgi, avun-  
 » culum ejusdem Marcellum flagrantibus  
 » plebis studiis intra juventam ereptum,  
 » breves & infaustos populi Romani amo-  
 » res ».

XLII. CETERUM Tiberius, nomine

Germanici , trecenos plebi sestertios vir-  
 ritim dedit , seque collegam consularui A. U. C.  
 ejus destinavit : nec ideo sinceræ caritatis 770.  
 fidem adsecutus , amoliri juvenem specie J. C.  
 honoris statuit , struxitque causas , aut 17.  
 fortè oblatas arripuit. Rex Archelaus quin-  
 quagesimum annum Cappadociâ potie-  
 batur , invisus Tiberio , quòd eum Rhodî  
 agentem nullo officio coluisset : nec id  
 Archelaus per superbiam omiserat , sed  
 ab intimis Augusti monitus ; quia florente  
 C. Cæsare , missoque ad res Orientis ,  
 intuta Tiberii amicitia credebatur. Ut ,  
 versâ Cæsarum sobole , imperium adeptus  
 est , elicit Archelaum matris literis , quæ ,  
 non dissimulatis filii offensionibus , cle-  
 mentiam offerebat , si ad precandum ve-  
 niret : ille ignarus doli , vel si intelligere  
 crederetur vim metuens , in Urbem pro-  
 perat : exceptusque immiti a principe ,  
 & mox accusatus in senatu ; non ob cri-  
 mina quæ fingeantur , sed angore , simul  
 fessus senio , & quia regibus æqua , nedum  
 infima , insolita sunt , finem vitæ , sponte ,  
 an fato implevit. Regnum in provinciam  
 redactum est , « fructibusque ejus levare  
 » posse centesimæ vectigal » professus Cæ-  
 sar , ducentesimam in posterum statuit.  
 Per idem tempus Antiocho Commagēno

**=====** rum, Philopatore Cilicum regibus de-  
**A. U. C.** functis, turbabantur nationes, plerisque  
**770.** Romanum, aliis regium imperium cu-  
**J. C.** pientibus: & provinciæ Syria atque Judæa,  
**17.** fessæ oneribus, deminutionem tributi  
 orabant.

**XLIII.** Igitur hæc, & de Armeniâ  
 quæ suprà memoravi, apud patres disse-  
 ruit: « nec posse motum Orientem nisi  
 » Germanici sapientiâ componi. Nam  
 » suam ætatem vergere, Drusi nondum  
 » satis adolevisse ». Tunc decreto patrum,  
 permixtæ Germanico provinciæ, quæ mari  
 dividuntur, majusque imperium quoquò  
 adisset, quàm his qui sorte aut missu  
 Principis obtinerent. Sed Tiberius de-  
 moverat Syriâ Creticum Silanum, per  
 adfinitatem connexum Germanico, quia  
 Silani filia Neroni, vetustissimo libero-  
 rum ejus, pacta erat: præfeceratque Cn.  
 Pisonem ingenio violentum, & obsequii  
 ignarum, insitâ ferociâ a patre Pisone,  
 qui civili bello resurgentes in Africâ par-  
 tes acerrimo ministerio adversus Cæsarem  
 juvit: mox Brutum & Cassium secutus,  
 concessio reditu, petitione honorum ab-  
 stinuit, donec ultro ambiretur delatum  
 ab Augusto consulatum accipere. Sed  
 præter paternos spiritus, uxoris quoque  
 Plancinæ

Plancinae nobilitate & opibus accendebatur: vix Tiberio concedere, liberos ejus ut multum infra despectare: nec dubium habebat, se delectum, qui Syriae imponeretur, ad spes Germanici coercendas: credere quidam data & a Tiberio occulta mandata; & Plancinam haud dubie Augusta monuit, muliebri æmulatione Agrippinam insectandi: divisa namque & discors aula erat, tacitis in Drusum aut Germanicum studiis. Tiberius, ut proprium, & sui sanguinis, Drusum fovebat: Germanico, alienatio patris, amorem apud ceteros auxerat; & quia claritudine materni generis anteibat, avum M. Antonium, avunculum Augustum ferens: contra Druso proavus, eques Romanus, Pomponius Atticus dedecere Claudiorum imagines videbatur: & conjux Germanici Agrippina, fecunditate ac famâ Liviam uxorem Drusi præcellabat: sed fratres egregie concordēs, & proximorum certaminibus inconcussi.

XLIV. Nec multò post Drusus in Illyricum missus est, ut suesceret militiæ, studiaque exercitus pararet; simul juvenem urbano luxu lascivientem melius in castris haberi Tiberius, seque tutiorem rebatur, utroque filio legiones obtinente,

*Tom. I.*

*F.*

A. U. C.

770.

J. C.

17.



~~=====~~  
 A. U. C. Sed Suevi prætendebantur, auxilium ad-  
 770. versùs Cheruscos orantes : nam discessu  
 J. C. Romanorum, ac vacui externo metu,  
 17. gentis adfuetudine, tum & æmulatione  
 gloriæ, arma in se verterant : vis natio-  
 num, virtus ducum in æquo : sed Ma-  
 roboduum regis nomen invisum apud  
 populares; Arminium pro libertate bel-  
 lantem favor habebat.

XLV. IGITUR non modò Cherusci  
 focique eorum, vetus Arminii miles,  
 sumpserè bellum : sed e regno etiam  
 Marobodui Suevæ gentes, Semnones ac  
 Langobardi, defecere ad eum : quibus  
 additis præpollebat, ni Inguiomerus cum  
 manu clientium ad Maroboduum perfu-  
 gisset ; non aliam ob causam, quàm quia  
 fratris filio juveni, patruus senex parère  
 dedignabatur. Diriguntur acies pari utrim-  
 que spe, nec ut olim apud Germanos vagis  
 incursibus, aut disjectas per catervas :  
 quippe longâ adversum nos militiâ, in-  
 sueverant sequi signa, subsidiis firmari,  
 dicta imperatorum accipere. At tunc  
 Arminius equo conlustrans cuncta, ut  
 quosque advectus erat : « Reciperatam  
 » libertatem, trucidatas legiones, spolia  
 » adhuc & tela Romanis derepta, in  
 » manibus multorum » ostentabat : contrà

« fugacem Maroboduum » appellans, ~~=====~~  
 « prœliorum expertem, Hercyniæ late-  
 « bris defensum, ac mox per dona &  
 « legationes petivisse fœdus, proditorem  
 « patriæ, satellitem Cæsaris, haud minùs  
 « infensis animis exturbandum, quàm  
 « Varum Quinctilium interfecerint: me-  
 « minissent modò tot prœliorum, quorum  
 « eventu, & ad postremum ejectis Ro-  
 « manis, satis probatum, penes utros  
 « summa belli fuerit ».

A. U. C.  
 770.  
 J. C.  
 179

XLVI. NEQUE Maroboduus jactantiâ  
 suâ, aut probris in hostem abstinebat:  
 sed Inguiomerum tenens, « Illo in cor-  
 « pore decus omne Cheruscorum, illius  
 « consiliis gesta, quæ prospere ceciderint »,  
 testabatur: « recordem Arminium, &  
 « rerum nescium, alienam gloriam in se  
 « trahere, quoniam tres vacuas legiones  
 « & ducem fraudis ignarum perfidiâ de-  
 « ceperit, magnâ cum clade Germaniæ,  
 « & ignominiâ suâ, cùm conjunx, cùm  
 « filius ejus, servitium adhuc tolerant. At  
 « se duodecim legionibus petitem duce  
 « Tiberio, illibatam Germanorum gloriam  
 « servavisse: mox conditionibus æquis dis-  
 « cessum: neque pœnitere quòd ipsorum  
 « in manu sit, integrum adversùs Roma-  
 « nos bellum, an pacem incruentam

F ij

~~■■■■■~~ » malint ». His vocibus instinctos exerci-  
 tus , propriæ quoque causæ stimulabant :  
 A. U. C. 770. cum a Cheruscis Langobardisque , pro  
 J. C. antiquo decore , aut recenti libertate ; &  
 87. contrà , augendæ dominationi certaretur.  
 Non aliàs majore mole concursum , neque  
 ambiguo magis eventu , fuis utrimque  
 dextris cornibus. Sperabaturque rursus  
 pugna , ni Maroboduus castra in colles  
 subduxisset. Id signum percussus fuit : &  
 transfugis paullatim nudatus , in Marco-  
 mannos concessit , misitque legatos ad  
 Tiberium oraturos auxilia. Responsum  
 est , « non jure eum adversus Cheruscas  
 » arma Romana invocare , qui pugnantes  
 » in eundem hostem Romanos nullâ ope-  
 » juvisset ». Missus tamen Drusus , ut re-  
 tulimus , pacis firmator.

XLVII. EODEM anno duodecim cele-  
 bres Asiæ urbes conlapsæ nocturno motu  
 terræ ; quò improvisior graviorque pestis  
 fuit : neque solitum in tali casu effugium  
 subveniebat in aperta prorumpendi , quia  
 diductis terris hauriebantur. « Sedisse im-  
 » mensos montes , visa in arduo quæ plana  
 » fuerint , effulsisse inter ruinam ignes »  
 memorant. Asperrima in Sardonios lues  
 plurimum in eosdem misericordiæ traxit :  
 nam centies sestertium pollicitus Cæsar ,

& quantum arario, aut fisco pendebant, in quinquennium remisit. Magnetes a Sipylo, proximi danno ac remedio habiti. Temnios, Philadelphenos, Ægeatas, Apollonidienses, quique Mosteni, atque Macedones Hyrcani vocantur, & Hierocæsaream, Myrinam, Cymen, Tmolium levare idem in tempus tributis, mittique ex senatu placuit, qui præsentia spectaret, refoveretque. Delectus est M. Aletus e prætoriiis, ne consulari obtinente Asiam æmulatio inter pares, & ex eo impedimentum oriretur.

XLVIII. MAGNIFICAM in publicum largitionem auxit Cæsar haud minùs gratâ liberalitate, quòd bona Æmiliæ Musæ locupletis intestatæ petita in fiscum, Æmilio Lepido, cujus e domo videbatur; & Patulei divitis equitis Romani hereditatem (quamquam ipse heres in parte legere-  
retur) tradidit M. Servilio, quem prioribus, neque suspectis tabulis, scriptum compererat; «nobilitatem utriusque pecuniâ juvandam» præfatus. Neque hereditatem cujusquam adiit, nisi cum amicitia meruisset; ignotos & aliis infensos, eoque Principem nuncupantes, procul arcebat. Ceterum ut honestam innocentium paupertatem levavit; ita

F iij

A. U. C.  
770.  
J. C.  
17.

≡ prodigos & ob flagitia egentes Vibidium  
 A. U. C. Varronem, Marium Nepotem, Appium  
 770. Appianum, Cornelium Sullam, Q. Vi-  
 J. C. tellium movit senatu, aut sponte cedere  
 37. passus est.

XLIX. IISDEM temporibus deum ædes  
 vetustate aut igni abolitas, cœptasque ab  
 Augusto, dedicavit: Libero Liberæque  
 & Cereri, juxta Circum maximum,  
 quam A. Postumius dictator voverat;  
 eodemque in loco ædem Floræ, ab Lucio  
 & Marco Publiciis ædilibus constitutam:  
 & Jano templum, quod apud forum oli-  
 torium C. Duillius struxerat, qui primus  
 rem Romanam prospere mari gessit,  
 triumphumque navalem de Pœnis meruit.  
 Spei ædes à Germanico sacratur: hanc  
 Atilius voverat eodem bello.

L. ADOLESCEBAT interea lex majestatis.  
 Et Apuleiam Variliam sororis Augusti  
 neptem, quia probrosis sermonibus divum  
 Augustum ac Tiberium, & matrem ejus  
 inlusisset, Cæsarique connexa, adulterio  
 teneretur, majestatis delator arcessebat.  
 « De adulterio satis caveri lege Juliâ »  
 visum. « Majestatis crimen distingui »  
 Cæsar postulavit; « damnarique, si qua  
 » de Augusto inreligiosè dixisset: in se  
 » jacta, nolle ad cognitionem vocari »

Interrogatus à consule « quid de his cen-  
 «feret, quæ de matre ejus locuta secus  
 «argueretur», reticuit: dein proximo se-  
 «natus die, illius quoque nomine oravit,  
 «ne cui verba in eam quoquo modo ha-  
 «bita crimini forent». Liberavitque Apu-  
 leiam lege majestatis; adulterii gravio-  
 rem pœnam deprecatus, «ut, exemplo ma-  
 «jorum, propinquis suis ultra ducente-  
 «simum lapidem removeretur» suavit.  
 Adultero Manlio Italiâ atque Africâ in-  
 terdictum est.

A. U. G.

770.

J. C.

17.

LI. DE PRÆTORE in locum Vipſanii Galli, quem mors abstulerat, subrogando, certamen incessit. Germanicus atque Drusus (nam etiam tum Romæ erant) Haterium Agrippam propinquum Germanici fovebant: contrâ plerique nitebantur, ut numerus liberorum in candidatis præpolleret, quod lex jubebat. Lætabatur Tiberius, cum inter filios ejus & leges senatus disceptaret; victa est sine dubio lex: sed neque statim, & paucis suffragiis: quomodo, etiam cum valerent, leges vincebantur.

LII. EODEM anno cœptum in Africâ bellum, duce hostium Tacfarinate: is natione Numida, in castris Romanis auxiliaria stipendia meritis, mox desertor,

F iv

vagos primùm , & latrociniis fuetos , ad  
 prædam & raptus congregare ; dein more  
 militiæ per vexilla & turmas componere ;  
 postremò non inconditæ turbæ , sed Mu-  
 sulanorum dux haberi. Valida ea gens ,  
 & solitudinibus Africæ propinqua , nullo  
 etiam tum urbium cultu , cepit arma ,  
 Maurosque accolas in bellum traxit : dux  
 & his Mazippa : divisusque exercitus ; ut  
 Tacfarinas lectos viros , & Romanum in  
 modum armatos castris attineret , disci-  
 plinâ & imperiis suesceret : Mazippa levi  
 cum copiâ , incendia & cædes , & terro-  
 rem circumferret : compulerantque Ci-  
 nithios , haud spernendam nationem , in  
 eadem ; cùm Furius Camillus proconsul  
 Africæ , legionem & quod sub signis so-  
 ciorum , in unum conductos ad hostem  
 duxit : modicam manum , si multitudi-  
 nem Numidarum atque Maurorum spec-  
 tares : sed nihil æquè cavebatur , quàm  
 ne bellum metu eluderent : spe victoriæ  
 inducti sunt , ut vincerentur. Igitur legio  
 medio , leves cohortes duæque alæ in cor-  
 nibus locantur ; nec Tacfarinas pugnam  
 detrectavit : fusi Numidæ , multosque post  
 annos Furio nomini partum decus militiæ :  
 nam post illum recipiátorem Urbis ,  
 filiumque ejus Camillum , penes alias

familias imperatoria laus fuerat. Atque hic, quem memoramus, bellorum experts habebatur: eò pronior Tiberius res gestas apud senatum celebravit: & decrevere patres triumphalia insignia: quod Camillo ob modestiam vitæ impunè fuit.

LIII. SEQUENS annus Tiberium tertio, Germanicum iterum consules habuit: sed eum honorem Germanicus iniit apud urbem Achaiaë Nicopolim, quò venerat per Illyricam oram, viso fratre Druso in Dalmatiâ agente, Adriatici ac mox Ionii maris adversam navigationem perpeffus. Igitur paucos dies insumpfit reficiendæ classi: simul sinus Actiacâ victoriâ inclitos, & sacratas ab Augusto manubias, castraque Antonii cum recordatione majorum suorum adiit: namque ei, ut memoravi, avunculus Augustus, avus Antonius erant, magnaue illic imago tristium lætorumque. Hinc ventum Athenas, fœderique sociæ & vetustæ urbis datum, ut uno lictore uteretur. Excepere Græci quæsitissimis honoribus, vetera suorum facta dictaque præferentes, quò plus dignationis adulatio haberet.

LIV. PETITA inde Eubœâ, tramisit Lesbum, ubi Agrippina novissimo partu Juliam edidit: tum extrema Asiæ, Pe-

E v

A. U. C.

771.

J. C.

18.



~~=====~~ rinthumque ac Byzantium Thracias urbes,  
 A. U. C. 771. J. C. 18. mox Propontidis angustias, & os Ponti-  
 cum intrat, cupidine veteres locos, & famâ celebratos noscendi: pariterque pro-  
 vincias internis certaminibus, aut magis-  
 tratum injuriis fessas refovebat: atque  
 illum in regressu sacra Samothracum vi-  
 sere nitentem, obvii aquilones depulere.  
 Igitur Ilio, quæque ibi varietate fortu-  
 næ, & nostrî origine veneranda, relegit  
 Asiam, appellitque Colophona, ut Clarii  
 Apollinis oraculo uteretur. Non femina  
 illic, ut apud Delphos, sed certis e fa-  
 miliis & ferme Mileto accitus sacerdos,  
 numerum modò consultantium & nomina  
 audit: tum in specum degressus, haustâ  
 fontis arcani aquâ, ignarus plerumque  
 literarum & carminum, edit responsa  
 versibus, compositis super rebus quas  
 quis mente concepit: & ferebatur, Ger-  
 manico per ambages, ut mos oraculis,  
 « maturum exitium » cecinisse.

LV. AT CN. PISO, quò properantiùs  
 destinata inciperet, civitatem Athenien-  
 sium turbido incessu exterritam oratione  
 sævâ increpat, obliquè Germanicum per-  
 stringens, « quòd contra decus Romani  
 » nominis non Athenienses tot cladibus  
 » extinctos, sed colluviem illam nationum

comitate nimia coluisset: hos enim esse  
 Mithridatis adversus Sullam, Antonii A. U. C.  
 adversus divum Augustum socios: 771.  
 etiam vetera objectabat, « quæ in Ma- J. C.  
 cedones improspere, violenter in suos 186  
 fecissent: offensus urbi propria quoque  
 ira; quia Theophilum quemdam Areo  
 judicio falsi damnatum, precibus suis non  
 concederent. Exin navigatione celeri per  
 Cycladas, & compendia maris, adsequitur  
 Germanicum apud insulam Rhodum,  
 haud nescium quibus insectationibus pe-  
 titus foret: sed tantâ mansuetudine age-  
 bat, ut cum orta tempestas raperet in  
 abrupta, possetque interitus inimici ad  
 casum referri, miserit triremes, quarum  
 subsidio discrimini eximeretur. Neque  
 tamen mitigatus Piso, & vix diei moram  
 perpeffus, linquit Germanicum, præve-  
 nitque: & postquam Syriam ac legiones  
 attigit, largitione, ambitu, infirmos  
 manipularium juvando, cum veteres cen-  
 turiones, severos tribunos demoveret,  
 locaque eorum clientibus suis, vel de-  
 terrimo cuique attribueret, defidiam in  
 castris, licentiam in urbibus, vagum ac  
 lascivientem per agros militem sineret,  
 eò usque corruptionis provectus est, ut  
 sermone vulgi, *parens legionum* haberetur.

F vj

Nec Plancina se intra decora feminis tenebat; sed exercitio equitum, decursibus cohortium interesse: in Agrippinam, in Germanicum contumelias jacere: quibusdam etiam bonorum militum ad mala obsequia promptis, quod, « haud invito imperatore, ea fieri » occultus rumor incedebat.

LVI. NOTA hæc Germanico; sed præverti ad Armenios instantior cura fuit. Ambigua gens ea antiquitus, hominum ingeniis, & situ terrarum, quo nostris provinciis latè prætentæ, penitus ad Medos porrigitur, maximisque imperiis interjecti, & sæpius discordes sunt, adversus Romanos odio, & in Parthum invidiâ. Regem illâ tempestate non habebant, amoto Vonone: sed favor nationis inclinabat in Zenonem, Polemonis regis Pontici filium, quod is primâ ab infantiâ instituta & cultum Armeniorum æmulatus, venatu, epulis, & quæ alia barbari celebrant, procures plebemque juxta devinxerat. Igitur Germanicus in urbe Artaxatâ, adprobantibus nobilibus, circumfusâ multitudine, insigne regium capiti ejus imposuit: ceteri venerantes regem, *Artaxiam* consalutavere; quod illi vocabulum indiderant ex nomine

urbis. At Cappadoces, in formam provinciae redacti, Q. Veranium legatum accepere: & quaedam ex regiis tributis deminuta, quod mitius Romanum imperium speraretur. Commagenis Q. Servæus præponitur, tum primum ad jus prætoris translatis.

A. U. C.

771.

J. C.

18.

LVII. CUNCTAQUE socialia prospere composita, non ideo lætum Germanicum habebant, ob superbiam Pisonis, qui iussus partem legionum ipse, aut per filium in Armeniam ducere, utrumque neglexerat. Cyrrhi demum apud hiberna decumæ legionis convenere, firmato vultu, Piso adversus metum, Germanicus ne minari crederetur; & erat, ut retuli, clementior: sed amici accendendis offensionibus callidi, intendere vera, adgerere falsa, ipsumque & Plancinam, & filios variis modis criminari. Postremò paucis familiarium adhibitis sermo cœptus a Cæsare, qualem ira & dissimulatio gignit: responsum a Pisone precibus contumacibus, discesserantque opertis odiis: postque rarus in tribunali Cæsaris Piso; & si quando adsideret, atrox, ac dissentire manifestus: vox quoque ejus audita est in convivio, cum apud regem Nabatæorum coronæ aureæ magno pondere Cæsari &

**Agrippinæ**, leves Pisoni & ceteris offerrentur : « Principis Romani , non Parthi » regis filio eas epulas dari » : abjecitque simul coronam , & multa in luxum addidit , quæ Germanico , quamquam acerbâ , tolerabantur tamen.

LVIII. INTER quæ ab rege Parthorum Artabano legati venêre : miserat « amicitiam ac fœdus » memoraturos , & « cupere renovari dextras , daturumque » honori Germanici , ut ripam Euphratis » accederet : petere interim , ne Vonones » in Syriâ haberetur , neu proceres gentium » propinquis nuntiis ad discordias traheret ». Ad ea Germanicus , de societate Romanorum Parthorumque , magnificè : de adventu regis & cultu suû , cum decore ac modestiâ respondit. Vonones Pompeiopolim , Ciliciæ maritimam urbem , amotus est : datum id non modò precibus Artabani , sed contumeliæ Pisonis , cui gratissimus erat ob plurima officia & dona , quibus Plancinam devinxerat.

LIX. M. SILANO , L. Norbano consularibus , Germanicus Ægyptum proficiscitur , cognoscendæ antiquitatis : sed cura provinciæ prætendebatur ; levavitque , apertis horreis , pretia frugum : multaque in vulgus grata usurpavit , sine militæ

incedere, pedibus intectis, & pari cum ~~=====~~  
 Græcis amictu, P. Scipionis æmulatione; A. U. C.  
 quem eadem factitavisse apud Siciliam, 772.  
 quamvis flagrante adhuc Pœnorum bello, J. C.  
 accepimus. Tiberius, cultu habituque 19.  
 ejus lenibus verbis perstricto, acerrimè  
 increpuit, quòd contra instituta Augusti,  
 non sponte Principis Alexandriam in-  
 troisset: nam Augustus, inter alia domi-  
 nationis arcana, vetitis, nisi permissu,  
 ingredi senatoribus aut equitibus Romanis  
 inlustribus, seposuit Ægyptum: ne fame  
 urgeret Italiam, quisquis eam provin-  
 ciam, claustraque terræ ac maris, quam-  
 vis levi præsidio adversum ingentes exer-  
 citus infedisset.

LX. SED GERMANICUS, nondum com-  
 perto profectionem eam incusari, Nilo  
 subvehebatur, orsus oppido a Canopo.  
 Condidere id Spartani, ob sepultum illic  
 rectorem navis Canopum; quâ tempest-  
 ate Menelaus Græciam repetens, diver-  
 sum ad mare terramque Libyam dejectus.  
 Inde proximum amnis os dicatum Her-  
 culi, quem indigenæ ortum apud se &  
 antiquissimum perhibent; eosque, qui  
 postea pari virtute fuerint, in cognomen-  
 tum ejus adscitos: mox visit veterum  
 Thebarum magna vestigia: & manebant

~~136~~ structis molibus literæ Ægyptiæ, priorem  
 A. U. C. opulentiam complexæ : jussusque e senio-  
 772. ribus sacerdotum patrium sermonem in-  
 J. C. terpretari, referebat « habitasse quondam  
 19. » septingenta millia ætate militari : atque  
 » eo cum exercitu regem Rhamfen Libyâ ,  
 » Æthiopiâ , Medisque & Persis , & Bac-  
 » triano , ac Scythiâ potitum ; quasque  
 » terras Suri Armeniique & contigui Cap-  
 » padoces colunt , inde Bithynum , hinc  
 » Lycium ad mare imperio tenuisse » :  
 legebantur & indicta gentibus tributa ,  
 pondus argenti & auri , numerus armo-  
 rum equorumque , & dona templis ebur ,  
 atque odores , quasque copias frumenti  
 & omnium utensilium quæque natio pen-  
 deret , haud minùs magnifica , quàm  
 nunc vi Parthorum , aut potentiâ Romanâ  
 jubentur.

LXI. CETERUM Germanicus aliis quo-  
 que miraculis intendit animum , quorum  
 præcipua fuere Memnonis faxea effigies ,  
 ubi radiis solis icta est , vocalem sonum  
 reddens : disjectasque inter & vix pervias  
 arenas, instar montium eductæ Pyramides,  
 certamine & opibus regum : lacusque ,  
 effossâ humo , superfluentis Nili recepta-  
 cula : atque alibi angustix , & profunda  
 altitudo , nullis inquirentium spatiis per-

netrabilis. Exin ventum Elephantinen ac Syenen, claustra olim Romani imperii; quod nunc rubrum ad mare patescit.

A. U. C.  
772.  
J. C.  
19.

LXII. Dum ea ætas Germanico plures per provincias transigitur, haud leve decus Drusus quæsiuit, inliciens Germanos ad discordias, utque, fracto jam Maroboduo, usque in exitium insistere-tur. Erat inter Gothones nobilis juvenis nomine Catualda, profugus olim vi Ma-robodui, & tunc, dubiis rebus ejus, ultionem ausus. Is validâ manu fines Marcomannorum ingreditur, corruptis-que primoribus ad societatem, inrumpit regiam, castellumque juxtâ situm: ve-teres illic Suevorum prædæ, & nostris e provinciis lixæ, ac negotiatores reperti, quos jus commercii, dein cupido augendi pecuniam, postremum oblivio patriæ, suis quemque ab sedibus hostilem in agrum transtulit.

LXIII. MAROBODUO undique deserto non aliud subsidium, quàm misericordia Cæsaris fuit: transgressus Danubium, quâ Noricam provinciam præfluit, scripsit Tiberio, non ut profugus aut supplex, sed ex memoriâ prioris fortunæ. « Nam multis nationibus clarissimum quondam pregem ad se vocantibus; Romanam



amicitiam prætulisse ». Responsum a  
 A. U. C. Cæsare, « tutam ei honoratamque sedem  
 772. » in Italiâ fore, si maneret: sin rebus  
 J. C. » ejus aliud conduceret, abiturum fide,  
 39. » quâ venisset ». Ceterum apud senatum  
 differuit, « non Philippum Atheniensibus,  
 » non Pyrrhum, aut Antiochum,  
 » populo Romano perinde metuendos  
 » fuisse ». Exstat oratio, « quâ magnitudinem viri,  
 » violentiam subjectarum ei  
 » gentium, & quàm propinquus Italiæ  
 » hostis, suæque in destruendo eo consilia » extulit. Et Maroboduus quidem  
 Ravennæ habitus, si quando insolescerent  
 Suevi, quasi rediturus in regnum ostentabatur: sed non excessit Italiâ per duodeviginti annos; consenuitque, multum imminutâ claritate ob nimiam vivendi cupidinem. Idem Carualdæ casus, neque aliud perfugium: pulsus haud multò post Hermundurorum opibus, & Vibilio duce; receptusque, Forum Julium, Narbonensis Galliæ coloniam, mittitur. Barbari utrumque comitati, ne quietas provincias immixti turbarent, Danubium ultra inter flumina Marum & Cusum locantur, dato rege Vannio gentis Quadorum.

LXIV. SIMUL nuntiato « regem Artaxiam Armeniis a Germanico datum »;

decrevere patres, « ut Germanicus atque  
 Drusus ovantes Urbem introirent ». A. U. C.  
772.  
J. C.  
39.  
 Structi & arcus circum latera templi  
 Martis Ultoris, cum effigie Cæsarum :  
 lætiore Tiberio, quia pacem, sapientiâ  
 firmaverat, quàm si bellum per acies  
 confecisset. Igitur Rhescuporin quoque,  
 Thraciæ regem, astu adgreditur. Omnem  
 eam nationem Rhœmetalces tenuerat :  
 quo defuncto, Augustus partem Thra-  
 cum Rhescuporidi patri ejus, partem filio  
 Cotyi permisit. In eâ divisione arva, &  
 urbes, & vicina Græcis, Cotyi; quod  
 incultum, ferox, adnexum hostibus,  
 Rhescuporidi cessit : ipsorumque regum  
 ingeniâ, illi mite, & amœnum, huic  
 atrox, avidum, & societatis impatiens  
 erat. Sed primò subdolâ concordîâ egère :  
 mox Rhescuporis egredi fines, vertere  
 in se Cotyi data, & resistenti vim facere ;  
 cunctanter sub Augusto, quem auctorem  
 utriusque regni, si sperneretur, vindicem  
 metuebat : enimverò auditâ mutatione  
 Principis, immittere latronum globos,  
 excindere castella, causas bello.

LXV. NIHIL æquè Tiberium anxium  
 habebat, quàm ne composita turbaren-  
 tur : deligit centurionem, qui nuntiaret  
 regibus, « ne armis disceptarent » : ita

**772.**  
**J. C.**  
**12.**  
 timque a Cotye dimissa sunt, quæ paraverat, auxilia. Rhescuporis fictâ modestiâ postulat, « eundem in locum coiretur, » posse de controversiis colloquio transigi: nec diu dubitatum de tempore, loco, dein conditionibus: cùm alter facilitate, alter fraude cuncta inter se concederent, acciperentque. Rhescuporis sanciendo, ut dictitabat, foederi, convivium adjicit; tractâque in multam noctem lætitiâ, per epulas ac vinolentiam incautum Cotyn, & postquam dolum intellexerat, « sacra regni, ejusdem familiæ deos, & hospitales mensas » obtestantem, catenis onerat. Thraciâque omni potitus, scripsit ad Tiberium, « structas sibi insidias, præventum insidiatorem »: simul bellum adversus Bastarnas Scythasque prætendens, novis peditum & equitum copiis sese firmabat.

LXVI. MOLLITER rescriptum, « si » fraudes abesset, posse eum innocentiam » fidere: ceterum neque se, neque senatum, nisi cognitâ causâ, jus & injuriam discreturos: proinde, tradito Cotye, « veniret, transferretque invidiam » criminis. Eas literas Latinus Pandus prætor Mœsiæ, cum militibus, quibus Cotys traderetur, in Thraciam misit.

Rhescuporis inter metum & iram cunctatus; maluit patrati, quàm incepti facinoris reus esse: « occidi Coryn » jubet, mortemque sponte sumptam ementitur. Nec tamen Cæsar placitas semel artes mutavit; sed defuncto Pando, quem sibi infensum Rhescuporis arguebat, Pomponium Flaccum, veterem stipendiis, & arctâ cum rege amicitia, eoque accommodatorem ad fallendum, ob id maximè Mœsiæ præfecit.

A. U. C.

772.

J. C.

194

LXVII. FLACCUS in Thraciam transfessus, per ingentia promissa, quamvis ambiguum & scelera sua reputantem, perpulit, ut præsidia Romana intraret: circumdata hinc regi specie honoris valida manus, tribunique, & centuriones, monendo, suadendo, & quantò longiùs abscedebatur apertiore custodiâ, postremò gnarum necessitatis in Urbem traxere. Accusatus in senatu ab uxore Cotyis damnatur, ut procul regno teneretur. Thracia in Rhœmetalcen filium, quem paternis consiliis adversatum constabat, inque liberos Cotyis dividitur: iisque nondum adultis Trebellienus Rufus præturâ functus datur, qui regnum interim tractaret, exemplo quo majores Marcum Lepidum Ptolemæi liberis tutorem, in Ægyptum

~~=====~~ miserant. Rhescuporis Alexandriam des-  
 A. U. C. vectus, atque illic fugam tentans, an  
 772. ficto crimine, interficitur.

J. C. LXVIII. PER idem tempus Vonones;  
 19. quem amotum in Ciliciam memoravi,  
 corruptis custodibus effugere ad Armenios,  
 inde in Albanos Heniochosque,  
 & consanguineum sibi regem Scytharum  
 conatus est: specie venandi, omissis ma-  
 ritimis locis, avia saltuum petiit: mox  
 pernitate equi ad amnem Pyramum  
 contendit, cujus pontes accolæ ruperant,  
 auditâ regis fugâ: neque vado penetrari  
 poterat. Igitur in ripâ fluminis, a Vibio  
 Frontone præfecto equitum vincitur: mox  
 Remmius, evocatus, priori custodiæ regis  
 adpositus, quasi per iram gladio eum  
 transigit: unde major fides, conscientiâ  
 sceleris, & metu indicii, mortem Vononi  
 inlatam.

LXIX. AT GERMANICUS Ægypto re-  
 means, cuncta quæ apud legiones aut  
 urbes jusserat, abolita, vel in contrarium  
 versa cognoscit: hinc graves in Pisonem  
 contumeliæ, nec minùs acerba, quæ ab  
 illo in Cæsarem tentabantur. Dein Piso  
 abire Syriâ statuit; mox adversâ Germa-  
 nici valetudine detentus, ubi recreatum  
 accepit, vota que pro incolumitate solve-

bantur, admotas hostias, sacrificalem ~~apparatum~~ apparatus, festam Antiochenſium plebem, per liſtores proturbat. Tum Seleuciam digreditur, opperiens ægritudinem, quæ ruriſum Germanico acciderat: ſævam vim morbi augebat perſuaſio veneni a Piſone accepti: & reperiebantur ſolo ac parietibus erutæ humanorum corporum reliquiæ, carmina, & devotiones, & nomen Germanici plumbeis tabulis inſculptum, ſemiuſti cineres, ac tabe obliti, aliaque maleſicia, quîs creditur animas numinibus infernis ſacrari: ſimul miſſi a Piſone incuſabantur, ut valetudinis adverſa rimantes.

A. U. C.

772.

J. C.

19.

LXX. EA GERMANICO haud minùs irâ, quàm per metum accepta; « ſi himen » obſideretur, ſi effundendus ſpiritus ſub » oculis inimicorum foret; quid deinde » miſerrimæ conjugi, quid infantibus li- » beris eventurum? lenſa videri veneficia: » feſtinare & urgere, ut provinciam, ut » legiones ſolus habeat: ſed non uſque eò » defectum Germanicum, neque præmia » cædis apud interfectorem manſura: » componit epiſtolas, « quîs amicitiam ei » renuntiabat. Addunt plerique juſſum « provinciâ decedere: » nec Piſo moratus ultrâ, naves ſolvit; moderabaturque

~~=====~~ cursui, quò propiùs regrederetur, si mors  
 A. U. C. Germanici Syriam aperuisset.

772.

I. C.

19.

LXXI. CÆSAR paullisper ad spem  
 erectus, dein fesso corpore, ubi finis  
 aderat, adstantes amicos in hunc mo-  
 dum adloquitur: « Si fato concederem,  
 » justus mihi dolor etiam adversus deos  
 » esset, quòd me parentibus, liberis,  
 » patriæ, intra juventam præmaturo exitu  
 » raperent: nunc scelere Pisonis & Plan-  
 » cinæ interceptus, ultimas preces pecto-  
 » ribus vestris relinquo: referatis patri ac  
 » fratri, quibus acerbitatibus dilaceratus,  
 » quibus insidiis circumventus miseri-  
 » mam vitam pessimâ morte finierim. Si  
 » quos spes meæ, si quos propinquus san-  
 » guis, etiam quos invidia erga viventem  
 » movebat, inlacrimabunt, quondam  
 » florentem, & tot bellorum superstitem,  
 » muliebri fraude cecidisse. Erit vobis lo-  
 » cus querendi apud senatum, invocandi  
 » leges. Non hoc præcipuum amicorum  
 » munus est, prosequi defunctum ignavo  
 » questu: sed quæ voluerit meminisse;  
 » quæ mandaverit exsequi: flebunt Ger-  
 » manicum etiam ignoti: vindicabitis vos,  
 » si me potiùs quàm fortunam meam fo-  
 » vebatis. Ostendite populo Romano divi  
 » Augusti neptem, eandemque conjugem,  
 » meam;

» meam : numerate sex liberos. Miseri-  
 » cordia cum accusantibus erit : fingenti-  
 » busque scelestâ mandata , aut non cre-  
 » dent homines , aut non ignoscent ».  
 Juravere amici , dextram morientis con-  
 tingentes , « spiritum antè quàm ultio-  
 » nem amissuros ».

A. U. C.  
 772.  
 J. C.  
 19.

LXXII. Tum ad uxorem versus , « per  
 » memoriam suâ , per communes liberos »  
 oravit , « exueret ferociam , sævienti for-  
 » tunæ submitteret animum ; neu regressa  
 » in Urbem æmulatione potentiae vali-  
 » diores irritaret ». Hæc palam , & alia  
 secretò , per quæ ostendere credebatur  
 metum ex Tiberio. Neque multò post  
 exstinguitur , ingenti luctu provinciæ &  
 circumjacentium populorum. Indoluere  
 exteræ nationes regesque ; tanta illi co-  
 mitas in socios , mansuetudo in hostes ;  
 visuque & auditu juxtâ venerabilis , cum  
 magnitudinem & gravitatem summæ for-  
 tunæ retineret , invidiam & adrogantiam  
 effugerat.

LXXIII. Funus sine imaginibus &  
 pompâ , per laudes , ac memoriam vir-  
 tutum ejus celebre fuit. Et erant qui  
 formam , ætatem , genus mortis , ob pro-  
 pinquitatem etiam locorum , in quibus  
 interiit , Magni Alexandri fatis adæqua-

Tom. I.

G



~~=====~~ rent. « Nam utrumque corpore decore ;  
 A. U. C. » genere insigni , haud multum triginta  
 772. » annos egressum , suorum insidiis exter-  
 J. C. » nas inter gentes occidisse : sed hunc  
 19. » mitem erga amicos , modicum volup-  
 » tatum , uno matrimonio , certis libe-  
 » ris egisse : neque minus praeliatorem ,  
 » etiamsi temeritas abfuerit , praepeditus-  
 » que sit perculsas tot victoriis Germanias  
 » servitio premere. Quod si solus arbiter  
 » rerum , si jure & nomine regio fuisset ,  
 » tantò promptius adsecuturum gloriam  
 » militiæ , quantum clementiâ , tempe-  
 » rantia , ceteris bonis artibus praestitisset ».  
 Corpus antequam cremaretur , nudatum  
 in foro Antiochensum , qui locus sepul-  
 turæ destinabatur. Prætuleritne veneficii  
 signa , parum constitit : nam ut quis mi-  
 sericordiâ in Germanicum , & præsumptâ  
 suspicione , aut favore in Pisonem pro-  
 nior , diversi interpretabantur. .

LXXIV. CONSULTATUM inde inter  
 legatos , quique alii senatorum aderant ,  
 « quisnam Syriæ præficeretur » : & ceteris  
 modicè nisis , inter Vibium Marsum , &  
 Cn. Sentium diu quæsitum : dein Marfus  
 seniori , & acrius tendenti Sentio con-  
 cessit. Isque infamem veneficiis eâ in pro-  
 vincia , & Plancinae percaram , nomine

Martinam, in Urbem misit, postulanti-  
 bus Vitellio ac Veranio, ceterisque qui  
 crimina & accusationem tamquam ad-  
 versus receptos jam reos instruebant.

A. U. C.

772.

J. C.

19.

LXXV. AT AGRIPPINA, quamquam  
 defessa luctu, & corpore ægro, omnium  
 tamen, quæ ultionem morarentur, in-  
 tolerans, ascendit classem cum cineribus  
 Germanici, & liberis; miserantibus cunc-  
 tis, « quod femina nobilitate princeps,  
 » pulcherrimo modò matrimonio, inter  
 » venerantes gratantesque aspici solita,  
 » tunc ferales reliquias sinu ferret, incerta  
 » ultionis, anxia suâ, & infelici fecundi-  
 » tate fortunæ totiens obnoxia ». Pisonem  
 interim apud Coum insulam nuntius  
 adsequitur, « excessisse Germanicum ». Quo  
 intemperanter accepto, cædit vic-  
 timas, adit templa: neque ipse gaudium  
 moderans, & magis insolescente Plancinâ,  
 quæ luctum amissæ sororis tum primùm  
 læto cultu mutavit.

LXXVI. ADFLUEBANT centuriones,  
 monebantque « prompta illi legionum  
 » studia: repeteret provinciam non jure  
 » ablatam, & vacuam ». Igitur « quid  
 » agendum » consultanti, M. Piso filius  
 « properandum in Urbem » censebat:  
 « nihil adhuc inexpiabile admissum, ne-

G ij

~~=====~~ » que suspiciones imbecillas , aut inania  
 A. U. C. » famæ pertimescenda : discordiam erga  
 772. » Germanicum odio fortasse dignam ,  
 J. C. » non pœnâ : & ademptione provinciæ ,  
 19. » satisfactum inimicis. Quòd si regrederetur ,  
 » obistente Sentio , civile bellum  
 » incipi : nec duraturos in partibus centuriones militesque , apud quos recens  
 » imperatoris sui memoria , & penitus  
 » infixus in Cæsares amor prævaleret » .

LXXVII. CONTRA Domitius Celer ex  
 intimâ ejus amicitia differuit , « Utendum  
 » eventu. Pisonem , non Sentium , Syriæ  
 » præpositum : huic fasces & jus prætoris ,  
 » huic legiones datas ; si quid hostile ingruat ,  
 » quàm justius arma oppositurum ,  
 » qui legati auctoritatem , & propria mandata  
 » acceperit ? Relinquendum etiam  
 » rumoribus tempus , quo senescant : plerumque  
 » innocentes , recenti invidiæ  
 » impares. At si teneat exercitum , augeat  
 » vires , multa , quæ provideri non possint ,  
 » fortuito in melius casura , An festinamus  
 » cum Germanici cineribus adpellere , ut  
 » te inauditum & indefensum planctus  
 » Agrippinæ , ac vulgus imperitum , primo  
 » rumore rapiant ? Est tibi Augustæ conscientia ,  
 » est Cæsaris favor , sed in occulto : & periisse Germanicum nulli

»jactantiùs mærent, quàm qui maximè  
»latantur».

A. U. C.

772.

J. C.

19.

LXXVIII. HAUD magnâ mole Pîso, promptus ferocibus, in sententiam trahitur: missisque ad Tiberium epistolis, incusat Germanicum «luxûs & superbîæ;» seque pulsum, ut locus rebus novis »patefieret, curam exercitûs, eâdem fide »quâ tenuerit, repetivisse». Simul Domitium impositum triremi «vitare litorum oram, præterque insulas lato mari »pergere in Syriam» jubet: concurrentes desertores per manipulos componit, armat lixas, trajectisque in continentem navibus, vexillum tironum in Syriam euntium intercipit. Regulis Cilicum «ut »se auxiliis juvarent» scribit; haud ignavo ad ministeria belli juvene Pîsone, quamquam suscipiendum bellum abnuisset.

LXXIX. IGITUR oram Lyciæ ac Pamphylîæ prælegentes, obviis navibus, quæ Agrippinam vehebant, utrimque infensi, arma primò expediere: dein mutuâ formidine, non ultra jurgium processum est: Marfususque Vibius nuntiavit Pîsoni, «Romam ad dicendam causam veniret». Ille eludens respondit, «adfuturum, ubi »prætor, qui de veneficiis quæreret, reo »atque accusatoribus diem prædixisset».

G iij

A. U. C.  
 772.  
 J. C.  
 19.

Interim Domitius Laodiceam, urbem Syriae, adpulsus, cum hiberna sextae legionis peteret, quod eam maxime novis consiliis idoneam rebatur, a Pacuvio legato praevenitur. Id Sentius Pisoni per literas aperit, monetque « ne castra corruptoribus, » ne provinciam bello tentet » : quosque Germanici memores, aut inimicis ejus adversos cognoverat, contrahit, magnitudinem Imperatoris idemtidem ingerens, & « rempublicam armis peti » : ducitque validam manum, & praelio paratam.

LXXX. NEC PISO, quamquam coepta secus cadebant, omisit tutissima e praesentibus : sed castellum Ciliciae munitum admodum, cui nomen Celendris, occupat. Nam admixtis desertoribus, & tirone nuper intercepto suisque & Plancinae servitiis, auxilia Cilicum, quae reguli miserant, in numerum legionis composuerat. « Caesarisque se legatum » testabatur « provinciâ, quam is dedisset, arceri, » non a legionibus (earum quippe accitu venire) sed a Sentio, privatum odium falsis criminibus tegente : consisterent in acie, non pugnaturis militibus, ubi » Pisonem ab ipsis *parentem* quondam » appellatum, si jure ageretur, potiolem, » si armis, non invalidum, vidissent ».

Tum pro munimentis castelli manipulos explicat, colle arduo & derupto; nam cetera mari cinguntur. Contrà veterani, ordinibus ac subsidiis instructi: hinc militum, inde locorum asperitas: sed non animus, non spes, ne tela quidem nisi agrestia, ad subitum usum properata. Ut venêre in manus, non ultrà dubitatum, quàm dum Romanæ cohortes in æquum eniterentur: vertunt terga Cilices, seque castello claudunt.

A. U. C.  
772.  
J. C.  
19.

LXXXI. INTERIM Piso classem, haud procul opperientem, adpugnare frustra tentavit: regressusque, & pro muris modò semet adfligendo, modò singulos nomine ciens, præmiis vocans, seditionem cœptabat; adeoque commoverat, ut signifer legionis sextæ signum ad eum transtulerit. Tum Sentius « occanere cornua tubasque, & peti aggerem, erigi scalas » jussit, « ac promptissimum quemque succedere: alios tormentis hastas, saxa, & faces ingerere ». Tandem, victâ pertinaciâ, Piso oravit, « uti, traditis armis, maneret in castello, dum Cæsar, cui Syriam permetteret, consulitur ». Non receptæ conditiones: nec aliud, quàm naves & tutum in Urbem iter, concessum est.

G iv

A. U. C.  
 772.  
 J. C.  
 19.

LXXXII. AT ROMÆ, postquam Germanici valetudo percrebuit, cunctaque, ut ex longinquo, aucta in deterius adferebantur, dolor, ira. Et erumpebant questus: « Ideo nimirum in extremas »  
 » terras relegatum: ideo Pisoni permissam »  
 » provinciam: hoc egisse secretos Augustæ »  
 » cum Plancinâ sermones: vera prorsus »  
 » de Drufo seniores locutos: displicere »  
 » regnantibus civilia filiorum ingenia: »  
 » neque ob aliud interceptos, quàm quia »  
 » populum Romanum æquo jure com- »  
 » plecti, redditâ libertate, agitaverint ». Hos vulgi sermones audita mors adeò incendit, ut ante edictum magistratum, ante senatusconsultum, sumpto iustitio, defererentur fora, clauderentur domus; passim silentia & gemitus, nihil compositum in ostentationem: & quamquam neque insignibus lugentium abstinerent, altius animis mærebant. Fortè negotiatores, vivente adhuc Germanico, Syriâ egressi, lætiora de valetudine ejus attulere: statim credita, statim vulgata sunt: ut quisque obvius, quamvis leviter audita, in alios, atque illi in plures cumulata gaudio transferunt: cursant per Urbem, moliantur templorum fores: juvit credulitatem nox, & promptior inter tenebras

adfirmatio. Nec obstitit falsis Tiberius, donec tempore ac spatio vanescerent. Et populus, quasi rursus ereptum, acrius doluit.

A. U. C.

772.

J. C.

19.

LXXXIII. HONORES, ut quis amore in Germanicum, aut ingenio validus, reperti, decretique, « ut nomen ejus » Saliari carmine caneretur: sedes curules » sacerdotum Augustalium locis, superque » eas querceæ coronæ statuerentur: ludos » Circenses eburna effigies præiret: neve » quis flamen aut augur in locum Germanici, nisi gentis Juliæ, crearetur ». Arcus additi Romæ, & apud ripam Rheni, & in monte Syriæ Amano, cum inscriptione rerum gestarum, ac « mortem ob » rempublicam obiisse » : sepulcrum Antiochiæ ubi crematus: tribunal Epidaphnæ, quo in loco vitam finierat. Statuarum locorumve in quibus colerentur, haud facile quis numerum inierit. Cum censeretur clipeus, auro & magnitudine insignis, inter auctores eloquentiæ; adseveravit Tiberius, « solitum paremque ceteris » dicaturum: neque enim eloquentiam » fortunâ discerni; & satis inlustre, si » veteres inter scriptores haberetur ». Equester ordo *cuneum Germanici* appellavit, qui *Juniorum* dicebatur; instituitque

G v.



**=====** uti turmæ Idibus Juliis imaginem ejus  
 A. U. C. 772. sequerentur: pleraque manent: quædam  
 J. C. 19. statim omiſſa ſunt, aut vetuſtas oblite-  
 ravit.

LXXXIV. CETERUM recenti adhuc  
 mæſtitiâ, ſoror Germanici Livia, nupta  
 Druſo, duos virilis ſexûs ſimul enixa eſt:  
 quod rarum lærumque etiam modicis  
 penatibus, tanto gaudio Principem ad-  
 fecit, ut non temperaverit, quin jactaret  
 apud patres, « nulli antè Romanorum  
 » ejusdem ſaſtigii viro geminam ſtirpem  
 » editam »: nam cuncta etiam fortuita ad  
 gloriam vertebat. Sed populo tali in tem-  
 pore id quoque dolorem tulit; tamquam  
 auctus liberis Druſus, domum Germanici  
 magis urgeret.

LXXXV. EODEM anno gravibus ſena-  
 tûs decretis libido ſeminarum coercita;  
 cautumque « ne quæſtum corpore faceret,  
 » cui avus, aut pater, aut maritus equeſ  
 » Romanus fuiſſet »: nam Viſtilia prætoriâ  
 familiâ genita, licentiam ſtupri apud  
 ædiles vulgaverat; more inter veteres  
 recepto, qui ſatis pœnarum adverſum  
 impudicas in ipſâ profeſſione flagitii cre-  
 debant. Exactum & a Titidio Labeone,  
 Viſtiliæ marito, « cur in uxore delicti  
 » manifeſtâ ultionem legis omiſiſſet »?

atque illo prætendente « sexaginta dies  
 » ad consultandum datos necdum præte-  
 » riisse », fatis visum de Vistiliâ statuere.  
 Eaque in insulam Seriphon abdita est.  
 Actum & de sacris Ægyptiis Judaicisque  
 pellendis : factumque patrum consultum,  
 « ut quatuor millia libertini generis eâ  
 » superstitione infecta, quâ idonea ætas,  
 » in insulam Sardiniam veherentur »,  
 coercendis illic latrociniis, & si ob gra-  
 vitatem cæli interiissent, vile damnum :  
 « ceteri cederent Italiâ, nisi certam ante  
 » diem profanos ritus exuissent ».

A. U. C.  
 772.  
 J. C.  
 19.

LXXXVI. Post quæ retulit Cæsar,  
 « capiendam virginem in locum Occiæ »,  
 quæ septem & quinquaginta per annos  
 summâ sanctimoniâ Vestalibus sacris præ-  
 federat : egitque grates Fonteio Agrippæ,  
 & Domitio Pollioni, « quod, offerendo  
 » filias, de officio in rempublicam cer-  
 » tarent ». Præлата est Pollionis filia, non  
 ob aliud, quàm quod mater ejus in eo-  
 dem conjugio manebat : nam Agrippa  
 discidio domum imminuerat : & Cæsar  
 quamvis posthabitam, decies festerii dote  
 solatus est.

LXXXVII. SÆVITIAM annonæ incu-  
 sante plebe, statuit frumento pretium  
 quod emptor penderet, « binosque num-

G vj

A. U. C.  
 772.  
 J. C.  
 89.
 
 » mos se additurum negotiatoribus in  
 » singulos modios ». Neque tamen ob ea  
*parentis patriæ*, delatum & antea, vo-  
 cabulum adsumpsit, acerbéque increpuit  
 eos, qui *divinas occupationes*, ipsumque  
*dominum* dixerant: unde angusta & lubrica  
 oratio sub Principe, qui libertatem me-  
 ruebat, adulationem oderat.

LXXXVIII. REPERIO apud scriptores  
 senatoresque eorundem temporum, Ad-  
 gandestrii, principis Cattorum, lectas in  
 senatu literas, quibus « mortem Arminii »  
 promittebat, « si patrandæ neci venenum  
 » mitteretur »: responsumque esse, « non  
 » fraude, neque occultis, sed palam &  
 » armatum populū Romanum hostes  
 » suos ulcisci »: quā gloriā æquabat se  
 Tiberius priscis imperatoribus, qui ve-  
 nenum in Pyrrhum regem vetuerant,  
 prodiderantque. Ceterū Arminius, ab-  
 cedentibus Romanis, & pulso Marobo-  
 duo, regnum adfectans, libertatem po-  
 pularium adversam habuit: petitusque  
 armis, cū variā fortunā certaret, dolo  
 propinquorum cecidit: liberator haud  
 dubiè Germaniæ, & qui non primordia  
 populi Romani, sicut alii reges ducesque,  
 sed florentissimum imperium laceffierit:  
 præliis ambiguus, bello non victus:

septem & triginta annos vitæ, duodecim ~~=====~~  
 potentia explevit: caniturque adhuc bar- A. U. C.  
 baras apud gentes; Græcorum annalibus 772.  
 ignotus, qui sua tantum mirantur: Ro- J. C.  
 manis haud perinde celebris, dum vetera 199  
 extollimus, recentium incuriosi.





# BREVIARIUM

## LIBRI TERTII.


I. *A*GRIPPINA cum Germanici reliquiis Brundisium, inde Romam pervenit. Eæ tumulo Augusti illatæ, & funus ductum. VII. Drusus in Illyricum rursus proficiscitur. VIII. Cn. Piso, cum Romam rediisset, veneni & majestatis postulatur. Dictâ causâ, cum omnia infensa & infesta experiretur, manus sibi adfert. XX. Tacfarinas bellum in Africâ renovat, quod opprimitur a L. Apronio proconsule. XXII. Lepida Æmilia adulterii & veneni defertur, & damnatur. XXV. Papia Poppæa lex ad id tempus asperius exercita, mollitur a Tiberio, & nexus ejus exsolvuntur. Legum initia & vices. XXX. L.

*Volusii & Sallustii Crispi, insignium virorum, obitus. XXXI. Tiberius in Campaniam concedit. XXXII. Iterum Africam incurrit Tacfarinas: cui tutandæ Junius Blæsus deligitur. XXXVII. Equites aliquot Romani majestatis damnantur. XXXVIII. Thracum discordia. XL. Galliarum civitates rebellant, ducibus Julio Sacroviro & Julio Floro. At infelicitè. A legionibus Germanicis copiæ earum cæsæ; & ipsæ ad vetus jugum retractæ. XLIX. C. Lutorius, eques, majestatis damnatus, & in carcere exanimatus. LII. Cura luxûs coercendi cæpta & omissa. LVI. Drusus tribuniciam potestatem accipit. LVIII. Flamen Dialis vetitus provinciam sortiri. LX. Asyla Græcorum lustrata & repurgata. LXVI. C. Silanus repetundarum & majestatis damnatus. LXXIII. Tacfarinatem*









# C. CORNELII

## *TACITI*

### A N N A L E S.

---

## *LIBER TERTIUS.*

---

**N** I H I L intermissâ navigatione hiberni maris, Agrippina Corcyram insulam advehitur, litora Calabriae contra sitam. Illic paucos dies componendo animo infumit, violenta luctu, & nescia tolerandi. Interim adventu ejus audito, intimus quisque amicorum, & plerique militares, ut quique sub Germanico stipendia fecerant, multique etiam ignoti vicinis e municipiis, pars officium in Principem rati, plures illos secuti, ruere ad oppidum

A. U. G.

772.

J. C.

194

**Brundisium**; quod naviganti celerrimum  
 A. U. C. 772. J. C. 19. fidissimumque adpulsu erat. Atque ubi  
 primùm ex alto visa classis, complentur  
 non modò portus & proxima maris, sed  
 mœnia ac recta, quâque longissimè prof-  
 pectari poterat, mærentium turbâ, &  
 rogantium inter se, « silentione, an  
 » voce aliquâ egredientem exciperent »?  
 neque satis constabat quid pro tempore  
 foret: cùm classis paullatim successit,  
 non alacri, ut adsolet, remigio, sed  
 cunctis ad tristitiam compositis. Postquam  
 duobus cum liberis feralem urnam tenens  
 egressa navi, defixit oculos; idem omnium  
 gemitus, neque discerneres, proximos,  
 alienos, virorum feminarumve planctus:  
 nisi quodd comitatum Agrippinæ longo  
 mærore fessum, obvii & recentes in do-  
 lore anteibant.

II. MISERAT duas prætorias cohortes  
 Cæsar, addito « ut magistratus Calabriae,  
 » Apulique & Campani, suprema erga  
 » memoriam filii sui munera fungeren-  
 » tur ». Igitur tribunorum centurionum-  
 que humeris cineres portabantur: præce-  
 debant incompta signa, versi fasces: at-  
 que ubi colonias transgrederentur, atrata  
 plebes, trabeati equites, pro opibus loci,  
 vestem, odores, aliaque funerum sol-

lemnia cremabant: etiam quorum diversa oppida, tamen obyii, & victimas atque aras diis Manibus statuentes, lacrimis & conclamationibus dolorem testabantur. Drusus Tarracinam progressus est, cum Claudio fratre, liberisque Germanici, qui in Urbe fuerant. Consules M. Valerius & C. Aurelius (jam enim magistratum occœperant) & senatus, ac magna pars populi viam complevere, disjecti, & ut cuique libitum, flentes: aberat quippe adulatio, gnaris omnibus lætam Tiberio Germanici mortem malè dissimulari.

A. U. C.

773.

J. C.

20.

III. TIBERIUS atque Augusta publico abstinuere; inferius majestate suâ rati, si palam lamentarentur, an, ne, omnium oculis vultum eorum scrutantibus, falsi intelligerentur. Matrem Antoniam non apud auctores rerum, non diurnâ actorum scripturâ, reperio ullo insigni officio functam; cum super Agrippinam, & Drusum, & Claudium, ceteri quoque consanguinei nominatim perscripti sint: seu valetudine præpediebatur, seu victus luctu animus, magnitudinem mali perferre visu non toleravit: faciliùs crediderim, Tiberio & Augustâ, qui domo non excedebant, cohibitam, ut par mæror, &

~~matris exemplo~~, avia quoque & patruus  
A. U. C. attineri viderentur.

773.

J. C.

20.

IV. DIES, quo reliquæ tumulo Augusti inferebantur, modò per silentium vastus, modò ploratibus inquires: plena Urbis itinera, conlucentes per campum Martis faces: illic miles cum armis, sine insignibus magistratus, populus per tribus, « concidisse rempublicam, nihil spei reliquum » clamitabant; promptius apertiusque, quàm ut meminisse imperitantium crederes. Nihil tamen Tiberium magis penetravit, quàm studia hominum accensa in Agrippinam; cùm « decus patriæ, solum Augusti sanguinem, unicum antiquitatis specimen » appellarent, versique ad cælum ac deos, integram illi subolem, ac superstitem iniquorum precarentur.

V. FUERE qui publici funeris pompam requirerent, compararentque quæ in Drusum, patrem Germanici, honora & magnifica Augustus fecisset: « ipsum » quippe asperrimo hiemis, Ticinum usque progressum, neque abscedentem a corpore simul Urbem intravisse: circumfusas lecto Claudiorum Juliorumque imagines, defletum in foro, laudarum pro rostris, cuncta a majoribus reperta,

» aut quæ posteri invenerint, cumulata. ~~=====~~  
 » At Germanico ne solitos quidem, & A. U. C.  
 » cuicumque nobili debitos honores, con- 773.  
 » tigisse: sanè corpus ob longinquitatem J. C.  
 » itinerum externis terris quoquo modo 20.  
 » crematum: sed tantò plura decora mox  
 » tribui par fuisse, quantò prima fors  
 » negavisset: non fratrem nisi unius diei  
 » viâ, non patrum saltem portâ tenus  
 » obvium: ubi illa veterum instituta?  
 » præpositam toro effigiem, meditata ad  
 » memoriam virtutis carmina, & lauda-  
 » tiones & lacrimas, vel doloris imita-  
 » menta »?

VI. GNARUM id Tiberio fuit; utque  
 premeret vulgi sermones, monuit edicto:  
 « Multos inlustrium Romanorum ob rem-  
 » publicam obiisse; neminem tam flagranti  
 » desiderio celebratum: idque & sibi, &  
 » cunctis egregium, si modus adjiceretur:  
 » non enim eadem decora principibus vi-  
 » ris, & imperatori populo, quæ modicis  
 » domibus, aut civitatibus: convenisse  
 » recenti dolori luctum, & ex mæore  
 » solatia: sed referendum jam animum  
 » ad firmitudinem, ut quondam divus  
 » Julius, amissâ unicâ filiâ, ut divus Au-  
 » gustus, ereptis nepotibus, abstruserint  
 » tristitiam. Nil opus vetustioribus exem-

————— »plis : quotiens populus Romanus clades  
 A. U. C. »exercituum, interitum ducum, funditus  
 773. »amissas nobiles familias constanter tu-  
 J. C. »lèrit? Principes mortales, rempublicam  
 20. »æternam esse. Proin repeterent sollem-  
 »nia : & quia ludorum Megalesiûm spec-  
 »taculum suberat, etiam voluptates re-  
 »sumerent ».

VII. Tum exuto iustitio, reditum ad  
 munia : & Drusus Illyricos ad exercitus  
 profectus est, erectis omnium animis pe-  
 tendæ e Pisone ultionis : & crebro questu,  
 « quòd vagus interim per amœna Asiæ  
 »atque Achaïæ, adroganti & subdolâ mo-  
 »râ, scelerum probationes subverteret ».

Nam vulgatum erat « missam », ut dixi,  
 « a Cn. Sentio famosam veneficiis Mar-  
 »tinam, subitâ morte Brundisii extinc-  
 »tam, venenumque nodo crinium ejus  
 »occultatum, nec ulla in corpore signa  
 »sumpti exitii reperta ».

VIII. At Piso, præmisso in Urbem  
 filio, datisque mandatis, per quæ Prin-  
 cipem molliret, ad Drusum pergit; quem  
 haud fratris interitu trucem, quàm re-  
 moto æmulo æquiorem sibi sperabat. Ti-  
 berius quò integrum iudicium ostenderet,  
 exceptum comiter juvenem, suetâ erga fi-  
 lios familiarum nobiles liberalitate auget.

Drusus

Drusus Pisoni, « si vera forent quæ ja-  
 »cerentur, præcipuum in dolore suum A. U. C.  
 »locum» respondit: « sed malle falsa & 773.  
 »inania, nec cuiquam mortem Germa- J. C.  
 »nici exitiosam esse». Hæc palam, & 20.  
 vitato omni secreto: neque dubitabantur  
 præscripta ei a Tiberio, cùm, incallidus  
 alioqui & facilis juventâ, senilibus tum  
 artibus uteretur.

IX. PISO, Dalmatico mari tramisso,  
 relictisque apud Anconam navibus, per  
 Picenum, ac mox Flaminiam viam, ad-  
 sequitur legionem, quæ e Pannoniâ in  
 Urbem, dein præsidio Africæ, ducebatur:  
 eaque res agitata rumoribus, « ut in ag-  
 »mine atque itinere crebrò se militibus  
 »ostentavisset». Ab Narniâ, vitandæ  
 suspicionis, an quia pavidis consilia in  
 incerto sunt, Nare, ac mox Tiberi de-  
 vectus, auxit vulgi iras, quia navem  
 tumulto Cæsarum adpulerat; dieque, &  
 ripâ frequenti, magno clientium agmine  
 ipse, feminarum comitatu Plancina, &  
 vultu alacres incessère. Fuit inter irrita-  
 menta invidiæ domus foro imminens,  
 festa ornatu, conviviumque & epulæ;  
 & celebritate loci nihil occultum.

X. POSTERA die, Fulcinus Trio Pi-  
 sonem apud consules postulavit: contrà

*Tom. I.*

H



~~773.~~ Virellius, ac Veranius, ceterique Ger-  
 A. U. C. manicum comitati tendebant, « nullas  
 773. » esse partes Trioni; neque se accusatores,  
 J. C. » sed rerum indices & testes, mandata  
 40. » Germanici perluros ». Ille, dimissâ  
 ejus causæ delatione, « ut priorem vitam  
 » accusaret » obtinuit; petitumque est a  
 principe, « cognitionem exciperet ». Quod  
 ne reus quidem abnuebat, studia populi  
 & patrum metuens: contrâ, « Tiberium  
 » spernendis rumoribus validum, & conf-  
 » scientiæ matris innexum esse: veraque,  
 » aut in deterius credita, judice ab uno  
 » facilius discerni: odium & invidiam  
 » apud multos valere ». Haud fallebat  
 Tiberium moles cognitionis, quâque ipse  
 famâ distraheretur. Igitur, paucis fami-  
 liarium adhibitis, minas accusantium,  
 & hinc preces audit, integramque cau-  
 sam ad senatum remittit.

XI. Atque interim Drusus rediens  
 Illyrico, quamquam patres censuissent,  
 « ob receptum Maroboduum, & res  
 » priore ætate gestas, ut ovans iniret »,  
 prolato honore Urbem intravit. Post quæ,  
 reo « T. Arruntium, T. Vinicius, Asi-  
 » nium Gallum, Æfernum Marcellum,  
 » Sex. Pompeium patronos » petenti, iis-  
 que diversa excusantibus, M. Lepidus &

L. Piso, & Livineius Regulus adfuere : ~~arrectâ~~ <sup>A. U. C.</sup> omni civitate, « quanta fides ami- <sup>773-</sup>  
 » cis Germanici, quæ fiducia reo : fatin' <sup>J. C.</sup>  
 » cohiberet, an promeret sensus suos <sup>20,</sup>  
 » Tiberius » : iis haud aliâ intentior po-  
 pulus, plus sibi in principem occultæ  
 vocis, aut suspicacis silentii permisit.

XII. DIE senatûs, Cæsar orationem  
 habuit meditato temperamento : « Patris  
 » sui legatum atque amicum Pisonem  
 » fuisse, adiutoremque Germanico datum  
 » a se, auctore senatu, rebus apud Orien-  
 » tem administrandis : illic contumaciâ &  
 » certaminibus asperasset juvenem, exi-  
 » tuque ejus lætatus esset, an scelere ex-  
 » tinxisset, integris animis dijudicandum.  
 » Nam si legatus officii terminos, obse-  
 » quium erga imperatorem exiit, ejus-  
 » demque morte, & luctu meo lætatus  
 » est ; odero, seponamque a domo meâ,  
 » & privatas inimicitias, non Principis  
 » ulciscar. Sin facinus in cujuscumque  
 » mortalium nece vindicandum detegitur,  
 » vos verò & liberos Germanici, & nos  
 » parentes justis solatiis adficite : simulque  
 » illud reputate, turbidè & seditiosè trac-  
 » taverit exercitus Piso ; quæsitâ sint per  
 » ambitionem studia militum ; armis re-  
 » petita provincia ; an falsa hæc in majus

H ij

A. U. C. 773. J. C. 20.   
 » vulgaverint accusatores : quorum ego   
 » nimis studiis jure succenseo. Nam quò   
 » pertinuit, nudare corpus, & contrec-   
 » tandum vulgi oculis permittere, dif-   
 » ferrique etiam per externos, tamquam   
 » veneno interceptus esset, si incerta ad-   
 » huc ista, & scrutanda sunt? Desleo   
 » equidem filium meum, semperque de-   
 » flebo: sed neque reum prohibeo, quo-   
 » minus cuncta proferat, quibus innocentia   
 » ejus sublevari, aut, si qua fuit iniquitas   
 » Germanici, coargui possit: vosque oro,   
 » ne, quia dolori meo causa connexa est,   
 » objecta crimina pro adprobatis accipiatis.   
 » Si quos propinquus sanguis, aut fides   
 » sua patronos dedit, quantum quisque   
 » eloquentiâ & curâ valet, juvate pericli-   
 » tantem. Ad eundem laborem, eam-   
 » dem constantiam accusatores hortor. Id   
 » solùm Germanico super leges præstiteri-   
 » mus, quòd in curiâ potiùs quàm in foro,   
 » apud senatum quàm apud judices, de   
 » morte ejus anquiritur: cetera pari mo-   
 » destiâ tractentur: nemo Drusi lacrimas,   
 » nemo mæstitiam meam spectet, nec si   
 » qua in nos adversa finguntur ».

XIII. EXIN « biduum criminibus ob-   
 » jiciendis » statuitur, « utque sex dierum   
 » spatio interjecto, reus per triduum de-

»fenderetur». Tum Fulcinius vetera & inania orditur, ambitiosè, avarèque habitam Hispaniam. Quod neque convictum noxæ reo, si recentia purgaret; neque defensum absolutioni erat, si teneretur majoribus flagitiis. Post quem Servæus, & Veranius, & Vitellius, consimili studio, sed multâ eloquentiâ Vitellius, objecere, « odio Germanici, & rerum novarum studio, Pisonem vulgus militum, per licentiam & sociorum injurias, eò usque corrupisse, ut *parens legionum* a deterrimis appellaretur: contra, in optimum quemque, maximè in comites & amicos Germanici, sævisse: postremò ipsum devotionibus & veneno peremisse: sacra hinc & immolationes nefandas ipsius atque Plancinæ: petitam armis rempublicam; utque reus agi posset, acie victum ».

A. U. C.

773.

J. C.

20.

XIV. DEFENSIO in ceteris trepidavit: nam neque ambitionem militarem, neque provinciam pessimo cuique obnoxiam, ne contumelias quidem adversum imperatorem inficiari poterat: solum veneni crimen visus est diluisse; quod ne accusatores quidem satis firmabant, « in convivio Germanici, cùm super eum Piso discumberet, infectos manibus ejus ci-

H iij

~~=====~~ »bos» arguentes : quippe absurdum vide-  
 A. U. C. batur , inter aliena servitia , & tot ad-  
 773. stantium visu , ipso Germanico coram ,  
 J. C. id ausum : offerebatque familiam reus ,  
 20. & ministros in tormenta flagitabat. Sed  
 iudices per diversa implacabiles erant :  
 Cæsar ob bellum provinciæ inlatum ;  
 senatus , numquam satis credito , sine  
 fraude Germanicum interiisse : (\*) scrip-  
 sissent exostulantes : quod haud minus  
 Tiberius , quàm Piso abnuère. Simul  
 populi ante curiam voces audiebantur ,  
 « non temperaturos manibus , si patrum  
 »sententias evasisset» : effigiesque Pisonis  
 traxerant in Gemonias ac devellebant ,  
 ni jussu Principis protectæ repositæque  
 forent. Igitur inditus lecticæ , & a tribuno  
 prætoris cohortis deductus est : vario  
 rumore , custos salutis , an mortis exactor  
 sequeretur.

XV. EADEM Plancinæ invidia , major  
 gratia : eoque ambiguum habebatur ,  
 quantum Cæsari in eam liceret. Atque  
 ipsa , donec mediæ Pisoni spes , « sociam  
 »se cujuscumque fortunæ , & si ita ferret ,  
 »comitem exitii» promittebat. Ut se-  
 cretis Augustæ precibus veniam obtinuit ;

(\*) Supplendum videtur : *& quæ scripsissent exostu-  
 lantes.* Vide Notas ad Annal. III , 14.

paullatim segregari a marito, dividere defensionem cœpit: quod reus postquam sibi exitiabile intelligit, an adhuc experiretur dubitans, hortantibus filiis durat mentem, senatumque rursus ingreditur: redintegratamque accusationem, infensas patrum voces, adversa & sæva cuncta perpeſsus, nullo magis exterritus est, quàm quòd Tiberium sine miseratione, sine irâ, obstinatum, clausumque vidit, ne quo adfectu perrumperetur. Relatus domum, tamquam defensionem in posterum meditaretur, pauca conscribit, obſignatque, & liberto tradit. Tum solita curando corpori exsequitur: dein multam post noctem, egressâ cubiculo uxore, «operiri fores» jussit: & cœptâ luce, perſoſso jugulo, jacente humi gladio, repertus est.

XVI. AUDIRE me memini ex senioribus, visum sæpius inter manus Pisonis libellum, quem ipse non vulgaverit; sed amicos ejus dictitavisse, «literas Tiberii, & mandata in Germanicum continere: ac destinatum promere apud patres, Principemque arguere, ni elusus a Seniano per vana promissa foret: nec illum sponte extinctum, verùm immisso percussore»: quorum neutrum adsevera-

H iv

A. U. C.  
773.  
J. C.  
20.

~~verim~~ : neque tamen occulere debui nar-  
 A. U. C. ratum ab iis, qui nostram ad juventam  
 773. duraverunt. Cæsar, flexo in mæstitiam  
 J. C. ore, « suam invidiam tali morte quæsitam  
 20. » apud senatum (\*) », crebrisque inter-  
 rogationibus exquirat « qualem Piso diem  
 » supremum, noctemque exegisset ». At-  
 que illo pleraque sapienter, quædam in-  
 consultius respondente, recitat codicillos  
 a Pisone in hunc ferme modum compo-  
 sitos : « Conspiratione inimicorum & in-  
 » vidiâ falsi criminis oppressus, quatenus  
 » veritati & innocentia meæ nusquam  
 » locus est, deos immortales testor, vi-  
 » xisse me, Cæsar, cum fide adversum  
 » te, neque aliâ in matrem tuam pietate :  
 » vosque oro liberis meis consularis : ex  
 » quibus Cn. Piso qualicumque fortunæ  
 » meæ non est adjunctus, cum omne hoc  
 » tempus in Urbe egerit : M. Piso repetere  
 » Syriam dehortatus est : atque utinam  
 » ego potiùs filio juveni, quàm ille patri  
 » seni cessisset ! eò impensius precor, ne  
 » meæ pravitatis pœnas innoxius luat.  
 » Per quinque & quadraginta annorum  
 » obsequium, per collegium consulatûs

(\*) Supplendum videtur : *Apud Senatum indolet : Pisonis libertum appellat ; crebrisque interrogationibus, &c.* Vide Notas ad Annal. III, 16.

» quondam divo Augusto parenti tuo pro-  
 » batus , & tibi amicus , nec quidquam  
 » post hæc rogaturus , salutem infelicis  
 » filii rogo ». De Plancinâ nihil addidit.

A. U. C.  
 773.  
 J. C.  
 20.

XVII. Post quæ Tiberius adolescen-  
 tem crimine civilis belli purgavit : « patris  
 » quippe jussa , nec potuisse filium detrec-  
 » tare » : simul « nobilitatem domûs , etiam  
 » ipsius , quoquo modo meriti , gravem  
 » casum » miseratus. Pro Plancinâ cum  
 pudore & flagitio differuit , « matris pre-  
 » ces » obtendens : in quam optimi cu-  
 jusque secreti questus magis ardescebant.  
 « Id ergo fas aviæ , interfetricem nepotis  
 » aspicere , adloqui , eripere senatui ? quod  
 » pro omnibus civibus leges obtineant ,  
 » uni Germanico non contigisse ! Vitellii  
 » & Veranii voce defletum Cæsarem ; ab  
 » Imperatore & Augustâ defensam Plan-  
 » cinam ! proinde venena & artes tam fe-  
 » liciter expertas verteret in Agrippinam ,  
 » in liberos ejus , egregiamque aviam ac  
 » patrum sanguine miserrimæ domûs  
 » exfatiaret ». Biduum super hac imagine  
 cognitionis absumptum ; urgente Tiberio  
 liberos Pisonis , « matrem uti tuerentur » .  
 Et cum accusatores ac testes certatim per-  
 orarent , respondente nullo , miseratio  
 quàm invidia augebatur. Primus senten-

H v



~~=====~~ tiam rogatus Aurelius Corta consul (nam  
 A. U. C. referente Cæsare, magistratus eo etiam  
 773. munere fungebantur) « nomen Pisonis  
 J. C. » radendum fastis » censuit: « partem bo-  
 20. » norum publicandam; pars ut Cn. Pisoni  
 » filio concederetur, isque prænomen  
 » mutaret. M. Piso exutâ dignitate, &  
 » accepto quinquagies sestertio, in decem  
 » annos relegaretur, concessâ Plancinæ  
 » incolumitate ob preces Augustæ ».

XVIII. MULTA ex eâ sententiâ mitigata  
 sunt a Principe: « ne nomen Pisonis fastis  
 » eximeretur, quando M. Antonii, qui  
 » bellum patriæ fecisset; Juli Antonii qui  
 » domum Augusti violasset, manerent »:  
 & M. Pisonem ignominia exemit, con-  
 cessitque ei paterna bona; satis firmus,  
 ut sæpe memoravi, adversum pecuniam,  
 & tum pudore absolutæ Plancinæ plac-  
 bilior. Atque idem, cùm Valerius Mes-  
 salinus « signum aureum in æde Martis  
 » Ultoris »; Cæcina Severus « aram Ultio-  
 » ni statuendam » censuissent, prohibuit:  
 « ob externas ea victorias sacrari » dicti-  
 tans, « domestica mala tristitiâ operien-  
 » da ». Addiderat Messalinus, « Tiberio,  
 » & Augustæ, & Antonia, & Agrippinæ  
 » Drusoque, ob vindictam Germanici,  
 » grates agendas », omiseratque Claudii

mentionem : & Messalinum quidem L. ~~Asprenas~~ Asprenas , senatu coram , percunctatus est , « an prudens præterisset » ? ac tum demum nomen Claudii adscriptum est. Mihi , quantò plura recentium , seu veterum revolve , tantò magis ludibria rerum mortalium cunctis in negotiis obversantur : quippe famâ , spe , veneratione potiùs omnes destinabantur imperio , quàm quem futurum principem fortuna in occulto tenebat.

A. U. C.

773.

J. C.

20.

XIX. PAUCIS pòst diebus Cæsar auctor senatui fuit , « Vitellio , atque Veranio , » & Servæo sacerdotia tribuendi » : Fulcinius « suffragium ad honores » pollicitus , monuit , « ne facundiam violentiâ præcipitaret ». Is finis fuit ulciscendâ Germanici morte , non modò apud illos homines , qui tum agebant , etiam securis temporibus vario rumore jactatâ : aded maxima quæque ambigua sunt , dum alii quoquo modo audita pro compertis habent ; alii vera in contrarium vertunt : & gliscit utrumque posteritate. At Drusus Urbe egressus repetendis auspiciis , mox ovans introiit , paucosque post dies Vipsania mater ejus excessit , una omnium Agrippæ liberorum miti obitu : nam ce-

H vj

==== teros manifestum ferro, vel creditum est,  
 A. U. C. veneno aut fame extinctos.

773.

J. C.

20.

XX. EODEM anno Tacfarinas, quem priore æstate pulsum a Camillo memoravi, bellum in Africâ renovat, vagis primùm populationibus, & ob pernecitatem inultis: dein vicos excindere, trahere graves prædas: postremò haud procul Pagydâ flumine, cohortem Romanam circumfedit. Præerat castello Decrius, impiger manu, exercitus militiâ, & illam obsidionem flagitii ratus. Is cohortatus milites, « ut copiam pugnæ » in aperto facerent », aciem pro castris instruit; primoque impetu pulsâ cohorte, promptus inter tela occurSAT fugientibus, increpat signiferos, « quòd inconditis aut » desertoribus miles Romanus terga daret: simul excepta vulnera, & quamquam transosso oculo, adversum os in hostem intendit, neque prælium omisit, donec desertus suis caderet.

XXI. QUÆ postquam L. Apronio (nam Camillo successerat) comperta; magis dedecore suorum, quàm gloriâ hostis anxius, raro eâ tempestate, & e veterem memoriâ facinore, decumum quemque ignominiosæ cohortis, sorte ductos, fusti

necat. Tantúmque severitate profectum ,  
 ut vexillum veteranorum , non ampliùs  
 quingenti numero , easdem Tacfarinatis  
 copias , præsidium , cui Thala nomen ,  
 adgressas fuderint : quo prælio Rufus  
 Helvius , gregarius miles , servati civis  
 decus retulit , donatusque est ab Apronio  
 torquibus & hastâ : Cæsar addidit civicam  
 coronam , « quòd non eam quoque Apro-  
 » nius jure proconsulis tribuisset » , questus  
 magis , quàm offensus. Sed Tacfarinas ,  
 perculsis Numidis , & obsidia aspernan-  
 tibus , spargit bellum ; ubi instaretur ,  
 cedens , ac rursus in terga remeans : &  
 dum ea ratio barbaro fuit , inritum fes-  
 sumque Romanum impunè ludificabatur.  
 Postquam deflexit ad maritimos locos ,  
 inligatus prædâ , stativis castris adhærebat :  
 missu patris Apronius Cæfianus cum equi-  
 te & cohortibus auxiliariis , quibus velocis-  
 simos legionum addiderat , prosperam  
 adversum Numidas pugnam facit , pellit-  
 que in deserta.

XXII. AT ROMÆ Lepida , cui super  
 Æmiliorum decus L. Sulla ac Cn. Pom-  
 peius proavi erant , defertur « simula-  
 » visse partum ex P. Quirinio divite atque  
 » orbo » : adjiciebantur « adulteria , ve-  
 » nena ; quæsitumque per Chaldaeos in

A. U. C.

773.

J. C.

20.

~~————~~ »domum Cæsaris», defendente ream  
 A. U. C. Manio Lepido, fratre. Quirinius, post  
 773. dictum repudium adhuc infensus, quam-  
 J. C. vis infami ac nocenti miserationem addi-  
 20. derat. Haud facîle quis dispexerit illâ in  
 cognitione mentem Principis: adeò vertit  
 ac miscuit iræ & clementiæ signa; de-  
 precatus primò senatum, «ne majestatis  
 »crimina tractarentur»: mox M. Servi-  
 lium e consularibus, aliosque testes inlexit  
 ad proferenda, quæ velut reticere volue-  
 rat. Idemque servos Lepidæ, cùm mi-  
 litari custodiâ haberentur, transtulit ad  
 consules; neque per tormenta interrogari  
 passus est de his, quæ ad domum suam  
 pertinerent. Exemit etiam Drusum, con-  
 sulem designatum, dicendæ primo loco  
 sententiæ: quod alii civile rebantur, «ne  
 »ceteris adfentiendi necessitas fieret»:   
 quidam ad sævitiam trahebant; «neque  
 »enim cessurum nisi damnandi officio».

XXIII. LEPIDA ludorum diebus, qui  
 cognitionem intervenerant, theatrum  
 cum claris feminis ingressa, lamentatione  
 flebili «majores suos» ciens, «ipsumque  
 »Pompeium», cujus ea monimenta &  
 adstantes imagines visebantur, tantum  
 misericordiæ permovit, ut effusi in la-  
 crimas, «sæva & detestanda Quirinio»

clamitarent, «cujus senectæ atque orbi-  
 »tati & obscurissimæ domui, destinata A. U. C.  
773.  
J. C.  
201  
 »quondam uxor L. Cæsari, ac divo Au-  
 »gusto nurus, dederetur»: dein tormentis  
 servorum patefacta sunt flagitia, itumque  
 in sententiam Rubellii Blandi, a quo  
 aquâ atque igni arcebatur. Huic Drusus  
 adfensit, quamquam alii mitiùs censuif-  
 sent: mox Scauro, qui filiam ex eâ ge-  
 nuerat, datum, ne bona publicarentur.  
 Tum demum aperuit Tiberius, «com-  
 »pertum sibi etiam ex P. Quirinii servis,  
 »veneno eum a Lepidâ petitum».

XXIV. INLUSTRIUM domuum adversa  
 (etenim haud multùm distanti tempore  
 Calpurnii Pisonem, Æmilii Lepidam  
 amiserant) solatio adfecit D. Silanus,  
 Junia familiae redditus: casum ejus paucis  
 repetam. Ut valida divo Augusto in rem-  
 publicam fortuna, ita domi improspera  
 fuit, ob impudicitiam filia ac neptis,  
 quas Urbe depulit, adulterosque earum  
 morte aut fugâ punivit: nam culpam  
 inter viros ac feminas vulgatam, gravi  
 nomine «læsarum religionum», ac «vio-  
 »latae majestatis» appellando, clementiam  
 majorum suasque ipse leges egrediebatur.  
 Sed aliorum exitus, simul cetera illius  
 ætatis memorabo, si effectis in quæ tendi,

**=====** plures ad curas vitam produxero. D. Si-  
 A. U. C. lanus, in nepti Augusti adulter, quam-  
 773. quam non ultrà foret sævitum, quàm ut  
 J. C. amicitia Cæsaris prohiberetur, exsilium  
 20. sibi demonstrari intellexit: nec, nisi Ti-  
 berio imperitante, deprecari senatum ac  
 Principem ausus est, M. Silani fratris  
 potentia, qui per insignem nobilitatem  
 & eloquentiam præcellebat. Sed Tiberius  
 grates agenti Silano, patribus coram res-  
 pondit, « se quoque lætari quòd frater  
 » ejus e peregrinatione longinquâ rever-  
 » tisset: idque jure licitum, quia non  
 » senatusconsulto, non lege pulsus foret:  
 » sibi tamen adversus eum integras pa-  
 » rentis sui offensiones: neque reditu Si-  
 » lani dissoluta, quæ Augustus voluisset». Fuit posthac in Urbe, neque honores adeptus est.

XXV. RELATUM deinde de moderandâ Papiâ Poppæâ, quam senior Augustus post Julias rogationes incitandis cælibum pœnis, & augendo ærario sanxerat: nec ideo conjugia & educationes liberum frequen-  
 tabantur, prævalidâ orbitate. Ceterum multitudo periclitantium gliscebatur, cum omnis domus delatorum interpretationibus subverteretur: utque antehac flagitiis, ita tunc legibus laborabatur. Ea res

admonet, ut de principiis juris, & quibus modis ad hanc multitudinem infinitam ac varietatem legum perventum sit, aliùs differam.

A. U. C.

773.

J. C.

20.

XXVI. VETUSTISSIMI mortalium, nullâ adhuc malâ libidine, sine probro, scelere, eoque sine pœnâ aut coercitionibus, agebant: neque præmiis opus erat, cùm honesta suoapte ingenio peterentur; & ubi nihil contra morem cuperent, nihil per metum vetabantur. At postquam exui æqualitas, & pro modestiâ ac pudore, ambitio & vis incedebat; provenere dominationes: multosque apud populos, æternùm mansere. Quidam statim, aut postquam regum pertæsum, leges maluerunt. Hæ primò, rudibus hominum animis, simplices erant. Maximèque fama celebravit Cretensum, quas Minos; Spartanorum, quas Lycurgus; ac mox Atheniensibus quæsitiores jam & plures Solon perscripsit. Nobis Romulus, ut libitum, imperitaverat: dein Numa religionibus & divino jure populum devinxit: repertaque quædam a Tullo & Anco: sed præcipuus Servius Tullius sanctorum legum fuit, quibus etiam reges obtemperarent.

XXVII. PULSO Tarquinio, adversum patrum factiones multa populus paravit



~~tuenda~~ tuendæ libertatis, & firmandæ concordia:  
 A. U. C. creatique decemviri, & accitis quæ uf-  
 773. quam egregia, composita duodecim ta-  
 J. C. bulæ, finis æqui juris: nam secutæ leges,  
 20. etsi aliquando in maleficos ex delicto, sæpius tamen dissensione ordinum, & apiscendi illicitos honores, aut pellendi claros viros, aliaque ob prava per vim lata sunt. Hinc Gracchi, & Saturnini, turbatores plebis: nec minor largitor, nomine senatus, Drusus; corrupti spe, aut inlusi per intercessionem socii. Ac ne bello quidem Italico, mox civili omissum, quin multa & diversa sciscerentur; donec L. Sulla dictator, abolitis, vel conversis prioribus, cum plura addidisset, otium ejus rei haud in longum paravit; statim turbidis Lepidi roagationibus, neque multo post tribunis redditâ licentiâ, quoque vellent populum agitandi. Jamque non modò in commune, sed in singulos homines lata quæstiones: & corruptissimâ republicâ plurimæ leges.

XXVIII. Tum Cn. Pompeius tertium consul, corrigendis moribus delectus, & gravior remediis, quam delicta erant, suarumque legum auctor idem ac subversor, quæ armis tuebatur, armis amisit. Exin continua per viginti annos discordia:

non mos, non jus: deterrima quæque ~~impunè~~ <sup>A. U. C.</sup> impunè; ac multa honesta exitio fuere. <sup>773.</sup>  
 Sexto demum consulatu Cæsar Augustus, <sup>J. C.</sup> potentiae securus, quæ triumviratu ius- <sup>20.</sup> serat, abolevit: deditque jura, quibus pace  
 & Principe uteremur: acriora ex eo vincla,  
 inditi custodes, & lege Papiæ Poppææ  
 præmiis inducti, ut, si a privilegiis pa-  
 rentum cessaretur, velut parens omnium  
 populus vacantia teneret: sed altius pene-  
 trabant; Urbemque, & Italiam, & quod  
 usquam civium, corripuerant: multo-  
 rumque excisi status, & terror omnibus  
 intentabatur; ni Tiberius statuendo re-  
 medio, quinque consularium, quinque  
 e prætoriiis, totidem e cetero senatu sorte  
 duxisset: apud quos exsoluti plerique  
 legis nexus, modicum in præsens leva-  
 mentum fuere.

XXIX. PER idem tempus Neronem e  
 liberis Germanici jam ingressum juven-  
 tam, commendavit patribus; utque « mu-  
 » nere capeffendi vigintiviratus solveretur,  
 » & quinquennio maturius, quam per  
 » leges, quæsturam peteret », non sine  
 inrisu audientium postulavit. Prætendebat  
 « sibi atque fratri decreta eadem, petente  
 » Augusto », sed neque tum fuisse dubita-  
 verim, qui ejusmodi preces occulti inlu-

~~derent~~ : ac tamen initia fastigii Cæsaribus  
 A. U. G. 773. J. G. 20. erant : magisque in oculis vetus mos , &  
 privignis cum vitrico levior necessitudo ,  
 quàm avo adversum nepotem. Additur  
 pontificatus , & quo primùm die forum  
 ingressus est , congiarium plebi , admo-  
 dum lætæ , quòd Germanici stirpem jam  
 puberem aspiciebat. Auctum dehinc gau-  
 dium , nuptiis Neronis & Juliæ Drusi filiæ.  
 Utque hæc secundo rumore , ita adversis  
 animis acceptum , quòd filio Claudii  
 socer Sejanus destinaretur : polluisse no-  
 bilitatem familiæ videbatur , suspectum-  
 que jam nimix spei Sejanum ultro ex-  
 tulisse.

XXX. FINE anni concessere vitâ in-  
 signes viri , L. Volusius , & Sallustius  
 Crispus. Volusio vetus familia , neque  
 tamen præturam egressa : ipse consulatum  
 intulit , censoriâ etiam potestate legendis  
 equitum decuriis functus , opumque ,  
 quâs domus illa immensum vixit , primus  
 adcumulator. Crispum , equestri ortum  
 loco , C. Sallustius , rerum Romanorum  
 florentissimus auctor , sororis nepotem in  
 nomen adscivit : atque ille , quamquam  
 prompto ad capeffendos honores aditu ,  
 Mæcenatem æmulatus , sine dignitate  
 senatoriâ multos triumphalium , consu-

lariumque potentiâ anteiit : diversus a veterum instituto, per cultum & munditias ; copiâque & affluentia, luxu propior : suberat tamen vigor animi, ingentibus negotiis par ; eò acrior, quò somnum & inertiam magis ostentabat. Igitur, incolumi Mæcenate, proximus ; mox præcipuus, cui secreta imperatorum inniterentur, & interficiendi Postumi Agrippæ conscius, ætate provectâ speciem magis in amicitia principis, quàm vim tenuit. Idque & Mæcenati acciderat ; fato potentia rarò sempiternæ : an satias capit, aut illos, cùm omnia tribuerunt, aut hos, cùm jam nihil reliquum est quod cupiant ?

XXXI. SEQUITUR Tiberii quartus, Drusi secundus consulatus, patris atque filii collegio insignis : nam biennio antè, Germanici cum Tiberio idem honor, neque patruo lætus, neque naturâ tam connexus fuerat. Ejus anni principio Tiberius, quasi firmandæ valetudini, in Campaniam concessit, longam & continuam absentiam paullatim meditans ; sive ut, amoto patre, Drusus munia consulatûs solus impleret. Ac fortè parva res magnum ad certamen progressa, præbuit juveni materiem apiscendi favoris. Do-

A. U. C.

773.

J. C.

20.

A. U. C.

774.

J. C.

21.

~~mitius~~ mitius Corbulo, præturâ functus, de  
 A. U. C. L. Sullâ nobili juvene questus est apud  
 774. senatum, « quod sibi inter spectacula  
 J. C. » gladiatorum, loco non decessisset ».   
 21. Pro Corbulone ætas, patrius mos, studia  
 seniorum erant: contrâ Mamercus Scau-  
 rus, & L. Arruntius, alique Sullæ pro-  
 pinqui nitebantur: certabant orationibus,  
 & memorabantur « exempla majorum,  
 » qui juventutis inreverentiam gravibus  
 » decretis notavissent »: donec Drusus  
 apta temperandis animis differuit; &  
 satisfactum Corbuloni per Mamercum,  
 qui patruus simul ac vitricus Sullæ, &  
 oratorum eâ ætate uberrimus erat. Idem  
 Corbulo, « plurima per Italiam itinera,  
 » fraude Mancipum & incuriâ magistra-  
 » tum interrupta & impervia » clami-  
 tando, executionem ejus negotii libens  
 suscepit: quod haud perinde publicè usui  
 habitum, quàm exitiosum multis, quo-  
 rum in pecuniam atque famam damna-  
 tionibus & hastâ sæviebat.

XXXII. NEQUE multò post missis ad  
 senatum literis Tiberius, « motam rursus  
 » Africam incursum Tacfarinatis » docuit;  
 « judicioque patrum deligendum pro-  
 » consulem, gnarum militiæ, corpore  
 » validum, & bello suffecturum »: quod

initium Sex. Pompeius agitando adversus ~~\_\_\_\_\_~~  
 M. Lepidum odii nactus, « ut secordem, A. U. C.  
 » inopem, & majoribus suis dedecorum, 774.  
 » eoque etiam Asiæ sorte depellendum », J. C.  
 inculavit; adverso senatu, qui « Lepidum 21.  
 » mitem magis quam ignavum, paternas  
 » ei angustias, & nobilitatem sine probro  
 » actam, honori quam ignominia habendam »  
 ducebat. Igitur missus in Asiam.  
 Et de Africâ decretum « ut Cæsar legeret,  
 » cui mandata foret ».

XXXIII. INTER quæ Severus Cæcina  
 censuit, « ne quem magistratum, cui  
 » provincia obvenisset, uxor comitaretur »:  
 multum antè repetito, « concordem sibi  
 » conjugem, & sex partus enixam : seque,  
 » quæ in publicum statueret, domi ser-  
 » vavisse, cohibitâ intra Italiam, quam-  
 » quam ipse plures per provincias quadra-  
 » ginta stipendia explevisset. Haud enim  
 » frustra placitum olim, ne feminæ in  
 » socios aut gentes externas traherentur :  
 » inesse mulierum comitatu, quæ pacem  
 » luxu, bellum formidine morentur, &  
 » Romanum agmen ad similitudinem bar-  
 » bari incesûs convertant. Non imbecil-  
 » lum tantum, & imparem laboribus  
 » sexum; sed, si licentia adsit, sævum,  
 » ambitiosum, potestatis avidum : ince-

774. **A. U. C.** »dere inter milites, habere ad manum  
 J. C. »centuriones: præsedisse nuper feminam  
 21. »exercitio cohortium, decursu legionum.  
 »Cogitarent ipsi, quotiens repetundarum  
 »aliqui arguerentur, plura uxoribus ob-  
 »jectari: his statim adhærescere deterri-  
 »mum quemque provincialium: ab his  
 »negotia suscipi, transigi: duorum egres-  
 »sus coli, duo esse prætoria; pervicacibus  
 »magis & impotentibus mulierum jussis,  
 »quæ Oppiis quondam, aliisque legibus  
 »constrictæ, nunc, vinclis exsolutis, do-  
 »mos, fora, jam & exercitus regerent».

XXXIV. PAUCORUM hæc ad sensu  
 audita; plures obturbabant, «neque  
 »relatum de negotio; neque Cæcinam  
 »dignum tantæ rei censorem». Mox  
 Valerius Messalinus, cui parens Messala,  
 ineratque imago paternæ facundiæ, res-  
 pondit. «Multa duritiæ veterum in melius  
 »& lætius mutata. Neque enim, ut olim,  
 »obsideri Urbem bellis, aut provincias  
 »hostiles esse; & pauca feminarum ne-  
 »cessitatibus concedi, quæ ne conjugum  
 »quidem penates, adeo socios non one-  
 »rent: cetera promiscua cum marito,  
 »nec ullum in eo pacis impedimentum.  
 »Bella plane accinctis obeunda: sed rever-  
 »tentibus post laborem, quod honestius,  
 »quàm

»quàm uxorium levamentum? At quas-  
 »dam in ambitionem, aut avaritiam pro-  
 »lapsas. Quid? ipforum magistratum,  
 »nonne plerosque variis libidinibus ob-  
 »noxios? non tamen ideo neminem in  
 »provinciam mitti. Corruptos sæpe pra-  
 »vitatibus uxorum maritos: num ergo  
 »omnes cælibes integros? Placuisse quon-  
 »dam Oppias leges, sic temporibus rei-  
 »publicæ postulantibus: remissum aliquid  
 »postea, & mitigatum, quia expedierit.  
 »Frustra nostram ignaviam alia ad voca-  
 »bula transferri: nam viri in eo culpam,  
 »si femina modum excedat: porro ob  
 »unius aut alterius imbecillum animum,  
 »malè eripi maritis consortia rerum se-  
 »cundarum adversarumque. Simul sexum  
 »naturâ invalidum deferi, & exponi suo  
 »luxu, cupidinibus alienis: vix præsentî  
 »custodiâ manere illæsa conjugia: quid  
 »fore, si per plures annos in modum  
 »discidii oblitterentur? Sic obviam irent  
 »iis, quæ alibi peccarentur, ut flagitio-  
 »rum Urbis meminissent». Addidit  
 pauca Drusus de matrimonio suo: «nam  
 »Principibus adeunda sæpius longinqua  
 »imperii. Quotiens divum Augustum in  
 »Occidentem atque Orientem meavisse,  
 »comite Liviâ, se quoque in Illyricum

A. U. C.

774.

J. C.

219



~~=====~~ » profectum ; & , si ita conducat , alias  
 A. U. C. » ad gentes iturum , haud semper æquo  
 774. » animo , si ab uxore carissimâ , & tot  
 J. C. » communium liberorum parente , divel-  
 21. » leretur ». Sic Cæcinæ sententia elusa.

XXXV. ET PROXIMI senatûs die ,  
 Tiberius per literas castigatis obliquè  
 patribus , « quòd cuncta curarum ad Prin-  
 » cipem rejicerent » , M. Lepidum &  
 Junium Blæsum nominavit : ex quîs  
 proconsul Africæ legeretur. Tum audita  
 amborum verba , intentiùs excusante se  
 Lepido , cùm « valetudinem corporis ,  
 » ætatem liberûm , nubilem filiam » ob-  
 tenderet : intelligereturque etiam , quod  
 silebat , avunculum esse Sejani Blæsum ,  
 atque eò prævalidum. Respondit Blæsus  
 specie recusantis , sed neque eâdem ad-  
 severatione , & consensu adulantium haud  
 jutus est.

XXXVI. EXIN promptum , quòd mul-  
 torum intimis questibus tegebatur. Ince-  
 debat enim deterrimo cuique licentia ,  
 impunè probra , & invidiam in bonos  
 excitandi , arreptâ imagine Cæsaris : li-  
 bertique etiam ac servi , patrono vel do-  
 mino , cùm voces , cùm manus intenta-  
 rent , ultro metuebantur. Igitur C. Cestius  
 senator differuit ; « Principes quidem

»instar deorum esse: sed neque a diis  
 »nisi justas supplicum preces audiri, ne-  
 »que quemquam in Capitolium, aliave  
 »Urbis templa perfugere, ut eo subsidio  
 »ad flagitia utatur. Abolitas leges, &  
 »funditus versas, ubi in foro, in limine  
 »curiæ, ab Anniâ Rufillâ, quam fraudis  
 »sub iudice damnavisset, probra sibi &  
 »minæ intendantur: neque ipse audeat  
 »jus experiri, ob effigiem Imperatoris  
 »oppositam». Haud dissimilia alii, &  
 quidam atrociora circumstrepebant; pre-  
 cabanturque Drusum, «daret ultionis  
 »exemplum»: donec accitam convictam-  
 que attineri publicâ custodiâ iussit.

XXXVII. ET CONFIDIUS Æquus, &  
 Cœlius Cursor equites Romani, quod  
 fictis majestatis criminibus Magium Cæ-  
 cilianum, prætorem, petivissent, aucto-  
 re Principe, ac decreto senatûs puniti.  
 Utrumque in laudem Drusi trahebatur:  
 «ab eo, in Urbe inter cœtus & sermones  
 »hominum obversante, secreta patris  
 »mitigari»: neque luxus in juvene adeò  
 displicebat: «huc potius intenderet, diem  
 »editionibus, noctem conviviis traheret,  
 »quàm solus & nullis voluptatibus avo-  
 »catus, mæstam vigilantiam, & malas  
 »curas exerceret».

I ij

A. U. C.

774.

J. C.

21.

**XXXVIII.** NON enim Tiberius, non  
 A. U. C. accusatores fatifcebant. Et Ancharius Prif-  
 774. cus Cæſium Cordum, proconfulem Cretæ,  
 J. C. poſtulaverat repetundis; addito majestatis  
 21. crimine, quod tum omnium accuſatio-  
 num complementum erat. Cæſar Antiſ-  
 tium Veterem, e primoribus Macedoniæ,  
 abſolutum adulterii, increpitis judiciſus,  
 ad dicendam majestatis cauſam retraxit,  
 ut turbidum, & Rheſcuporidis conſiliis  
 permixtum, quâ tempeſtate Cotye, fratris  
 F. interfecto, bellum adverſus nos vol-  
 verat. Igitur « aquâ & igni interdictum  
 » reo », adpoſitumque « ut teneretur in-  
 » ſulâ, neque Macedoniæ, neque Thraciæ  
 » opportuniâ ». Nam Thracia, diviſo im-  
 perio in Rhœmetalcen & liberos Cotyis,  
 quîs ob infantiam tutor erat Trebellienus  
 Rufus, inſolentiâ noſtrî diſcors agebat;  
 neque minùs Rhœmetalcen, quàm Tre-  
 bellienum incuſans, popularium injurias  
 inultas ſinere. Cœletæ, Odryſæque, &  
 Dii, validæ nationes arma cepere, duci-  
 bus diverſis & paribus inter ſe per igno-  
 bilitatem: quæ cauſa fuit, ne in bellum  
 atrox coaleſcerent: pars turbant præſentia:  
 alii montem Hæmum tranſgrediuntur,  
 ut remotos populos concirent: plurimi ac  
 maximè compoſiti regem, urbemque

Philippopolim a Macedone Philippo sitam, circumfidunt.

A. U. C.

774.

J. C.

21.

XXXIX. QUÆ ubi cognita P. Velleio, (is proximum exercitum præsidebat) alarios equites, ac leves cohortium mittit in eos, qui prædabundi, aut adsumendis auxiliis, vagabantur: ipse robur peditum, ad exsolvendum obsidium, ducit. Simulque cuncta prospere acta, cæsis populatoribus, & dissensione ortâ apud obsidentes, regisque opportunâ eruptione, & adventu legionis: neque aciem aut prælium dici decuerit, in quo semermes ac palantes trucidati sunt, sine nostro sanguine.

XL. EODEM anno Galliarum civitates, ob magnitudinem æris alieni, rebellionem cœptavere: cujus exstimulator acerrimus inter Treveros Julius Florus, apud Æduos Julius Sacrovir: nobilitas ambo- bus, & majorum bona facta, eoque Romana civitas olim data, cùm id rarum, nec nisi virtuti pretium esset. Ii secretis conloquiis, ferocissimo quoque adsumpto, aut quibus ob egestatem, ac metum ex flagitiis maxima peccandi necessitudo, componunt, Florus Belgas, Sacrovir propiores Gallos concire. Igitur per conciliabula & cœtus seditiosa differebant,

I iij

A. U. C. 774. J. C. 21.  
 « de continuatione tributorum , gravitate  
 » fenoris , favitiâ ac superbiâ præfiden-  
 » tium : & discordare militem , audito  
 » Germanici exitio : egregium resumendæ  
 » libertati tempus , si ipsi florentes , quàm  
 » inops Italia , quàm imbellis Urbana  
 » plebes , nihil validum in exercitibus ,  
 » nisi quod externum , cogitarent » .

XLI. HAUD ferme ulla civitas intacta  
 feminibus ejus motûs fuit : sed erupere  
 primi Andecavi , ac Turonii : quorum  
 Andecavos Acilius Aviola legatus , excitâ  
 cohorte , quæ Lugduni præsidium agita-  
 bat , coercuit : Turonii , legionario milite,  
 quem Visellius Varro , inferioris Germa-  
 niæ legatus , miserat , oppressi , eodem  
 Aviolâ duce , & quibusdam Galliarum  
 primoribus ; qui tulere auxilium , quò  
 dissimularent defectionem , magisque in  
 tempore efferrent : spectatus & Sacrovir ,  
 intacto capite pugnam pro Romanis ciens ,  
 « ostentandæ » , ut ferebat , « virtutis » :  
 sed captivi , « ne incessetur telis , ad-  
 » gnoscendum se præbuisse » , arguebant.  
 Consultus super eo Tiberius , asperna-  
 rus est indicium , aluitque dubitatione  
 bellum.

XLII. INTERIM Florus insistere desti-  
 natis , pellicere alam equitum , quæ con-

scripta Treveris, militiâ disciplinâque nostrâ habebatur, ut, cæsis negotiatoribus Romanis, bellum inciperet: paucique equitum corrupti, plures in officio mansere. Aliud vulgus obælatorum aut clientium arma cepit: petebantque saltus, quibus nomen *Arduenna*, cùm legiones utroque ab exercitu, quas Visellius & C. Silius adversis itineribus objecerant, arcuerunt: præmissusque cum delectâ manu Julius Indus, e civitate eâdem, discors Floro, & ob id navandæ operæ avidior, inconditam multitudinem adhuc disjecit. Florus incertis latebris victores frustratus, postremò, visis militibus, qui effugia insederant, suâ manu cecidit: isque Treverici tumultûs finis.

=====  
A U. C.  
774.  
J. C.  
21.

XLIII. APUD Æduos major moles exorta, quantò civitas opulentior, & comprimendi procul præsidium. Augustodunum caput gentis, armatis cohortibus, Sacrovir occupaverat, & nobilissimam Galliarum subolem, liberalibus studiis ibi operatam, ut eo pignore parentes propinquosque eorum adjungeret: simul arma occultè fabricata juventuti dispertit. Quadraginta millia fuere, quintâ sui parte legionariis armis, ceteri cum venabulis & cultris, quæque alia venantibus tela

I iv

sunt : adduntur e servitiis gladiaturæ def-  
 tinati , quibus , more gentico , conti-  
 nuum ferri regimen ( *Crupellarios* vocant )  
 inferendis ictibus inhabiles , accipiendis  
 impenetrabiles. Augebantur hæ copiæ ,  
 vicinarum civitatum ut nondum apertâ  
 consensione , ita viritim promptis studiis ,  
 & certamine ducum Romanorum , quos  
 inter ambigebatur ; utroque bellum sibi  
 poscente. Mox Varro invalidus senectâ ,  
 vigenti Silio concessit.

XLIV. AT ROMÆ « non Treveros  
 » modò & Æduos , sed quatuor & sexa-  
 » ginta Galliarum civitates descivisse ,  
 » adsumptos in societatem Germanos ,  
 » dubias Hispaniās » ; cuncta ( ut mos  
 famæ ) in majus credita. Optimus quisque  
 reipublicæ curâ mærebat : multi odio  
 præsentium , & cupidine mutationis , suis  
 quoque periculis lætabantur , increpa-  
 bantque Tiberium , quòd in tanto rerum  
 motu , libellis accusatorum infumeret  
 operam. « An Julium Sacrovirum ma-  
 » jestatis crimine reum in senatu fore ?  
 » exstitisse tandem viros , qui cruentas  
 » epistolas armis cohiberent : miseram  
 » pacem vel bello bene mutari ». Tantò  
 impensius in securitatem compositus , ne-  
 que loco , neque vultu murato , sed , ut

solitum, per illos dies egit: altitudine animi, an compererat modica esse, & vulgatis leviora?

A. U. C.  
774.  
J. C.  
21.

XLV. INTERIM Silius, cum legionibus duabus incedens, præmissâ auxiliari manu, vastat Sequanorum pagos, qui finium extremi, & Æduis contermini, sociique in armis erant. Mox Augustodunum petit propero agmine, certantibus inter se signiferis, fremente etiam gregario milite, & ne suetam requiem, ne spatia noctium opperiretur: viderent modò adversos, & aspicerentur: id satis ad victoriam. Duodecimum apud lapidem, Sacrovir, copiarque patentibus locis apparuere: in fronte statuerat ferratos, in cornibus cohortes, a tergo semermos. Ipse inter primores equo insigni adire, memorare & veteres Gallorum glorias, quæque Romanis adversa intulissent: quàm decora victoribus libertas; quantò intolerantior servitus iterum victis.

XLVI. Non diu hæc, nec apud lætos: etenim propinquabat legionum acies: inconditique ac militiæ nescii oppidani, neque oculis neque auribus satis competeabant. Contrà Silius, etsi præsumpta spes hortandi causas exemerat, clamitabat tamen: «Pudendum ipsis, quòd Germa-

I v



A. U. C. 774. J. C. 21.  
 «niarum victores, adversum Gallos,  
 «tamquam in hostem, ducerentur: una  
 «nuper cohors rebellem Turonium, una  
 «ala Treverum, paucæ hujus ipsius exer-  
 «citûs turmæ profligavere Sequanos:  
 «quantò pecuniâ dites, & voluptatibus  
 «opulentos, tantò magis imbelles Æduos,  
 «evincite, & fugientibus consulite».   
 Ingens ad ea clamor; & circumfudit  
 eques; frontemque pedites invasere: nec  
 cunctatum apud latera: paullum moræ  
 attulere ferrati, restantibus laminis ad-  
 versum pila & gladios: sed miles, cor-  
 reptis securibus & dolabris, ut si murum  
 perrumperet, cedere tegmina & corpora:  
 quidam trudibus aut furcis, inertem mo-  
 lem prosternere; jacentesque nullo ad  
 resurgendum nisu, quasi exanimis lin-  
 quebantur. Sacrovir primò Augustodu-  
 num, dein metu deditionis in villam  
 propinquam cum fidissimis pergit. Illic  
 suâ manu, reliqui mutuis ictibus occidêre:  
 incensa super villa, omnes cremavit.

XLVII. Tum demum Tiberius ortum  
 patratumque bellum senatui scripsit: ne-  
 que dempsit, aut addidit vero; sed «fide  
 «ac virtute legatos, se consiliis super-  
 «fuisse». Simul causas, cur non ipse,  
 non Drusus profecti ad id bellum forent,

adjunxit, « magnitudinem imperii » ex-  
tollens. « Neque decorum Principibus (\*),  
» si una alterave civitas turbet, omisâ  
» Urbe, unde in omnia regimen: nunc  
» quia non metu ducatur, iturum, ut  
» præsentia spectaret, componeretque ».  
Decrevere patres vota pro reditu ejus,  
supplicationesque, & alia decora. Solus  
Dolabella Cornelius dum anteire ceteros  
parat, absurdam in adulationem pro-  
gressus, censuit « ut ovans e Campaniâ  
» Urbem introiret ». Igitur secutæ Cæsa-  
ris literæ, quibus « se non tam vacuum  
» gloriâ » prædicabat, « ut post ferocissimas  
» gentes perdomitas, tot receptos in ju-  
» ventâ, aut spretos triumphos, jam senior  
» peregrinationis suburbanæ inane præ-  
» mium peteret ».

XLVIII. SUB idem tempus, « ut mors  
» Sulpicii Quirinii publicis exsequiis fre-  
» quentaretur », petivit a senatu. Nihil ad  
veterem & patriciam Sulpiciorum fami-  
liam Quirinius pertinuit, ortus apud mu-  
nicipium Lanuvium: sed impiger militiæ,  
& acribus ministeriis, consulatum sub  
divo Augusto; mox expugnatis per Cili-  
ciam Homonadensium castellis insignia

(\*) Intelligendum, vel supplendum, ire, aut pro-  
scisci.

**=====** triumphi adeptus, datusque rector C.  
 A. U. C. Cæsari Armeniam obtinenti, Tiberium  
 774. quoque Rhodi agentem coluerat: quod  
 J. C. tunc patefecit in senatu: laudatis in se  
 21. officiis, & inculato « M. Lollio », quem  
 « auctorem C. Cæsari pravitatis & dis-  
 » cordiarum » arguebat: sed ceteris haud  
 læta memoria Quirinii erat, ob intenta,  
 ut memoravi, Lepidæ pericula, sordi-  
 damque & præpotentem senectam.

XLIX. FINE anni C. Lutorium Prif-  
 cum, equitem Romanum, post celebre  
 carmen, quo Germanici suprema desle-  
 verat, pecuniâ donatum a Cæsare, cor-  
 ripuit delator, objectans, « ægro Druso  
 » composuisse, quod, si extinctus foret,  
 » majore præmio vulgaretur ». Id C. Lu-  
 torius in domo P. Petronii, focru ejus  
 Vitelliâ coram, multisque inlustribus  
 feminis, per vaniloquentiam legerat.  
 Ut delator exstitit, ceteris ad dicendum  
 testimonium exterritis, sola Vitellia « nihil  
 » se audivisse » adseveravit; sed arguenti-  
 bus, ad perniciem plus fidei fuit. Sen-  
 tentiâque Haterii Agrippæ consulis desi-  
 gnati indictum reo ultimum supplicium.

L. CONTRA M. Lepidus in hunc mo-  
 dum exorsus est. « Si, patres conscripti,  
 » unum id spectamus, quàm nefariâ voce

A. U. C.

774.

J. C.

219

»C. Lutorius Priscus mentem suam, &  
 »aures hominum polluerit; neque carcer,  
 »neque laqueus, ne serviles quidem cru-  
 »ciatus in eum suffecerint: sin flagitia &  
 »facinora sine modo sunt; suppliciiis ac  
 »remediis, Principis moderatio, mayo-  
 »rumque & vestra exempla temperant:  
 »& vana a scelestis, dicta a maleficiis  
 »differunt: est locus sententiæ, per quam  
 »neque huic delictum impune sit, & nos  
 »clementiæ simul ac severitatis non pæ-  
 »niteat. Sæpe audiui Principem nostrum  
 »conquerentem, si quis, sumptâ morte,  
 »misericordiam ejus prævenisset. Vita  
 »C. Lutorii in integro est, qui neque  
 »servatus in periculum reipublicæ, neque  
 »interfectus in exemplum ibit: studia illi;  
 »ut plena recordiæ, ita inania & fluxa  
 »sunt: nec quidquam grave ac serium ex  
 »eo metuas, qui suorum ipse flagitiorum  
 »proditor, non virorum animis, sed  
 »muliercularum adrepat. Cedat tamen  
 »Urbe, &, bonis amissis, aquâ & igni  
 »arceatur: quod perinde censeo, ac si  
 »lege majestatis teneretur».

LI. SOLUS Lepido Rubellius Blandus e  
 consularibus adfensit: ceteri sententiam  
 Agrippæ secuti; ductusque in carcerem  
 Priscus, ac statim exanimatus. Id Tiberius

**=====** solitis sibi ambagibus apud senatum in-  
 A. U. C. 774. cufavit, cùm extolleret « pietatem, quam-  
 J. C. 21. »vis modicas Principis injurias acriter  
 »ulciscantium»; deprecaretur « tam præ-  
 »cipites verborum pœnas»: laudaret Le-  
 pidum, neque Agrippam argueret. Igitur  
 factum senatusconsultum, « ne decreta  
 »patrum ante diem decimum, ad ærarium  
 »deferrentur; idque vitæ spatium dam-  
 »natis prorogaretur»: sed non senatui  
 libertas ad pœnitendum erat; neque  
 Tiberius interjectu temporis mitigabatur.

**=====** LII. C. SULPICIUS, D. Haterius con-  
 A. U. C. 775. sules sequuntur. Inturbidus externis rebus  
 J. C. 22. annus, domi suspectâ severitate adversum  
 luxum, qui immensum proruperat ad  
 cuncta, quâ pecunia prodigitur. Sed alia  
 sumptuum, quamvis graviora, dissimu-  
 latis plerumque pretiis, occultabantur;  
 ventris & ganeæ paratus, assiduus sermo-  
 nibus vulgati, fecerant curam, ne Prin-  
 ceptis antiquæ parcimoniæ, durius adver-  
 teret. Nam incipiente C. Bibulo, ceteri  
 quoque ædiles disseruerant, « sperni sump-  
 »tuariam legem, vetitaque utensilium  
 »pretia augeri in dies: nec mediocribus  
 »remediis sisti posse»: & consulti patres,  
 integrum id negotium ad Principem  
 distulerant. Sed Tiberius, sæpe apud se

penſitato, an coerceri tam profuſæ cupi-  
dines poſſent; num coercitio plus damni  
in rempublicam ferret; quàm indecorum  
adtrectare quod non obtineret; vel reten-  
tum, ignominiam & infamiam virorum  
inluſtrium poſceret: poſtremò literas ad  
ſenatum compoſuit, quarum ſententia  
in hunc modum fuit.

A. U. C.

775.

J. C.

22.

LIII. « CETERIS forſitan in rebus,  
» patres conſcripti, magis expediat me  
» coram interrogari, & dicere quid e  
» republicâ cenſeam: in hac relatione,  
» ſubtrahi oculos meos melius fuit, ne  
» denotantibus vobis ora, ac metum ſin-  
» gulorum, qui pudendi luxûs argueren-  
» tur, ipſe etiam viderem eos, ac velut  
» deprehenderem. Quòd ſi mecum antè  
» viri ſtrenui, ædiles, conſilium habuiſ-  
» ſent; neſcio an ſuaſurus fuerim omittere  
» potiùs prævalida & adulta vitia, quàm  
» hoc adſequi, ut palam fieret, quibus  
» flagitiis impares eſſemus: ſed illi quidem  
» officio functi ſunt, ut ceteros quoque  
» magistratus ſua munia implere velim:  
» mihi autem neque honeſtum ſilere,  
» neque proloqui expeditum, quia non  
» ædilis, aut prætoris, aut conſulis partes  
» ſuſtineo: majus aliquid & excelfius a  
» Principe poſtulatur; & cùm rectè facto-

rum sibi quisque gratiam trahant, unius  
 A. U. C. 775. invidiâ ab omnibus peccatur. Quid enim  
 J. C. 22. primum prohibere, & priscum ad mo-  
 rem recidere aggrediar? villarum ne  
 infinita spatia, familiarum numerum &  
 nationes? argenti & auri pondus? æris,  
 tabularumque miracula? promiscuas  
 viris & feminis vestes? atque illa femi-  
 narum propria, quâs, lapidum causâ,  
 pecuniæ nostræ ad externas, aut hostiles  
 gentes transferuntur?

LIV. NEC ignoro in conviviiis & cir-  
 culis incusari ista, & modum posci:  
 sed si quis legem sanciat, pœnas indicat:  
 iidem illi civitatem verti, splendidissimo  
 cuique exitium parari, neminem cri-  
 minis expertem clamitabunt. Atqui, ne  
 corporis quidem morbos veteres, &  
 diu auctos, nisi per dura & aspera coer-  
 ceas: corruptus simul & corruptor,  
 æger & flagrans animus, haud leviori-  
 bus remediis restinguendus est, quàm  
 libidinibus ardescit. Tot a majoribus  
 repertæ leges, tot quas divus Augustus  
 tulit, illæ oblivione, hæ (quod flagi-  
 tiosius est) contemptu abolitæ, secu-  
 riorem luxum fecere: nam si velis quod  
 nondum vetitum est; timeas, ne vetere:  
 at si prohibita impunè transcenderis;

» neque metus ultrà , neque pudor est. A. U. C.  
 » Cur ergo olim parcimonia pollebat ? 775.  
 » quia sibi quisque moderabatur : quia J. C.  
 » unius urbis cives eramus : ne irritamenta 228  
 » quidem eadem , intra Italiam domi-  
 » nantibus : externis victoriis , aliena ;  
 » civilibus , etiam nostra consumere didi-  
 » cimus. Quantulum istud est , de quo  
 » ædiles admonent ! Quàm , si cetera res-  
 » picias , in levi habendum ! At herculè  
 » nemo refert , quòd Italia externæ opis  
 » indiget , quòd vita populi Romani per  
 » incerta maris & tempestatum quotidie  
 » volvitur ; ac nisi provinciarum copix  
 » & dominis , & servitiis , & agris sub-  
 » venerint , nostra nos scilicet nemora ,  
 » nostræque villæ tuebuntur ? Hanc , patres  
 » conscripti , curam sustinet Princeps :  
 » hæc omissa , funditus rempublicam tra-  
 » het. Reliquis intra animum medendum  
 » est : nos , pudor ; pauperes , necessitas ;  
 » divites , satias in melius mutet. Aut ,  
 » si quis ex magistratibus , tantam in-  
 » dustriam ac severitatem pollicetur , ut  
 » ire obviam queat ; hunc & laudo , &  
 » exonerari laborum meorum partem fa-  
 » teor : sin accusare vitia volunt , dein cùm  
 » gloriam ejus rei adepti sunt , similitates  
 » faciunt , ac mihi relinquunt ; credite ,



~~patres~~ patres conscripti, me quoque non esse  
 A. U. C. 775. J. C. 22. offensio-  
 num avidum: quas cum graves,  
 & plerumque iniquas pro republicâ sus-  
 cipiam; inanes & inritas, neque mihi  
 aut vobis usui futuras, jure deprecor.

LV. AUDITIS Cæsaris literis, remissa  
 ædilibus talis cura; luxurque mensæ, a  
 fine Actiaci belli, ad ea arma quibus Ser.  
 Galba rerum adeptus est, per annos cen-  
 tum profusis sumptibus exerciti, paullatim  
 exolvere. Causas ejus mutationis qua-  
 rere libet. Dites olim familiæ nobilium,  
 aut claritudine insignes, studio magnifi-  
 centiæ prolabebantur: nam etiam tum  
 plebem, socios, regna colere, & coli-  
 licitum: ut quisque opibus, domo, paratu  
 speciosus, per nomen & clientelas inlus-  
 trior habebatur: postquam cædibus sævi-  
 tum, & magnitudo famæ exitio erat;  
 ceteri ad sapientiora convertère: simul  
 novi homines e municipiis & coloniis,  
 atque etiam provinciis, in senatum crebrò  
 adsumpti, domesticam parcimoniam in-  
 tulerunt: & quamquam fortunâ, vel  
 industriâ, plerique pecuniosam ad senec-  
 tam pervenirent; mansit tamen prior  
 animus. Sed præcipuus adstricti moris  
 auctor Vespasianus fuit, antiquo ipse  
 cultu victuque: obsequium inde in Prin-

ripem, & æmulandi amor validior, quàm  
pœna ex legibus & metus. Nisi fortè rebus  
cunctis inest quidam velut orbis, ut quem-  
admodum temporum vices, ita morum  
vertantur: nec omnia apud priores me-  
liora, sed nostrà quoque ætas multa  
laudis & artium, imitanda posteris tulit.  
Verum hæc nobis majores. Certamina  
ex honesto maneant.

A. U. C.  
775.  
J. C.  
224

LVI. TIBERIUS, famâ moderationis  
partâ, quòd ingruentes accusatores re-  
presserat, mittit literas ad senatum, quîs  
«potestatem tribuniciam» Druso petebat.  
Id summi fastigii vocabulum Augustus  
reperit, ne *regis* aut *dictatoris* nomen  
adsumeret, ac tamen appellatione aliquâ  
cetera imperia præmineret. M. deinde  
Agrippam socium ejus potestatis; quo  
defuncto, Tiberium Neronem delegit,  
ne successor in incerto foret: sic cohiberi  
pravas aliorum spes rebatur: simul modesti-  
tiæ Neronis, & suæ magnitudini fidebat.  
Quo tunc exemplo, Tiberius Drusum  
summæ rei admovet; cùm, incolumi  
Germanico, integrum inter duos judicium  
tenuisset. Sed principio literarum venera-  
tus deos, «ut consilia sua reipublicæ prof-  
perarent», modica de moribus adoles-  
centis, neque in falsum aucta retulit:

~~=====~~  
 A. U. C. 775. J. C. 22.  
 «esse illi conjugem & tres liberos, eam-  
 »que ætatem, quâ ipse quondam a divo  
 »Augusto ad capeßendum hoc munus  
 »vocatus fit. Neque nunc properè, sed  
 »per octo annos capto experimento,  
 »compressis seditionibus, compositis bel-  
 »lis, triumphalem & bis consulem, noti  
 »laboris participem sumi».

LVII. PRÆCEPERANT animis oratio-  
 nem patres, quò quæsitior adulatio fuit:  
 nec tamen repertum, nisi «ut effigies  
 »Principum, aras deûm, templa & arcus»,  
 aliaque solita censerent. Nisi quòd M.  
 Silanus ex contumeliâ consulatûs, hono-  
 rem Principibus petivit: dixitque pro  
 sententiâ, «ut publicis privatisque mo-  
 »nimentis, ad memoriam temporum,  
 »non consulum nomina præscriberentur,  
 »sed eorum, qui tribuniciam potestatem  
 »gererent». At Q. Haterius, cùm «ejus  
 »diei senatusconsulta aureis literis figenda  
 »in curiâ» censuisset, deridiculo fuit,  
 senex fœdissimæ adulationis tantùm in-  
 famiâ usurus.

LVIII. INTER quæ, provinciâ Africâ  
 Junio Blæso prorogatâ, Servius Malu-  
 ginenfis flamen Dialis, ut Asiam forte  
 haberet postulavit; frustra vulgatum dic-  
 titans «non licere Dialibus egredi Italiâ:

» neque aliud jus suum, quàm Martia-  
 » lium, Quirinaliumque flaminum: porro  
 » si hi duxissent provincias, cur Dialibus  
 » id vetitum? nulla de eo populi scita,  
 » non in libris cærimoniarum reperiri.  
 » Sæpe pontifices Dialia sacra fecisse, si  
 » flamen valetudine, aut munere publico,  
 » impediretur. Sex & septuaginta annis  
 » post Cornelii Merulæ cædem, neminem  
 » suffectum; neque tamen cessavisse reli-  
 » giones. Quòd si per tot annos possit non  
 » creari, nullo sacrorum damno; quantò  
 » faciliùs abfuturum, ad unius anni pro-  
 » consulare imperium? Privatis olim si-  
 » multatibus effectum, ut a pontificibus  
 » maximis ire in provincias prohiberentur:  
 » nunc deùm munere, summum pontifi-  
 » cum etiam summum hominum esse,  
 » non æmulationi, non odio, aut privatis  
 » adfectionibus obnoxium ».

LIX. ADVERSUS quæ cùm augur Len-  
 tulus, aliique variè differerent, eò de-  
 cursum est, ut pontificis maximi senten-  
 » tiam opperirentur ». Tiberius, dilatâ  
 notione de jure flaminis, decretas ob tri-  
 buniciam Drusi potestatem cærimonias  
 temperavit; nominatim arguens « inso-  
 » lentiam sententiæ, aureasque literas  
 » contra patrium morem ». Recitata &

A. U. C.

775.

J. C.

229

**Drusi epistolæ, quamquam ad modestiam flexæ, pro superbissimis accipiuntur:**

775. « Huc decidisse cuncta, ut ne juvenis

J. C. » quidem, tanto honore accepto, adiret

22. » Urbis deos, ingrederetur senatum, aus-

» picia saltem gentile apud solum incipe-

» ret? Bellum scilicet, aut diverso ter-

» rarum distineri, litora & lacus Campa-

» niæ cum maximè peragrantem: sic imbui

» rectorem generis humani: id primum e

» paternis consiliis discere; sanè grava-

» retur aspectum civium senex Imperator,

» fessamque ætatem, & actos labores præ-

» tenderet: Druso quod, nisi ex adrogan-

» tiâ, impedimentum »?

LX. SED Tiberius, vim principatûs sibi firmans, imaginem antiquitatis senatû præbebat, postulata provinciarum ad disquisitionem patrum mittendo. Crebrescebat enim Græcas per urbes licentia atque impunitas asyla statuendi. Complebantur templa pessimis servitorum; eodem subsidio obæratî adversum creditores, suspectique capitalium criminum receptabantur. Nec ullum satis validum imperium erat coercendis seditionibus populi, flagitia hominum, ut cærimonias deûm, protegentis. Igitur placitum, ut mitterent civitates jura, atque legatos. Et quædam,

quod falsò usurpaverant, sponte omisere: ~~=====~~  
 multæ verustis superstitionibus, aut me-  
 ritis in populum Romanum fidebant. Magnaque ejus diei species fuit, quo  
 senatus majorum beneficia, sociorum  
 pacta, regum etiam, qui ante vim Ro-  
 manam valuerant, decreta, ipsorumque  
 numinum religiones intropexit; libero,  
 ut quondam, quid firmaret mutaretve.

A. U. C.  
 775.  
 J. C.  
 220

LXI. PRIMI omnium Ephesii adiere,  
 memorantes: « Non, ut vulgus crederet,  
 » Dianam atque Apollinem Delo genitos:  
 » esse apud se Cenchrium amnem, lucum  
 » Ortygiam, ubi Latonam, partu gravi-  
 » dam, & oleæ, quæ tum etiam maneat,  
 » adnifam, edidisse ea numina: deorum-  
 » que monitu sacratum nemus. Atque  
 » ipsum illic Apollinem, post interfectos  
 » Cyclopas, Jovis iram vitavisse. Mox  
 » Liberum patrem bello victorem, sup-  
 » plicibus Amazonum, quæ aram inse-  
 » derant, ignovisse. Auctam hinc, con-  
 » cessu Herculis, cum Lydiâ potiretur,  
 » cærimoniam templo: neque Persarum  
 » ditione, deminutum jus. Post Macedo-  
 » nas, dein nos servavisse ».

LXII. PROXIMO Magnetes L. Scipionis,  
 & L. Sullæ constitutis nitebantur: quorum  
 ille Antiocho, hic Mithridate, pulsus,

~~=====~~  
 A. U. C. 775.  
 J. C. 22.  
 fidem atque virtutem Magnetum deco-  
 ravere, «uri Dianæ Leucophryenæ per-  
 »fugium inviolabile foret». Aphrodisien-  
 ses posthac, & Stratonicensis dictatoris  
 Cæsaris, ob vetusta in partes merita, &  
 recens divi Augusti decretum attulere.  
 Laudati, «quòd Parthorum inruptionem,  
 »nihil mutatâ in populum Romanum  
 »constantiâ, pertulissent». Sed Aphro-  
 disiensium civitas, Veneris; Stratoni-  
 censem, Jovis & Triviæ religionem tue-  
 bantur. Altiùs Hierocæsarienses exposuere,  
 «Persicam apud se Dianam; delubrum,  
 »rege Cyro, dicatum»: & memorabantur  
 «Perpenæ, Isaurici», multaque alia im-  
 peratorum nomina, qui non modò tem-  
 plo, sed duobus millibus passuum eam-  
 dem sanctitatem tribuerant. Exin Cyprii  
 tribus delubris, quorum vetustissimum  
 Paphiæ Veneri auctor Aërias, post filius  
 ejus Amathus Veneri Amathusiæ, & Jovi  
 Salaminio Teucer, Telamonis patris irâ  
 profugus, posuissent.

LXIII. AUDITÆ aliarum quoque ci-  
 vitatum legationes. Quorum copiâ fessi  
 patres, & quia studiis certabatur, con-  
 siliis permiscere, «ut perspecto jure,  
 »& si qua iniquitas involveretur, rem  
 »integram rursus ad senatum referrent».

Consules

Consules super eas civitates, quas memoravi, « apud Pergamum Æsculapii A. U. C. 775.  
 »compertum asylum» retulerunt: «ce- J. C. 22.  
 »teros obscuris ob vetustatem initiis niti:  
 »nam Smyrnæos oraculum Apollinis,  
 »cujus imperio Stratonici Veneri tem-  
 »plum dicaverint: Tenios ejusdem car-  
 »men referre, quo sacrare Neptuni effi-  
 »giem, ædemque jussi sint: propiora  
 »Sardianos; Alexandri victoris id donum:  
 »neque minùs Milesios Dario rege niti:  
 »sed cultus numinum utrisque, Dianam  
 »aut Apollinem venerandi. Petere &  
 »Cretenses simulacro divi Augusti». Fac-  
 taque senatusconsulta, quibus multo cum  
 honore, modus tamen præscribatur;  
 jussique « ipsis in templis figere æra sã-  
 »crandam ad memoriam, neu specie  
 »religionis in ambitionem delaberentur».

LXIV. Sub idem tempus Juliæ Augustæ valetudo atrox, necessitudinem Principi fecit festinati in Urbem reditûs: sincerâ adhuc inter matrem filiumque concordia; sive occultis odiis. Neque enim multò antè, cùm haud procul theatro Marcelli, effigiem divo Augusto Julia dicaret, Tiberii nomen suo postscripserat; idque ille credebatur, ut inferius majes-

Tom. I.

K



A. U. C. 775.  
 J. C. 22.  
 tate Principis, gravi & dissimulatâ offensione abdidisse. Sed tum « supplicia diis, » ludique magni » ab senatu decernuntur, « quos pontifices, & augures, & quindecimviri, septemviris simul & sodalibus Augustalibus ederent ». Censuerat L. Apronius, « ut feciales quoque iis ludis » præsiderent » : contradixit Cæsar, distincto sacerdotiorum jure, & repetitis exemplis : « neque enim umquam fecialibus hoc majestatis fuisse. Ideo Augustales adjectos, quia proprium ejus domûs » sacerdotium esset, pro quâ vota perolverentur ».

LXV. EXSEQUI sententias haud institui, nisi insignes per honestum, aut notabili dedecore : quod præcipuum munus animalium reor, ne virtutes fileantur, utque pravis dictis factisque ex posteritate & infamiâ metus sit. Ceterùm tempora illa adeò infecta, & adulatione sordida fuere, ut non modò primores civitatis, quibus claritudo sua obsequiis protegenta erat ; sed omnes consulares, magna pars eorum, qui præturâ functi, multique etiam pedarii senatores certatim exsurgerent, fœdaque & nimia censerent. Memoriz proditur, Tiberium, quotiens curiâ egrederetur, Græcis verbis in hunc modum

eloqui solitum, *ô homines ad servitutem paratos!* scilicet etiam illum, qui libertatem publicam nollet, tam projectæ servientium patientiæ tædebat.

A. U. C.

775.

J. C.

224

LXVI. PAULLATIM dehinc, ab indecoris ad infesta transgrediebantur. C. Silanum, proconsulem Asiæ, repetundarum a fociis postulatum, Mamercus Scaurus e consularibus, Junius Otho prætor, Brutidius Niger ædilis, simul corripunt, objectantque « violatum Augusti numen, » spretam Tiberii majestatem ». Mamercus antiqua exempla jaciens, « L. Cottam » a Scipione Africano, Ser. Galbam a » Catone censorio, P. Rutilium a M. » Scauro accusatos ». Videlicet Scipio & Cato talia ulciscebantur; aut ille Scaurus, quem proavum suum, opprobrium majorum Mamercus, infami operâ dehoneſtabat. Junio Othoni literarium ludum exercere vetus ars fuit: mox Sejani potentiâ senator, obscura initia impudentibus ausis propellebat. Brutidium artibus honestis copiosum, & , si rectum iter pergeret, ad clarissima quæque iturum, festinatio exstimulabat, dum æquales, dein superiores, postremò suasmets ipse spes anteire parat: quod multos etiam bonos pessum dedit, qui, spretis quæ

K ij

~~=====~~ tarda cum securitate, præmatura vel cum  
A. U. C. exitio properant.

775.

J. C.

22.

LXVII. AUXERE numerum accusatorum Gellius Poplicola & M. Paconius: ille quæstor Silani, hic legatus. Nec dubium habebatur, sævitix captarumque pecuniarum teneri reum: sed multa adgerebantur etiam infontibus periculosa; cum, super tot senatores adversos, facundissimis totius Asiæ, eoque ad accusandum delectis, responderet solus, & orandi nescius, proprio in metu, qui exercitam quoque eloquentiam debilitat: non temperante Tiberio, quin premeret voce, vultu, eò quòd ipse creberrimè interrogabat: neque refellere, aut eludere, dabatur; ac sæpe etiam confitendum erat, ne frustra quæsisisset, Servos quoque Silani, ut tormentis interrogarentur, actor publicus mancipio acceperat: & ne quis necessariorum juvaret periclitantem, majestatis crimina subdebantur, vinculum & necessitas silendi. Igitur petito paucorum dierum interjectu, defensionem sui deferuit, ausis ad Cæsarem codicillis, quibus invidiam & preces miscuerat.

LXVIII. TIBERIUS, quæ in Silanum parabat, quòd excusatiùs sub exemplo acciperentur, libellos divi Augusti de

Voleſo Meſſalâ , ejuſdem Aſiæ proconſule , factumque in eum ſenatuſconſultum recitari jubet. Tum L. Piſonem ſententiam rogat : ille multum de « clementiâ » Principis » præfatus , « aquâ atque igni » Silano interdicendum » cenſuit , « ipſumque in inſulam Gyarum relegandum » . Eadem ceteri , niſi quòd Cn. Lentulus « ſeparanda Silani materna bona ( quippe aliâ parente geniti ) reddendaque filio » dixit , adnuente Tiberio. At Cornelius Dolabella , dum adulationem longiùs ſequitur , increpitis C. Silani moribus , addidit , « ne quis vitâ probroſus , & » opertus infamiâ , provinciam fortiretur ; » idque Princeps dijudicaret : nam a legibus delicta puniri : quantò fore mitius » in ipſos , melius in ſocios , provideri ne » peccaretur » .

LXIX. ADVERSUM quæ diſſeruit Cæſar : « Non quidem ſibi ignara , quæ de Silano » vulgabantur , ſed non ex rumore ſtatuendum : multos in provinciis contrà , » quàm ſpes aut metus de illis fuerit , » egiffe : excitari quosdam ad meliora , » magnitudine rerum ; hebeſcere alios : » neque poſſe Principem ſuâ ſcientiâ cuncta complecti , neque expedire , ut ambitione alienâ trahatur. Ideo leges in

G ii

A. U. C.

775.

J. C.

22.

~~=====~~  
 A. U. C. 775. J. C. 22. »facta constitui, quia futura in incerto  
 »sint: sic a majoribus institutum, ut si  
 »anteissent delicta, poenæ sequerentur.  
 »Ne verterent sapienter reperta, & sem-  
 »per placita: satis onerum Principibus,  
 »satis etiam potentiae: minui jura, quo-  
 »tiens gliscat potestas: nec utendum im-  
 »perio, ubi legibus agi possit». Quantò  
 rarior apud Tiberium popularitas, tantò  
 lætioribus animis accepta. Atque ille  
 prudens moderandi, si propriâ irâ non  
 impelleretur, addidit, «insulam Gyarum  
 »immitem & sine cultu hominum esse:  
 »darent Juniae familiae, & viro quondam  
 »ordinis ejusdem, ut Cytheram potius  
 »concederet: id sororem quoque Silani  
 »Torquatam, priscæ sanctimoniae virgi-  
 »nem expetere». In hanc sententiam  
 facta discessio.

LXX. Post auditi Cyrenenses, &  
 accusante Anchario Prisco, Cæsius Cordus  
 repetundarum damnatur. L. Ennium,  
 equitem Romanum, majestatis postula-  
 tum, «quòd effigiem Principis promissum  
 »ad usum argenti vertisset», recipi  
 Cæsar inter reos vetuit; palam aspernantē  
 Ateio Capitone, quasi per libertatem.  
 «Non enim debere eripi patribus vim  
 »statuendi, neque tantum maleficiū

impunè habendum : sanè lentus in suo dolore esset ; reipublicæ injurias ne largiretur. Intellexit hæc Tiberius , ut erant magis , quàm ut dicebantur : perstititque intercedere. Capito insignitior infamiâ fuit , quòd humani divinique juris sciens , egregium publicum , & bonas domi artes dehonestavisset.

A. U. C.

775.

J. C.

22.

LXXI. INCESSIT dein religio , quonam in templo locandum foret donum , quod pro valetudine Augustæ equites Romani voverant Equestri Fortunæ : nam etsi delubra ejus deæ multa in Urbe , nullum tamen tali cognomento erat : repertum est ædem esse apud Antium , quæ sic nuncuparetur , « cunctasque cærimonias Italici in oppidis , templaque , & numinum effigies , juris atque imperiî Romani esse » : ita donum apud Antium statuitur. Et quando de religionibus tractabatur , dilatum nuper responsum adversùs Servium Maluginensem , flaminem Dialem , prompsit Cæsar ; recitavitque decretum pontificum : « Quotiens valetudo adversa flaminem Dialem incessisset , ut , pontificis maximi arbitrio , plusquam binoctium abesset : dum ne diebus publici sacrificii , neu sæpius quàm bis eundem in annum ». Quæ , Principe

K iv

~~=====~~  
 A. U. C. 775.  
 J. C. 22.  
 Augusto constituta, satis ostendebant, annuam absentiam & provinciarum administrationem Dialibus non concedi: memorabaturque L. Metelli, pontificis maximi, exemplum, qui Aulum Postumium, flaminem, attinisset. Ita fors Asiae in eum, qui consularium Maluginensi proximus erat, conlata.

LXXII. IISDEM diebus Lepidus ab senatu petivit, « ut basilicam Paulli, » Æmilia monimenta, propriâ pecuniâ » firmaret ornaretque ». Erat etiam tum in more publica munificentia: nec Augustus arguerat Taurum, Philippum, Balbum, hostiles exuvias, aut exundantes opes, ornatum ad Urbis, & posterum gloriam conferre: quo tum exemplo Lepidus, quamquam pecuniæ modicus, avitum decus recoluit. At Pompeii theatrum igne fortuito haustum, Cæsar exstructurum pollicitus est, « eò quòd nemo » e familiâ restaurando sufficeret, manente » tamen nomine Pompeii ». Simul laudibus Sejanum extulit, « tamquam la- » bore vigilantiaque ejus tanta vis unum » intra damnum stetisset »; & censuere patres « effigiem Sejano, quæ apud thea- » trum Pompeii locaretur ». Neque multò post Cæsar, cum Junium Blæsum, pro-

consulem Africæ, triumphi insignibus attolleret, « dare id se » dixit « honori » Sejani », cujus ille avunculus erat.

A. U. C.

775.

J. C.

22.

LXXIII. AC TAMEN res Blæsi dignæ decore tali fuere : nam Tacfarinas, quamquam sæpius depulsus, reparatis per in-  
tima Africæ auxiliis, huc adrogantiæ venerat, ut legatos ad Tiberium mitteret, « sedemque » ultro « sibi atque exercitui » suo » postularet, aut « bellum inexple-  
cabile » minitaretur. Non aliàs magis suâ populi que Romani contumeliâ indoluisse Cæsarem ferunt, quàm « quòd de-  
fertor & prædo, hostium more ageret. » Ne Spartaco quidem, post tot consula-  
rium exercituum clades inultam Italiam urenti, quamquam Sertorii atque Mi-  
thridatis ingentibus bellis labaret res-  
publica, datum, ut pacto in fidem acciperetur : nedum, pulcherrimo populi  
Romani fastigio, latro Tacfarinas, pace  
& concessione agrorum redimeretur.  
Dat negotium Blæso, « ceteros quidem  
ad spem proliceret arma sine noxâ po-  
nendi ; ipsius autem ducis quoquo modo  
potiretur ».

LXXIV. ET RECEPTI eâ veniâ plerique : mox adversum artes Tacfarinatis, haud dissimili modo belligeratum. Nam

K v



quia ille robore exercitûs impar, furandî  
 melior, plures per globos incurfaret,  
 eluderetque, & infidias fimul tentaret;  
 tres incessus, totidem agmina parantur:  
 ex quîs Cornelius Scipio legatus præfuit,  
 quâ prædatio in Leptitanos, & suffugia  
 Garamantum; alio latere, ne Cirtensium  
 pagi impunè traherentur, propriam ma-  
 num Blæsus filius duxit: medio, cum  
 delectis, castella & munitiones idoneis  
 locis imponens, dux ipse arcta & infensa  
 hostibus cuncta fecerat; quia quoquò  
 inclinarent, pars aliqua militis Romani  
 in ore, in latere, & sæpe a tergo erat:  
 multique eo modo cæsi, aut circumventi.  
 Tunc tripartitum exercitum plures in  
 manus dispergit, præponitque centuriones  
 virtutis expertæ: nec, ut mos fuerat,  
 actâ æstate retrahit copias, aut in hiberna-  
 culis veteris provinciæ componit: sed ut  
 in limine belli, dispositis castellis, per  
 expeditos & solitudinum gnaros, mutan-  
 tem mapalia Tacfarinatem proturbat:  
 donec, fratre ejus capto, regressus est,  
 properantiùs tamen quàm ex utilitate so-  
 ciorum, relictis per quos resurgeret bel-  
 lum. Sed Tiberius pro confecto interpre-  
 tatus, id quoque Blæso tribuit, ut *impe-*  
*rator* a legionibus salutaretur; prisco erga

duces honore, qui, bene gestâ republicâ, A. U. C.  
775.  
J. C.  
22.  
gaudio & impetu victoris exercitûs con-  
clamabantur: erantque plures simul im-  
peratores, nec super ceterorum æqualita-  
tem: concessit quibusdam & Augustus id  
vocabulum; ac tunc Tiberius Blæso pos-  
tremum.

LXXV. OBIERE eo anno viri inlustres,  
Asinius Saloninus, M. Agrippâ & Pollione  
Asinio avis, fratre Druso insignis, Cæ-  
sarique progener destinatus: & Capito  
Ateius, de quo memoravi, principem  
in civitate locum studiis civilibus adse-  
cutus; sed avo centurione Sullano, patre  
prætorio. Consulatum ei adceleraverat  
Augustus, ut Labeonem Antistium, iis-  
dem artibus præcellentem, dignatione  
ejus magistratûs anteiret. Namque illa  
ætas duo pacis decora simul tulit: sed  
Labeo incorruptâ libertate, & ob id famâ  
celebratior: Capitonis obsequium domi-  
nantibus magis probabatur. Illi, quod  
præturam intra stetit, commendatio ex  
injuriâ; huic, quod consulatum adeptus  
est, odium ex invidiâ oriebatur.

LXXVI. ET JUNIA, sexagesimo quarto  
post Philippensem aciem anno, supre-  
mum diem explevit, Catone avunculo  
genita, C. Cassii uxor, M. Bruti soror.

K vj

**Testamentum** ejus multo apud vulgum  
**A. U. C.** rumore fuit ; quia , in magnis opibus ,  
 775. cùm ferme cunctos proceres cum honore  
 J. C. nominavisset , Cæsarem omisit : quod ci-  
 22. viliter acceptum : neque prohibuit quo-  
 minus laudatione pro rostris , ceterisque  
 sollemnibus funus cohonestaretur. Viginti  
 clarissimarum familiarum imagines ante-  
 latae sunt , Manlii , Quinctii , aliaque  
 ejusdem nobilitatis nomina : sed præful-  
 gebant Cassius atque Brutus , eo ipso quòd  
 effigies eorum non visebantur.



# B R E V I A R I U M

## LIBRI QUARTI.

I. *Æ* L I I *Sejanī origo & mores.*  
 II. *Militari & senatorio ambitu ad dominationem adspirat.* III. *Qualem exercituum & reipublicæ statum nactus.* VIII. *Primas dominandi spes, veneno Druso Cæsari dato, auspicatur, consciâ uxore ejus Liviâ. Senatum morte Drusi mæstum erigit Tiberius; patribusque commendat, ut imperii heredes, Germanici filios.* XII. *Iis, matrique Agrippinæ perniciem molitur Sejanus, scelerum ferox.* XIII. *Aliquot provinciarum legationes & accusationes. Histriones Italiâ pulsi.* XV. *Templum ab Asiæ civitatibus Tiberio, Liviæ, & senatui decretum.* XVI. *De flamīne*

*Diali nova lex. XVII. Neronem & Drusum , Germanici filios , diis commendatos a pontificibus queritur Tiberius. XVIII. Quâ causâ promptissimos Germanici amicos subvertit Sejanus. Alii accusati ac damnati. XXIII. In Africâ bello finem imponit Dolabella , cæso Tacfarinate. XXVII. Mota per Italiam servilis belli semina statim oppressa. XXVIII. Vibius Serenus a filio accusatus. P. Suilius , Cremutius Cordus , aliique damnati. XXXVI. Cyzicenis libertas adempta. XXXVII. Tiberius spernit templi hōnorem ab Hispanis oblatum. XXXIX. Sejanus , nimiâ fortunâ socors , Liviam sibi uxorem petit. XLI. Matrimonii spe dejectus , Principem ad vitam procul Româ degen- dam impellit. XLIII. Legationes Græcorum de asylorum jure. XLIV. Mors Cn. Lentuli & L. Domitii.*


**XLV.** *L. Piso in Hispaniâ interficitur.* **XLVI.** *Contusis Thracum gentibus, triumphî insignia accipit Poppæus Sabinus.* **LII.** *Claudia Pulchra adulterii accusata & damnata.* **LIII.** *Agrippina maritum sibi postulat, nec obtinet.* **LV.** *Undecim Asiæ urbes certant, in quâ earum templum Tiberii statueretur. Smyrnæi prælati.* **LVII.** *Tiberius in Campaniam secedit. Ibi repentino lapidum lapsu periclitantem, opposito corpore, periculo eximit Sejanus, ex eo major, & adversus Germanici stirpem audacior.* **LX.** *Neronem adgreditur.* **LXII.** *Apud Fidenas amphitheatricasu quinquaginta hominum millia debilitata, vel obtrita.* **LXIV.** *Romæ deustus mons Cælius.* **LXVII.** *In insulam Capreas se abdit Tiberius. Sejanus apertis adversum Agrippinam & Neronem insidiis grassatur.*

**LXVIII.** *Titius Sabinus ob amicitiam Germanici ipsis Kalendis Januarii punitur.* **LXXI.** *Mors Juliae, Augusti neptis.* **LXXII.** *Frisii rebelant, & ægre repressi.* **LXXV.** *Agrippina, Germanici filia, Cn. Domitio nupta.*

Hæc sexennio fere gesta.

A. U. C.     J. C.

|             |           |  |
|-------------|-----------|--|
| DCCLXXVI.   | 23. Coff. | { C. ASINIO Pollione,<br>C. ANTISTIO Vetere.                 |
| DCCLXXVII.  | 24. Coff. | { SERGIO CORNELIO<br>Cethego,<br>L. VISELLIO Varrone.        |
| DCCLXXVIII. | 25. Coff. | { M. ASINIO Agrippa,<br>COSMO CORNELIO<br>Lentulo.           |
| DCCLXXIX.   | 26. Coff. | { CN. CORNELIO Len-<br>tulo Gætulico,<br>C. CALVISIO Sabino. |
| DCCLXXX.    | 27. Coff. | { M. LICINIO Crasso,<br>L. CALPURNIO Pisone.                 |
| DCCLXXXI.   | 28. Coff. | { AP. JUNIO Silano,<br>P. SILIO Nervæ.                       |



# C. CORNELII

## TACITI

### ANNALES.

---

#### LIBER QUARTUS.

---

**C.** ASINIO, C. Antistio consulibus, A. U. C.  
776.  
J. C.  
23.  
 nonus Tiberio annus erat composita rei-  
 publicæ, florentis domûs: (nam Ger-  
 manici mortem inter prospera ducebat)  
 cùm repentè turbare fortuna cœpit; sæ-  
 vire ipse, aut sævientibus vires præbere.  
 Initium & causa penes Ælium Sejanum,  
 cohortibus prætoriiis præfectum, cujus de  
 potentiâ suprâ memoravi: nunc originem,  
 mores, &, quo facinore dominationem  
 raptum ierit, expediam. Genitus Vuls-



**=====** nius, patre Seio Strabone, equite Romano, & primâ. juventâ C. Cæsarem, divi Augusti nepotem, sectatus, non sine rumore Apicio diviti & prodigo stuprum veno dedisse: mox Tiberium variis artibus devinxit adeò, ut obscurum adversum alios, sibi uni incautum intectumque efficeret; non tam solertiâ, (quippe iisdem artibus victus est) quàm deum irâ in rem Romanam, cujus pari exitio viguit, ceciditque. Corpus illi laborum tolerans, animus audax: suû obtegens, in alios criminator: juxtâ adulatio & superbia: palam compositus pudor, intus summa apiscendi libido: ejusque causâ, modò largitio & luxus, sæpius industria ac vigilantia, haud minùs noxiæ, quotiens parando regno finguntur.

II. Vim præfecturæ, modicam antea, intendit, dispersas per Urbem cohortes una in castra conducendo; ut simul imperia acciperent, numeroque & robore, & visu inter se, fiducia ipsis, in ceteros metus crederetur. Prætendebat « lascivire » militem diductum: si quid subitum » ingruat, majore auxilio pariter sub- » veniri: & severiùs acturos, si vallum » statuatur procul Urbis inlecebris ». Ut perfecta sunt castra, inrepere paullatim

militares animos, adeundo, appellando: simul centuriones ac tribunos ipse deligere: neque senatorio ambitu abstinebat, clientes suos honoribus aut provinciis ornando, facili Tiberio, atque ita prono, ut *socium laborum*, non modò in sermonibus, sed apud patres & populum celebraret, colique per theatra & fora effigies ejus, interque principia legionum sineret.

A. U. C.  
776.  
J. C.  
23.

III. CETERUM plena Cæsarum domus, juvenis filius, nepotes adulti, moram cupitis adferebant: &, quia vi tot simul corripere intutum, dolus intervalla scelerum poscebat. Placuit tamen occultior via, & a Druso incipere, in quem recenti irâ ferebatur. Nam Drusus impatiens æmuli, & animo commotior, orto fortè jurgio intenderat Sejano manus, & contrà tendentis os verberaverat. Igitur cuncta tentanti promptissimum visum, ad uxorem ejus Liviam convertere; quæ soror Germanici, formæ initio ætatis indecoræ, mox pulchritudine præcellebat. Hanc, ut amore incensus, adulterio pellexit: & postquam primi flagitii potitus est, (neque femina, amissâ pudicitiam, alia abnuerit) ad conjugii spem, consortium regni, & necem mariti impulit. Atque

**=====** illa , cui avunculus Augustus , focer Tiberius , ex Druso liberi , sequæ ac majores & posteros municipali adultero fœdabat ; ut pro honestis & præsentibus , flagitiosa & incerta exspectaret. Sumitur in conscientiam Eudemus , amicus ac medicus Livie , specie artis frequens secretis : pellit domo Sejanus uxorem Apicatam , ex quâ tres liberos genuerat , ne pellici suspectaretur. Sed magnitudo facinoris metum , prolationes , diversa interdum consilia adferebat.

IV. INTERIM anni principio , Drusus ex Germanici liberis togam virilem sumpsit ; quæque fratri ejus Neroni decreverat senatus , repetita : addidit orationem Cæsar , multâ cum laude filii sui , « quod patriâ benevolentiam in fratris liberos foret ». Nam Drusus ( quamquam arduum sit , eodem loci potentiam & concordiam esse ) æquus adolescentibus , aut certè non adversus habebatur. Exin vetus & sæpe simulatum proficiscendi in provincias consilium refertur : « multitudinem veteranorum » prætexebat Imperator , & « delectibus supplendos exercitus : nam » voluntarium militem deesse ; ac si suppeditet , non eâdem virtute ac modestiâ agere : quia plerumque inopes ac vagi

«sponte militiam fumant»: percensuitque cunctum numerum legionum, & quas provincias tutarentur. Quod mihi quoque exsequendum reor, quæ tum Romana copia in armis, qui socii reges, quantum sit angustius imperitatum.

A. U. C.

776.

J. C.

23.

V. ITALIAM utroque mari duæ classes, Misenum apud & Ravennam, proximumque Galliarum litus rostratarum naves præfidebant, quas Actiacâ victoriâ captas Augustus in oppidum Forojulienſe miserat, valido cum remige. Sed præcipuum robur Rhenum juxta, commune in Germanos Gallosque subsidium, octo legiones erant. Hispaniarum recens perdomitæ, tribus habebantur. Mauros Juba rex acceperat, donum populi Romani. Cetera Africæ, per duas legiones, parique numero Ægyptus: dehinc initio ab Syriâ usque ad flumen Euphraten, quantum ingenti terrarum sinu ambitur, quatuor legionibus coercita; accolis Ibero, Albanoque, & aliis regibus, qui magnitudine nostrâ proteguntur adversum externa imperia. Et Thraciam Rhæmetalces, ac liberi Cotyis; ripamque Danubii, legionum duæ in Pannoniâ, duæ in Mœsiâ attinebant: totidem apud Dalmatiam locatis, quæ positu regionis a tergo illis, ac, si

~~■■■■■~~ A. U. C. 776. J. C. 23.   
 repentinum auxilium Italia posceret, haud  
 procul accirentur. Quamquam insideret  
 Urbem proprius miles, tres Urbanæ,  
 novem prætoriarum cohortes, Etruriâ ferme  
 Umbriâque delectæ, aut vetere Latio,  
 & coloniis antiquitus Romanis. At apud  
 idonea provinciarum sociæ triremes, alæ-  
 que, & auxilia cohortium: neque multò  
 secus in iis virium: sed persequi incertum  
 fuerit, cùm ex usu temporis huc illuc  
 mearent, gliscerent numero, & aliquando  
 minuerentur.

VI. CONGRUENS crediderim recensere  
 ceteras quoque reipublicæ partes, quibus  
 modis ad eam diem habitæ sint; quando  
 Tiberio mutati in deterius principatûs  
 initium ille annus attulit. Jam primùm  
 publica negotia, & privatorum maxima,  
 apud patres tractabantur: dabaturque  
 primoribus differere; & in adulationem  
 lapsos, cohibebat ipse. Mandabatque  
 honores, nobilitatem majorum, clari-  
 tudinem militiæ, inlustres domi artes  
 spectando; ut satis constaret, non alios  
 potiores fuisse. Sua consulibus, sua præ-  
 toribus species: minorum quoque ma-  
 gistratuum exercita potestas; legesque,  
 si majestatis quæstio eximeretur, bono  
 in usu. At frumenta, & pecuniæ vecti-

gales, cetera publicorum fructuum, societatibus equitum Romanorum agitabantur. Res suas Cæsar spectatissimo cuique, quibusdam ignotis ex famâ mandabat; semelque adsumpti tenebantur; prorsus sine modo, cum plerique iisdem negotiis insenescerent. Plebes acri quidem annonâ fatigabatur: sed nulla in eo culpa ex principe: quin infecunditati terrarum, aut asperis maris obviam iit, quantum impendio, diligentiaque poterat. Et ne provinciæ novis oneribus turbarentur, utque vetera, sine avaritiâ aut crudelitate magistratuum, tolerarent, providebat: corporum verbera, ademptiones bonorum aberant.

A. U. C.

776.

J. C.

239

VII. RARI per Italiam Cæsar's agri; modesta servitia, intra paucos libertos domus: ac si quando cum privatis disceptaret, forum & jus. Quæ cuncta, non quidem comi viâ, sed horridus, ac plerumque formidatus, retinebat tamen, donec morte Drusi verterentur: nam dum superfuit, mansere; quia Sejanus, incipiente adhuc potentiâ, bonis consiliis notescere volebat; & ultor metuebatur, non occultus odii, & crebrò querens, incolumi filio, adiutorem imperii alium vocari: & quantum superesse ut

~~■■■■■~~ »collega dicarur? Primas dominandi spes  
 A. U. C. »in arduo: ubi sis ingressus, adesse studia  
 776. »& ministros: exstructa jam, sponte præ-  
 J. C. »fecti, castra; datos in manum milites:  
 23. »cerni effigiem ejus in monimentis Cn.  
 »Pompeii: communes illi cum familiâ  
 »Drusorum fore nepotes: precandam post  
 »hæc modestiam, ut contentus esset». Neque raro, neque apud paucos talia  
 jaciebat: & secreta quoque ejus, corruptâ uxore, prodebantur.

VIII. Igitur Sejanus maturandum  
 ratus, deligit venenum, quo paullatim  
 inrepente, fortuitus morbus adsimulare-  
 tur: id Druso datum per Lygdum spa-  
 donem, ut octo post annos cognitum est.  
 Ceterum Tiberius per omnes valetudinis  
 ejus dies, nullo meru, an ut firmitudi-  
 nem animi ostentaret, etiam defuncto,  
 necdum sepulto, curiam ingressus est:  
 consulesque, sede vulgari, per speciem  
 mæstitiæ sedentes, honoris locique ad-  
 monuit; & effusum in lacrimas senatum,  
 victo gemitu, simul oratione continuâ  
 erexit. «Non quidem sibi ignarum, posse  
 »argui, quod tam recenti dolore subierit  
 »oculos senatûs: vix propinquorum adlo-  
 »quia tolerari, vix diem aspici a plerisque  
 »lugentium: neque illos imbecillitatis  
 »damnandos;

»damnandos; se tamen fortiora solatia e  
 »complexu reipublicæ petivisse». Mife- A. U. C.  
 ratusque «Augustæ extremam senectam, 776.  
 »rudem adhuc nepotum, & vergentem J. C.  
 »ætatem suam, ut Germanici liberi, 23.  
 »unica præsentium malorum levamenta,  
 »inducerentur», petivit. Egressi consules  
 firmatos adloquio adolescentulos, deduc-  
 tosque ante Cæsarem statuunt. Quibus  
 adprehensis, «Patres conscripti, hos»,  
 inquit, «orbatos parente, tradidi patruo  
 »ipforum, precatusque sum, quamquam  
 »esset illi propria soboles, ne secus quàm  
 »suum sanguinem foveret ac tolleret;  
 »sibique & posteris conformaret. Erepto  
 »Druso, preces ad vos converto, diisque  
 »& patriâ coram obtestor, Augusti pro-  
 »nepotes, clarissimis majoribus genitos  
 »suscipite, regite: vestram meamque vi-  
 »cem explete. Hi vobis, Nero & Druse;  
 »parentum loco: ita nati estis, ut bona  
 »malaque vestra ad rempublicam perti-  
 »neant».

IX. MAGNO ea fletu, & mox preca-  
 tionibus faustis audita; ac, si modum  
 orationi posuisset, misericordiâ suâ gloriâ-  
 que animos audientium impleverat: ad  
 vana & totiens inrifa revolutus, «de  
 »reddendâ reipublicâ: utque consules,

*Tom. I.*

**L**



A. U. C. 776. J. C. 23.   
 seu quis alius, regimen susciperent, vero quoque & honesto fidem dempsit. Memoria Drusi eadem, quæ in Germanicum, decernuntur; plerisque additis, ut ferme amat posterior adulatio. Funus imaginum pompâ maximè inlustre fuit, cum origo Juliæ gentis Æneas, omnesque Albanorum reges, & conditor Urbis Romulus, post Sabina nobilitas, Attus Clausus, ceteræque Claudiorum effigies, longo ordine spectarentur.

X. IN TRADENDA morte Drusi, quæ plurimis maximèque fidis auctoribus memorata sunt, retuli: sed non omiserim eorundem temporum rumorem, validum adeò, ut nondum exolescat. « Corruptâ ad scelus Liviâ, Sejanum Lygdi quoque spadonis animum stupro vinxisse: quod is Lygdu ætate atque formâ carus domino, interque primores ministros erat: deinde, inter conscios ubi locus veneficii tempusque composita sint, eò audaciæ provectum, ut verteret; & occulto indicio Drusum veneni in patrem arguens, moneret Tiberium, vitandam potionem, quæ prima ei, apud filium epulanti, offerretur. Eâ fraude tum senem, postquam convivium inierat, exceptum poculum Druso tradidisse; atque illo

ignaro, & juveniliter hauriente, auc-  
tam suspicionem, tamquam metu &  
pudore, sibimet inrogaret mortem,  
quam patri struxerat.

A. U. C.

776.

J. C.

23.

XI. HÆC vulgò jactata, super id, quòd  
nullo auctore certo firmantur, promptè  
refutaveris. Quis enim mediocri pruden-  
tiâ, nedum Tiberius, tantis rebus exer-  
citus, inaudito filio exitium offerret,  
idque suâ manu, & nullo ad pænitendum  
regressu? Quin potius ministrum venenî  
excruciatet; auctorem exquireret; insitâ  
denique, etiam in extraneos, cunctatione  
& morâ, adversum unicum, & nullius  
antè flagitii compertum, uteretur. Sed  
quia Sejanus facinorum omnium repertor  
habebatur, ex nimîâ caritate in eum  
Cæsaris, & ceterorum in utrumque odio,  
quamvis fabulosa & immania credebantur:  
atrociore semper famâ erga domi-  
nantium exitus. Ordo alioqui sceleris per  
Apicatam Sejani proditus, tormentis Eu-  
demi ac Lygdi patefactus est: neque quis-  
quam scriptor tam infensus exstitit, ut  
Tiberio objectaret, cùm omnia alia  
conquirerent, intenderentque. Mihi tra-  
dendi arguendique rumoris causa fuit,  
ut, claro sub exemplo, falsas auditiones  
depellerem, peteremque ab iis, quorum

L ij

~~in~~ in manus cura nostra venerit, ne divulgata atque incredibilia, avidè accepta, veris, neque in miraculum corruptis, antehabeant.

A. U. C.  
776.  
J. C.  
23.

XII. CETERUM laudante filium pro rostris Tiberio, senatus populusque habitum ac voces dolentum simulatione magis quàm libens induebat, domumque Germanici revirescere occulti lætabantur. Quod principium favoris, & mater Agrippina, spem malè regens, perniciem acceleraverè. Nam Sejanus, ubi videt mortem Drusi inultam interfectoris, sine mærore publico esse, ferox scelerum, & quia prima provenerant, volutare secum, quonam modo Germanici liberos perverteret, quorum non dubia successio: neque spargi venenum in tres poterat, egregiâ custodum fide, & pudiciâ Agrippinæ impenetrabili. Igitur contumaciam ejus infectari, vetus Augustæ odium, recentem Liviæ conscientiam exagitare, ut «superbam, fecunditate subnixam, popularibus studiis inhiare dominationi», apud Cæsarem arguerent. Atque hæc calidis criminatoribus: inter quos delegerat Julium Postumum, per adulterium Mutillæ Priscæ inter intimos aviæ, & consiliis suis peridoneum: quia Prisca, in

animo Augustæ valida, anum, suapte  
 naturâ potentia anxiam, infociabilem  
 nurui efficiebat. Agrippinæ quoque pro-  
 ximi inliciebantur, pravis sermonibus  
 tumidos spiritus perstimulare.

A. U. C.  
 776.  
 J. C.  
 23.

XIII. AT TIBERIUS, nihil intermissâ  
 rerum curâ, negotia pro solatiis accipiens,  
 jus civium, preces sociorum tractabat.  
 Factaque, auctore eo, senatusconsulta,  
 « ut civitati Cibyraticæ apud Asiam,  
 » Ægiensi apud Achaiam motu terræ la-  
 » befactis, subveniretur remissione tributi  
 » in triennium ». Et Vibius Serenus,  
 proconsul ulterioris Hispaniæ, de vi pu-  
 blicâ damnatus, ob atrocitatem morum,  
 in insulam Amorgum deportatur. Car-  
 sidius Sacerdos, reus, tamquam frumento  
 hostem Tacfarinatem juvisset, absolvitur;  
 ejusdemque criminis C. Graccus. Hunc  
 comitem exilii admodum infantem, pater  
 Sempronius in insulam Cercinam tulerat.  
 Illic adultus inter extorres, & liberalium  
 artium nescios, mox per Africam ac Sici-  
 liam mutando sordidas merces sustenta-  
 batur: nec tamen effugit magnæ fortunæ  
 pericula. Ac ni Ælius Lamia, & L. Apro-  
 nius, qui Africam obtinuerant, insontem  
 protexissent, claritudine infausti generis,  
 & paternis adversis foret abstractus.

L iij

XIV. IS QUOQUE annus legationes Græ-  
 carum civitatum habuit, Samiis & Juno-  
 nis, Cois & Æsculapii delubro, vetustum  
 asyli jus ut firmaretur, petentibus.  
 Samii decreto Amphictyonum nitebantur,  
 quibus præcipuum fuit rerum omnium ju-  
 dicium, quâ tempestate Græci, conditis  
 per Asiam urbibus, orâ maris potiebantur.  
 Neque dispar apud Coos antiquitas; &  
 accedebat meritum ex loco. Nam cives  
 Romanos templo Æsculapii induxerant,  
 cum, jussu regis Mithridatis, apud cun-  
 ctas Asiæ insulas & urbes trucidarentur.  
 Variis dehinc & sæpius inritis prætorum  
 questibus, postremò Cæsar « de immoder-  
 atâ histrionum » retulit. « Multa ab iis  
 in publicum seditiosè, fœda per domos  
 tentari: Oscum quondam ludicrum,  
 levissimæ apud vulgum oblectationis,  
 eò flagitiorum & virium venisse, ut  
 auctoritate patrum coercendum sit ».  
 Pulsi tum histriones Italiâ.

XV. IDEM annus alio quoque luctu  
 Cæsarem adficit, alterum ex geminis  
 Drusi liberis extinguendo: neque minùs  
 morte amici. Is fuit Lucilius Longus,  
 omnium illi tristium lætorumque socius,  
 unusque e senatoribus Rhodii secessus  
 comes. Ita, quamquam novo homini,

cenforium funus, effigiem apud forum ~~=====~~  
 Augufti, publicâ pecuniâ patres decre- A. U. C.  
 vere; apud quos etiam tum cuncta trac- 776.  
 tabantur: adeò ut procurator Afîæ Lucilius J. C.  
 Capito, accusante provinciâ, causam 23.  
 dixerit, magnâ cum adfeveratione Prin-  
 cipis, « non se jus nisi in servitia, &  
 » pecunias familiares dedisse: quòd si vim  
 » prætoris ufurpasset, manibusque militum  
 » usus foret, spreta in eo mandata sua:  
 » audirent socios». Ita reus, cognito ne-  
 gotio, damnatur. Ob quam ultionem,  
 & quia priore anno in C. Silanum vindi-  
 catum erat, decrevere Afîæ urbes « tem-  
 » plum Tiberio matrique ejus, ac senatui». Et  
 permiffum statuere: egitque Nero  
 grates eâ causâ patribus atque avo, lætas  
 inter audientium adfectiones, qui, re-  
 centi memoriâ Germanici, illum aspici,  
 illum audiri rebantur: aderantque juveni  
 modestia, ac forma, principe viro digna,  
 notis in eum Sejani odiis, ob periculum  
 gratiora.

XVI. SUB idem tempus « de flamine  
 » Diali, in locum Servii Maluginensis  
 » defuncti legendo, simul rogandâ novâ  
 » lege», differuit Cæsar. « Nam patricios  
 » confarreatis parentibus genitos, tres  
 » simul nominari, ex quibus unus legeretur,

L iv

===== »vetusto more; neque adesse, ut olim;  
 A. U. C. »eam copiam, omisâ confarreandi ad-  
 776. »suetudine, aut inter paucos retentâ:  
 J. C. »pluresque ejus rei causas» adferebat;  
 23. «potissimam, penes incuriam virorum  
 »feminarumque. Accedere ipsius cæri-  
 »moniaë difficultates, quæ consultò vita-  
 »rentur; & quando exiret e jure patrio,  
 »qui id flaminium apisceretur, quæque  
 »in manum flaminis conveniret. Ita me-  
 »dendum senatûs decreto, aut lege;  
 »sicut Augustus quædam ex horridâ illâ  
 »antiquitate, ad præsentem usum flexis-  
 »set». Igitur tractatis religionibus, pla-  
 »citum «instituto flaminum nihil demu-  
 »tari»: sed lata lex, quâ «flaminica  
 »Dialis sacrorum causâ in potestate viri,  
 »cetera promiscuo feminarum jure age-  
 »ret»: & filius Maluginensis patri suf-  
 »fectus. Utque glisceret dignatio sacerdo-  
 »tum, atque ipsis promptior animus foret  
 »ad capeffendas cærimonias, decretum  
 »Corneliaë virgini, quæ in locum Scantiaë  
 »capiebatur, LLS. XX; & quotiens Au-  
 »gusta theatrum introisset, ut sedes inter  
 ===== »Vestalium consideret».

A. U. C. XVII. CORNELIO Cethego, Visellio  
 777. Varrone consulibus pontifices, eorum-  
 J. C. que exemplo ceteri sacerdotes, cùm proq  
 24.

incolumitate Principis vota susciperent , A. U. C. 777. J. C. 24.  
 Neronem quoque & Drusum iisdem diis commendavere ; non tam caritate juvenum , quàm adulatione : quæ moribus corruptis , perinde anceps si nulla , & ubi nimia est. Nam Tiberius haud umquam domui Germanici mitis , tum verò « æquari adolescentes senectæ suæ » , impatienter indoluit : accitosque pontifices percunctatus est , « num id precibus Agrippinæ , aut minis tribuissent » . Et illi quidem , quamquam abnuerent , modicè perstricti , ( etenim pars magna e propinquis ipsius , aut primores civitatis erant : ) ceterum in senatu , oratione monuit in posterum , « ne quis mobiles adolescentium animos , præmaturis honoribus ad superbiam extolleret » . Instabat quippe Sejanus , incusabatque « diductam civitatem , ut civili bello : esse qui se partium Agrippinæ vocent : ac ni resistatur , fore plures : neque aliud gliscentis discordiæ remedium , quàm si unus alterve maxime prompti subverterentur » .

XVIII. QUA CAUSA C. Silium , & Titium Sabinum , adgreditur : amicitia Germanici perniciofa utrique ; Silio & , quòd ingentis exercitûs septem per annos moderator , partisque apud Germaniam

L v



A. U. C.

777.

J. C.

24.

triumphalibus, Sacroviriani belli victor, quantò majore mole procideret, plus formidinis in alios dispergebatur. Credebant plerique auctam offensionem ipsius intemperantiâ, immodicè jactantis, « suum militem in obsequio duravisse, » cùm alii ad seditiones prolaberentur: » neque mansurum Tiberio imperium, » si iis quoque legionibus cupido novandi » fuisset ». Destruui per hæc fortunam suam Cæsar, imparemque tanto merito rebatur. Nam beneficia eò usque læta sunt, dum videntur exsolvi posse: ubi multum antevenere, pro gratiâ odium redditur.

XIX. ERAT uxor Silio Sofia Galla, caritate Agrippinæ invisa Principi. Hos corripi, dilato ad tempus Sabino, placitum: immissusque Varro consul, qui « paternas inimicitias » obtendens, odiis Sejani per dedecus suum gratificabatur. Precante reo, « brevem moram, dum » accusator consulatu abiret », adversatus est Cæsar: « solitum quippe magistratibus, » diem privatis dicere: nec infringendum » consulis jus, cujus vigiliis niteretur, ne » quod respublica detrimentum caperet ». Proprium id Tiberio fuit, scelera nuper reperta priscis verbis obtegere. Igitur multâ adseveratione, quasi aut legibus

cum Silio ageretur, aut Varro consul, aut illud respublica esset, coguntur patres; silente reo, vel si defensionem cœptaret, non occultante, cujus irâ premeretur. « Conscientiâ belli Sacrovir diu dissimulatus, victoria per avaritiam fœdata, & uxor Sosia » arguebantur: nec dubiè repetundarum criminibus hærebant: sed cuncta quæstione majestatis exercita; & Silius imminentem damnationem voluntario fine prævertit.

A. U. C.  
777.  
J. C.  
24.

XX. SÆVITUM tamen in bona, non ut stipendiariis pecuniæ redderentur, quorum nemo repetebat: sed liberalitas Augusti avulsa, computatis singillatim quæ fisco petebantur: ea prima Tiberio erga pecuniam alienam diligentia fuit. Sosia in exsilium pellitur Asinii Galli sententiâ, qui « partem bonorum publicandam, pars ut liberis relinqueretur », censuerat. Contrà M. Lepidus « quartam » accusatoribus, secundum necessitudinem » legis, cetera liberis » concessit. Hunc ego Lepidum, temporibus illis, gravem & sapientem virum fuisse comperio. Nam pleraque ab sœvis adulationibus aliorum, in melius flexit: neque tamen temperamenti egebat, cum æquabili auctoritate & gratiâ apud Tiberium viguerit. Unde

L vj

dubitare cogor, fato & sorte nascendi,  
 A. U. C. ut cetera, ita principum inclinatio in  
 777. hos, offensio in illos: an sit aliquid in  
 J. C. nostris consiliis, liceatque inter abruptam  
 24. contumaciam, & deforme obsequium,  
 pergere iter ambitione ac periculis va-  
 cuum. At Messalinus Cotta, haud minùs  
 claris majoribus, sed animo diversus,  
 censuit « cavendum senatusconsulto, ut  
 »quamquam infantes magistratus, &  
 »culpæ alienæ nescii, provincialibus uxo-  
 »rum criminibus, perinde quàm suis  
 »plecterentur».

XXI. ACTUM dehinc de Calpurnio  
 Pisone, nobili ac feroci viro. Is namque,  
 ut retuli, «cessurum se Urbe ob factiones  
 »accusatorum», in senatu clamitaverat:  
 & spretâ potentiâ Augustæ, trahere in jus  
 Urgulanium, domoque Principis excire  
 ausus erat. Quæ in præsens Tiberius ci-  
 viliter habuit: sed in animo revolvente  
 iras, etiamsi impetus offensionis langue-  
 rat, memoria valebat: Pisonem Q. Granius  
 secreti sermonis incusavit, adversum ma-  
 jestatem habiti: adjecitque «in domo  
 »ejus venenum esse, eumque gladio ac-  
 »cinctum introire curiam». Quod, ut  
 atrocius vero, tramissum: ceterorum,  
 quæ multa cumulabantur, receptus est

reus; neque peractus, ob mortem opportunam. Relatum & de Cassio Severo exsule, qui sordidæ originis, maleficæ vitæ, sed orandi validus, per immodicas inimicitias, ut iudicio iurati senatûs Cretam amoveretur, effecerat: atque illic eadem actitando, recentia veteraque odia advertit: bonisque exutus, interdicto igni atque aquâ, saxo Seriphio consenuit.

A. U. C.

777.

J. C.

249

XXII. PER idem tempus Plautius Silvanus, prætor, incertis causis Aproniam conjugem in præcepis jecit; tractusque ad Cæsarem ab L. Apronio socero, turbatâ mente respondit, tamquam « ipse somno gravis, atque eò ignarus, & uxor sponte mortem sumpsisset ». Non cunctanter Tiberius pergit in domum, visit cubiculum; in quo reluctantis & impulsæ vestigia cernebantur. Refert ad senatum, datisque iudiciis, Urgulania, Silvani avia, pugionem nepoti misit. Quod perinde creditum, quasi Principis monitu; ob amicitiam Augustæ cum Urgulaniâ. Reus, frustra tentato ferro, venas præbuit exsolvendas. Mox Numantina, prior uxor ejus, accusata « injecisse carminibus & veneficiis vecordiam marito », insons judicatur.

XXIII. IS DEMUM annus populum

Romanum longo adversum Numidam  
 Tacfarinatem bello absolvit. Nam priores  
 duces, ubi impetrando triumphalium  
 insigni sufficere res suas crediderant, hos-  
 tem omittebant: jamque tres laureatæ in  
 Urbe statuæ; & adhuc raptabat Africam  
 Tacfarinas, auctus Maurorum auxiliis,  
 qui Ptolemæo, Jubæ filio, juventâ incu-  
 rioso, libertos regios, & servilia imperia  
 bello mutaverant. Erat illi prædarum re-  
 ceptor, ac socius populandi, rex Gara-  
 mantum; non ut cum exercitu incederet,  
 sed missis levibus copiis, quæ ex longin-  
 quo in majus audiebantur: ipsâque e  
 provinciâ, ut quis fortunæ inops, moribus  
 turbidus, promptiùs ruebant, quia Cæsar,  
 post res a Blæso gestas, quasi nullis jam  
 in Africâ hostibus, reportari nonam le-  
 gionem jusserat: nec proconsul ejus anni  
 P. Dolabella retinere ausus erat, jussa  
 Principis magis, quàm incerta belli,  
 metuens.

XXIV. Igitur Tacfarinas, disperse  
 rumore, « rem Romanam aliis quoque  
 » ab nationibus lacerari, eoque paullatim  
 » Africâ decedere, ac posse reliquos cir-  
 » cumveniri, si cuncti, quibus libertas  
 » servitio potior, incubuissent »; auget  
 vires, positisque castris, Thubuscum

oppidum circumfidet. At Dolabella, A. U. C.  
777.  
J. C.  
24a  
contracto quod erat militum, terrore nominis Romani, & quia Numidæ pedum aciem ferre nequeunt, primo sui incessu solvit obsidium, locorumque opportuna permunivit: simul principes Musulanorum, defectionem cœptantes, securi percutit. Dein, quia pluribus adversum Tacfarinatem expeditionibus cognitum, non gravi, nec uno incurfu confectandum hostem vagum; excito cum popularibus rege Ptolemæo, quatuor agmina parat, quæ legatis aut tribunis data: & prædatorias manus, delecti Maurorum duxere: ipse consultor aderat omnibus.

XXV. Nec multò post adfertur, « Numidas apud castellum semirutum, ab ipsis quondam incensum, cui nomen Auzea, positus mapalibus consedis; fissos loco, quia vastis circum saltibus claudebatur ». Tum expeditæ cohortes alæque, quam in partem ducerentur ignaræ, cito agmine rapiuntur. Simulque cœptus dies, & concentu tubarum, ac truci clamore aderant semisomnos in barbaros: præpeditis Numidarum equis, aut diversos pastus pererrantibus. Ab Romanis confertus pedes, dispositæ turmæ, cuncta prælio provisa: hostibus contra

omnium nesciis, non arma, non ordo,  
 A. U. C. non consilium, sed pecorum modo, trahi,  
 777. occidi, capi. Infensus miles memoriâ  
 J. C. laborum, & adversum eludentes optata  
 24. toriens pugnae, se quisque ultione &  
 sanguine explebant. Differtur per mani-  
 pulos, « Tacfarinatem omnes, notum  
 » tot praeliis, confectentur: non, nisi  
 » duce interfecto, requiem belli fore ».   
 At ille, dejectis circum stipatoribus,  
 victoque jam filio, & effusis undique  
 Romanis, ruendo in tela, captivitatem  
 haud inultâ morte effugit. Isque finis  
 armis impositus.

XXVI. DOLABELLÆ petenti abnuvit  
 triumphalia Tiberius, Sejano tribuens,  
 ne Blæsi avunculi ejus laus obsolesceret.  
 Sed neque Blæsus ideo inlustrior, & huic  
 negatus honor gloriam intendit. Quippe  
 minore exercitu, insignes captivos, cæ-  
 dem ducis, bellique confecti famam de-  
 portarat. Sequebantur & Garamantum  
 legati, rarò in Urbe visi, quos, Tac-  
 farinate cæso, perculsa gens, nec culpæ  
 nescia, ad satisfaciendum populo Romano  
 miserat. Cognitis dehinc Ptolemæi per id  
 bellum studiis, repetitus ex vetusto mos,  
 missusque e senatoribus, qui scipionem  
 eburnum, togam pictam, antiqua pa-

trum munera, daret, « regemque & fo-  
 »cium atque amicum » appellaret.

A. U. C.

777.

J. C.

24

XXVII. EADEM ætate, mota per  
 Italiam servilis belli femina fors oppressit.  
 Auctor tumultûs T. Curtisius, quondam  
 prætorix cohortis miles, primò cœtibus  
 clandestinis, apud Brundisium & circum-  
 jecta oppida; mox positis propalam libel-  
 lis, ad libertatem vocabat agrestia per  
 longinquos saltus & ferocia servitia: cùm,  
 velut munere deûm, tres biremes adpu-  
 lere ad usus commeantium illo mari. Et  
 erat iisdem regionibus Curtius Lupus,  
 quæstor, cui provincia vetere ex more  
 Calles evenerat. Is, dispositâ classiario-  
 rum copiâ, cœptantem cùm maximè  
 conjurationem disjecit. Missusque a Cæ-  
 sare properè Staius, tribunus, cum validâ  
 manu, ducem ipsum, & proximos au-  
 daciæ in Urbem traxit, jam trepidam,  
 ob multitudinem familiarum, quæ glif-  
 cebat immensum, minore in dies plebe  
 ingenuâ.

XXVIII. IISDEM consulibus, miseria-  
 rum ac sævitix exemplum atrox, reus  
 pater, accusator filius, (nomen utrique  
 Vibius Serenus) in senatum inducti sunt:  
 ab exsilio retractus, inluvieque ac squalore  
 obsitus, & tum catenâ vinctus, perorante



~~=====~~ filio, pater. Paratus adolescens multis  
 A. U. C. munditiis, alacri vultu, «structas Principi  
 777. »insidias, missos in Galliam concitores  
 . J. C. »belli», index idem & testis dicebat;  
 24. adnectebatque, «Cæcilium Cornutum,  
 »prætorium, ministravisse pecuniam»: qui  
 tædio curarum, & quia periculum pro exitio habebatur, mortem in se festina-  
 vit. At contrà reus, nihil infracto animo, obversus in filium, quaterre vin-  
 cula, «vocare ultores deos, ut sibi qui-  
 »dem redderent exfilium, ubi procul  
 »tali more ageret; filium autem quando-  
 »que supplicia sequerentur». Adsevera-  
 batque «innocentem Cornutum, & falsa  
 »exterritum: idque facile intellectu, si  
 »proderentur alii: non enim se cædem  
 »Principis, & res novas, uno socio, co-  
 »gitasse».

XXIX. Tum accusator «Cn. Lentu-  
 »lum, & Seium Tuberonem», nominat:  
 magno pudore Cæsaris, cùm primores civitatis, intimi ipsius amici; Lentulus senectutis extremæ, Tubero defecto cor-  
 pore, tumultûs hostilis, & turbandæ reipublicæ arcesserentur. Sed hi quidem statim exempti. In patrem, ex servis quæsitum: & quæstio adversa accusatori fuit: qui scelere vecors, simul vulgi

rumore territus, « robur & saxum, aut  
 » parricidarum pœnas » minitantium, A. U. C.  
777.  
J. C.  
249  
 cessit Urbe: ac retractus Ravennâ, exse-  
 qui accusationem adigitur; non occultante  
 Tiberio vetus odium, adversus exfulem  
 Serenum. Nam post damnatum Libonem,  
 missis ad Cæsarem literis exprobraverat,  
 « suum tantum studium sine fructu fuisse »:  
 addideratque quædam contumaciùs, quàm  
 tutum apud aures superbas & offensioni  
 proniores. Ea Cæsar octo post annos re-  
 tulit, medium tempus variè arguens;  
 etiam si tormenta, pervicaciâ servorum,  
 contrà evenissent.

XXX. DICTIS dein sententiis, « ut  
 » Serenus more majorum puniretur », quò  
 molliret invidiam, intercessit. Gallus  
 Asinius, « Gyaro aut Donusâ clauden-  
 » dum » censere: id quoque aspernatus  
 est, « egenam aquæ utramque insulam »  
 referens, « dandosque vitæ usus, cui vita  
 » concederetur ». Ita Serenus Amorgum  
 reportatur. Et quia Cornutus suâ manu  
 ceciderat, « actum de præmiis accusato-  
 » rum abolendis, si quis majestatis postu-  
 » latus ante perfectum judicium se ipse  
 » vitâ privavisset »: ibaturque in eam sen-  
 tentiam, ni duriùs contraque morem  
 suum palàm pro accusatoribus Cæsar,

A. U. C. 777.  
 J. C. 24.  
 « inritas leges, rempublicam in præcipiti »  
 conquestus esset : « subverterent potius  
 » jura, quàm custodes eorum amoverent ».

Sic delatores , genus hominum publico  
 exitio repertum , & pœnis quidem num-  
 quam satis coercitum , per præmia eli-  
 ciebantur.

XXXI. His tam adfideis , tamque  
 mæstis , modica lætitia interjicitur , quòd  
 C. Cominium , equitem Romanum , pro-  
 brosi in se carminis convictum , Cæsar  
 precibus fratris , qui senator erat , con-  
 cessit. Quò magis mirum habebatur ,  
 gnarum meliorum , & quæ fama clemen-  
 tiam sequeretur , tristiora malle : neque  
 enim fœcundiâ peccabat ; nec occultum  
 est , quando ex veritate , quando adum-  
 bratâ lætitiâ , facta imperatorum cele-  
 brentur : quin ipse compositus aliàs , &  
 velut eluctantium verborum , solutiùs  
 promptiùsque eloquebatur , quotiens sub-  
 veniret. At P. Suilium , quæstorem quon-  
 dam Germanici , cùm Italiâ arceretur ,  
 convictus pecuniam ob rem judicandam  
 cepisse , « amovendum in insulam » cen-  
 suit ; tantâ contentione animi , ut &  
 jurando obstringeret , « e republicâ id  
 » esse ». Quod aspere acceptum ad præsens,  
 mox in laudem vertit , regresso Suilio :

quem vidit, sequens ætas præpotentem, ~~venalem~~, & Claudii Principis amicitia A. U. C. 777.  
 diu prospere, numquam bene usum. J. C. 24.  
 Eadem pœna in Catum Firmium senatorem statuitur, tamquam falsis majestatis criminibus sororem petivisset. Catus, ut retuli, Libonem inlexerat infidiis, deinde indicio perculerat: ejus operæ memor Tiberius, sed alia prætendens, exsilium deprecatus est: quominus senatu pelleretur, non obstitit.

XXXII. PLERAQUE eorum quæ retuli, quæque referam, parva forsitan, & levia memoratu videri, non nescius sum: sed nemo Annales nostros cum scripturâ eorum contenderit, qui veteres populi Romani res composuere. Ingentia illi bella, expugnationes urbium, fusos captosque reges; aut, si quando ad interna præverterent, discordias consulum adversum tribunos, agrarias frumentariasque leges, plebis & optimatum certamina, libero egressu memorabant. Nobis in arcto, & inglorius labor. Immota quippe, aut modicè lacescita pax, mæstæ Urbis res, & Princeps proferendi imperiî incuriosus erat. Non tamen sine usu fuerit, introspicere illa primo aspectu levia, ex quibus magnarum sæpe rerum motus oriuntur.

A. U. C. 777.  
 J. C. 24.  
 XXXIII. NAM cunctas nationes & urbes populus, aut primores, aut singuli regunt: delecta ex his & confociata reipublicæ forma, laudari facilius, quam evenire; vel si evenit, haud diuturna esse potest. Igitur ut olim, plebe validâ, vel cum patres pollerent, noscenda vulgi natura, & quibus modis temperanter haberetur; senatûsque & optimatum ingenia qui maximè perdidicerant, callidi temporum & sapientes credebantur: sic converso statu, neque aliâ re Romanâ, quam si unus imperitet, hæc conqueri tradique in rem fuerit: quia pauci prudentiâ, honesta ab deterioribus, utilia ab noxiis discernunt; plures, aliorum eventis docentur. Ceterum ut profutura, ita minimum oblectationis adferunt: nam situs gentium, varietates præliorum, clari ducum exitus, retinent ac redintegrant legentium animum: nos sæva iussa, continuas accusationes, fallaces amicitias, perniciem innocentium, & easdem exitu causas jungimus; obviâ rerum similitudine, & satietate. Tum quod antiquis scriptoribus rarus obrectator; neque refert cujusquam, Punicas Romanasve acies lætiùs extuleris: at multorum, qui, Tiberio regente, pœnam

Vel infamiam subiere, posteri manent:  
utque familiæ ipsæ jam extinctæ sint;  
reperies qui ob similitudinem morum,  
aliena malefacta sibi objectari putent:  
etiam gloria ac virtus inensos habet, ut  
nimis ex propinquo diversa arguens. Sed  
ad incœpta redeo.

XXXIV. CORNELIO Cossio, Asinio  
Agrippâ Consulibus, Cremutius Cordus A. U. C.  
778.  
J. C.  
254  
postulatur, novo ac tunc primùm audito  
crimine, quòd, editis annalibus, lauda-  
toque M. Bruto, C. Cassium *Romanorum*  
*ultimum* dixisset. Accusabant Satrius Se-  
cundus, & Pinarius Natta, Sejani clientes:  
id perniciabile reo, & Cæsar truci vultu  
defensionem accipiens: quam Cremutius,  
relinquendæ vitæ certus, in hunc modum  
exorsus est: « Verba mea, patres con-  
»scripti, arguuntur: adeò factorum in-  
»nocens sum. Sed neque hæc in Princi-  
»pem, aut Principis parentem, quos lex  
»majestatis amplectitur: Brutum & Cas-  
»sium laudavisse dicor; quorum res gestas  
»cùm plurimi composuerint, nemo sine  
»honore memoravit. Titus Livius, elo-  
»quentiæ ac fidei præclarus in primis,  
»Cn. Pompeium tantis laudibus tulit,  
»ut *Pompeianum* eum Augustus appella-  
»ret: neque id amicitiae eorum offecit.

~~=====~~ » Scipionem , Afranium , hunc ipsum  
 A. U. C. » Cassium , hunc Brutum , nusquam la-  
 778. » trones & parricidas , quæ nunc vocabula  
 J. C. » imponuntur , sæpe ut insignes viros no-  
 25. » minat. Asinii Pollionis scripta , egre-  
 » giam eorumdem memoriam tradunt.  
 » Messala Corvinus , *imperatorem suum*  
 » *Cassium* prædicabat : & uterque opibus-  
 » que atque honoribus perviguere. Marci  
 » Ciceronis libro , quo Catonem cælo  
 » æquavit , quid aliud dictator Cæsar ,  
 » quàm rescriptâ oratione , velut apud  
 » iudices respondit ? Antonii epistolæ ,  
 » Bruti conciones , falsa quidem in Au-  
 » gustum probra , sed multâ cum acerb-  
 » tate habent : carmina Bibaculi & Catulli ,  
 » referta contumeliis Cæsarum leguntur.  
 » Sed ipse divus Julius , ipse divus Augus-  
 » tus , & tulere ista , & reliquere ; haud  
 » facile dixerim , moderatione magis ,  
 » an sapientiâ : namque spreta exolescunt :  
 » si irascere , adgnita videntur.

XXXV. » Non attingo Græcos , quo-  
 » rum non modò libertas , etiam libido  
 » impunita : aut si quis advertit , dictis  
 » dicta ultus est. Sed maximè solutum ,  
 » & sine obtrectatore fuit , prodere de iis  
 » quos mors odio aut gratiæ exemisset.  
 » Num cum armatis Cassio & Bruto , ac  
 » Philipenses

»Philippenses campos obtinentibus, belli  
 »civilis causâ populum per conciones in-  
 »cendo? An illi quidem sexagesimum  
 »ante annum perempti, quo modo ima-  
 »ginibus suis noscuntur, quas ne victor  
 »quidem abolevit, sic partem memoriæ  
 »apud scriptores retinent? Suum cuique  
 »decus posteritas rependit: nec deerunt,  
 »si damnatio ingruit, qui non modò  
 »Cassii & Bruti, sed etiam mei memi-  
 »nerint». Egressus dein senatu, vitam  
 abstinentiâ finivit: libros per ædiles cre-  
 mandos censuere patres, sed manserunt  
 occultati, & editi. Quò magis socordiam  
 eorum inridere libet, qui præsentī po-  
 tentiâ, credunt exstingui posse etiam se-  
 quentis ævi memoriam. Nam contrà,  
 punitis ingeniis, gliscit auctoritas: neque  
 aliud externi reges, aut qui eâdem sæ-  
 vitiâ usi sunt, nisi dedecus sibi, atque  
 illis gloriam peperere.

XXXVI. CETERUM postulandis reis,  
 tam continuus annus fuit, ut feriarum  
 Latinarum diebus, Præfectum Urbis Dru-  
 sum, auspicandi gratiâ tribunal ingres-  
 sum, adierit Calpurnius Salvianus in Sex.  
 Marium: quod a Cæsare palam increpi-  
 tum, causa exsilii Salviano fuit. Objecta  
 publicè Cyzicenis<sup>a</sup> incuria cærimoniarum

Tom. I,

M

A. U. C.

778.

J. C.

25.



« divi Augusti », additis « violentiæ crimi-  
 A. U. G. nibus adversum cives Romanos » : &  
 778. amisere libertatem , quam bello Mithri-  
 J. C. datis meruerant circumfessi , nec minùs  
 25. suâ constantiâ , quàm præsidio Luculli ,  
 pulso rege. At Fonteius Capito , qui pro-  
 consul Asiam curaverat , absolvitur , com-  
 perto ficta in eum crimina , per Vibium  
 Serenum : neque tamen id Sereno noxæ  
 fuit , quem odium publicum tutiorem  
 faciebat : nam ut quis districtior accusa-  
 tor , velut sacrosanctus erat : leves , igno-  
 biles , pœnis adficiebantur.

XXXVII. PER idem tempus Hispania  
 ulterior, missis ad senatum legatis , oravit,  
 « ut exemplo Asiæ delubrum Tiberio  
 » matrique ejus extrueret » : quâ occasione  
 Cæsar , validus alioqui spernendis hono-  
 ribus , & respondendum ratus iis , quo-  
 rum rumore arguebatur « in ambitionem  
 » flexisse », hujuscemodi orationem cœpit.  
 « Scio , patres conscripti , constantiam  
 » meam a plerisque desideratam , quòd  
 » Asiæ civitatibus nuper idem istud pe-  
 » tentibus , non sim adversatus : ergo &  
 » prioris silentii defensionem , & quid in  
 » futurum statuerim , simul aperiàm. Cùm  
 » divus Augustus , sibi atque Urbi Romæ  
 » templum apud Pergamum sisti non pro-

hibuisset; qui omnia facta dictaque ejus  
 vice legis observem, placitum jam exem-  
 plum promptius secutus sum, quia cultui  
 meo veneratio senatûs adjungebatur.  
 Ceterum ut semel recepiſſe, veniam  
 habuerit; ita per omnes provincias effi-  
 gie numinum ſacrari, ambitioſum, ſu-  
 perbum: & vaneſcet Auguſti honor,  
 ſi promiſcuis adulationibus vulgatur.

A. U. C.

778.

J. C.

251

XXXVIII. «Ego me, patres conſcripti,  
 mortalem eſſe, & hominum officia fun-  
 gi, ſatisque habere, ſi locum principem  
 impleam, & vos teſtor, & meminiſſe  
 poſteros volo: qui ſatis ſuperque memo-  
 riæ meæ tribuent, ut majoribus meis  
 dignum, rerum veſtrarum providum,  
 conſtanti in periculis, offenſionum  
 pro utilitate publicâ non pavidum cre-  
 dant. Hæc mihi in animis veſtris templa,  
 hæ pulcherrimæ effigies, & manſuræ:  
 nam quæ ſaxo ſtruuntur, ſi judicium  
 poſteriorum in odium vertit, pro ſepul-  
 cris ſpernuntur. Proinde ſocios, cives,  
 & deos ipſos precor: hos, ut mihi ad  
 finem uſque vitæ, quietam & intelli-  
 gentem humani divinique juris mentem  
 duint; illos, ut quandoque conceſſero,  
 cum laude & bonis recordationibus,  
 facta atque famam nominis mei proſe-

M ij

~~quantur~~ quantur. Perstititque posthac, secretis  
 A. U. C. etiam sermonibus, aspernari talem suū  
 778. cultum: quod alii «modestiam», multi,  
 J. C. «quia diffideret», quidam, «ut dege-  
 25. neris animi», interpretabantur. «Optu-  
 mos quippe mortalium, altissima cupere.  
 Sic Herculem & Liberum apud Græcos,  
 Quirinum apud nos, deū numero ad-  
 ditos. Melius Augustum, qui speraverit.  
 Cetera Principibus statim adesse: unum  
 insatiabiliter parandum, prosperam suā  
 memoriam: nam contemptu famæ,  
 contemni virtutes».

XXXIX. AT SEJANUS nimiā fortunā  
 socors, & muliebri insuper cupidine in-  
 census, promissum matrimonium flagi-  
 tante Liviā, componit ad Cæsarem codi-  
 cillos: moris quippe tum erat, quamquam  
 præsentem, scripto adire: ejus talis forma  
 fuit. «Benevolentiam patris Augusti, &  
 mox pluribus Tiberii judiciis, ita in-  
 suevisse, ut spes votaue sua non prius  
 ad deos, quam ad Principum aures  
 conferret. Neque fulgorem honorum  
 umquam præcatum: excubias ac labores,  
 ut unum e militibus, pro incolumitate  
 Imperatoris malle. Attamen, quod pul-  
 cherrimum, adeptum, ut conjunctione  
 Cæsaris dignus crederetur: hinc initium

»spei. Et quoniam audiverit Augustum,  
 »in conlocandâ filiâ, nonnihil etiam de  
 »equitibus Romanis consultavisse : ita si  
 »maritus Liviæ quæreretur, haberet in  
 »animo amicum, solâ necessitudinis gloriâ  
 »usurum. Non enim exuere imposita  
 »munia : satis æstimare, firmari domum  
 »adversum iniquas Agrippinæ offensiones;  
 »idque liberorum causâ. Nam sibi mul-  
 »tum superque vitæ fore, quod tali cum  
 »Principe explevisset.

A. U. C.

778.

J. C.

25.

XL. AD EA Tiberius, laudatâ pietate  
 Sejani, suisque in eum beneficiis modicè  
 percursis, cum tempus tamquam ad in-  
 tegram consultationem petivisset, ad-  
 junxit. « Ceteris mortalibus in eo stare  
 »consilia, quid sibi conducere putent :  
 »Principum diversam esse sortem, quibus  
 »præcipua rerum ad famam dirigenda :  
 »ideo se non illuc decurrere, quod promp-  
 »tum rescriptu : posse ipsam Liviam, sta-  
 »tuere, nubendum post Drusum, an in  
 »penatibus iisdem tolerandum haberet :  
 »esse illi matrem & aviam, propiora con-  
 »silia : simpliciùs acturum : de inimiciis  
 »primùm Agrippinæ : quas longè acriùs  
 »arsuras, si matrimonium Liviæ, velut  
 »in partes, domum Cæsarum distraxis-  
 »set : sic quoque erumpere æmulationem.

M iij

»feminarum , eâque discordiâ nepotes  
 A. U. C. »suos convelli : quid si intendatur cer-  
 778. »tamen , tali conjugio ? Falleris enim ,  
 J. C. »Sejane , si te mansurum in eodem or-  
 25. »dine putas , & Liviam , quæ C. Cæsari ,  
 »mox Druso nupta fuerit , eâ mente actu-  
 »ram , ut cum equite Romano senescat.  
 »Ego ut sinam , credisne passuros , qui fra-  
 »trem ejus , qui patrem majoresque nos-  
 »tros , in summis imperiis videre ? Vis tu  
 »quidem istum intra locum sistere : sed illi  
 »magistratus & primores qui , te invito ,  
 »perrumpunt , omnibusque de rebus con-  
 »sulunt , excessisse jam pridem equestre  
 »fastigium , longèque anteisse patris mei  
 »amicitias , non occulti ferunt , perque  
 »invidiam tuâ me quoque incusant. At  
 »enim Augustus filiam suam equiti Ro-  
 »mano tradere meditatus est. Mirum  
 »herculè , si , cum in omnes curas distra-  
 »heretur , immensumque attolli provi-  
 »deret , quem conjunctione tali super  
 »alios extulisset , C. Proculium , & quos-  
 »dam in sermonibus habuit , insigni tran-  
 »quillitate vitæ , nullis reipublicæ negotiis  
 »permixtos. Sed si dubitatione Augusti  
 »movemur ; quantò validius est quod  
 »M. Agrippæ , mox mihi conlocavit ?  
 »Atque ego hæc , pro amicitia , non

» occultavi : ceterum neque tuis , neque  
 » Liviæ destinatis , adversabor. Ipse quid  
 » intra animum volutaverim , quibus ad-  
 » huc necessitudinibus immiscere te mihi  
 » parem , omittam ad præsens referre : id  
 » tantum aperiâ , nihil esse tam excel-  
 » sum , quod non virtutes istæ , tuusque  
 » in me animus mereantur ; datoque tem-  
 » pore , vel in senatu , vel in concione  
 » non reticebo » .

A. U. C.

778.

J. C.

251

XLI. RURSUM Sejanus , non jam de  
 matrimonio , sed altius metuens , « tacita  
 » suspicionum , vulgi rumorem , ingruen-  
 » tem invidiam » deprecatur. Ac ne ad-  
 fiduos in domum cœtus arcendo , infrin-  
 geret potentiam , aut receptando , facul-  
 tatem criminantibus præberet ; huc flexit ,  
 ut Tiberium ad vitam procul Româ ,  
 amœnis locis degendam , impelleret.  
 Multa quippe providebat : suâ in manu  
 aditus : literarumque magnâ ex parte se  
 arbitrum fore , cùm per milites commea-  
 rent : mox Cæsarem , vergente jam se-  
 nectâ , secretoque loci molitum , munia  
 imperii faciliùs tramissurum : & minui  
 sibi invidiam , ademptâ salutantum turbâ ;  
 sublatisque inanibus , verâ potentiâ augere.  
 Igitur paullatim negotia Urbis , populi  
 adcurfus , multitudinem adfluentium in-

M iy

**=====** crepat, extollens laudibus « quietem &  
 A. U. C. » solitudinem: quîs abesse tadia & offen-  
 778. siones, ac præcipua rerum maximè agi-  
 J. C. » tari ».  
 25.

XLII. AC FORTE habita per illos dies  
 de Votieno Montano, celebris ingenii  
 viro, cognitio, cunctantem jam Tiberium  
 perpulit, ut vitandos crederet patrum  
 cœtus vocesque, quæ plerumque veræ &  
 graves coram ingerebantur: nam, postu-  
 lato Votieno, « ob contumelias in Cæsa-  
 » rem dictas », testis Æmilius, e militaribus  
 viris, dum studio probandi cuncta refert,  
 & quamquam inter obstrepentes magnâ  
 adseveratione nititur, audivit Tiberius  
 probra, quîs per occultum lacerabatur:  
 adeoque perculsus est, ut « se vel statim,  
 » vel in cognitione purgaturum » clami-  
 taret; precibusque proximorum, adula-  
 tione omnium, ægre componeret animum.  
 Et Votienus quidem majestatis pœnis ad-  
 fectus est. Cæsar objectam sibi adversus  
 reos inclementiam eò pervicaciùs am-  
 plexus, Aquiliam, adulteriû delatam,  
 cum Vario Ligure, quamquam Lentulus  
 Gætulicus, consul designatus, lege Juliâ  
 damnasset, exsilio punivit: Apidiumque  
 Merulam, « quòd in acta divi Augusti  
 » non juraverat », albo senatorio erasit.

XLIII. AUDITÆ dehinc Lacedæmoniorum & Messeniorum legationes; de jure templi Dianæ Limnatidis, « quod suis a majoribus, suâque in terrâ dictum », Lacedæmonii firmabant annalium memoriâ, vatumque carminibus : « sed Macedonis Philippi, cum quo bellassent, armis ademptum, ac post C. Cæsaris & M. Antonii sententiâ redditum ». Contrà Messenii, « veterem inter Herculis posteros divisionem Peloponnesi » protulere, « suoque regi Denthe-liatem agrum, in quo id delubrum, » cessisse : monimentaue ejus rei sculpta saxi, & ære prisco manere. Quod si vatum, annalium ad testimonia vocentur, plures sibi ac locupletiores esse : neque Philippum potentiâ, sed ex vero statuisset : idem regis Antigoni, idem imperatoris Mummii judicium : sic Milesios, permissio publicè arbitrio, postremò Atidium Geminum, prætorem Achaïæ, decrevisse. Ita secundum Messenios datum. Et Segestani, « ædem Veneris, montem apud Erycem, vetustate dilapsam, restaurari » postulavere : nota memorantes de origine ejus, & lætæ Tiberio : suscepit curam libens, ut consanguineus. Tunc tractatæ Massiliensium

M. v.

A. U. C.

778.

J. C.

25.



=====  
 A. U. C. preces , probatumque P. Rutilii exem-  
 778. plum : namque eum legibus pulsum ,  
 J. C. civem sibi Smyrnæi addiderant : quo jure  
 25. Vulcatius Moschus , exsul , in Massilienses  
 receptus , bona sua reipublicæ eorum , ut  
 patriæ reliquerat.

XLIV. OBIERE eo anno viri nobiles ;  
 Cn. Lentulus , & L. Domitius. Lentulo  
 super consulatum & triumphalia de  
 Gætulis , gloriæ fuerat bene tolerata  
 paupertas , dein magnæ opes innocenter  
 paratæ & modestè habitæ. Domitium  
 decoravit pater , civili bello maris potens ,  
 donec Antonii partibus , mox Cæsaris  
 misceretur. Avus , Pharsalicâ acie , pro  
 optimatibus ceciderat : ipse electus , cui  
 minor Antonia , Octaviâ genita , in ma-  
 trimonium daretur. Pòst , exercitu flumen  
 Albim transcendit ; longiùs penetratâ  
 Germaniâ , quàm quisquam priorum :  
 easque ob res insignia triumphi adeptus  
 est. Obiit & L. Antonius , multâ clari-  
 tudine generis , sed improspérâ : nam  
 patre ejus , Julo Antonio , ob adulterium  
 Juliæ morte punito , hunc admodum ado-  
 lescentulum , sororis nepotem , seposuit  
 Augustus in civitatem Massiliensem , ubi  
 specie studiorum nomen exsilii tegeretur.  
 Habitus tamen supremis honor : ossaque

tumulo Octavioꝝ inlata, per decretum  
senatûs.

A. U. C.

778.

J. C.

25.

XLV. **IISDEM** consulibus, facinus atrox, in citeriore Hispaniâ, admissum a quodam agreste, nationis Termestinae: is præto-rem provinciæ, L. Pisonem, pace incuriosum, ex improvise in itinere adortus, uno vulnere in mortem adfecit: ac pernicitate equi profugus, postquam saltuosos locos attigerat, dimisso equo, per dirupta & avia sequentes frustratus est: neque diutius fefellit: nam prehensio ductoque per proximos pagos equo, cujus foret cognitum: & repertus, cum tormentis edere conscios adigeretur, voce magnâ, sermone patrio, « frustra se interrogari » clamitavit: « adsisterent focii ac spectarent: nullam vim tantam doloris fore, » ut veritatem eliceret ». Idemque cum postmodò ad quæstionem retraheretur, eo nisu proripuit se custodibus, saxoque caput adflixit, ut statim exanimaretur. Sed Piso Termestinorum dolo cæsus habetur: qui pecunias e publico interceptas, acrius, quàm ut tolerarent barbari, cogebar.

XLVI. **LENTULO** Gætulico, C. Calvisio consulibus, decreta triumphi insignia Poppæo Sabino, contusis Thracum gentibus, qui montium editis, inculti, atque

A. U. C.

779.

J. C.

26.

M vj

eò ferociùs agitabant. Causa motûs, super  
 A. U. C. hominum ingenium, quòd pati delectus,  
 779. & validissimum quemque militiæ nostræ  
 J. C. dare aspernabantur; ne regibus quidem  
 26. parère nisi ex libidine soliti; aut, si mitterent auxilia, suos ductores præficere, nec nisi adversum accolas belligerare. Ac tum rumor inceserat fore, ut disjecti, aliisque nationibus permixti, diversas in terras traherentur. Sed antequam arma inciperent, misère legatos, & amicitiam, » obsequiumque » memoraturos; & » man- » sura hæc, si nullo novo onere tentarentur. Sin ut victis servitium indiceretur; » esse sibi ferrum & juventutem, & promptum libertati, aut ad mortem animum ». Simul castella rupibus indita, conlatosque illuc parentes & conjuges ostentabant, & bellumque impeditum, arduum, cruentum », minitabantur.

XLVII. AT SABINUS (donec exercitus in unum conduceret, datis miribus responsis) postquam Pomponius Labeo e Mœsiâ cum legione, rex Rhœmetalces cum auxiliis popularium, qui fidem non mutaverant, venêre, additâ præsentî copîâ, ad hostem pergit, compositum jam per angustias saltuum: quidam audentiùs apertis in collibus visebantur; quos dux

Romanus acie suggestus, haud ægre pepulit, sanguine barbarorum modico, ob propinqua suffugia. Mox castris in loco communitis, validâ manu montem occupat, angustum, & æquali dorso continuum usque ad proximum castellum, quod magna vis armata, aut incondita, tuebatur: simul in ferocissimos, qui ante vallum more gentis cum carminibus & tripudiis persultabant, mittit delectos sagittariorum. Ii dum eminus grassabantur, crebra & inulta vulnera fecere; propiùs incedentes, eruptione subitâ turbati sunt, receptique subsidio Sugambræ cohortis, quam Romanus promptam ad pericula, nec minùs cantuum & armorum tumultu trucem, haud procul intruxerat.

A. U. C.

779.

J. C.

26.

XLVIII. TRANSLATA dehinc castra hostem propter, relictis apud priora munimenta Thracibus, quos nobis adfuisse memoravi: iisque permissum « vastare, » urere, trahere prædas, dum populatio » lucem intra sisteretur, noctemque in » castris tutam & vigilem capefferent »: id primò servatum: mox versi in luxum, & raptis opulenti, omittere stationes, lasciviâ epularum, aut somno & vino procumbere. Igitur hostes, incuriâ eorum

~~compertâ~~ compertâ , duo agmina parant : quorum  
 A. U. C. altero , populatores invaderentur ; alii  
 779. castra Romana adpugnarent , non spe  
 J. C. capiendi , sed ut clamore , telis , suo quis-  
 26. que periculo intentus , sonorem alterius  
 prœlii non acciperet : tenebræ insuper  
 delectæ , augendam ad formidinem. Sed  
 qui vallum legionum tentabant , facile  
 pelluntur. Thracum auxilia , repentino  
 incurſu territa , cùm pars munitionibus  
 adjacerent , plures extrâ palarentur , tantò  
 infensiùs cæsi , quantò « perfugæ & pro-  
 »ditores , ferre arma ad suum patriæque  
 »servitium » , inculabantur.

XLIX. POSTERA die Sabinus exercitum  
 æquo loco ostendit , si barbari , successu  
 noctis alacres , prœlium auderent : &  
 postquam castello , aut conjunctis tumulis  
 non degrediebantur , obsidium cœpit per  
 præsidia , quæ opportunè jam muniebat :  
 dein fossam loricamque contexens , qua-  
 tuor millia passuum ambitu amplexus est.  
 Tum paullatim , ut aquam pabulumque  
 eriperet , contrahere claustra arctaque  
 circumdare : & struebatur agger , unde  
 faxa , hastæ , ignes propinquum jam in  
 hostem jacerentur. Sed nihil æquè , quàm  
 sitis , fatigabat , cùm ingens multitudo  
 bellatorum , imbellium , uno reliquo

fonte uterentur. Simul equi, armenta, A. U. C.  
779.  
J. C.  
268  
ut mos barbaris, juxtà clausa, egestate  
pabuli exanimari: adjacere corpora ho-  
minum, quos vulnera, quos sitis pere-  
merat: pollui cuncta sanie, odore, con-  
tactu. Rebusque turbatis, malum extre-  
mum discordia accessit; his deditionem,  
aliis mortem, & mutuos inter se ictus  
parantibus: & erant, qui « non inultum  
» exitium, sed eruptionem » suaderent:  
neque ignobiles, quamvis diversi sen-  
tentiis.

L. VERUM e ducibus, Dinis, provectus  
senectâ, & longo usu vim atque clemen-  
tiam Romanam edoctus, « ponenda arma,  
» unum adflctis id remedium », differe-  
bat. Primusque se cum conjuge & liberis  
victori permisit: secuti ætate aut sexu  
imbecilli, & quibus major vitæ, quàm  
gloriæ, cupido. At juvenus Tarsam inter  
& Turesim distrahebatur: utrique desti-  
natum cum libertate occidere: sed Tar-  
sa « properum finem, abrumpendas pariter  
» spes ac metus » clamitans, dedit exem-  
plum, demisso in pectus ferro: nec de-  
fuere qui eodem modo oppeterent. Tu-  
resis suâ cum manu noctem opperitur,  
haud nescio duce nostro. Igitur firmatæ  
stationes densioribus globis: & ingruerat

~~=====~~ nox nimbo atrox, hostisque clamore turbido, modò per vastum silentium, incertos obsessores effecerat: cùm Sabinus circumire, hortari, « ne ad ambigua » sonitûs, aut simulationem quietis, casum insidiantibus aperirent, sed sua quisque munia servarent immoti, telisque non in falsum jactis ».

A. U. C.  
779.  
J. C.  
26.

LI. INTEREA barbari catervis decurrentes, nunc in vallum manualia saxa, præustas fudes, decisa robora jacere: nunc virgultis, & cratibus, & corporibus exanimis, complere fossas: quidam, pontes & scalas antè fabricati, inferre propugnaculis, eaque prensare, detrahere, & adversùs resistentes cominus niti. Miles contrà deturbare telis, pellere umbonibus, muralia pila, congestas lapidum moles provolvere. His partæ victoriæ spes, &, si cedant, insignitius flagitium; illis extrema jam salus, & adstantes plerisque matres & conjuges, earumque lamenta addunt animos. Nox aliis in audaciam, aliis ad formidinem opportuna; incerti ictus, vulnera improvisa; suorum atque hostium ignoratio; & montis anfractu reperiussæ, velut a tergo, voces, adeò cuncta miscuerant, ut quædam munimenta Romani, quasi perrupta, omiserint.

Neque tamen pervasere hostes, nisi admodum pauci: ceteros, deleto promptissimo quoque aut faucio, adpetente jam luce, trusere in summa castelli: ubi tandem coacta deditio, & proxima sponte vicorum recepta: reliquis, quò minùs vi aut obsidio subigerentur, præmatura montis Hæmi & sæva hiems subvênit.

A. U. C.  
779.  
J. C.  
26.

LII. AT ROMÆ, commotâ Principis domo, ut series futuri in Agrippinam exitii inciperet, Claudia Pulchra sobrina ejus postulatur, accusante Domitio Afro. Is recens præturâ, modicus dignationis; & quoquo facinore properus clarescere, « crimen impuditiæ, adulterum Fur-  
nium, veneficia in Principem & devo-  
tiones » objectabat. Agrippina semper atrox, tum & periculo propinquæ accensa, pergit ad Tiberium, ac fortè sacrificantem patri reperit: quo initio invidiæ, « Non ejusdem » ait « mactare divo Au-  
gusto victimas, & posteros ejus infectari: » non in effigies mutas divinum spiritum » transfusum; sed imaginem veram, cæ-  
lesti sanguine ortam, intelligere discrimen, suscipere sordes. Frustra Pulchram » præscribi, cui sola exitii causa sit, quòd » Agrippinam stultè prorsus ad cultum de-  
legerit, oblita Sosiæ ob eadem afflictæ ».



**A. U. C.** Audita hæc raram occulti pectoris vocem  
**779.** elicuere, correptamque Græco versu ad-  
**J. C.** monuit: *ideo lædi, quia non regnaret.*  
**26.** Pulchra & Furnius damnantur. Afer,  
 primoribus oratorum additus, divulgato  
 ingenio, & secutâ adseveratione Cæsaris,  
 quâ « suo jure disertum » eum appellavit:  
 mox capeffendis accusationibus, aut reos  
 tutando, prosperiore eloquentiæ quàm  
 morum famâ fuit: nisi quòd ætas extrema  
 multum etiam eloquentiæ dempsit, dum  
 fessâ mente retinet silentii impatien-  
 tiam.

LIII. AT AGRIPPINA, pervicax iræ;  
 & morbo corporis implicata, cùm viferet  
 eam Cæsar, profusis diu ac per silentium  
 lacrimis, mox invidiam & preces orditur:  
 « subveniret solitudini, daret maritum:  
 » habilem adhuc juventam sibi; neque  
 » aliud probis, quàm ex matrimonio so-  
 » latium: esse in civitate, qui Germanici  
 » conjugem, ac liberos ejus recipere di-  
 » gnarentur ». Sed Cæsar, non ignarus  
 quantum ex republicâ peteretur; ne tamen  
 offensionis aut metûs manifestus foret,  
 sine responso, quamquam instantem,  
 reliquit. Id ego a scriptoribus annalium  
 non traditum, reperi in commentariis  
 Agrippinæ, filiæ: quæ Neronis, Principis,

mater, vitam suam & casus suorum posteris memoravit.

A. U. C.

LIV. CETERUM Sejanus marentem & improvidam altiùs perculit : immissis, qui per speciem amicitiae monerent, & paratum ei venenum, vitandas foci & epulas. Atque illa, simulationum nescia, cum propter discumberet, non vultu aut sermone flecti, nullos attingere cibos; donec advertit Tiberius, fortè, an quia audiverat? idque quò acriùs experiretur, poma ut erant adposita laudans, nurui suam manu tradidit. Aucta ex eo suspicio Agrippinae, & intacta ore, servis tramisit: nec tamen Tiberii vox coram secuta, sed obversus ad matrem, & non mirum, ait, & si quid severius in eam statuisset, a quâ veneficii insimularetur. Inde rumor, & parari exitium: neque id Imperatorem palam audere, secretum ad perpetrandum quæri.

779.

J. C.

26.

LV. SED CÆSAR, quò famam averteret, adesse frequens senatui, legatosque Asiae, ambigentes & quam in civitate templum statueretur, plures per dies audivit. Undecim urbes certabant, pari ambitione, viribus diversae: neque multum inter se distantia memorabant, & de vetustate generis, studio in populum

A. U. C. 779. J. C. 26.   
 » Romanum, per bella Persi & Aristonici  
 » aliorumque regum ». Verum Hypæpeni,  
 Trallianique, Laodicenis & Magnetibus  
 simul, tramissi, ut parum validi. Ne  
 Ilienses quidem, cum « parentem urbis  
 » Romæ Trojam » referrent, nisi anti-  
 quitatis gloriâ pollebant. Paullum addu-  
 bitatum, quod Halicarnassii « mille &  
 » ducentos per annos nullo motu terræ  
 » nutavisse sedes suas, vivoque in saxo  
 » fundamenta templi » adseveraverant.  
 Pergamenos (eo ipso nitebantur) æde  
 Augusto ibi sitâ, satis adeptos creditum.  
 Ephesii, Milesique, hi Apollinis, illi  
 Dianæ cærimoniâ occupavisse civitates  
 visi. Ita Sardianos inter, Smyrnæosque  
 deliberatum. Sardiani decretum Etruriæ  
 recitavere, ut consanguinei: nam « Tyr-  
 » rhenum Lydumque Arye rege genitos,  
 » ob multitudinem divisisse gentem: Ly-  
 » dum patriis in terris resedisse; Tyrrheno  
 datum, novas ut conderet sedes. Et  
 » ducum e nominibus indita vocabula,  
 » illis per Asiam, his in Italiâ: auctamque  
 » adhuc Lydorum opulentiam, missis in  
 » Græciam populis, cui mox a Pelope  
 » nomen»: simul « literas imperatorum,  
 » & icta nobiscum fœdera bello Macedo-  
 » num, ubertatemque fluminum suorum,

»temperiem cæli, ac dites circùm terras»  
memorabant.

A. U. C.

779.

J. C.

26.

LVI. AT SMYRNÆI, repetitâ vetustate, «seu Tantalus Jove ortus illos, sive  
»Theseus divinâ & ipse stirpe, sive una  
»Amazonum condidisset», transcendere  
ad ea, quîs maximè fidebant in populum  
Romanum officiis, missâ navali copiâ,  
non modò externa ad bella, sed quæ in  
Italiâ tolerabantur: «seque primos tem-  
»plum urbis Romæ statuisse, M. Porcio  
»consule; magnis quidem jam Romani  
»populi rebus; nondum tamen ad sum-  
»mum elatis, stante adhuc Punicâ urbe,  
»& validis per Asiam regibus». Simul  
«L. Sullam testem» adferebant, gravissi-  
mo in discrimine exercitûs ob asperitatem  
»hiemis, & penuriam vestis, cùm id  
»Smyrnam in concionem nuntiatum fo-  
»ret, omnes, qui adstabant, detraxisse  
»corpori tegmina, nostrisque legionibus  
»misisse». Ita rogati sententiam patres,  
Smyrnæos prætulere: censuitque Vibius  
Marsus, «ut M. Lepido, cui ea provincia  
»obvenerat, super numerum legaretur,  
»qui templi curam susciperet»: & quia  
Lepidus ipse deligere per modestiam ab-  
nuebat, Valerius Naso, e prætoriiis, forte  
missus est,

**LVII.** INTER quæ, diu meditato, pro-  
 A. U. C. latoque sæpius consilio, tandem Cæsar  
 779. iit Campaniam, specie dedicandi templa  
 J. C. apud Capuam Jovi, apud Nolam Augusto,  
 26. sed certus procul Urbe degere. Causam  
 abscessûs, quamquam secutus plurimos  
 auctorum ad Sejani artes retuli, quia ta-  
 men, cæde ejus patratâ, sex postea annos  
 pari secreto conjunxit, plerumque per-  
 moveor, num ad ipsum referri verius sit,  
 sæviriam ac libidinem, cùm factis pro-  
 meret, locis occultantem. Erant qui cre-  
 derent, in senectute corporis quoque  
 habitum pudori fuisse: quippe illi prægra-  
 cilis & incurva proceritas, nudus capillo  
 vertex, ulcerosa facies, ac plerumque  
 medicaminibus interstincta: & Rhodi  
 secreto, vitare cœtus, recondere volup-  
 rates insuerat. Traditur etiam matris im-  
 potentiâ extrusum, quam dominationis  
 sociam aspernabatur, neque depellere  
 poterat, cùm dominationem ipsam do-  
 num ejus accepisset. Nam dubitaverat  
 Augustus Germanicum sororis nepotem,  
 & cunctis laudatum, rei Romanæ im-  
 ponere: sed precibus uxoris evictus,  
 Tiberio Germanicum, sibi Tiberium  
 adscivit. Idque Augusta exprobrabat,  
 reposcebat.

## LVIII. PROPECTIO arcto comitatu fuit :

unus senator consulatu functus , Cocceius  
 Nerva , cui legum peritia ; eques Roma-  
 nus , præter Sejanum , ex inlustribus  
 Curtius Atticus : ceteri liberalibus studiis  
 præditi , ferme Græci , quorum sermoni-  
 bus levaretur. Ferebant periti cælestium ,  
 « iis motibus siderum excessisse Româ  
 » Tiberium , ut reditus illi negaretur » :  
 unde exitii causa multis fuit , properum  
 finem vitæ conjectantibus , vulgantibus-  
 que : neque enim tam incredibilem casum  
 providebant , ut undecim per annos libens  
 patriâ careret. Mox patuit breve confinium  
 artis , & falsi ; veraque quàm obscuris  
 tegerentur : nam in Urbem non regressu-  
 rum , haud fortè dictum : ceterorum nesci  
 egêre , cùm propinquo rure , aut litore ,  
 & sæpe mœnia Urbis adsidens , extremam  
 senectam compleverit.

LIX. AC FORTE illis diebus oblatum  
 Cæsari anceps periculum , auxit vana ru-  
 moris : præbuitque ipsi materiem , cur  
 amicitia constantiaque Sejani magis fide-  
 ret. Vescebantur in villâ , cui vocabulum  
*Spelunca* , mare Amuclanum inter Fun-  
 danosque montes , nativo in specu : ejus  
 os , lapsis repentè saxis , obruit quosdam  
 ministros : hinc metus in omnes , & fuga

A. U. C.

779.

J. C.

26.

eorum, qui convivium celebrabant. Se-  
 janus genu, vultuque, & manibus super  
 Cæsarem suspensus, opposuit sese inci-  
 dentibus: atque habitu tali repertus est a  
 militibus, qui subsidio venerant. Major  
 ex eo; & quamquam exitiosa suaderet,  
 ut non suū anxius, cum fide audiebatur.  
 Adsimulabatque judicis partes adversus  
 Germanici stirpem, subditis qui accusa-  
 torum nomina sustinerent, maximèque  
 infectarentur Neronem, proximum suc-  
 cessioni, & quamquam modestâ juventâ,  
 plerumque tamen quid in præsentiarum  
 conducirer oblitum; dum a libertis &  
 clientibus, apiscendæ potentiæ properis,  
 exstimulatur, « ut erectum & fidentem  
 » animi ostenderet: velle id populum  
 » Romanum: cupere exercitus: neque  
 » ausurum contra Sejanum, qui nunc  
 » patientiam senis, & segnitiam juvenis  
 » juxtâ insultet ».

LX. Hæc atque talia audienti, nihil  
 quidem pravæ cogitationis, sed interdum  
 voces procedebant contumaces, & incon-  
 sultæ; quas adpositi custodes exceptas  
 auctasque cū deferrent, neque Neroni  
 defendere daretur, diversæ insuper sol-  
 licitudinum formæ oriebantur. Nam alius  
 occursum ejus vitare: quidam, salutatione  
 redditâ,

reddita, statim averti: plerique inceptum sermonem abrumpere; insistentibus contra inidentibusque, qui Sejano fautores aderant. Enimvero Tiberius torvus, aut falsum renidens vultu; seu loqueretur, seu taceret juvenis, crimen ex silentio, ex voce: ne nox quidem secura, cum uxor vigilias, somnos, suspiria matri Liviae, atque illa Sejano patefaceret: qui fratrem quoque Neronis Drusum traxit in partes, spe objectâ principis loci, si priorem ætate & jam labefactum demovisset. Atrox Drusi ingenium, super cupidinem potentiae, & solita fratribus odia, accendebatur invidiâ: quod mater Agrippina promptior Neroni erat: neque tamen Sejanus ita Drusum fovebat, ut non in eum quoque semina futuri exitii meditaretur; gnarus præferocem, & insidiis magis opportunum.

A. U. C.  
779.  
J. C.  
26.

LXI. FINE anni excessere insignes viri, Asinius Agrippa; claris majoribus quàm vetustis, vitæque non degener; & Q. Haterius familiâ senatoriâ, eloquentiæ, quoad vixit, celebratæ: monumenta ingenii ejus haud perinde retinentur. Scilicet impetu magis, quàm curâ vigeat: utque aliorum meditatio & labor in posterum valescit; sic Haterii canorum illud & profluens, cum ipso simul extinctum est.

Tom. I.

N



LXII. M. LICINIO , L. Calpurnio  
 A. U. C. 780. J. C. 27.  
 consulibus , ingentium bellorum ciadem  
 æquavit malum improvisum : ejus initium  
 simul & finis exstitit. Nam cœpto apud  
 Fidenas amphitheatro , Atilius quidam  
 libertini generis , quò spectaculum gla-  
 diatorum celebraret , neque fundamenta  
 per solidum subdidit, neque firmis nexibus  
 ligneam compagem superstruxit : ut qui  
 non abundantia pecuniæ , nec municipali  
 ambitione , sed in sordidâ mercede id  
 negotium quæsisset. Adfluxere avari  
 talium , imperitante Tiberio procul vo-  
 luptatibus habiti, virile ac muliebre secus,  
 omnis ætas , ob propinquitatem loci effu-  
 sius : unde gravior pestis fuit , conferta  
 mole , dein convulsâ , dum ruit intus ,  
 aut in exteriora effunditur : immensam-  
 que vim mortalium , spectaculo intentos ,  
 aut qui circum adstabant , præceps trahit ,  
 atque operit. Et illi quidem quos princi-  
 pium stragis in mortem adflixerat , ut tali  
 sorte , cruciatum effugere. Miserandi ma-  
 gis , quos , abruptâ parte corporis , non-  
 dum vita deseruerat ; qui per diem visu ,  
 per noctem ululatibus & gemitu , con-  
 juges aut liberos noscebant. Jam ceteri  
 famâ excitati , hic fratrem , propinquum  
 ille , alius parentes lamentari : etiam

quorum diversâ de causâ amici aut ne-  
cessarii aberant, pavere tamen; neque  
dum comperto, quos illa vis perculisset,  
latior ex incerto metus.

LXIII. UT CŒPERE dimoveri obruta;  
concurfus ad exanimos, complectentium,  
osculantium: & sæpe certamen, si con-  
fusior facies; & par forma, aut ætas,  
errorem adgnoscentibus fecerat. Quin-  
quaginta hominum millia, eo casu debi-  
litata, vel obruta sunt. Cautumque in  
posterum senatusconsulto, « ne quis gla-  
diatorum munus ederet, cui minor  
»quadringentorum millium res; neve  
»amphitheatrum imponeretur, nisi solo  
»firmitatis spectatæ». Atilius in exilium  
actus est. Ceterum sub recentem cladem  
patuere procerum domus, fomenta, &  
medici passim præbiti: fuitque Urbs per  
illos dies, quamquam mæstâ facie, ve-  
terum institutis similis, qui magna post  
prælia faucios largitione, & curâ susten-  
tabant.

LXIV. NONDUM ea clades exoleverat,  
cùm ignis violentia Urbem ultra solitum  
adfecit, deusto monte Cælio: « feralem-  
»que annum » ferebant, « & ominibus  
»adversis susceptum Principi consilium  
»absentiæ», qui mos vulgo, fortuita ad

N ij

A. U. C.  
780.  
J. C.  
27.

~~culpam~~ culpam trahentes, ni Cæsar obviam isset;  
 A. U. C. 780.tribuendo pecunias ex modo detrimenti.  
 J. C. 27. Actæque ei grates, apud senatum ab illustribus, famâque apud populum, quia sine ambitione, aut proximorum precibus, ignotos etiam, & ultro accitos, magnificentiam juverat. Adduntur sententiæ, ut mons Cælius in posterum *Augustus* appellaretur: quando cunctis circum flagrantibus, sola Tiberii effigies sita in domo Junii senatoris inviolata mansisset. « E-  
 »nisse id olim Claudie Quintæ, ejusque  
 »statuam vim ignium bis elapsam, ma-  
 »jores apud ædem Matris deum conse-  
 »cravisse: sanctos acceptosque numinibus  
 »Claudios: & augendam cærimoniam  
 »loco, in quo tantum in Principem ho-  
 »norem dii ostenderint ».

LXV. HAUD fuerit absurdum tradere, montem eum antiquitus *Querquetulanum* cognomento fuisse, quod talis silvæ frequens, fecundusque erat: mox *Calium* appellatum a Cæle Vibennâ, qui dux gentis Etruscæ, cum auxilium ad bella ductavisset, sedem eam acceperat a Tarquinio Prisco, seu quis alius regum dedit: nam scriptores in eo dissentiunt: cetera non ambigua sunt, magnas eas copias per plana etiam ac foro propinqua habitavisse,

unde *Tuscum vicum* e vocabulo advenarum dictum.

A. U. C.

780.

J. C.

27.

LXVI. SED ut studia procerum, & largitio principis, adversum casum solatium tulerant; ita accusatorum major in dies & infestior vis sine levamento grassabatur: corripueratque Varum Quinctilium, divitem, & Cæsari propinquum, Domitius Afer, Claudiae Pulchrae, matris ejus, condemnator; nullo mirante, quod diu egens, & parto nuper præmio male usus, plura ad flagitia accingeretur. Publium Dolabellam socium delationis exstitisse, miraculo erat, quia claris majoribus, & Varo connexus, suam ipse nobilitatem, suum sanguinem perditum ibat. Restitit tamen senatus, & « oppediendum Imperatorem » censuit: quod unum, urgentium malorum suffugium in tempus erat.

LXVII. AT CÆSAR dedicatis per Campaniam templis, quamquam edicto monuisset, « ne quis quietem ejus inrumperet », concursusque oppidanorum disposito milite prohiberentur; perosus tamen municipia, & colonias, omniaque in continenti sita, Capreas se in insulam abdidit, trium millium freto ab extremis Surrentini promontorii disjunctam. Solitu-

N iij

~~=====~~  
 A. U. C. 780.  
 J. C. 27.  
 dinem ejus placuisse maximè crediderim ;  
 quoniam importuosum circà mare , &  
 vix modicis navigiis pauca subsidia ; ne-  
 que adpulerit quisquam , nisi gnaro cus-  
 tode : cæli temperies hieme mitis , objectu  
 montis , quo sæva ventorum æcentur :  
 æstas in Favonium obversa , & aperto  
 circum pelago peramœna ; prospectabat-  
 que pulcherrimum sinum , antequam  
 Vesuvius mons ardescens faciem loci ver-  
 teret. Græcos ea tenuisse , Capreasque  
 Telebois habitatas , fama tradit. Sed tum  
 Tiberius duodecim villarum nominibus ,  
 & molibus infederat ; quantò intentus  
 olim publicas ad curas , tantò occultos  
 in luxus , & malum otium resolutus.  
 Manebat quippe suspicionum & credendi  
 temeritas , quam Sejanus augere etiam  
 in Urbe fuerus , acriùs turbabat , non  
 jam occultis adversum Agrippinam &  
 Neronem insidiis. Quis additus miles ,  
 nuntios , introitus , aperta , secreta , velut  
 in annales referebat : ultroque struebantur ,  
 qui monerent « perfugere ad Ger-  
 maniam exercitus , vel celeberrimo fori  
 effigiem divi Augusti amplecti , popu-  
 lumque ac senatum auxilio vocare » .  
 Eaque sprete ab illis , velut pararent ,  
 objiciebantur.

LXVIII. JUNIO Silano & Silio Nervâ  
 consulibus, fœdum anni principium in-  
 cessit, tracto in carcerem inlustri equite  
 Romano, Titio Sabino, ob amicitiam  
 Germanici: neque enim omiserat conju-  
 gem, liberosque ejus percolere, sectator  
 domi, comes in publico, post tot clientes  
 unus; eoque apud bonos laudatus, &  
 gravis iniquis. Hunc Latinius Latiaris,  
 Porcius Cato, Petitus Rufus, M. Opsius,  
 præturâ functi, adgrediuntur, cupidine  
 consulatûs; ad quem non nisi per Seja-  
 num aditus: neque Sejanî voluntas, nisi  
 scelere quærebat. Compositum inter  
 ipsos, ut Latiaris, qui modico usû Sabi-  
 num contingebat, strueret dolum, ceteri  
 testes adessent: deinde accusationem in-  
 ciperent. Igitur Latiaris jacere fortuitos  
 primùm sermones: mox laudare constan-  
 tiam, «quòd non, ut ceteri, florentis  
 »domûs amicus, afflictam deseruisset»:   
 simul honora de Germanico, Agrippinam  
 miserans, differebat. Et postquam Sabi-  
 nus, ut sunt molles in calamitate mor-  
 talium animi, effudit lacrimas, junxit  
 questus; audentiùs jam onerat Sejanum,  
 sævitiam, superbiam, spes ejus: ne in  
 Tiberium quidem convicio abstinet. Iique  
 sermones, tamquam vetita miscuissent,

A. U. C.  
 781.  
 J. C.  
 28,

N iv

**=====** speciem arctæ amicitia facere. Ac jam  
 A. U. C. ultro Sabinus quærere Latiarem, ventitare  
 781. domum, dolores suos, quasi ad fidissimum,  
 J. C. deferre.  
 28.

LXIX. CONSULTANT quos memoravi, quonam modo ea plurimum auditu acciperentur: nam loco, in quem coibatur, servanda solitudinis facies; & si pone fores adlisterent, metus visus, sonitus, aut fortè ortæ suspicionis erat. Tectum inter & laquearia, tres senatores, haud minùs turpi latebrâ, quàm detestandâ fraude, sese abstrudunt; foraminibus & rimis aurem admovent. Interea Latiaris repertum in publico Sabinum, velut recens cognita narraturus, domum & in cubiculum trahit: præteritaque & instantia, quorum affatim copia, ac novos terrores cumulat. Eadem ille, & diutiùs; quantò mæsta, ubi semel prorupere, difficiliùs reticentur. Properata inde accusatio, missisque ad Cæsarem literis, ordinem fraudis, suumque ipsi dedecus narravere. Non aliàs magis anxia & pavens civitas, egens adversum proximos; congressus, colloquia, notæ ignotæque aures vitari: etiam muta atque inanima, tectum & parietes circumspectabantur.

LXX. SED Cæsar sollemnia incipientis

anni, Kalendis Januariis, epistolâ precatus; vertit in Sabinum, « corruptos » quosdam libertorum, & petitem se » arguens, ultionemque haud obscure poscebat: nec mora, quin decerneretur: & trahebatur damnatus, quantum, obductâ veste, & adstrictis faucibus, niti poterat, clamitans, « Sic inchoari annum, » has Sejano victimas cadere »: quò intendisset oculos, quò verba acciderent, fuga, vastitas: deferi itinera, fora: & quidam regrediebantur, ostentabantque se rursus, id ipsum paventes, quòd timuissent. « Quem enim diem vacuum pœnâ, ubi » inter sacra & vota, quo tempore verbis » etiam profanis abstinere mos esset, vincla » & laqueus inducantur? Non imprudentem Tiberium tantam invidiam adiisse: » quæsitum meditatumque, ne quid impedire, credatur, quominus novi magistratus, quomodo delubra & altaria, » sic carcerem recludant ». Secutæ insuper literæ, grates agentis, « quòd hominem » infensum reipublicæ punivissent »: adjecto, « trepidam sibi vitam, suspectas inimicorum insidias », nullo nominatim compellato: neque tamen dubitabatur in Neronem & Agrippinam intendi.

LXXI. NĪ MĪHI destinatum foret,  
N v,

A. U. C.

781.

J. C.

288



suum quæque in annum referre, avebat  
 animus anteire, statimque memorare  
 exitus, quos Latinius atque Opius, ce-  
 terique flagitii ejus repertoires habuere,  
 non modò postquam C. Cæsar rerum  
 potitus est, sed incolumi Tiberio: qui  
 scelerum ministros, ut perverti ab aliis  
 nolebat, ita plerumque satiatus, & oblatis  
 in eandem operam recentibus, veteres  
 & prægraves adflixit: verùm has atque  
 alias fontium pœnas, in tempore trade-  
 mus. Tum censuit Asinius Gallus, cujus  
 liberorum Agrippina matertera erat,  
 «petendum a Principe, ut metus suos  
 »senatui fateretur, amoverique sineret». Nullam æquè Tiberius, ut rebatur, ex  
 virtutibus suis, quàm dissimulationem  
 diligebat: eò ægrius accepit, recludi quæ  
 premeret: sed mitigavit Sejanus, non  
 Galli amore, verùm ut cunctationes Prin-  
 cipis aperirentur: gnarus lentum in me-  
 ditando; ubi prorupisset, tristibus dictis  
 atrocia facta conjungere. Per idem tempus  
 Julia mortem obiit, quam neptem Au-  
 gustus, convictam adulterii, damnaverat,  
 projeceratque in insulam Trimerum,  
 haud procul Apulis litoribus. Illic viginti  
 annis exsilium toleravit, Augustæ ope  
 sustentata: quæ florentes privignos cum

per occultum subvertisset, misericordiam erga adflictos palam ostentabat.

A. U. C.

781.

J. C.

28.

LXXII. EODEM anno Frisii, transrhenanus populus, pacem exuere, nostram magis avaritiâ, quam obsequii impatientes. Tributum iis Drusus jusserat modicum, pro angustia rerum, «ut in usus militares, coria bouum penderent»: non intentam cujusquam curam, quæ firmitudo, quæ mensura; donec Olennius, e primipilaribus, regendis Frisiis impositus, «terga urorum» delegit, quorum ad formam acciperentur. Id aliis quoque nationibus arduum, apud Germanos difficilius tolerabatur, quibus ingentium belluarum feraces saltus, modica domi armenta sunt. Ac primò boves ipsos, mox agros, postremò corpora conjugum aut liberorum, servitio tradebant. Hinc ira & questus; & postquam non subveniebat, remedium ex bello: rapti, qui tributo aderant milites, & patibulo adfixi. Olennius infensos fugam prævenit, receptus castello, cui nomen *Flevum*: & haud spernenda illic civium sociorumque manus litora Oceani præsidebat.

LXXIII. Quod ubi L. Apronio, inferioris Germaniæ proprætore, cognitum, vexilla legionum e superiore provinciâ,

N vj

A. U. C.

781.

J. C.

28.

peditumque & equitum auxilium delectos accivit : ac simul utrumque exercitum Rheno devectum , Frisiis intulit ; soluto jam castelli obsidio , & ad sua tutanda digressis rebellibus. Igitur proxima æstuaria aggeribus & pontibus, traducendo graviori agmini , firmat : atque interim , repertis vadis , alam Canninefatem , & quod peditum Germanorum inter nostros merebat , circumgredi terga hostium jubet : qui jam acie compositi pellunt turmas sociales , equitesque legionum subsidio missos. Tum tres leves cohortes ; ac rursus duæ ; dein tempore interjecto , alarius eques immissus : satis validi , si simul incubuissent : per intervallum adventantes , neque constantiam addiderant turbatis , & pavore fugientium auferebantur. Cethego Labeoni , legato quintæ legionis , quod reliquum auxiliorum tradit : atque ille , dubiâ suorum re , in anceps tractus , missis nuntiis , vim legionum implorabat. Prorumpunt quintani ante alios , & acri pugnâ hoste pulso , recipiunt cohortes alasque fessas vulneribus. Neque dux Romanus ultum iit , aut corpora humavit ; quamquam multi tribunorum præfectorumque , & insignes centuriones cecidissent. Mox compertum

a transfugis , nongentos Romanorum  
 apud lucum , quem *Baduhenna* vocant ,  
 pugnâ in posterum extractâ , confectos :  
 & aliam quadringentorum manum , oc-  
 cupatâ Cruptoricis , quondam stipendiarii ,  
 villâ , postquam proditio metuebatur ,  
 mutuis ictibus procubuisse.

A. U. C.

781.

J. C.

28.

LXXIV. CLARUM inde inter Germa-  
 nos Frisium nomen : dissimulante Tiberio  
 damna , ne cui bellum permetteret. Neque  
 senatûs in eo cura , an imperii extrema  
 dehonestarentur : pavor internus occupa-  
 verat animos , cui remedium adulatione  
 quærebatur. Ita , quamquam diversis super  
 rebus consulerentur , « aram Clementiæ ,  
 » aram Amicitiae , effigiesque circum Cæ-  
 » saris ac Sejanî » censuere : crebrisque  
 precibus efflagitabant : « visendi suî co-  
 » piam facerent ». Non illi tamen in  
 Urbem , aut propinqua Urbi degressi  
 sunt : satis visum , omittere insulam ,  
 & in proximo Campaniæ aspici : eò venire  
 patres , eques , magna pars plebis , anxii  
 erga Sejanum , cujus durior congres-  
 sus , atque eò per ambitum , & societate  
 consiliorum parabatur. Satis constabat  
 auctam ei adrogantiam , fœdum illud in  
 propatulo servitium spectanti : quippe  
 Romæ , sueti discursus ; & magnitudine

A. U. C.

781.

J. C.

28.

Urbis incertum, quod quisque ad negotium pergat. Ibi campo, aut litore jacentes, nullo discrimine, noctem ac diem, juxtà gratiam, aut fastus janitorum perpetiebantur: donec idque veritum, & revenêre in Urbem trepidi, quos non sermone, non visu dignatus erat: quidam malè alacres, quibus infaustæ amicitiae gravis exitus imminebat.

LXXV. CETERUM Tiberius neptem Agrippinam, Germanico ortam, cùm coràm Cn. Domitio tradidisset, in Urbe celebrari nuptias jussit. In Domitio, super vetustatem generis, propinquum Cæsaribus sanguinem delegerat: nam is aviam Octaviam, & per eam Augustum avunculum præferebat.



# NOTÆ

*IN IV PRIORES LIBROS  
ANNALIUM  
C. CORN. TACITI.*

---





# NOTÆ

## IN LIBRUM PRIMUM

## ANNALIUM

## C. CORN. TACITI.

---

CAP. II. *P*UBLICA ARMA. Nulla jam senatûs populique arma, ut reipublicæ libertas defenderetur.

*Militem donis, populum annonâ.* Quàm paucis, quàm egregiè Augusti artes, & imperii Romani arcana complexus est Tacitus!

CAP. III. *Sororis filium.* Filium Octaviæ.

*Privignos.* Tiberius, postea Imperator, & Claudius Drusus, filii Tiberii Neronis & Liviæ, quæ postea Augusto nupsit.

*Insulam Planasiam.* Nunc dicitur *Pianosa*, Italiam inter & insulam Corsicam.

CAP. IV. *Duobus . . . adolescentibus.* Druso & Germanico.

*Urbem Nolam.* Nunc *Nole*, in Campaniâ,



CAP. VI. *Codicillos. Quibus Postumi Agrippæ cædes imperata.*

CAP. VII. *A corpore. Neque abscedere se ab Augusti corpore.*

*Uxorium ambitum. Per ambitum Liviae uxoris Augusti.*

CAP. VIII. *Heredes habuit. Hæc explicatius habet Suetonius in Aug. Cap. ult. Heredes instituit primos, Tiberium ex parte dimidia & sextante, Liviam ex parte tertia, quos & ferre nomen suum iussit: secundos Drusum Tiberii filium ex triente, & ex partibus reliquis Germanicum, liberosque ejus tres sexus virilis: tertio gradu, propinquos amicosque complures.*

*Civilem modum. Modesta fuere Augusti legata; nec civium modum egressa. Quæ autem fuerit ejus legatorum ratio nos docet Suetonius loc. cit. Legavit populo Romano quadringenties, Gallicæ monetæ libras 7,782,010; tribubus tricies quinques sestertium, libras 681,048; prætorianis militibus singula millia nummorum, libras 194; legionariis trecenos nummos, libras 98; quam summam repræsentari iussit: nam & confiscatam semper repositamque habuerat. Reliqua legata variè dedit; produxitque quædam ad vicena sestertia, libras 3890; quibus solvendis annum diem finiit, excusata rei familiaris mediocritate: nec plus perventurum ad heredes suos, quam millies & quingenties, libras 29,182,537, professus: quamvis viginti proximis annis quaterdecies millies, libras 272,370,350; ex testamentis amicorum percepisset: quod pæne omne cum duobus paternis patrimoniis ceterisque hereditatibus in rempublicam absumpisset.*

CCCCXXV. Id est quadringenties tricies quin-

quies centena millia nummorum. Quod æquat Gallicæ monetæ libras 8,463,059.

*Porta triumphali.* Porta erat, quâ ducebatur triumphorum pompa. Tum fuit in veteri Urbis muro, inter Capitolium & Tiberim. Auclâ postea ab Aureliano Urbe, fuit paulo supra molem, seu tumulum Adriani, nunc *le Château saint-Ange*.

*Remisit Cæsar.* Permisit Tiberius.

**CAP. IX. Vitæ supremus.** Mortuus est Augustus die 19 mensis Augusti. Eodem ergo die imperium acceperat; fortè anno Urbis conditæ DCCXI, quo, cæsis Hirtio & Pansâ consulibus, extortoque consulatu, arma in Antonium accepit.

*Numerus etiam consulatuum.* Augustus tredecim consulatus iniit: sex autem Valerius Corvus, septem Marius gesserant. *Corvum* autem reposui, quòd ita Ms. Flor. & Fasti Capitolini. Plinio aliisque *Corvinus* dicitur.

*Amnibus longinquis.* Euphrate, Danubio & Rheno septum sub Augusto Romanum imperium.

**CAP. X. Lollianas Varianasque clades.** M. Lollius & Quinctilius Varus in Germaniâ victi: ille anno Urbis conditæ DCCXXXVIII, hic anno DCCLXII.

*Varrones, Egnatios, Julos.* Varro Murena & Marcus Egnatius interfecti ob conjurationes in Augustum: Julius Antonius ob Juliæ adulterium.

*Q. Tedii & Vedii Pollionis.* Notissimus est luxus Pollionis, qui murænas sanguine humano saginabat. Incertum autem *Q. Tedii* nomen; quòd corruptè in Ms. Flor. *que tedii*.

*Livia gravis.* Suâ ambitione & impotenti Tiberiî amore Livia gravis in rempublicam mater: gravior domui Cæsarum noverca, ob Caium ac Lucium

Cæsares veneno extinctos , Agrippam ablegatum & trucidatum.

CAP. XI. *Necessitates.* Necessitates sunt quidquid in publica onera erogatur.

*Largitiones.* In annonam, congiaria, donativa, ludos, spectacula, aliaque id genus. Quanta fuerit in his largitionibus Augusti munificentia abundè docet marmoris Ancyрани inscriptio, quam in priore editione Tom. I, p. 245. explicavimus.

*Intra terminos.* Consilium coercendi intra terminos imperii Augustus addiderat; incertum metu, ne nimia mole & amplitudine labaret imperium: an per invidiam, ne si quis latius imperitaret, gloriâ præcelleret. Quod postea contigit Trajano, optimo & felicissimo Principi.

CAP. XII. *Plusquam civilia agitare.* Supra cives ascenderet, & fortunæ Principum se inferret.

CAP. XIV. *Parentem.* Quodd Tiberium peperisset. In nummis quoque dicitur IVLIA ORBIS GENETRIX.

*Aramque adoptionis.* Ponendam aram adoptionis censebant, quodd Livia in familiam Juliam esset adsumpta; ut dictum est supra, Cap. 8.

*Præsensque erat.* Ob Drusi præsentiam, proconsulare imperium pro eo non est postulatum; cum illud imperium extra Urbem esset, non in Urbe.

*Se non excessurum.* Excessit postea; & quindecim sexdecimque nominavit; ut videre est apud Dionem LVIII, pag. 634.

CAP. XV. *E campo comitia ad patres.* Tiberius

et populo comitia ad senatum transtulit, ut auctoritatem in se facilius & sine invidiâ traheret.

*Sine repulsa & ambitu.* Nulla erat repulsa, nullus ambitus, cum a Principe commendarentur.

*Augustales vocarentur.* In vetere Calendario Herwartiano, IV. ID. OCTOBR. AVGVSTALES, CMXXIII. Id est die duodecimâ Octobris, *Augustales.* *Circenses ludi*, missus viginti quatuor.

*Triumphali veste.* In triumphali veste purpura auro mixta, teste Plinio IX, 36.

CAP. XVI. *Tres simul legiones.* Tres illæ legiones erant Octava, nona, & quintadecima.

*Ob justitium aut gaudium.* Justitium propter mortem Augusti, gaudium ob Tiberii principatum. In luctu publico, nuntiatis cladibus, aliisque reipublicæ calamitatibus, indicebatur justitium, seu cessabant judicia.

*Histrionali studio.* Histrionum studium arsque est partes ac factiones fovere, ut theatralibus suis operis favorem quærant.

CAP. XVII. *Tricena aut quadragena stipendia.* Qui tricenos aut quadragenos militiæ annos tolerabant. Quod sanè durissimum, cum, vel vigente republicâ, equites denos, pedites videnos tantum militiæ annos explerent.

*Apud vexillum.* Non apud aquilas signaque, sed apud vexillum retinebantur.

*Alio vocabulo.* Tum enim Veterani vocabantur.

*Per nomen agrorum.* Milites dimissi agris donabantur. Certè miseri, si, post militiæ labores, uligines paludum, vel inculta montium acciperent.

*Deni in diem assibus.* Deni illi asses æquabant fermè Gallicæ nostræ monetæ asses 10.

*Vacationes munerum.* Milites immunitatem

castrensiū munerum a centurionibus redimebant; eorumque sēvitiam frangebant pecuniā.

*Singulos denarios.* Vult ergo ut milites non denos tantū asses, sed singulos denarios, *Gallicæ nostræ monetæ asses ferme 16*, mereant.

*Sextusdecimus militiæ annus.* Is militiæ finis ab Augusto olim fuerat statutus; ut videre est apud Dionem LIV, pag. 539.

*Premium pecuniā solveretur.* Petunt ut militiæ prēmium ipsis in castris solvatur. Post expletum autem militiæ tempus singulis militibus dabantur duodena millia sestertiūm, *Gallicæ monetæ libræ 2,334*. Dio LV, pag. 563.

*Binos denarios.* *Gallicæ nostræ monetæ asses ferme 32*. Præterea prætoriani, expletā militiā, viritim accipiebant vicena millia sestertiūm, *Gallicæ monetæ libras 3,890*. Dio, loc. cit.

*E contuberniis.* Ex ipsis tentoriis. Contubernia denis militibus, quibus decanus præpositus, constabant, teste Vegetio II, 8.

CAP. XVIII. *Tribunal.* Tribunal, suggestus erat editus. Ibi imperator milites alloquebatur, iisque jus dicebat.

CAP. XX. *Manipuli.* Manipulos in centenos homines distribuit Romulus: postea in ducenos distributi sunt. Retentum tamen centuriæ nomen. Vide Cap. 21.

*Nauportum.* Nauportus in Pannoniā, nunc Ober-Laybach in Carniolā.

*Ob itinera.* Missi ut itinera ac pontes curarent, ceteraque comitatibus necessaria providerent.

*Municipii instar.* Coloniae legibus Romanis; municipia legibus suis, suo jure utebantur. Nau-

portus multitudine civium Romanorum, qui ibi suis legibus vivebant, instar municipii erat.

*Præfectum castrorum.* Cujus erat castrorum positio, valli & fossæ destinatio, aliaque multa, quæ vide apud Vegetium II, 10.

*Manipularis.* Gregarius miles.

CAP. XXII. *Per gladiatores suos.* Gladiatores Romanis oblectamentum simul & bellicæ virtutis incitamentum fuere. *Ituros ad bellum Romanos debuisse pugnas videre & vulnera & ferrum, ne dimicantes in bello, armatos hostes timerent, aut vulnera & sanguinem perhorrescerent.* Capitolinus, in vitâ Maxim. & Balbin. Cap. 8.

CAP. XXIII. *Fractâ vite.* Miles, si Romanus esset, vitibus; si extraneus, fustibus cædebatur. Livius in Epitome LVII. Inde vites commendat Plinius XIV, 1, Sect. 3. *Quid quod insertæ castris summam rerum imperiumque continent? Centurionum in manu vitis, & opimo præmio, tardos ordines ad lentas perducit aquilas, atque etiam in delictis pœnam ipsam honorat.*

*Sirpicum.* Ita dictus videtur a sirpis & vinculis, quæ durius intentabat.

*Miles nonanus.* Nona legio.

CAP. XXIV. *Robora Germanorum.* Fortissimi Germanorum.

*Neque insignibus fulgentes.* Neque torquibus, neque phaleris, neque aliis virtutis suæ bellicæ insignibus fulgentes; incomptis quoque signis: id enim luctûs & mæstiæ argumentum; ut videre est Annal. III, 2.

CAP. XXV. *Senatui servanda.* Tiberius,

cautus Princeps, auctoritatem senatûs obtendit;  
ut suæ consulat.

**CAP. XXVI. *Mandata Clementi.*** Mandata esse Clementi, centurioni, quæ nomine omnium proferret.

*Tiberium olim.* Cùm Germanicis legionibus præsideret, sub Augusto Principe.

*Filiosfamiliarum.* Filios nondum juris sui compotes, sed in tutorum potestate.

**CAP. XXVII. *Cn. Lentulo.*** De ejus laudibus plura habet Tacitus, Annal. IV, 44.

**CAP. XXVIII. *Luna . . . visa languescere.*** Hac eclipsis, quâ tota luna obscurata est, manè contigit die 27 Septembris, anno Urbis conditæ DCCLXVII, Jesu-Christi 14. Hac temporis indicatione nihil insignius ad illustranda Tiberii principatûs initia, hujusque seditionis tempus.

*Pro Neronibus & Drusis.* Pro Tiberio & Drusô Tiberii filio.

*Novissimi in culpam.* Ii quidem novissimi in culpam, cùm ante eorum adventum jam cœpta seditio; ut dictum est Cap. 16. Germanicæ quoque legiones tumultuabantur.

*Omittunt portas.* Quas stationibus firmaverant; ut vidimus Cap. 25.

**CAP. XXIX. *E cohorte Drusi.*** Id est ex comitibus & amicis Drusi. Vide Annal. III, 13, VI, 9.

*Primi ordinis centurio.* Primi quidem ordinis centurio erat Justus Catonius, nondum tamen primipilus. Id enim non fileret Tacitus. Sed & in primo omnium ordine duo erant centuriones, quorum unus tantum primipilus.

**CAP. XXX.**

CAP. XXX. *Desolatus*. Aliorum discessione solus relictus. Nec aliter Virgilius *Æneid.* XI, 870.

*Disiectique duces, desolatique manipuli  
Tuta petunt.*

CAP. XXXI. *Cui nomen superiori*. Duo erant apud ripam Rheni exercitus. Superior exercitus in Germaniâ superiore: inferior exercitus in Germaniâ inferiore. Utraque hæc Germania cis Rhenum erat; & quæ inferior dicebatur, fuit Oceano propior. Id autem diligenter observandum est, ut Taciti *Annales Historiasque* inoffenso pede adire liceat.

*Agendo Galliarum censui*. Ut Galliarum incolæ, prædia, opesque describerentur, & inde tributa ac vectigalia attemperarentur. Mira fuit in his censibus Romanorum industria, quâ totus terrarum orbis minimæ domûs diligentiam continebatur.

*Seditionis alienæ*. Quam moverat exercitus inferioris Germaniæ.

*Vicesimâ legionibus*. In inferiore Germaniâ tum erant quatuor legiones I, V, XX & XXI.

*In finibus Ubiorum*. Ubii cis Rhenum, ubi nunc Cologne.

*Vernacula multitudo*. Cæsis in Varianâ clade legionibus, libertini aliaque vernacula multitudo lecti, ut supplerentur Germanici exercitus.

*Alios validiores exercitus*. Validiores illi exercitus erant in Germaniâ superiore & inferiore, in Dalmatiâ & Moesiâ.

*In suum cognomentum*. Tiberium ejusque fratrem Claudium Drusum imperatoriis nominibus auctos vidimus *Annal.* I, 3. Et in cognomentum Germanicarum legionum adscitus Drusus, dictus est Germanicus. In ejus nummis NERO CLAUDIVS

Tom. I.

O



DRVSVS GERMANICUS IMP. Ejusque filius appellatus Germanicus.

CAP. XXXII. *Militaribus odiis.* Ob sævitiam centurionum.

*Sexageni singulos.* Singulis legionibus sexageni erant centuriones. Inde sexageni in singulos centuriones invadunt, ut numerum centurionum adæquent.

C. *Cæsaris.* Caii Caligulæ. Vide Supplementum Annal. VIII, 68, & seqq.

*Neque disjecti.* Non disjecti, aut paucorum instinctu, ut apud Pannonicas legiones, tumultuabantur.

*Regi crederes.* Simul ardescebant, simul filebant; tantæque æqualitate & constantiâ, ut eos uno eodemque spiritu regi agique crederes.

CAP. XXXIII. *Augustæ nepos.* Germanicus nepos Livæ.

*Paullo commotior.* Agrippina, uxor Germanici, erat quidem paullo commotior, & offensivum impatientior; at castitate, & mariti amore, animum suum, quamvis indomitum, in bonum vertebat.

CAP. XXXIV. *Sequanos proximos.* Haud procul Sequanis, & fortè Lugduni, agebat Germanicus, cum accepit Augustum excessisse. Sequanos, quorum Caput erat Vefontio, nunc Besançon, & Belgarum civitates in verba Tiberii adigit.

*A veneratione Augusti.* Orationem orsus a virtutibus laudibusque Augusti divinos honores adepti.

CAP. XXXV. *Pretia vacationum.* Pretia a centurionibus exigi solita, ut vacationes munerum concederent.

*Mederetur fessis.* Orabant ut mederetur fessis, nec ipsos in iisdem laboribus immori pateretur; sed finem tam exercitiæ militiæ, neque inopem requiem daret.

*Legatam a divo Augusto pecuniam.* Trecentos nummos, ut dictum est suprâ, Cap. 8.

*Singuli propius incedentes.* Tanta erat vel singulorum audacia.

*Ac spatium fuit.* Datum est a conglobatâ concione spatium, quo Germanicus ab amicis in tabernaculum raperetur.

CAP. XXXVI. *Ubiorum oppidum.* Nunc Cologne.

*Invasurus hostis.* Germani Transrhenani, si Rheni ripa omitteretur, invasuri.

*Duplicarique.* Ita ut pro trecentis nummis solverentur singulis militibus sexcenti, *Gallicæ monetæ libræ 116.*

CAP. XXXVII. *Missio.* Gallicè *le Congé.*

*Fisci de imperatore rapti.* Turpe erat agmen; quod signa inter & aquilas vehebat saccos argento plenos, raptos de Germanico imperatore, qui, ex viatico amicorum suâque pecuniâ, ab Augusto legata & nomine Tiberii Principis duplicata persolverat. De fiscis militaribus plura habet Vegetius II, 20.

CAP. XXXVIII. *In Chaucis.* Chauci, Oceano proximi, inter Amisiam, l'*Ems*, & Albim, l'*Elbe*, habitabant. Inde autem patet etiam post Varianam cladem præsidia trans Rhenum Romanis super-  
fuisse.

O ij

*Præsidium agitantēs vexillarii.* Vexillarii dicti sunt, qui retinebantur, aut mittebantur sub vexillo. Inde vexillationes primæ, secundæ, tertiæ, aliarumque legionum, quæ in veteribus monumentis inscriptionibusque sæpe memorantur. Sub vexillo retinebantur veterani: erant quoque sub vexillo tirones, aliique in legionis numeros nondum relati. Mittebantur autem sub vexillo seu veterani, seu tirones, seu alii quique militum qui sine signis, sine aquilis, sed cum vexillis mittebantur. Vexillarii, de quibus nunc agitur, videntur præsidium agitasse, ubi nunc *Emden*, in *Frisiâ Orientali*, *Ost-Frise*. De Vexillariis plura diximus in priorē editione, Tom. I, pag. 351.

*Concesso jure.* Jus enim gladii erat penes legatum; minimè verò penes castrorum præfectum.

*Ad ripam.* Ad ripam Rheni vexillum vertit, & turbidos nihilque ausos in hiberna cis Rhenum reduxit.

CAP. XXXIX. *Regressum jam.* Germanicus regressus erat a Germaniâ superiore.

*Apud Aram Ubiorum.* Ara Ubiorum, nunc *Bonn*: ni fortè sit locus paullo superior, qui nunc dicitur *Gots-berg*, seu mons divinus, ut opinatur Cl. d'Anville. *Notice de la Gaule*, pag. 86.

*Consulatu functum.* Anno Urbis conditæ DCCLXVI, Jesu-Christi, 13.

*Vexillum in domo Germanici situm.* Vexillum imperatorium, ut vult Lipsius: nec immeritò. Hoc enim erat auctoritatis insigne, quod seditiosi raptum ibant. Sunt tamen qui id intelligant de vexillo, quo donati fuerant veterani.

CAP. XL. *Parvulum filium.* Caium Caligulam. Qui manebant. Nec minus tristes, Germanicus ejusque amici, qui in castris manebant.

**CAP. XLI. *Advertère.*** Facies hæc non florentis Cæsaris, neque suis in castris, sed velut in urbe victâ agentis, gemitusque ac planctus abeuntium, ad se verterunt & perculerunt aures oraque seditiosorum etiam militum. Progrediuntur contuberniis: rogitant quis ille flebilis sonus? quod tam triste? stupent feminas illustres, sine centurione ad tutelam, sine milite, sine ullis imperatoriæ uxoris, aut comitatus soliti insignibus, pergere ad Treveros, & populis externæ fidei committi. *Externæ autem fidei* populi illi dicuntur, quia Galli, nec dum coloniæ jus adepti.

*In castris genitus. Inde divulgati versus:*

*In castris natus, patriis nutritus in armis*

*Jam designati Principis omen erat.*

Acta tamen Caium Antii, nunc *Capo d'Anzo*, editum ferebant. Vide Suetonium in Caio, *Cap. 8.*

*Caligulam.* Ita dictum a caligâ, seu calceo militari.

**CAP. XLII. *Quirites vocando.*** Julius Cæsar decumanos, seu decimam legionem, *unâ voce*, quâ QUIRITES eos pro militibus appellarat, tam facile circumegit & flexit, ut ei milites esse confestim responderint, & quamvis recusantem ultro in Africam sint secuti. Sueton. in Jul. *Cap. 70.*

*Actiacas legiones.* Quæ post Actiacam victoriam Brundisii turbabant. Sueton. in Aug. *Cap. 17.*

**CAP. XLIII. *Discedite a contactu.*** Discedite a contactu & societate seditiosorum.

**CAP. XLIV. *Centurionatum inde egit.*** Postea Germanicus recensuit centuriones, eorumque examen instituit.

*Retinebat ordinem. Ordinem centurionis.*

O iij

### 318 IN LIBRUM PRIMUM

CAP. XLV. *Vetera. Vetera castra, nunc Santen, dans le Duché de Cleves.*

CAP. XLVI. *Duorum adolescentium. Drusi & Germanici.*

CAP. XLVII. *Caput rerum. Romam.*

*Impedimenta. Sarcinas, commeatus, aliaque bello necessaria.*

CAP. XLVIII. *Contubernia. De iis dictum suprâ, Cap. 17.*

CAP. XLIX. *Piaculum furoris. Ut furorem suum, seque commilitonum sanguine contemneratos expiarent.*

*Junctoque ponte. Ad vetera castra, aut haud procul, pontem junxit.*

CAP. L. *Silvam Cæsiam. Nunc la forêt d'Herwaldt, in Cliviâ Transrhenanâ.*

*Limitemque. Limes ille fuit in Cliviâ Transrhenanâ, prope oppidum Schermbek; ut rectè monuit Cluverius, Germania Antiq. III, 9, pag. 542.*

*Concædibus. Cæsis aggestisque arboribus munitus.*

*Saltus obscuros. Obscuros silvæ Cæsiæ saltus.*

*Breve & solitum. Iter illud a Tiberio strui cœptum, post a Domitio perfectum, ab occasu solis ad ortum, propter dexteram Luppiae, nunc la Lippe, ripam, ad castellum Alifonem, nunc Elsen, rectissimè tendebat; ut rectè explicat eruditus Bucherius, Belgium Romanum, III, 4.*

*Impeditius & intentatum. Hoc iter paulo magis ad sinistram & Aquilonem versùs oppidum Munster divertebat. Bucherius, ibid.*

*Ad vicos Marforum.* Fuere in ditione Monasteriensi, le Diocese de Munster, inter Amisiam, l'Ems, & Luppiam, la Lippe.

*Ac ne pax quidem.* Non pervigil, sed languida & soluta inter temulentos pacis cura.

**CAP. LI. Tanfanæ.** Tanfanæ templum oppido Coesfeldt vicinum fuisse videtur; sacrumque deo silvæ Cæsiæ: unde nomen Tanfanæ, a Fane dominus, & Tan silva; ut explicat eruditus Eccardus, de Origine Germanorum, pag. 279.

*Bructeros, Tubantes, Usipetes.* Populi erant vicis Marforum proximi. Bructeri ad Septentrionem, Tubantes ad Ortum, Usipetes, sæpius Usipii ad Meridiem.

*Itineri & prælio.* Incessit, exercitu composito viæ pariter & pugna; ut loquitur ipse Tacitus Annal. XIII, 40.

*Leves cohortes.* Sociorum cohortes leviter armata.

**CAP. LIII. Pandataria insula.** Nunc l'isle Sainte-Marie, in sinu Puteolano.

*Oppido Rheginorum.* Nunc Regio, in Calabria ulteriore.

*Caio & Lucio Cæsaribus.* Caius & Lucius filii erant Juliæ & M. Agrippæ.

*Cercinam.* Nunc Kerkeni, prope Syrtim minorem, hodie le golfe de Cabés.

**CAP. LIV. Sodalium Augustalium.** Hoc sacerdotium in honorem divi Augusti additum est.

*Ludos Augustales.* Qui celebrati sunt IV Idus Octobris; ut jam monuimus supra, Cap. 15.

*Histrionum.* Quorum ludicrum primum, imperante Augusto, Romæ visum est.

O iv.

*Bathylli. De hoc histrione, seu pantomimò, Juvenalis VI, 63.*

*Cheironomon Ledam molli saltante Bathyllo.*

CAP. LV. *In Cattos. Catti, la Hesse.*

*Arminium ac Segestem. Cheruscorum principes. Varo. Quintilio Varo; de quo jam dictum suprà, Annal. I, 3 & 43.*

*Filiam ejus. Thufneldam, Segeftis filiam, Arminii uxorem. Vide Strabonem VII, pag. 292.*

*Gener invisus. Arminius invisus: inimici soceri, Sigimerus & Segeftes.*

CAP. LVI. *Cæcinæ tradit. A. Cæcinæ, inferioris Germaniæ legato, inferiorem exercitum tradit Germanicus: ipse superiorem exercitum ducit.*

*Paterni præsidii. Drusianum illud præsidium, a Druso, Germanici patre exstructum, in eo loco erat, ubi nunc Wisbaden.*

*Monte Tauno. Mons Taunus trans Rhenum ex adverso Moguntiaci, Mayence, situs; nunc Heyrich, seu die Hoehe appellatur.*

*Munitiones viarum. Viarum illarum, aggeribus tabulisque & trabibus munitarum, vestigia passim in Hassiâ & Westphaliâ exstare docet Cl. Eccardus, de Origine German. pag. 282.*

*Flumen Adranam. Adrana, nunc l'Eder. Comitatum Waldek interfuit.*

*Incenso Mattio. Mattium, nunc Marpurg, in Hassiâ.*

*Aperta populatus. Loca illa aperta sunt inter Marpurg & Putzbach,*

*Cheruscis. Cherusci citra utraque Visurgim; le Wêser, habitavere. Nunc le Brunswick.*

*Exterruit Cæcina. Cæcina, Luppian, la Lippe, secutus, Cheruscos exterruit, Marfos vicit.*

**CAP. LVII.** *Anno, quo Germaniæ descivere.*  
**H**æc pertinent ad immensum bellum, quod exarsit sub M. Vinicio, anno Urbis conditæ DCCLIV, Jesu Christi 1, ut ex Velleio Paterculo II, 104, rectè collegit eruditus Ryckius. Hoc ergo anno Segimundus sacerdos Augusti adhuc vivi creatus fuerat apud Aram Ubiorum. Postea ruperat vittas, profugus ad rebelles; & ut videtur, post Varianam cladem.

*Aram Ubiorum.* De quâ dictum suprâ, Cap. 39.

*Gallicam in ripam.* Cis Rhenum, & fortè Aram Ubiorum missus; ut conjicere est ex Annal. I, 59.

**CAP. LVIII.** *Civitate donatus sum.* Segestes; ipseque Arminius, a divo Augusto civitatis Romanæ jure olim donati fuerant, cum Romanis Tiberioque in Germaniâ bellanti faverent.

*Testis illa nox.* Quæ Varianam cladem præcessit. Vide suprâ, Annal. I, 55.

*Vetera.* Vetera castra, *Santen*; de quibus jam suprâ, Cap. 45.

*Ravennæ.* Hodieque *Ravenne*.

*Memorabo.* Hæc Annalium aut Historiarum pars periit. Thumelicum tamen, tres annos natum, in Germanici triumpho, de quo Annal. II, 41, vectum fuisse docet Strabo VII, pag. 292. De ceteris ludibriis nihil audivi.

**CAP. LIX.** *Egregium patrem.* Segestem; Thufneldæ, uxoris Arminii, patrem.

*Procubuisse.* In clade Varianâ.

*Victam ripam.* Victam Rheni Galliæque Belgicæ ripam, in quâ erant Vetera, data Segesti sedes.

*Hominem Germanos.* Germanos numquam satis excusaturos hominem illum, *Segestem*, quo



## 322 IN LIBRUM PRIMUM

proditore , viderunt inter Albim & Rhenum Romanorum virgas , secures , & togam.

*Imperitum adolescentulum.* Ne Germanicum , imperitum adolescentulum , ne exercitum , nuper seditiosum , pavescerent.

**CAP. LX. *Cæsari metus.*** Germanico Cæsari metus.

*Per Bructeros.* Bructeri , nunc *Ower-Iffel & partie de la Westphalie* , inter Rhenum & Amisiam , l'*Ems*.

*Finibus Frisiorum.* Frisii infra Bructeros , & Oceano proximi. Nunc *la Frise*.

*Per lacus vexit.* Germanicus quatuor legiones , navibus impositas , vexit per lacus , quos omnes absorpsit pars illa Oceani , quam dicimus *le Zuider-Zée*.

*Prædictum amnem.* Amisiam , l'*Ems*.

*Chauci.* De Chaucis dictum supra , Cap. 38.

*Luppiam.* Nunc *la Lippe*.

*Teutoburgiensi saltu.* Manent adhuc victoriæ monumenta in diœcesi Paderbornensi prope oppidum *Horn* , & inter *Paderborn & Lemgow*. Ibi silva *Teuteberg* & campus *Winfeldt* , id est *Victoriæ*. Ibi eruta ossa , arma : ibi reperta *Julii Cæsaris & Augusti numismata* , teste illustr. de *Furstemberg* , *Monumenta Paderbornensia* , p. 21.

**CAP. LXI. *Dimensis principiis.*** Principia ; locus erat , in quo aquilæ & signa legionum servabantur. Cognitis ac dimensis illis principiis , trium legionum manus , id est castra eorumque spatia ostentabant.

*Scrotes.* Scrobes , fossæ erant , in quibus dam-nati , capite plectebantur : mortui terrâ obruebantur.

CAP. LXII. *Formidolosorem hostium.* Metuentem magis hostes.

CAP. LXIII. *Pontes longos.* Pontes illos, seu aggeres, a fluvio Salâ per *Lankvoorde*, *Lichtvoorde*, *Amssen* & *Kævoorde*, a L. Domitio, Neronis Principis avo, ductos exhibet & explicat Cl. Alting, *Notitia Germaniæ inferioris*. Tab. 2. & pag. 53.

*Ut opus.* Ut alii pontes reponerent, alii prælium inciperent.

CAP. LXVI. *Decumana.* A posticâ castrorum parte erat porta decumana, & ab hoste remotissima; ideoque tutissima fugientibus.

CAP. LXVIII. *Injiciunt crates.* Proruunt fossas; iisque prorutis injiciunt crates, ut ad vallum accedant, ejusque summa prensare queant.

CAP. LXIX. *Impositum Rheno pontem.* Ad Vetera castra, *Santen*, aut propè; ut jam notatum suprâ, Cap. 49.

C. Plinius. Idem Historiæ naturalis scriptor.

*Simplices eas curas.* Non simplices esse eas curas; sed aliùs intendi: nec quæri militem adversus externos hostes; sed adversus patriam & Principem.

*Seditionem.* Inferioris exercitus seditionem, de quâ suprâ, Cap. 40 & seqq.

CAP. LXX. *Vadoso mari.* Vadofum illud mare inter insulas *Borkum* & *Schelling*.

*Reciproco sideret.* Levior fidebat classis, refluente æstu.

*Aquilonis.* Propriè Cori, le Nord-Ouest.

O vj

*In editiora.* Edita hæc loca adhuc videntur in ripâ dextrâ amnis Unsingis.

*Ad amnem Unsingin.* Unsingis, nunc Hunse, vel Hunsing, cui adjacet urbs Groningue.

CAP. LXXII. *Triumphalia insignia.* Hæc insignia fuere, teste Livio XXX, 15, aurea corona, aurea patera, sella curulis, scipio eburneus, toga picta & palmata tunica. Adde ex Tacito statuas laureatas & triumphale nomen. His autem ornamentis triumphales viros, dum viverent, uti licebat.

*Specie legis ejus.* Inde Horatius II. Epist. I, 152:

Quin etiam lex

*Pœnaque lata, malo quæ nollet carmine quemquam  
Describi.*

CAP. LXXIV. *Et juratum.* In gravibus judiciis jurare soliti erant judices. Inde Plinius XXXIII, 34. *Vir optimus semel a condito ævo judicatus est Scipio Nasica a jurato senatu.*

*Ad recipiatores.* Judices erant, qui de repetundarum criminibus cognoscebant.

CAP. LXXV. *Mole publicæ viæ.* Ingentibus filicibus, quibus sternebantur viæ, & immanium transvectione saxorum, ductuque aquarum labefactæ ædes.

*Decies sestertium.* Gallicæ monetæ libræ sunt 194,531.

CAP. LXXVI. *Proconsulari imperio.* Provinciarum aliæ erant Cæsaris, aliæ senatûs populique Romani. Sub Principibus, ac maximè sub Tiberio, austero Principe, provinciæ molli imperio conti-

nebantur, quòd earum rectores nihil iniqui auderent, aut citò plecterentur. Contrà verò in provinciis, quæ a senatu administrabantur, grave erat imperium, ob proconsulum avaritiam, & impunitatem. Ipsi enim pars erant senatûs, & cum senatoribus adfinitate & necessitudinibus conjuncti.

*Germanici fratris.* Germanicus ob adoptionem erat frater Drusi.

*Quod vulgus formidolosum.* Melius, quod in *vulgus formidolosum*; ut conjecit Lipsius.

CAP. LXXVII. *De modo lucaris.* Lucar dicebatur pecunia, quæ in spectacula erogabatur: ita appellata, quod multi erant circa Urbem luci, quorum reditus in has impensas infumebantur. Vide Plutarchum, *Quæstion. Roman.* Tom. II, pag. 285.

CAP. LXXVIII. *In coloniâ Tarraconensi.* Nunc *Tarragone dans la Catalogne.*

*Centesimam.* Ut & nos loquimur *le centième.* *Expresserant.* Ut dictum suprâ Annal. I, 36.

CAP. LXXIX. *Clanis.* Amnis ille nunc *Chiana* appellatur; & in Tiberim influit.

*In amnem Arnum.* Arnus, nunc *l'Arno*; cui apppositi Florentini.

*Interamnates.* Interamna, nunc *Terni.* De hac urbe, Taciti patriâ, dictum suprâ in Præfatione.

*Amnis Nar.* Nunc dicitur *Nera.*

*Nec Reatini.* Reate, nunc *Rieti.*

*Velinum lacum.* Nunc *Lago di pié di Luco*; in Umbriâ.

*Nil mutandum censuerat.* Censuit postea Benedictus XIV, Pontifex Maximus; & ad coerendas Tiberis inundationes, Clanis & Arni paludes, ne in Tiberim influerent, curavit.

CAP. LXXXI. *De comitiis consularibus. De comitiis*, quæ sub Tiberii principatu primum hoc anno, ac deinceps fuere, ut crearentur consules, vix quidquam affirmare ausim.

*Modo, subtrahis.* Tiberius modò, subtrahebat; seu reticebat candidatorum nomina, eorum tantum originem, vitam, stipendia describebat, ut qui forent intelligeretur: aliquando, ut majori libertatis imagine illuderet, eam quoque originis, vitæ, stipendiorum significationem omisit, candidatos etiam hortatus ne ambitu comitia turbarent, suam ad id curam pollicitus est. Nempe adseverabat se curaturum ut sine ullo ambitu candidatorum optimus quisque deligeretur.





## NOTÆ

IN LIBRUM SECUNDUM

## ANNALIUM.

**CAP. I.** *P*ROVINCIAEQUE ROMANÆ;  
Provincia regnis Orientis conterminæ.

*Arfacidarum.* Ab Arface, imperii Parthici conditore, reges Parthi dicti sunt Arfacidæ.

*A Phraate.* Cum Parthorum regum Arfacidarumque frequens sit apud Tacitum mentio, utile erit eorum canonem proponere, & ex nummis super in lucem editis eum illustrare.

*Canon regum Parthorum.*

**ARSACES**, ab Antiocho II (perperam Justinus a Seleuco) Syriæ rege deficit, L. Manlio Vulsone, A. U. C. M. Antilio Regulo consulibus. Justinus XLI, 4 498. & 5. Ab Arface ortum Arfacidarum nomen. A. C.

**ARSACES II**, Arfacis filius. Justin. XLI, 5. 256. Polyb. X, pag. 598. Contrà Arianus apud Syn- cellum, pag. 284, ait Arfacem duos tantum annos regnasse, eique per annos 37 fratrem ejus Tiri- daten successisse.

**ARTABANUM** Recentiorum multi memo- rant, quem silent Justinus & Polybius.

**PRIAPATIUS** annos quindecim regnavit : dictus quoque *Arfaces*, sicut ceteri reges. Justin. **XLI**, 5.

**PHRAATES I**, Priapatii filius, *Mardos* domuit. Justin. **XLI**, 5.

**MITHRIDATES I**, Priapatii filius, vir insignis virtutis. Justin. **XLI**, 5.

**PHRAATES II**, Mithridatis I filius, a militibus interfectus. Justin. **XLII**, 1.

**ARTABANUS I**, aliis **II**, Phraatis II patruus; in bello vulneratus, statim decedit. Justin. **XLII**, 2.

**MITHRIDATES II**, cognomento **MAGNUS**, Artabani I filius. Justin. **XLII**, 2.

**MNASCIRES**, annos sex & sexaginta vixit. Lucian. Tom. III, in Macrobiis, **XVI**.

**SANATRUCES**, annos natus octoginta regnare coepit : annis septem regnavit. Luciano, *ibid.* **XV**, perperam dictus *Sintruces*. Exstant enim ejus nummi ΒΑΣΙΛΕΥΣ ΑΡΣΑΚΟΥ ΣΑΝΑΤΡΟΙΚ...

**PHRAATES III**, Sanatrucis filius, cognomento **DEUS**. Appian. in *Mithridatic.* pag. 242. Photius, *Cod.* **XCVII**.

**MITHRIDATES III**, Phraatis III filius; propter crudelitatem regno pellitur; mox a fratre interficitur. Justin. **XLII**, 4. Appian. in *Parthic.* pag. 134.

**ORODES I**, Mithridatis III frater, Crassum & undecim legiones Romanas trucidavit anno U.C. dcc. A.C. 53. Justin. **XLII**, 4. Florus **III**, 2. Appian. in *Parthicis*, pag. 140. Tacit. *Annal.* **II**, 2. Filius ei fuit Pacorus a Ventidio victus & interfectus. Tacit. *Hist.* **V**, 9. de *Moribus German.* Cap. 37.

**PHRAATES IV**, Orodus filius, homo sceleratissimus, patre & triginta suis fratribus interfectis,

imperat. Antonium & sexdecimlegiones Romanas exturbavit anno U. C. DCCXVIII. A. C. 36. Scelerum suorum pœnas veritus quatuor suos filios Vononen, Seraspadanen, Rhodaspem & Phraaten obsides Augusto misit. Dio XLIX, pag. 406. Justin. XLII, 5. Appian. in Parthic. pag. 155 & seqq. Tacit. Annal. II, 2.

PHRAATACES, Phraatis IV filius nothus & interfector, mox regno pulsus. Joseph. Antiq. Judaic. XVIII, 2. Tacit. Annal. II, 2.

ORODES II, Arfacidarum sanguine prognatus; brevi pulsus. Tacit. Annal. II, 2.

VONONES I, Phraatis IV filius, ob luxum moreſque Romanos regno pulsus. Tacit. Annal. II, 2. A. U. C. 758.

ARTABANUS II, aliis III, Arfacidarum e sanguine, a Parthis excitur, regnoque potitur. Tacit. Annal. II, 3. J. C. 5.

PHRAATES V, Phraatis IV filius, contra Artabanum II, a Tiberio rex mittitur. At, apud Syriam morbo absumptus, perit. Tacit. Annal. VI, 31 & 32. A. U. C. 788. J. C. 35.

TIRIDATES, Phraatis IV nepos, &, ut videtur, Vononis I filius, a Tiberio missus, Artabani II regnum occupat: mox pellitur. Tacit. Annal. VI, 32, 37 & 44.

ARTABANUS II, secundum. Joseph. Antiq. Judaic. XX, 3. Ejus filius fuit Darius, Caio Caligulæ obſes datus, & in triumpho vectus. Vide Supplement. Annal. VII, 12, & VIII, 12.

CINNAMUS, Artabano II profugo, imperat. Joseph. *ibid.*

ARTABANUS II, tertium. Joseph. *ibid.*

BARDANES, Artabani II filius, patri succedit: mox regno pulsus. Joseph. *ibid.*



GOTARZES, Bardanis frater, imperium occupat; fratri Artabano, conjugii ac filio ejus mortem properat. Ob hæc aliaque sæva regno proturbatur. Tacit. Annal. XI, 8.

BARDANES iterum imperat, a Parthis accitus: dein a popularibus suis primam intra juventam interficitur. Tacit. Annal. XI, 8.

GOTARZES, secundum imperat. Tacit. Annal. XI, 10.

**MEHERDATES**, Phraatis IV nepos, Vononis I filius, Gotarzis æmulus, & ab illo victus. Tacit. Annal. XI, 10. XII, 10 & 14.

**VONONES II**, Gotarze mortuo, in regnum accitus; brevi & inglorio imperio perfunctus est. Antea Medos præsidebat. Tacit. Annal. XII, 14.

**VOLOGESES I**, Vononis II filius, maternâ origine ex pellice Græcâ, concessu fratrum regnum adeptus. Tacit. Annal. XII, 14 & 44.

**VARDANES**, Vologesis I, patris sui, æmulus. Tacit. Annal. XIII, 7.

**PACORUS**, Parthorum rex, sub Trajano Principe. Plin. X, 16. Vide & Appendicem Chronologicam ad annum U. C. DCCCLVII.

**CHOSROES**, bello petitus a Trajano. Dio LXVIII, p. 778. Vide & Appendicem Chronologicam ad annos U. C. DCCCLXVII, DCCCLXVIII.

**MONNESES**, Chosrois æmulus. Exstant ejus nummi cum notis annorum YKB. YKE, id est 422 & 425. Quæ Æra cum incipiat ab anno 311 ante Christum, ut probavere Cll. Barthelemy & Pellerin, *Troisième Supplément aux Recueils de Médailles*, pag. 12 & seqq. nummi illi pertinent ad annos U. C. DCCCLXIV & DCCCLXVII. Jesu Christi 111 & 114.

**PARTHAMASPATES**, profugo Chosroe, a Trajano Parthis rex impositus. Dio LXVIII,

pag. 785. Vide & Appendicem Chronologicam ad annum U. C. DCCCLXIX.

CHOSROES, defuncto Trajano, regnum recuperat.

VOLOGESES II. Dio LXIX, pag. 794. Exstant ejus nummi cum notis annorum ΓΑΥ. ΓΝΥ. ΖΥ. id est 433, 453 & 460. Ergo jam imperabat anno ΓΑΥ, seu anno U. C. DCCCLXXV, Jesu Christi 122. Nec imperare desierat anno ΖΥ, seu anno U. C. DCCCCII, Jesu Christi 149. Quibus temporum notis egregiè illustrantur Vologesis II tempora. Vide Cl. Pellerin, loc. cit.

VOLOGESES III. Habentur ejus nummi cum notis annorum ΑΕΥ. ΔΕΥ. ΕΕΥ. quæ significant annos 461, 464 & 465. Immo Cl. d'Ennery habet etiam inscriptos notis ϜΕΥ & ΘΕΥ. quæ indicant annos 466 & 469. Ergo illi nummi pertinent ad annos U. C. DCCCCIII. DCCCCVI. DCCCCVII. DCCCCVIII. DCCCCXI. Jesu Christi 150, 153, 154, 155, 158. Videtur vixisse usque ad annum U. C. DCCCCLII. Jesu-Christi 199, quo capta est urbs Ctesiphon. Dio LXXV, pag. 854. Vide Cl. Pellerin, loc. cit.

Sub Vologesis III finem de Parthico regno certare ejus filii. Huc pertinere videtur nummus Pacori, quem exhibet Cl. Pellerin, *Mélanges de Médailles*, Tom. I, pag. 147, inscriptus notâ ΦΙ, id est 510. Quod cadit in annum U. C. DCCCCLII. Jesu-Christi 199. Huc quoque fortè pertinet nummus Apfaci, inscriptus ΗΦ, id est 508. Quod incidit in annum U. C. DCCCCI. Jesu-Christi 197. Hunc nummum Cl. Vaillant perperam retulit ad Saporem, Parthorum regem. Vide Cl. Pellerin, *Troisième Supplément aux Recueils de Médailles*, pag. 22.

ARTABANUS III, aliis IV, ultimus Par-

thorum rex. Ad eum certissimè pertinet nummus; quem e Gazá Francisci Augusti publicavit P. Frœlich cum notâ ΚΦ, id est 520. Quod cadit in annum U. C. DCCCCLXII. Jesu Christi 209. Artabanus, tribus præliis victus ab Artaxerxe victore interfectus est anno U. C. DCCCCLXXVI. Jesu Christi 223. Finis fuit imperii Parthici. Persicum regnum instauravit Artaxerxes. Dio LXXX, pag. 918. Herodianus IV, 2 & seqq. Pellerin, loc. cit. pag. 23.

*Ad Augustum verterat.* Phraates IV cuncta venerantium officia ad Augustum adeò verterat, ut signum capri, quo natus erat Augustus, collo suo in nummis insculptum voluerit; ut videre est apud Cl. Pellerin; *Troisième supplément aux Recueils des Médailles*, pag. 9 & 34, Tabula I, num. 2. Præterea signa, quæ oppresso Crasso, pulso Antonio, ceperant Parthi, Augusto remisit, eique quatuor suos filios obsides commisit: veritus ne populi, scelera exosi, sibi insidias struerent.

*Ducesque Romanos.* Antonium, Oppium Stratianum aliosque duces Romanos vicit ac depulit Phraates IV.

CAP. II. *Sequentium regum.* Phraatacis & Orodis II.

*Venerè in Urbem legati.* Ex Suetonio in Tiber. Cap. 16. Parthorum legati venerunt anno Urbis conditæ DCCLVIII, Jesu Christi 5, cum Tiberius tribuniciam potestatem rursus accepisset, & in Germaniam esset profectus.

*Credidit Cæsar.* Cæsar Augustus.

*Nova vitia.* Illæ ipsæ virtutes, Parthis ignotæ; nova videbantur vitia.

CAP. III. *Apud Dahas.* Caspii maris accolæ

erant Dahæ , nunc *le Dahistan*.

*Datus a Cæsare.* Ab Augusto.

*ATiberio Nerone.* Tiberius Tigranem in regnum deduxit anno Urbis conditæ DCCXXXIV.

*Liberis ejus.* Certè neque Tigrani , neque ejus liberis diuturnum fuit imperium , cùm Tigranes obiisset , ejusque filii regno fuissent pulsi anno Urbis conditæ DCCXLVIII.

*More externo.* More Ægypti Orientisque regum , qui sorores suas uxores ducebant.

**CAP. IV. Deligitur.** Cùm Artavasdes regno pulsus fuisset , & Armenia defecisset , Augustus componendæ Armeniæ Caium Cæsarem delegit anno U. C. DCCLII. Canonem regum Armeniæ majoris proposui in priore editione , Tom. I , pag. 365.

*In loco reddemus.* Annal. II , 68.

**CAP. VI. Insula Batavorum.** Manet nomen *Betuve*.

*Vahalem.* Nunc *le Vahal*.

*Mosâ flumine.* *La Meuse*.

**CAP. VII. Dum adiguntur naves.** Dum naves in insulam Batavorum adiguntur.

*Castellum.* Castellum Alifonem , nunc *Elsen* , fluminis Luppia , *la Lippe* , & Alifonis , *Alme* , confluentibus adpositum obsideri.

*Structum.* Annal. I , 62.

*Druso sitam.* Haud procul Alifone inter Luppia , *la Lippe* & Amisia , *l'Ems* , fontes , ara illa vetus Druso , Germanici patri , sita.

*Decucurrit.* Funebris decursionis ritus vide apud Virgilium , Æneid. XI , 188.

**CAP. VIII. Drusianæ.** Fossa a Druso facta ;

### 334 IN LIBRUM SECUNDUM

unde Drusiana appellabatur, a Rheno, *le Rhin*; ad fluvium Salam, *l'Issel*, inter *Iseloort* & *Doefbourg* ducta.

*Lacus inde.* Pervehitur lacum Flevum, alioque minores, quos omnes nunc occupat *le Zuider-Zée*.

*Amisæ relicta.* Amisia, statio, nunc *Westerminden*, ad lævam fluminis Amisæ, *l'Ems*, ripam sita.

*Quod non subvexit.* In eo dupliciter erratum est, 1°. quòd adverso flumine militem in ficciora non subvexit; 2°. quòd militem in dextras Chancorum minorum terras iturum transposuit in lævos Frisiorum agros.

*Nongum adcrecente undâ.* Quòd nondum intumuisse Oceanus.

*In parte ea.* In iis æstuariis.

*Angrivariorum.* A tergo erant Angrivarii, ubi nunc *Lingen*, *Osnabrug*, *Minden*. Manet eorum memoria in Ducatu *Engern*.

CAP. IX. *Flumen Visurgis. Le Wéser.* Cherusci autem habitabant inter Visurgim & Albim, *l'Elbe*. An Cæsar. Germanicus.

CAP. X. *Conjugem & filium.* Thufneldam Arminii conjugem, ejusque filium Thumelicum. Vide *Annal. I*, 57.

*Penetrales Germaniæ deos.* Dei penetrales appellantur, quòd penitus insident, teste Cicerone, de *Naturâ deorum II*, 28.

CAP. XI. *E numero primipilarii.* E numero primorum centurionum.

CAP. XII. *Transgressus Visurgim.* Germanicus Visurgim transgressus videtur inter *Hamelen* & *Oldendorp*.

*Adstrepere. Strepitu approbare.*

CAP. XIII. *Augurali.* Augurale erat in dextrâ parte prætorii. Augurali autem egressus est Germanicus, ut certius lateret.

*Sestertios centenos.* Gallicæ monetæ libras 19.

*Tertiâ ferme vigiliâ.* Id est, sextâ fere noctis horâ, seu mediâ ferme nocte.

CAP. XIV. *Se operatum.* Operandi verbum in sacris usurpatum. Vidit Germanicus se rem divinam fecisse, diisque libasse. Prætecta autem vestis erat pontificum.

*Aviæ Augustæ. Liviæ.*

*Auctus omine.* Ingens animi ob gratum omen faustaue auspicia.

*Patris patruique.* Patris sui Drusi, patruique Tiberii Principis.

CAP. XV. *Seditionem induerint.* Seditionem Germanicarum legionum memorat; de quâ suprâ Annal. I, 31 & seqq.

CAP. XVI. *Idistaviso.* Idistavifus campus non fuit prope *Bremen*, ut Lipsius existimavit; sed multo superius prope *Hamelen*, trans *Visurgium*. Manet adhuc veteris nominis memoria in arce *Eisdorp*, & monte *Deister*. Campum Idistavifum Romanis armis nobilitatum recens illustravit victoria Gallica, cum pugnatum est ad *Haftenbeck* anno 1757.

*Insurgebat silva.* Herculi sacra, ut dictum est Annal. II, 12.

*Purâ humo.* Sine virgultis aliisque viarum impedimentis.

*In aciem adfisteret.* Intentus paratusque miles,

ut instructum agmen staret ad prælium.

CAP. XVII. *Octo aquilæ.* Non primi, sed secundi generis aquilæ, quæ dicuntur pygargi, vulgari apud nos nomine *Jean le Blanc*. Vide Plinium X, 3.

*Romanas aves.* Romanæ aves factæ sunt aquilæ; postquam Marius in secundo consulatu suo eas legionibus dicavit. Vide Plinium, *loc. cit.*

CAP. XVIII. *Quintâ ab horâ diei.* Si prælium commissum est mense Julio, ut videtur ex Cap. 23, quinta hora Romana cum nonâ ante meridiem horâ, juxta nostram computandi rationem, ferme concurrit.

CAP. XIX. *Deligunt locum.* Infra urbem *Minden*, semper in dextrâ Visurgis ripâ.

*Flumine & silvis.* Visurgi, le *Wéser*; & silvis, quæ adhuc appellantur *la forêt de Schaumburger*, clausum.

*Profunda palus.* Manet adhuc palus maxima appellata *Steinhuder Meer*.

CAP. XX. *Ut si murum succederent.* Quasi murum scanderent.

*Flumen aut montes.* Flumen Visurgis, le *Wéser*; & montes, *les montagnes de Bukenberg*.

CAP. XXIII. *Æstate jam adultâ.* Exeunte mense Augusto.

*In Austrum.* Ipsumque, ut videtur, Africum, le *Sud-Ouest*.

*Tumidis Germaniæ terris.* Præaltæ ac tumidæ in Germaniâ terræ; & ex quibus exeunt fluvij maximi. Inde percussu auster validior.

*Rigore*

*Rigore vicini septemtrionis.* Quò propior septemtrio, eò horridiores sunt tempestates. Rigor ille septemtrionis adhuc auctus mari pigro ac prope immoto, de quo infrà de Moribus German. Cap. 45.

*Quò ventus ferebat.* Cùm insulas saxis abruptis, vel per occulta vada infestas paullum ægreque vitassent, novum aderat periculum: æstus enim mutabatur, eòdemque, quò ventus, naves ferebat: tum non adhærere ancoris, non exhaurire inrum-pentes undas poterant. In hoc rerum discrimine, equos, jumenta, sarcinas, etiam arma præcipitant, ut levent alveos navium manantes per latera, & fluctu superurgente.

CAP. XXIV. *Hostilibus circum litoribus.* Germanorum & Britannorum litoribus.

*Novissimum ac sine terris mare.* Hoc enim mari cingi cludique terrarum orbem putabant; ut videre est infrà de Moribus German. Cap. 45.

*Intentis vestibus.* Velorum vice.

CAP. XXV. *Marfos.* Ubi nunc Munster, Raderborn.

*Propinquo luco.* Luco Teutoburgienfi, la forêt de Teuteberg; ut dictum est suprà Annal. I, 60.

CAP. XXVI. *Sugambros.* Sugambri, vel Siccambri, inter Luppiam, la Lippe, & Cattos, la Hesse habitabant. In deditionem recepti, cis Rhenum translati sunt; eorumque sedes occupavere Usipii & Tencteri.

*Suevos regemque Maroboduum.* Suevi inter Albim, l'Elbe, & Vistulam, la Vistule, positi. Maroboduus, rex Boiohemi, la Bohême; de quo infrà Annal. II, 44.

*Drusi fratris.* Drusus, Tiberii filius.

Tom. I.

P



*Nomen imperatorium.* Rē præclarè gestâ , dux salutabatur imperator ; & Romam redux , ac triumphalis , lauream in Capitolini Jovis gremio reponerat. Senec. Consol. ad Helviam , Cap. 10.

CAP. XXVII. *Proavum Pompeium.* Ergo Libo Drusus Pompeiâ , Pompeii Magni nẽpte , genitus.

*Amitam Scriboniam.* Magnam fanè amitam.

*Consobrinos Cæsares.* Caium ac Lucium , Libonis sobrinos.

*Æs alienum.* Luxu & ære alieno viam ad dictatram summamque potestatem Julius Cæsar olim sibi paraverat.

*Necessitatum.* Amicitiarum & necessitudinum. Sunt tamen qui necessitates illas de impensis & collatâ pecuniâ intelligant. At plura , ut videtur , sunt indicia , si de necessitudinibus intelligatur.

CAP. XXIX. *Veste mutatâ.* Ut solito sordidoque reorum cultu miserationem moveret.

*Vocem.* Vocem patroni.

CAP. XXX. *Brundisium.* Via Appia Brundisium usque longa est ccclx m. passuum. Inde patet accusationis vecordia , cùm via ne sestertiis quidem 8,172,057,600,000 , seu Gallicæ monetæ libris 1,400,000,000,000 , sterni posset. Brundisium , nunc Brindisi.

CAP. XXXII. *L. P.* Ita M. Flor. Quas literas vulgò interpretantur *Lucius Publius.*

*Saxo dejectus est.* Saxo Tarpeio ; ut infrâ Annal. VI , 19.

*Portam Esquilinam.* Nunc Porta Sancti Laurentii.

*More prisco advertere.* More prisco puniri, id est nudi hominis cervicem inferi furcæ, corpus virgis ad necem cædi. Sueton in Nerone, Cap. 49.

CAP. XXXIII. *Vestis Serica.* Cum nondum ita vigerent Indiarum commercia, maximum erat vestis sericæ pretium; & muliebri luxui erat seposita. De serico plura vide in Supplemento Annal. X, 35.

*Familiæ.* Servorum numero.

*Distinctos senatus & equitum census.* Equitum census sestertia cccc, seu Gallicæ monetæ libræ 77,812. Plin. XXXIII, 2. Senatorum census, sub Principibus, duodecies sestertiū, Gallicæ monetæ libræ 233,437. Sueton. in Aug. Cap. 41.

CAP. XXXIV. *Augustæ.* Livia.

CAP. XXXV. *Prolatos.* Prolatos esse senatus conventus, nec indictas ferias, per quas autumnī tempore forum litesque silebant, existimat Petr. Pithœus, Adversar. II, Cap. ult. Ingeniosè & verè excogitatum.

*Afuturum.* Mf. Flor. Bene & antiquè. Vulgò scribitur, *absfuturum*.

CAP. XXXVII. *Decies sestertii.* Gallicæ monetæ librarum 194,531.

*Tot consulum, tot dictatorum.* Noti quidem sunt Q. Hortensius, dictator anno U. C. CDLXVIII, & Q. Hortensius consul anno U. C. DCXLVI. Ceteri ignorantur. Sed fortè paternum maternumque suum genus celebrabat.

CAP. XXXVIII. *Ducena sestertia.* Gallicæ monetæ libras 38,906.

P ij

# 340 IN LIBRUM SECUNDUM

CAP. XXXIX. *Insulam Planasiam.* L'isle Pianosa ; de quâ suprâ Annal. I, 5.

*Patratâ cæde.* Patratâ cæde Postumi Agrippæ ; ut dictum est suprâ Annal. I, 6.

*Cosam, Etruriæ promontorium.* Nunc Monte Argentaro, haud procul urbe Orbitello.

CAP. XL. *Ostiam.* Nunc Ostia, ad Tiberis ostium.

*Servum suum.* Post Agrippæ cædem, ejus bona servique in jus ac potestatem Tiberii cesserant.

*Quomodo tu Cæsar.* Salsè dictum. Uterque enim fraude grassatus. Clemens, e mentito Agrippæ nomine : Tiberius Liviæ artibus Cæsar evaserat.

CAP. XLI. *Propter ædem Saturni.* In VIII Urbis regione, imoque clivo Capitolino, ubi nunc ædes Sancti Adriani.

*Ædes Fortis Fortunæ.* In XIV Urbis regione, trans Tiberim.

*Apud Bovillas.* Ad decimum ab Urbe lapidem, viâ Appiâ, manent Bovillarum rudera, nunc l'Osteria delle Fratocchie.

A. D. VII. *Kalendas Junias.* Diæ 26 Maii.

*Quinque liberis.* Nerone, Drufo, Caio Caligulâ, Agrippinâ & Drusillâ.

CAP. XLII. *Trecenos plebi sestertios.* Gallicæ monetæ libras 58.

*Rhodi agentem.* Cùm ibi specie secessûs exsul egit. Vide Annal. I, 4.

C. *Cæsare.* Caio Cæsare, Augusti nepote.

*Matris literis.* Liviæ, Tiberii matris.

*Centesimæ vectigal.* De hoc vectigali vide suprâ Annal. I, 78. Cappadociâ in provinciam redactâ, crevere ærarii opes ; inde Tiberius ducentessimam

rerum-venalium, le deuxcentième, pro centesimâ, le centième, statuit.

*Antiocho.* Antiocho III, Commagenorum rege.

CAP. XLIII. *Suprà memoravi.* Annal. II, 3. *Mari dividuntur.* Mari mediterraneo.

*Sorte aut missu Principis.* Majus imperium Germanico collatum, quàm his qui aut proconsules sorte, aut proprætore missu Principis provincias obtinebant.

*Creticum Silanum.* Jam memoratum suprà Annal. II, 4.

*Civili bello.* Pompeium inter & Julium Cæsarem.

*Consulatum accipere.* Consulatum illum accepit gessitque cum Augusto anno U. C. DCCXXXI. A. C. 23.

*Liberos ejus.* Piso liberos Tiberii infrà despectabat, quòd aut Vipsaniâ Agrippinâ, non ita nobili feminâ; aut Juliâ, adulterâ, essent geniti.

*In Drusum.* Tiberii filium.

*Alienatio patruì.* Tiberius Germanici patruus.

*M. Antonium.* M. Antonius, triumvir, avus erat Germanici, Antoniâ minore, Antonii filiâ, geniti.

*Avunculum Augustum.* Augustus magnus avunculus Germanici.

*Pomponius Atticus.* Pomponii Attici, equitis Romani, nepus erat Vipsania Agrippina Drusi mater: inde Pomponius Atticus Drusi proavus.

*Dedecere Claudiorum imagines.* Pomponius Atticus, eques Romanus videbatur dedecere domum Tiberii Principis, quæ a patriciâ familiâ Claudiâ originem ducebat.

*Liviam uxorem Drusi.* Livia, dicta quoque Livilla, erat Germanici soror, uxor Drusi.

*Sed fratres.* Germanicus & Drusus fratres, quia Germanicus a Tiberio adoptatus.

P iij

## 342 IN LIBRUM SECUNDUM

**CAP. XLIV.** *Utroque filio.* Drufo & Germanico: Suevi prætendebantur. Ut mens Tiberii lateret, prætexebantur Suevi, auxilium adversus Cheruscicos orantes. Suevi, ingens populus, inter Albim, *l'Elbe*, & Vistulam, *la Vistule*. De his plura infra de Moribus German. Cap. 38.

*Maroboduus.* Maroboduus, e Marcomannorum gente, regnum Boiohemi, *la Bohême*, condiderat, *natione magis, quàm ratione, barbarus*. Velleius Patercul. II, 108.

**CAP. XLV.** *Semnones ac Langobardi.* Semnones, *la Lusace*; Langobardi, *le Brandebourg*. Eorum laudes vide infra de Moribus German. Cap. 39 & 40.

*Fratris filio.* Arminio. Is enim patrem habuerat Inguiomerum, fratrem Sigimeri. Inde Inguiomerus senex Arminio juveni parere dedignabatur.

*Hercyniæ.* Hercynia silva, Germaniæ maxima, dierum sexaginta iter occupabat, a Rheno Sarmatiam usque. Nomen duxit a voce Germanicâ *Hartz*, aut *Hart*, quibusdam Germaniæ silvis adhuc inditum.

*Satellitem Cæsaris.* Maroboduus, adhuc juvenis, Romam adierat, ibique Augusti beneficiis ornatus, Strabo VII, pag. 290. Regias artes edoctus, & in patriam reversus, Boiohemi regnum condidit; seque Hercyniæ silvæ latebris defendit: mox per dona & legationes petivit fœdus Romanorum: proditor patriæ, satelles Cæsaris, arma cum Cheruscis ceterisque Germanis, qui publicam libertatem defendebant, sociare renuit.

**CAP. XLVI.** *Vecordem Arminium.* Turbidum & temerarium esse Arminium.

*Tres vacuas legiones.* Vacuæ dicuntur illæ legiones, quòd multa earum vexilla firmandis

præfidiis, fugandisve latronibus, aut subvehendis comitatibus, Varus distraxerat. Vide Dionem LVI, pag. 583.

*Cum conjunx.* Thufnelda Arminii conjux, filius Thumelicus, suprâ Annal. I, 57 & 58.

*Duodecim legionibus petitem.* Maroboduum, firmato regno, Romanis metuendum petivit Tiberius anno U. C. DCCLIX, mandavitque Sentio Saturnino ut per Cattos, excisis continentibus Hercyniæ silvæ, legiones Boiohemum, la Bohême, duceret: se a Carnunto, nunc Haynburg, exercitum ex Illyrico in Marcomannos ducturum. Intra paucos dies Saturninus cum Tiberio juncturus erat, cum Pannoniam Dalmatiamque rebellasse nuntiatum est. Bello nondum cœpto, pax cum Maroboduo æquis conditionibus pacta, ut vis belli in rebelles verteretur. Velleius II, 109 & 110. Dio LV, pag. 568 & seqq.

*Integrum adversus Romanos bellum.* Nullâ clade, nullo dedecore affecti, immo æquis conditionibus feroces, integrum adversus Romanos bellum, pacemve incruentam eligere poterant. Integrum est adhuc bellum, cum æquis viribus, ancipite victoriâ, utrimque pugnatur.

*Pro antiquo decore.* Cherusci, Romanorum victores, pro antiquo decore: Langobardi, qui nuper a Maroboduo defecerant, pro recenti libertate pugnabant. Contrâ Maroboduus, tot gentium domitor, pro augendâ adhuc dominatione certabat.

*Signum perculsi.* Terrore perculsi, ac victi.

*Transfugis.* Paulatim nudatus Cheruscis, qui cum Inguiomero ad eum transfugerant: forte & ipsis Suevis, uti jam antè Semnones ac Langobardi defecerant. Mallet Lipsius, *transfugiis*.

*In Marcomannos.* In Marcomannos, populares

suos, accolas fluvii Mari, la Morava, concessit Maroboduus.

*Ut retulimus. Annal. II, 44.*

CAP. XLVII. *Motu terræ.* De quo Plinius II, 84. *Maximus terræ memoriâ mortalium extitit motus, Tiberii Cæsaris principatu, XII urbibus Asiæ undâ nocte prostratis.* Egregium illarum urbium, a Tiberio restitutarum, monumentum Puteolis anno 1693, effossum erudito commentario explicavit Antonius Bulifo. De eo multa diximus in prior editione, Tom. I, pag. 374 & seqq.

*In Sardianos.* Sardes, urbs Lydiæ, nunc *Sart.*

*Centies sestertium.* Gallicæ monetæ libræ sunt 1,945,502.

*Magnetes a Sipyllo.* Magnesia, urbs Lydiæ, ad montem Sipylum posita, nunc *Magnisa.*

*Temnios.* Temnos, urbs Æolidis, nunc *Menimen.*

*Philadelphenos.* Philadelphea, urbs Lydiæ, nunc *Alah-shehr.*

*Ægeatas.* Ægæ, urbs Æolidis, nunc *Guzel-hisar.*

*Apollonidienses.* Apollonidea, urbs Lydiæ, & Pergamenæ jurisdictionis juxta Plinium V, 30.

*Mosteni.* Mostene, urbs Lydiæ.

*Atque Macedones Hyrcani.* Hyrcania, urbs Lydiæ, eadem fortè est, ut existimat Cl. Danville, *Géographie ancienne abrégée*, Tom. II, pag. 45, quæ nunc dicitur *Marmara.* Smyrnæum conventum frequentabant *Macedones Hyrcani cognominati.* Plin. V, 29.

*Hierocæsaream.* Hierocæsarea, urbs Lydiæ, Dianæ Persicæ templo percelebris.

*Myrinam.* Myrina, urbs Æolidis, quæ se *Sebastopolin* vocat. Plin. V, 30. Nunc *Sanderlik,*

*Cymen.* Cyme, urbs Æolidis, nunc *Namourt*.

*Tmolum.* Tmolus, urbs Lydiæ, Tmolo monti, qui nunc dicitur *Bouz-dag*, apposita. Plinio V, 29, memorantur *Mesotimolitæ*, vel *Mesotmolitæ*.

CAP. XLVIII. *Bona Æmiliæ Musæ.* Æmiliam Musam libertam, libertinive generis, fuisse meritò conjicit Lipsius. Intestatâ mortuâ, incerto patrono, bona ejus juxta leges Romanas in fiscum Principis a procuratoribus petita. Indulgentior Cæsar ea tradidit Æmilio Lepido, e cujus domo esse videbatur.

CAP. XLIX. *Libero Liberæque.* Baccho & Proserpinæ. A. Postumius dictator fuit anno U. C. CCLVIII.

*Publiciis ædilibus.* L. Publicium & M. Publicium ædiles laudat Ovidius Fast. V, 297 & seqq.

*Triumphumque navalem.* C. Duillius victâ ad Liparam insulam, nunc *Lipari*, Pœnorum classe, primus triumphum navalem egit anno U. C. CDXCIV. Forum olitorium fuit in XI Urbis regione.

*Eodem bello.* Eodem bello Punico.

CAP. L. *Sororis Augusti neptem.* Octaviæ neptem, Marcellæ filiam.

*Lege Juliâ.* Ab Augusto latâ. Vide Suetonium in Aug. Cap. 34.

*Locuta secus.* Secus, id est malignè & irreverenter.

*Adulterii graviolem pœnam.* Lege Juliâ adulterium gladio punitum tradit quidem Tribonianus, Institut. IV, Tit. 18, de *Publicis judiciis*. Sed feram fuisse hanc pœnam, nec ante Constantini M. tempus vulgatam, eruditi viri contendunt.

P v



## 346 IN LIBRUM SECUNDUM

Certior ergo est adulterii pœna , quam habet Julius Paulus , *Sentent. Recept. libr. II , Tit. XXVI. de Adulteriis , leg. 14.* Adulterii convictas mulieres dimidiâ parte dotis , & tertiâ parte bonorum , ac relegatione in insulam , placuit coerceri. Adulteris verò viris pari in insulam relegatione dimidiam bonorum partem auferri , dummodo in diversas insulas relegentur.

*Propinquis suis.* A propinquis suis ultra ccm. passuum removeretur.

CAP. LI. *Numerus liberorum.* Lege Papiâ Poppæâ , candidati , qui plures liberos genuerant , præpollebant. Vide *Annal. XV , 19.*

CAP. LII. *Natione Numida.* Numidia , nunc la partie orientale du royaume d'Alger.

*Musulanorum dux.* Musulani , nunc la partie occidentale du pays des Dates , supra Numidiam habitabant.

*Solitudinibus Africæ.* Africa , provincia Romana , nunc le royaume de Tunis. Solitudines illæ erant ad Orientem præsidii , cui Thalæ nomen ; & nunc dicuntur *El Jereed* , Gallicè le pays sec , quæ pars est deserti , vulgò appellati Sahara.

*Maurosque accolæ.* Mauri , Musulanorum accolæ. Nunc le royaume de Fez , & la partie occidentale du royaume d'Alger.

*Cinirhios.* Nunc partie du Royaume de Tripoli. Fortè *Cinyphios* legendum ; & ita dictos a Cinyphe fluvio , nunc *Wadi-Quaham*.

*Reciperatorem Urbis.* M. Furius Camillus Gallos fudit , Romamque recuperavit anno U. C. CCCLXIV.

*Penes alias familias.* Verè & accuratè Tacitus. Laus enim imperatoria non fuerat penes Camillos,

sed penes Philos & Purpureones; ejusdem quidem gentis, sed non ejusdem familiæ. Juxta Fastos Capitolinos P. Furius Philus de Gallis & Liguribus triumphavit anno U. C. DXXX. L. Furius Purpureo de Gallis quoque triumphavit annō U. C. DLIII.

CAP. LIII. *Nicopolim.* Nunc *Preveza vecchia.* Urbem hanc post Actiacam victoriam Augustus apud Actium condidit.

*Adriatici ac mox Ionii maris.* Adriaticum mare, le golfe de Venise. Ionium, la mer de Grece.

*Sinus Aëtiacæ victoriæ.* Nunc le golfe de l'Arta.

*Avunculus Augustus.* Magnus avunculus, ut dictum est suprà, Cap. 43.

*Tristium lætorumque.* Tristium ob Antonii cladem, lætorum propter Augusti victoriam.

*Vetera suorum facta dictaque præferentes.* Græci magnâ pompâ quæsitissimisque honoribus Germanicum exceperunt. At, cum tenuissimæ tum forent Græcorum res, nec ullâ jam laude clarescerent, ut splendidior esset pompa, plusque dignationis adulatio haberet, vetera suorum ducum facta, suorum philosophorum oratorumque dicta prætulere. Sic visa in Germanici venerationem cedere omnis Græciæ claritudo.

CAP. LIV. *Eubæd.* Nunc *Negrepon.*

*Lesbum.* Lesbos insula, nunc *Metelin.*

*Perinthumque.* Postea dictam Heracleam, nunc *Araclea.*

*Byzantium.* Nunc *Constantinople.*

*Propontidis.* La Propontide, vel la mer de Marmara.

*Os Ponticum.* Le détroit de Constantinople.

*Sacra Samothracum.* Samothrace, nunc *Samandrachi*, Ægæi maris insula. Sacra hujus insulæ

quondam celebratissima. Iis initiati, credebantur adversa omnia propellere. Inde Germanicus, suspicacem Tiberii animum semper veritus, Samothracum sacra visere nitebatur, ut iis initiaretur, malaque sibi imminertia averteret.

*Igitur Ilio.* Cum Germanicus propter obvios Aquilones Samothracen insulam adire non posset, Ilium appulit, ibique visit loca omnia, quæ varietate fortunæ & Romanorum origine veneranda erant. A veteri Ilio XXX stadiis disjunctum novum Ilium, nunc Troye. His autem perlustratis, Germanicus Asiam relegit.

*Colophona.* In Ioniâ urbs Colophon, nunc *Belvedere*. De fatidico specu Plinius II, 3. *Colophone in Apollinis Clarri specu lacuna est, cujus potu mira redduntur oracula, bibentium breviora vitâ.*

*Delphos.* In Phocide Delphi, nunc *Castri*.

*Mileto.* Miletus, urbs Cariæ, nunc *Milaxo*.

CAP. LV. *Areo judicio.* Judicio Areopagi.

*Cycladas.* Insulæ illæ nomen retinent, *les Cyclades*.

*Decursibus cohortium.* Campestri decursione exercebantur milites. Hinc Vegetius III, 4. *Campticursionem, ut ipsi appellant, inspectionemque armorum assidue faciant.*

CAP. LVI. *Præverti ad Armenios.* Sed Germanico instantior cura fuit prius adire Armenios.

*Maximisque imperiis.* Armenii maximis Romanorum & Parthorum imperiis interjecti.

*Amoto Vonone.* Ut dictum est supra Annal. II, 1.

*In Zenonem.* Polemonis & Pythodoris, feminæ laudatissimæ filium.

*In urbe Artaxatâ.* Artaxata, caput Armeniæ

Ejus rudera adhuc videntur prope *Koïrvirab*.  
*In provinciæ formam redacti*. Suprà Annal. II,  
 42.

*Ad jus prætoris translatis*. Commageni, defuncto rege Antiocho, Romanum imperium cupientes, ad jus prætoris, seu proprætoris, translaui sunt. Vide Annal. II, 42.

CAP. LVII. *Cunctaque socialia*. Cunctaque quæ socios populos spectabant.

*Cyrrhi*. Cyrrhus, urbs Cyrrhestices provinciæ, quæ Commagenæ erat contermina; nunc appellatur *Quars*.

*Ut retuli*. Annal. II, 55.

*Nabatæorum*. Nabatæi Arabiam Nabatæam, *l'Arabie Pétrée*, habitabant.

*Non Parthi regis filio*. Questus est Piso epulas illas dari Principis Romani filio, non ad luxum, sed ad imperium nato: luxum illum decere filium regis Parthi, dedecere verò Cæsarem & Cæsaris socios.

CAP. LVIII. *Renovari dexteras*. In amicitiz ac fœderis signum. Inde in nummis Concordia duabus manibus junctis exprimitur; nonnullaque militaria signa in manum desinunt.

*Pompeiopolim*. Nunc *Paléfoli*.

CAP. LIX. *Pedibus intectis*. Ægyptiorum more, qui vel nudis pedibus incedebant, vel crepidis tantum utebantur: unde intecti pedes.

*Equitibus Romanis inlustribus*. Equites illustres sæpe memorat Tacitus. Hi sunt, qui censum & spem senatorii ordinis habebant. De censu senatorio dictum suprà, Cap. 33.

*Fame urgeret Italiam*. Juxta Aurelium Victorem in Epikome: *Augusti tempore ex Ægypto Urbis*,

*annua ducenties centena millia modiorum frumenti inferebantur.*

*Claustraque terræ ac maris.* Ostia Nili, & Isthmus, l'Isthme de Suez, sunt maris terræque claustra, quæ levi præsidio adversus ingentes exercitus defendere quisque poterat.

**CAP. LX. A Canopo.** Canopus, nunc *Abouquir*, urbs inferioris Ægypti, ad ostium Canopicum.

*Proximum amnis os dicatum Herculi.* Urbi Canopo proximum os Nili Canopicum, nunc *la Madie*. Dicatum erat Herculi cum templo & urbe vicinâ *Heraclio*. Strabo XVII, pag. 801.

*Mox visit.* Antea, quod filuit Tacitus, Germanicus adiit *Memphim*, nunc *Gizé*. Ibi Apis, cibos a Germanico oblatos averfatus, mala paulo post eventura portendisse ferebatur. Ammian. Marcellin. XXII, 14.

*Veterum Thebarum.* In superiore Ægypto veteres Thebæ, nunc *Habou*: ubi adhuc exstant egregia antiquitatis & Ægyptiacæ magnificentiæ monumenta.

*Structis molibus.* Obeliscis, de quibus plura apud Ammianum Marcellinum XVII, 4.

*Literæ Ægyptiæ.* Literæ sunt Hieroglyphicæ, quæ per figuras animalium aliaque signa sensus mentis effingebant. Vide infra Annal. XI, 14. Per tot ergo sæcula vixit primævæ illius scripturæ cognitio!

*Habitaſſe quondam ſeptingenta millia ætate militari.* Sunt qui hæc intelligant de Thebarum incolis; &, cum militarem hanc ætatem pro quartâ urbis parte accipiant, inde contendunt fuiſſe Thebis incolas 2,800,000. Certè idem ferme apud Sinenſes in urbe *Peking* hominum numerus. Ex ipſis tamen Taciti verbis, & Strabone XVII,

*pag. 816*, potius crediderim hic agi de exercitu, quo Rhamfes tot populos imperio tenuit.

*Rhamfen.* Rhamfes idem esse videtur ac Remphis, quem Diodorus Siculus I, 62, *pag. 56*, ait fuisse superiorum omnium regum ditissimum, & argenti atque auri talenta quadringenties mille coegisse, Gallicæ monetæ libras 2,091,600,000. Rhampsinum eum appellat Herodotus II, 121, in Euterp. & testatur neminem successorum divitias ejus æquavisse, ac ne proximè quidem ad eas accessisse. Rhamisen, seu Rhamfen, *quo regnante Ilium captum est*, memorat Plinius XXXVI, 8.

*Bactriano ac Scythiâ.* Strabo, qui & ipse hæc monumenta vidit, Indos addit, μέγχι Σκυθῶν, καὶ Βακτριῶν, καὶ Ἰνδῶν. Strabo XVII, *pag. 816*.

*Haud minus magnifica.* Utinam Tacitus hæc generatim non expressisset! Hoc vel uno loco vires opesque veterum imperiorum certò cognosceremus. De his juvabit curiosius inquirere infra Annal. XIII, 29 & 50.

CAP. LXI. *Memnonis saxeæ effigies.* Exstat adhuc multis inscriptionibus insignis, quarum plures in priorè editione, Tom. I, p. 381 & seqq. proposui & emendavi.

*Vocalem sonum reddens.* Sonum quidem audivit Strabo. At utrùm a basi, an a colosseâ effigie, an ex industriâ ab aliquo basim circumstantium sonus fuerit editus, non habet quod affirmet. Cùm causâ sit ita incerta, quidvis potius credendum opinatur, quàm ex lapidibus sic structis sonum edi. Strabo XVII, *pag. 816*.

*Disjectasque.* Inter disjectas, id est mobiles, & vix pervias arenas sitæ pyramides, quæ haud exiguâ sui parte sub arenis nunc delitescunt.

*Lacusque.* Lacum Marcorum, le lac Sabaka,

### 352 IN LIBRUM SECUNDUM

& lacum Mœridis, *le lac Bathen*. In lacu Mœridis videntur adhuc ingentis pyramidis reliquæ, effossæ humi argumentum.

*Alibi angustia.* Illæ angustia fuere haud procul Thebis Memnonisque statuâ, trans Nilum: quas accuratè descripsit Ammianus Marcellinus XXII, 15. Sunt & Syringes subterranei quidam & flexuosi secessus, quos, ut fertur, periti rituum vetustorum adventare diluvium præscii, metuentesque ne cærimoniarum oblitteraretur memoria, penitus operosis digestos fodinis per loca diversa struxerunt: & excisis parietibus volucrum ferarumque genera multa sculpservnt, & animalium species innumeras, quas hierographicas literas appellarunt. Sunt qui illas angustias ad Nili catacactas referant; sed non ita probabiliter.

*Elephantinen.* Insula hæc paulo suprà Syenen, in Ægypti & Æthiopis finibus, nunc dicitur *l'Isle Fleurie*.

*Syenen.* Urbs Syene, nunc *Affouan*, Cancxi Tropico proxima. Inde solstitii die medio nulla umbra. Plin. VI, 29. Id fortè observaturus urbem hanc petiit Germanicus.

*Quod nunc rubrum ad mare.* Olim urbe Syene finiebatur imperium Romanum. At Trajani tempore, quo scribebat Tacitus, ad fauces maris rubri, nunc *le détroit de Babelmandel*, patebat. Veteribus enim scriptoribus mare rubrum non est sinus Arabicus *la mer rouge*, sed quod vulgò dicimus mare Indicum, *la mer des Indes*.

CAP. LXII. *Fraçto jam Maroboduo.* Suprà Annal. II, 46.

*Gothones.* Mari Baltico & ostiis Vistulæ, Occidentem versùs, proximi erant Gothones. Vide infra de Moribus German. Cap. 43.

*Fines Marcomannorum. La Bohême.  
Regiam. Nunc Prague.*

CAP. LXIII. *Noricam provinciam. Quò præfuit Noricum Ripense, nunc partie de l'Autriche en deça du Danube. Danubium transgressus est inter Passaw & Vienne.*

*Hermundurorum. Hermunduri Bohemiæ, occasum versùs; vicini: nunc partie de la Baviere & de la Franconie. Hermunduri gens Romanis fida. Infrà de Moribus German. Cap. 41.*

*Forum Julium. Nunc Fréjus.*

*Utrumque comitati. Maroboduum & Catualdam comitati.*

*Flumina Marum & Cusum. Marus, la riviere de Morava. Cusus, la riviere de Vag.*

CAP. LXIV. *A Germanico datum. Suprà Annal. II, 46.*

*Templi Martis Ultoris. Templum illud fuit in VIII Urbis regione, foroque Augusti.*

*Effigie Cæsarum. Germanici & Drusi.*

*Filio Cotyi. Cotys, filius Rhœmetalcis, princeps literarum studiis insignis, & ab Ovidio laudatus, de Ponto II, 9.*

*Arva & urbes. Thracia Australis & Orientalis, Græcis vicina data est Cotyi. Rhescuporidi cessit Thracia Occidentalis ac Borealis, montuosa, inculta, ferox, Bastarnis, Scythisque adnexa.*

CAP. LXVII. *Præsidia Romana. Quæ erant in Mœsiâ, & Thraciæ vicina.*

*Ptolemæi liberis. Ptolemæi Philopatoris, defuncti anno U. C. DL.*

CAP. LXVIII. *Memoravi. Annal. II, 58.*



*Albanos Heniochosque.* Albani mari Caspio vicini ; Heniochi , ponto Euxino : Scythæ verò ii sunt , qui intra Imaum habitant.

*Amnem Pyramum.* Ciliciæ Campestris fluvius Pyramus , nunc *Dgeihan*.

*Evocatus.* Apud Romanos militiâ defuncti , & ad eam revocati , appellabantur evocati. Centurionibus erant dignitate proximi ; vitis gestamine & argentatis cassidum cristis insignes. Forum imagines vide apud eruditum Fabretti , *de Columnâ Trajani* , Cap. VII , pag. 194 & seq.

CAP. LXIX. *Festam Antiochensum plebem.* Læto festoque cultu Antiochensum plebs , ob recreatum e morbo Germanicum. Antiochia , urbs Syriæ caput , nunc *Antakia*.

*Seleuciam.* Seleucia Pieria , nunc *Suveidia* , urbs Syriæ , ad Orontis ostium.

CAP. LXX. *Amicitiam ei renuntiabat.* Germanicus componit epistolas quibus amicitiam cum Pifone dirimebat , eique inimicitias denunciabat.

CAP. LXXI. *Patri ac fratri.* Tiberio & Druso. *Muliebri fraude.* Fraude Livæ Augustæ & Plancinæ.

CAP. LXXIII. *Funus sine imaginibus.* Quia Germanicus exteris inter gentes mortuus. Imagines autem Romæ adservabantur.

*Propinquitatem etiam locorum.* In Syriâ mortuus est Germanicus ; Alexander in Babyloniâ.

CAP. LXXIV. *Acrius tendenti.* Acrius contendenti , Syriæque præfecturam ambiendi.

*Vitellio.* P. Vitellio , de quo suprâ Annal. I , 70.

CAP. LXXV. *Coum insulam.* Cos, nunc Stan-  
Co, maris Ægæi insula.

CAP. LXXIX. *Laodicæam.* Nunc *Latikié.*  
*Magnitudinem Imperatoris.* Majestatem Tiberii  
Principis.

CAP. LXXX. *Celendris.* Castellum Ciliciæ;  
mari appositum: nunc *Kelnar.*

*Contrà veterani.* Contrà veterani, duce Sentio,  
ordinibus ac subsidiis erant instructi.

CAP. LXXXI. *Pro muris.* E summis mœnibus.  
*Signifer legionis sextæ.* Hic non tota fuit legio  
sexta, sed cohortes tantum Romanæ, & ut maxi-  
mè veterani: inde signifer legionis sextæ non  
aquilam, sed signum, ad Pisonem transtulit.

CAP. LXXXII. *De Druso.* Germanici patre.  
*Sumpto justitio.* De justitio jam dictum suprâ  
Annal. I, 16.

CAP. LXXXIII. *Saliari carmine.* Numa Salios  
duodecim Marti Gradivo legerat; eosque per  
Urbem ire canentes carmina cum tripudiis sol-  
lemnique saltatu jusserat. Vide Livium I, 20. In  
his carminibus decantari perhonorificum fuit.

*Sacerdotum Augustalium locis.* Germanicum  
sacerdotibus Augustalibus adjectum vidimus An-  
nal. I, 54. Nunc verò decretum ut in locis,  
quibus sacerdotes Augustales convenirent, sedes  
curules pro Germanico, licèt defuncto poneren-  
tur, & super eas querceæ coronæ, ob egregium  
ejus in cives publicamque libertatem studium,  
statuerentur.

*Monte Syriæ Amano.* Syriam a Ciliciâ dividit  
mons Amanus, nunc *Lucan.*

*Tribunal Epidaphnæ.* Daphne suburbium fuit ab urbe Antiochiâ XL stadiis, Orientem Austrumque versûs, dissitum; luco, Apollinisque ac Dianæ religione, & vitæ deliciis celebratissimum. Ob loci viciniam Antiochia, nunc *Antakia*, Epidaphnes cognominata est. Vide Plinium V, 21. *Tribunalia*, *altosve tumulos*, id est terræ aggeres, memorat idem Plinius XVI, 1. Ita sanè factum, ne in posterum locus iste violaretur.

*Clipeus.* Cur imagines illæ appellentur clypei docet Plinius XXXV, 3. *Scutis, qualiter apud Trojam pugnatum, continebantur imagines, unde & nomen habuere clypeorum: non ut perversa grammaticorum subtilitas voluit, a cluendo.* Origo plena virtutis, faciem reddi in scuto cujusque, qui fuerit usus illo.

*Cuneum Germanici.* Equites, in plures cuneos divisi, cuneum Germanici appellavere, qui de gente Juniâ Juniorum antè dicebatur. Sic *Juniorum* explicant plerique interpretes. Sunt tamen qui a juventute nomen ductum volunt. Penes eruditum lectorem sit judicium.

*Turmæ Idibus Juliis.* Idibus Juliis, seu die 15 Julii, erat transvectio equitatiove publica equitum Romanorum ab æde Honoris & Virtutis in Capitolium. Institutum ut in hac solemni pompâ turmæ imaginem Germanici sequerentur.

#### CAP. LXXXIV. *Nupta Druso. Tiberii filio.*

CAP. LXXXV. *Apud ædiles vulgaverat.* Vistilia apud ædiles professa fuerat se stupro quæstum facere velle. Pudendam hanc feminarum libidinem notat Suetonius in Tiber. Cap. 35. *Feminæ famosæ, ut ad evitandas legum pœnas jure ac dignitate matronali exsolverentur, lenocinium profiteri cœperant.*

*In insulam Seriphon. Ægæi maris insulam, nunc Serpho.*

*Insulam Sardiniam. L'isle de Sardaigne.*

CAP. LXXXVI. *Decies sestertii. Posthabitam Fonteii Agrippæ filiam dote decies sestertii, Gallicæ monetæ librarum 194,531, solatus est.*

CAP. LXXXVII. *Binosque nummos. Gallicæ monetæ asses ferme octo. Modius Romanus, pro variâ tritici levitate aut ponderositate, XX vel XXII Romanas libras tritici continebat. Plin. XVIII, 7.*

CAP. LXXXVIII. *Haud perinde celebris. Hic, ut & Annal. XIII, 47. XIV, 19, celebris pro celeberrimus usurpatur. Nec aliter Auctor ad Herennium II, 4, dixit, celebris an desertus?*





# NOTÆ

## IN LIBRUM TERTIUM

### ANNALIUM.

---

CAP. I. **C**ORCYRAM INSULAM. Nunc *Isle de Corfou*, Epiro vicinam.

*Litora Calabriae.* Calabria, nunc *la terre d'Otrante*.

*Oppidum Brundisium.* Calabriae oppidum Brundisium, nunc *Brindisi*, portu nobile.

*Defixit oculos.* Agrippina, oculis in feralem urnam terramque defixis, constitit. Sic explicant Freinshemius in Paraphrasi, Davanzati, Gordon, alique multi. Quibusdam tamen placet, ubi omnium oculos in se convertit.

CAP. II. *Calabriae, Apulique & Campani.* Calabria, Apulia, & Campania ad Latium usque protendebantur. Nunc *la terre d'Otrante, la Pouille, la Capitanate, la Principauté ultérieure, la terre de Labour, & partie de la Principauté citérieure.*

*Incompta signa.* Sine coronis, sine unguentis incompta militum signa. Contrà festis lætisq; diebus compta inungebantur. Vide Plinium XIII, 3.

*Trabeati equites.* Trabeati, non quidem luctūs;

sed solemnitatis causâ. Trabea, vestis fuit consularis & militaris, quæ purpureas albasque virgas instar trabium intextas haberet.

*Diversa oppida.* Non coloniæ tantum, sed diversa etiam oppida, & ob locorum situm ab Agrippinæ itinere dissita.

*Drusus.* Tiberii filius.

*Tarracinam.* Hodie quoque *Terracine*.

*Claudio fratre.* Claudius frater Germanici, postea Princeps.

CAP. III. *Matrem Antoniam.* Antonia mater Germanici.

*Avia quoque & patruus.* Livia & Tiberius.

CAP. IV. *Tumulo Augusti.* In Campo Martis, nonâque Urbis regione.

*Sine insignibus.* Sine dignitatis suæ insignibus.

CAP. V. *Ticinum usque.* Nunc *Pavie*.

*Claudiorum Juliorumque imagines.* Drusus paterno genere erat Claudiae gentis: inde circumfusæ Claudiorum imagines. Lipsius alique, ob maternum ejus genus ex Liviâ, pro *Juliorum* emendant *Liviorum*. Sed fortè additæ *Juliorum* imagines, honoris causâ; maximè cùm Liviam, matrem Drusi, uxorem duxisset Augustus.

*Non fratrem.* Drusus Terracinam tantum erat progressus.

*Non patruum.* Tiberium.

*Præpositam toro effigiem.* Cerea defuncti effigies lecto præponebatur.

CAP. VI. *Ex mærore solatia.* Convenisse recenti dolori luctum; convenisse quæsitâ ex mærore solatia.

### 360 IN LIBRUM TERTIUM

*Unicâ filiâ. Juliâ.*

*Ereptis nepotibus. Caio & Lucio.*

*Repeterent sollemnia. Ad munia & negotiorum consuetudinem redirent.*

*Ludorum Megalesiûm. Megalesia celebrabantur die 4 mensis Aprilis. Igitur Germanico in Urbe parentatum, exeunte Martio mense.*

CAP. VII. *Ultionis. Petendæ ultionis causâ.*

*Ut dixi. Suprà Annal. II, 74.*

CAP. VIII. *Trucem. Haud tam trucem.*

CAP. IX. *Dalmatico mari. Nunc le golfe de Venise.*

*Anconam. Nunc Ancone.*

*Picenum. La Marche d'Ancone.*

*Flaminiam viam. Româ Ariminum, nunc Rimini, ducta via Flaminia.*

*Præsidio Africæ. Adversus Tacfarinatem; de quo Annal. III, 20.*

*Ab Narniâ. Nunc Narni, in Umbriâ.*

*Nare. Amnis Nar, nunc Nera, in Tiberim influit.*

*Tumulo Cæsarum. Qui suprà Cap. 4, dictus est tumulus Augusti.*

*Foro imminens. Foro Romano, in octavâ Urbis regione.*

CAP. X. *Priorem vitam. Fulcinius Trio obtinuit ut priorem Pisonis vitam, actam scilicet ante Syriæ præfecturam, accusaret. Vide Annal. III, 13.*

*Conscientiæ matris. De illâ Liviæ conscientia vide Annal. II, 77 & 82.*

*Et hinc preces. Inde minas Pisonem accusantium, hinc Pisonis preces audit.*

CAP. XI.

CAP. XI. *Receptum Maroboduum.* Maroboduum receptum & Ravennæ habitum vidimus Annal. II, 63.

CAP. XII. *Patris sui.* Augusti.

*Sin facinus.* At si Piso Germanicum devotionibus & veneno peremit, si facinus illud in cuiuscumque mortalium nece vindicandum detegitur, reum illum agite; vosque, & liberos Germanici, & nos parentes justis solatiis adficite. Tiberius autem & Livia parentes erant Germanici ob adoptionem.

*Differrique etiam.* Differri & disseminari etiam per externas gentes, tamquam veneno interceptus esset Germanicus.

*Quam in foro.* Populi studia metuebant Piso & Tiberius: ideo in curiâ & apud senatum, non verò in foro & apud iudices, de morte Germanici anquiritur.

*Si qua in nos adversa.* Si qui in nos adversi rumores finguntur & sparguntur.

CAP. XIII. *Corrupisse.* Suprà Annal. II, 55 & 69.

*Immolationes nefandas.* Annal. II, 75.

*Acie victum.* Petitam armis rempublicam, & victum acie Pisonem vidimus Annal. II, 80 & 81.

CAP. XIV. *Super eum Piso discumberet.* In dextro stibadii, seu tricliniarii lecti, cornu discumbebat Germanicus, in sinistro Piso. Itaque licet secundum locum occuparet Piso, super Germanicum discumbebat.

*Offerebatque familiam.* Piso servos suos in tormenta offerebat: servos quoque Germanici, qui super mensam ministraverant, in tormenta flagitabat.

Tom. I.

Q



*Provinciae illatum. Bellum Ciliciæ illatum. Suprà Annal. II, 80.*

*Scriptissent expostulantes. Hic aliquid deest. Fortè supplendum, & quæ scriptissent expostulantes. Nempe senatores Germanici & Pisonis chartas, omniaque Syriacæ legationis diaria expostulabant. Quod haud minùs Tiberius, quàm Piso abnuerunt. Nec mirum. Ferebatur enim fuisse literas Tiberii, & mandata in Germanicum; ut dicetur Annal. III, 16.*

*In Gemonias. Gemoniæ scalæ, gradus erant e quibus reorum corpora populo spectanda proponebantur. Deinde, unco gutturi infixi, in Tiberim trahebantur. Fuere Gemoniæ in octavâ Urbis regione, imoque clivo Capitolino, prope carcerem Mamertinum, nunc S. Pietro in carcere, foro imminemtem.*

**CAP. XVI. Quæsitam apud senatum.** Hic aliquid deest. Supplendum videtur: *Cæsar, flexo in mæstitiam ore, suam invidiam tali morte quæsitam apud senatum indolet: Pisonis libertum appellat, crebrisque interrogationibus exquirat qualem Piso diem supremum noctemque exegisset. Atque illo pleraque sapienter, quædam inconsultiùs respondente, &c. Nempe Tiberius in senatu queritur Pisonem Principis invidiam tali morte quæsisisse.*

*Per collegium consularis. Piso consul fuerat cum Augusto anno Urbis conditæ DCCXXXI, Cum Tiberio anno U. C. DCCXLVII.*

*De Plancinâ. Piso nihil addidit de Plancinâ, quia segregari a marito & defensionem dividere cœperat; ut dictum est suprà, Cap. 15.*

**CAP. XVII. Adolescentem. Pisonem.**

*Nobilitatem domus. Piso erat Calpurniâ domo;*

*Ipsius.* Pisonis, patris, qui sibi mortem confecerat.

*Cum pudore & flagitio.* Pudendum enim & flagitiosum matris preces obtendere, cum de ulciscendâ Germanici morte ageretur.

*Leges obtineant.* Quod pro omnibus civibus obtinent leges, ut interfectores morte puniantur, id uni Germanico non contigisse.

*Referente Cæsare.* Principe causas referente, ipsi consules ceterique magistratus munere dicendi sententiam fungebantur. Absente verò Principe, sententiam rogabant, non dicebant. Rogare enim sententiam, superiorum erat; quales erant magistratus: dicere, inferiorum. Sed & ipsi magistratus inferiores erant, Principe causas referente.

*Prænomen mutaret.* Idem enim filii, ac patris, prænomen. Postea *L. Piso* dictus est; ut videtur ex Dione LIX, pag. 656.

*Quinquagies sestertio.* Gallicæ monetæ libris 972,846.

#### CAP. XVIII. *M. Antonii.* Triumviri.

*Juli Antonii.* Julius Antonius, triumviri filius, ob adulterium Juliæ morte punitus. Infra Annal. IV, 44.

*Æde Martis ultoris.* De quâ jam dictum supra Annal. II, 64.

CAP. XIX. *Urbe egressus.* Drusus, Urbem ingressus propter Germanici funera, auspicia & imperium deposuerat. Urbe egressus, repetit auspicia & imperium, ut ovans ob receptum Maroboduum introeat. Unus Augustus proconsularem dignitatem ita obtinuit, ut illam etiam intra Urbem servaret. Ceteri omnes, antequam pomerium Urbis intrarent, imperium & imperii insignia deponebant. Dio XXXIX, pag. 120; LIII, pag. 119.

Q ij

### 364 IN LIBRUM TERTIUM

CAP. XX. *Memoravi.* Suprà Annal. II, 52.

● *Pagyda flumine.* Flumen fuit Numidiæ, ut videtur ex rerum serie. Fortè idem quod nunc dicitur *Abead*. Inter fontes fluminum *Abead* & *Mejerda*, erat castellum Romanum.

*Flagitii ratus.* Obsidionem illam probrosam esse ratus. *Flagitium* pro dedecore sæpe usurpatur.

CAP. XXI. *Thala.* Præsidium *Thala*, nunc *Ferre-anah*, fuit in Africâ. Vide eruditum Shaw, *Voyages*, Tom. I, pag. 268 & seqq.

*Stativis castris.* Stativa castra appellantur mansiones illæ, in quibus diutius, ac maximè nocte, consistebant milites, cum commearet exercitus.

CAP. XXIII. *Theatrum.* Theatrum Pompeii, de quo plura Annal. XIV, 20.

CAP. XXIV. *Filiæ ac neptis.* Utrique nomen *Julia*.

CAP. XXV. *Papia Poppæa.* Lex *Papia Poppæa* a *Papio Mutilo* & *Poppæo Secundo* suffectis consulibus lata est anno U. C. DCCLXII, Jesu Christi 9.

*Julias rogationes.* *Julias* leges.

CAP. XXVIII. *Vacantia teneret.* *Vacantia* bona, seu hereditates, teneret.

*Altiùs penetrabant.* Custodes illi ac delatores ulteriùs penetrabant; Urbem, Italiam, & quod usquam civium erat, corripuere.

CAP. XXIX. *Vigintiviratus.* Vigintivirorum tres rebus capitalibus, tres signandæ pecuniæ præfecti, quatuor viarum Urbanarum curatores decem ad centumviralia judicia delecti.

*Quæsturam peteret.* Quæstura post annum vigesimum quartum petebatur.

*Fratri.* Druso, Tiberii fratri.

*Cum vitrico.* Tiberio & Druso privignis cum Augusto vitrico levior erat necessitudo, quàm Tiberio avo adversus Neronem nepotem.

*Congiarium.* Ex Ms. Vindobonensi, in quo recensentur Principum congiaria, colligere est datos fuisse viritum denarios septuagenos binos, *Gallicæ monetæ libras 56.*

*Filio Claudii.* Druso.

CAP. XXXI. *Fraude mancipum.* Curatores viarum vectigalia earumdem atque munitiones certis hominibus locabant, quæ qui redimerent, *mancipes* sunt dicti.

CAP. XXXII. *Incurſu Tacſarinatis.* De quo jam dictum Annal. II, 52; & Annal. III, 20.

CAP. XXXIII. *Præſediſſe nuper feminam.* Plancinam Pisonis uxorem. Mox *decurſu* pro *decurſui*.

*Duorum egreſſus coli.* Viri ac feminæ egreſſus coli, utriusque latus cingi ſalutantium & adulantium turbâ: duo pariter eſſe prætoria, cum utriusque par eſſet favor.

*Oppiis.* Oppiis legibus, quas C. Oppius tribunus plebis tulerat anno U. C. DXLI.

CAP. XXXIV. *Uxore cariffimâ.* Liviâ, Germanici ſorore.

CAP. XXXVII. *Editionibus.* Spectaculis.

CAP. XXXVIII. *Cretæ.* Nunc *Candie.*

Q iij

### 366 IN LIBRUM TERTIUM

*Cotye fratris F.* Id est , fratris filio. *Coty* pater fuit *Rhœmetalces* , *Rhescuporidis* frater ; de quibus vide plura *Annal. II* , 64 & seqq.

*Rhœmetalcen.* *Rhescuporidis* filium.

*Insolentiâ nostrî.* Romanis parere non sueta.

*Cæletæ.* Nunc la partie Septentrionale de la *Romanie*.

*Odrysæ.* Nunc la partie Occidentale de la *Romanie*.

*Dii.* Nunc la partie Méridionale de la *Romanie*.

*Montem Hæmum.* Nunc le mont *Argentaro*. *Bulgariam* a *Romaniâ* dividit.

*Philippopolim.* Hodie quoque *Philippopoli*.

**CAP. XXXIX. P. Velleio.** Is , ut liquet ex prænomine , diversus a *Velleio Paterculo* , ingenioso , sed adulate , scriptore.

**CAP. XL. Æris alieni.** Galli , ut tributa solverent , *Romæ* mutuabantur pecunias. Inde æ alienum ejusque magnitudo.

*Treveros.* Nunc le pays de *Treves* en deçà du *Rhin*.

*Æduos.* Nunc partie de la *Bourgogne* & la *Nivernois*.

**CAP. XLI. Andecavi.** Nunc l'*Anjou*.

*Turonii.* Nunc la *Touraine*.

*Efferrent.* Cæsius proderent , opportunum defectionis tempus nacti.

**CAP. XLII. Arduenna.** Nunc la forêt d'*Ardenne* dans les *Pays-Bas*.

**CAP. XLIII. Comprimendi procul præsidium.** Quantò remotius erat præsidium ad comprimendos *Æduos*.

*Augustodunum. Nunc Autun.*

*Venabulis.* Venabulum, telum erat latissimum, & aciei longissimæ.

*Crupellarios.* Fortè ita dictos a voce Celticâ *cropet*, quæ torpere significat.

CAP. XLV. *Sequanorum pagos. Nunc la Franche-Comté.*

*Duodecimum apud lapidem.* Pugnatum inter Autun & Beaune.

*Ferratos.* Crupellarios.

*Quanto intolerantior.* Quantò intolerabilior.

*Veteres Gallorum glorias.* Cum in priore Taciti editione, prisca tot gentium monumenta illustraverim, ne nostrorum incuriosus videar, hîc juvat veteres Gallorum glorias explicare. Egregium argumentum, nostrarum tamen rerum scriptoribus intactum. Ita apud eos invaluit Francorum nomen, ut Gallorum prorsus obliviscantur. At sumus naturâ Galli, atque etiam ante Francorum expeditionem nobilissimi. Haud diffiteor post expeditionem in multis apud nos invaluisse Francorum leges. At manet semper Gallica natura, Gallicum ingenium, Gallici mores; idque ita nobis insitum, ut, quæ suâ ætate de Gallis scripsit Julius Cæsar, apud nos adhuc vigeant, & post tot tantæque sæculorum, bellorum, imperiorumque conversiones maneat semper Gallica indoles, cum Gallico sanguine semper mansura.

*In veteres Gallorum glorias.*

Arctissima erat anno Urbis conditæ cxi, ante Christum 614, sub Tarquinio Prisco Romana res, cum florentissimum jam vigeat Gallorum regnum. Summa imperii tum fuit penes Bituriges, *le Berry.*

Q iv

li regem dabant, qui Celtico, seu omni Gallia, imperitaret; eaque erat regni felicitas, ut in terrâ frugum hominumque fertilissimâ abundans multitudo vix regi posse videretur. Ambigatus rex, virtute fortunâque cum suâ tum publicâ præpollens, & magno jam natu, exonerare prægravante turbâ regnum cupiit. Bellovesum ac Sigovesum, sororis filios, impigros juvenes, monuit, ut sortirentur novas terras, quas quærerent; permisitque quantum ipsi vellent numerum hominum excirent, ne qua gens arcere advenientes posset. Sortes Sigovelo Hercynios saltus, Belloveso Italiam adsignavere.

Fortunam cum ita essent sortiti, Bellovesus, quod eis ex populis abundabat, Bituriges, Arvernos, Senones, Æduos, Ambarros, Carnutes, Aulercos excivit, nunc *le Berry, l'Auvergne, les Diocèses de Sens & d'Auxerre, la Bourgogne & le Nivernois, le Mâconois & la Bresse, le pays Chartrain & l'Orléanois, le Maine & le Diocèse d'Evreux*. Profectus ingentibus peditum equitumque copiis, in Tricastinos, *les Diocèses de Valence & de Saint-Paul-trois-châteaux*, venit. Alpes oppositæ erant, nullâ dum viâ (nisi cui de Hercule fabulis credere libet) superatæ. Galli, duce Belloveso, Taurino saltu, *le mont Cénis*, eas transcenderunt; fusisque Tuscis, *les Toscans*, qui quidquid est Alpes inter & Padum, *le Pô*, obtinebant, haud procul Ticino flumine, *le Tésin*, confedère. Audito agrum Insubrium appellari, cognomine Insubribus pago Æduorum, ibi, omen sequentes loci, condidere urbem, & Mediolanum, *Milan*, appellarunt. Livius V, 34.

Cenomani, *ceux du Maine*, favente Belloveso, duceque Elitovio, eodem saltu secuti, locos occupavere, ubi nunc Brixia ac Verona, *Brescia*

¶ *Verona*, urbes sunt. Salluvii, *ceux des environs d'Aix en Provence*, exemplo & fortunâ invitati, non adeò tamen progressi, circa Ticinum amnem, *le Tésin*, incoluere. Boii & Lingones, *partie de la Franche-Comté & le Diocèse de Langres*, Pœnino saltu, *le Grand Saint-Bernard*, Alpes transgressi sunt; at cùm jam inter Padum, atque Alpes omnia tenerentur, Pado ratibus trajecto, non Etruscos modò, *les Toscans*, sed etiam Umbros, *ceux de l'Ombrie*, agro pellunt: intra Apenninum tamen, *l'Apennin*, se tenuere. Tum Senones, *ceux de Sens & d'Auxerre*, recentissimè advenarum, cùm cuncta occupata reperissent, ultra progredi coacti sunt, sedesque posuere ab Usente flumine, *Montone*, prope Ravennam, ad fluvium *Æsim*, *Esino*, haud procul Anconâ. Livius V, 35.

Huc usque protendebatur Cisalpinorum Gallorum imperium, ducentisque ferme abhinc annis non modò Italiæ dominabantur, sed eam inexhaustâ fecunditate oppleverant, cùm Senones, quæsitis in Etruriâ, *la Toscane*, novis sedibus, Clusium, *Chiusi*, obsedere, Romæ imminentes. Ob commune periculum, missi Romanorum legati, a Clusinis acciti, qui quærerent quodnam id jus esset agrum a possessoribus petere, aut minari arma. Respondère Galli se in armis jus ferre, & omnia fortium virorum esse. Cùmque legati, contra jus gentium, arma capere essent ausi, Gallorumque legatio Romam missa, ut eam injuriam quereretur, indignè fuisset excepta, Galli, irâ succensi, Clusinos omittunt, & concitato agmine Romam petunt; Brenno duce, anno Urbis conditæ cccxliv, ante Christum 390. Victi ad Alliam flumen, *Torrente di Cätino*, Romani. Capta Roma: ferme expugnatum Capitolium;

Q v.



& a victoribus Gallis factum populi Romani pretium mille pondo auri : Gallicæ monetæ libræ sunt 945,000. Livius V, 35 & seqq. Plinius XXXIII, 1, sect. 5.

Haud illætiore fuerat Sigoveſi fortuna. Occupatâ Hercyniâ ſilvâ, quæ maximam Germaniæ partem tum obtinebat, Galli, quos inter inſignes erant Volcæ Tectofages, *le Dioceſe de Toulouſe*, per ſtrages barbarorum, Illyricos ſinns, *la Carniole, la Slavonie*, penetravere, conſedèrequè in Pannoniâ, *la Hongrie, l'Autriche*. Domitis Pannoniis, per multos annos cum finitimis varia bella geſſerunt. Ibi cum gens aſpera, audax, bellicoſa, numero & fortunâ creviſſet, novam laudis materiem amplioresque opes quæſivit. Petita, Cambaule duce, Thracia, *la Romanie*; eâque vaſtatâ, Galli ſpoliis onuſti, Pannoniam vicinâſque ſedes repetiere. Pausanias, in Phocicis, libr. X, p. 843.

Nec diuturna fuit quies; iterumque recrudefcente belli & prædæ cupidine, Galli tres in partes exercitum dividunt anno U.C. CCCCLXXIII, ante Chriſtum 281. Pars, Bolgio duce, Macedoniam aggreſſa eſt; annoque ſequenti, victo acie & interfecto Ptolemæo Cerauno, Macedonum rege, nondum auſi Græciam ingredi, ſuas in ſedes rediere. Pars altera, Brenno (Is Brenno Romanorum victore junior.) & Acichorio ducibus, univerſæ Græciæ minas intentabat: direptâ Ætolliâ, *Ulakia dans la Grece*, Delphos, locum immenſis theſauris ob Apollinis religionem clariffimum, petebat. Græcia, religionis, gloriæ, opum diſcrimine commota, Brenno obviam iit. Ad Thermopylas Parnaffumque montem Delphis, *Caſtri*, vicinum, victus eſt: tanta tamque atrox tempeſtatum, fulminum, frigorumque vis terræ motu exorta eſt, ut ingens ejus exercitus deletus occubuerit, vixque ſuperſtes fuerit, qui cladiſ

nuntium ferret. Brennus, confectus vulneribus, largius hausto vino, sibi vitæ finem, & cladis solatium fecit anno Urbis conditæ CCCCLXXVI, ante Christum 278. Pars tertia, Brenno concors, & cum eo in Dardanos, *la Servie*, usque profecta, ibi militaribus dissidiis meliorique fato ab eo divulsa, Thraciam repetiit, ducibus Leonorio & Lutario: Byzantium, *Constantinople*, occupavit, oram Propontidis, *la Mer de Marmara, ou la Mer Blanche*, vestigalem habuit, ejusque urbes obtinuit. Tum audita Asiæ ubertate, cupido invasit in eam transeundi. Lyfimachia, *Hexamili*, fraude capta; Chersonesoque omni possessâ, ad Hellepontum, *le Détroit des Dardanelles*, ventum est. Ibi Lutarius, Macedonibus, quos per speciem legationis Antipater, præfectus ejus oræ, ad speculandum miserat, duas testas naves & tres limbos adimit: his alios atque alios dies noctesque transvehendo, intra paucos dies omnes copias trajicit, anno Urbis conditæ CCCCLXXVII, ante Christum 277. Jam Leonorius, exoratus a Nicomede Bithyniæ rege ut ipsi opem ferret, a Byzantio transmiserat. Coeunt Lutarius & Leonorius, auxilia Nicomedi dant adversus Zybœam, qui partem Bithyniæ tenebat: eorum maxime operâ devictus Zybœa est, Bithyniaque omnis, *la partie Occidentale de Bursia*, in ditionem Nicomedis concessit. Pausanias, *loc. cit.* Polyb. libr. IV, pag. 436. Livius XXXVIII, 16.

Victores Galli, & de Nicomede optime meriti, profecti ex Bithyniâ in Asiam processerunt. Nec plus ex viginti millibus hominum, quàm decem millia armata erant; tamen tantum terroris omnibus, quæ cis Taurum montem incolunt, gentibus injecerunt, ut quas adissent, quasque non adissent, pariterque ultimæ propinquis imperio

Q vj

parent. Nova eorum dominatio de eorum nomine Gallogræcia, Galatiave, nuncupata est. Vestigalemque Asiam ita inter se divisere, ut Trocmis Helle Ponti ora data sit, Tolistoboiæ Æolida atque Ioniam, Tectosages mediterranea Asiæ sortiti sint, & stipendium totâ cis Taurum Asiâ, *la Natolie*, exigebant. Sedem autem ipsi circa Halyn flumen, *Kisil Ernak*, ceperunt; tantusque terror eorum nominis erat, multitudine etiam magnâ sobole auctâ, ut Syriæ quoque ad postremum reges stipendium dare non abnuerent. Immo ita penes Gallos fuit in Oriente belli pacisque arbitrium, ut, cum eorum juvenus quàm maximæ fecunditatis Asiam omnem velut examine aliquo impleffet, neque reges Orientis, teste Justino, sine mercenario Gallorum exercitu ulla bella gesserint: neque pulsi regno ad alios quàm ad Gallos confugerint. Isque erat terror Gallici nominis, & armorum invicta felicitas, ut aliter neque majestatem suam tutam, neque amissam recuperare se posse sine Gallicâ virtute arbitrentur. Livius, *luc. cit.* Justinus XXV, 2.

Quot quantisque postea in Asiâ, in Europâ, victoriis atque cladibus exercita fuerit virtus Gallica, quas novas terras quæsierit, quomodo cum Hiberis, *la partie Occidentale de la Castille nouvelle & une grande partie de l'Aragon*, fortissimis Hispaniæ populis, arma, nomen, sanguinemque sociaverit, quantum inclaruerit Celtiberorum nomen, quæ fuerint Gallorum cum Britannis, cum Germanis commercia, prodere immensum foret, & nostræ dissertationis fines longè egrederetur. At satis sit veteres Gallorum glorias indigitasse. Verùm quod in antiquâ Historiâ utilissimum est, ad recentiorum memoriam animum revolvamus, & in tantis rerum sæculo-

tumque vicissitudinibus eundem in Gallis animum recognoscamus. Inde irrequieta illa Caroli Magni virtus, quæ tot bellis periculisque tanta tamque disjuncta terrarum spatia nobilitavit. Inde tantis Gallorum animis quæsitum ac fundatum a Godfrido de Bouillon, Heroum maximo, Hierosolymitanum regnum. Inde toties a nostris regibus nobilitateque Gallicâ tentata Ægyptus, occupatum Constantinopolitanum imperium, Asia Gallicis dominationibus respersa. Inde tot bella per Italiam gesta. Inde cùm acerrimis Ferdinandi & Caroli V. judiciis adferta est publica tranquillitas, & politicis ponderibus librata Europa, nec jam ullus superfuit bellicis incursionibus locus, Galli irrequietâ suâ mobilitate aguntur semper & circumaguntur; atque, licet patriam suam plurimum faciant, externam quamque plerumque spernant, militiâ tamen, artibus, literis, commerciis, ministeriis denique omnibus utuntur & quandoque abutuntur, ut totum pervagentur orbem, ita ut, maximè in Europâ, non urbs, non oppidum, sæpe ne unus quidem sit vicus, in quo Gallus aliquis non occurrat. Inde, si bellici facinoris, bellicæ gloriæ spes uspiam adfulgeat, statim prætervolat Gallus, nec locorum intervallis, nec periculorum difficultatibus deterritus, ut recens vidimus, cùm exiguißima Gallorum manus, duce viro avitis Boiis, *ceux du Bourbonnois*, qui totum ferme orbem militaribus suis expeditionibus perlustrarunt, animo & virtute simillimo, Cracoviam expugnavit, &, quod ferme incredibile, tamdiu servavit. Adeò in Gallico sanguine constans & sui similis natura!

CAP. XLVI. *Turonium*. Potius Andegavum, ut patet ex Cap. 41.

*In villam propinquam*. Hæc villa nunc dicitur

### 374 IN LIBRUM TERTIUM

*Sarvau*, teste Londoneo, *Antiquitates Æduorum*, pag. 115 & 118. Ibi effossos ingentes lapides laceros & semiustos adseverat.

CAP. XLVII. *Consiliis superfuisset*. Fide ac virtute legatos rem confecisse, se consiliis adfuisset.

CAP. XLVIII. *Publicis exsequiis*. In publicis exsequiis luctus est publicus, sumptusque sit e publico.

*Municipium Lanuvium*. Nunc Civita Lavinia. Lanuvium Româ XVI M passuum distabat.

*Consulatum*. Anno U. C. DCCXLII.

*Homonadensium castellis*. Contermina Ciliciæ gens Homonadum, quorum oppidum Homona, nunc Ermenach. Cetera castella XLIV inter asperas convalles latebant, teste Plinio V, 27.

*C. Cæsari*. Suprà Annal. I, 3.

*Rhodi agentem*. Suprà Annal. I, 4.

*Ut memoravi*. Suprà Annal. III, 22.

CAP. XLIX. *Ægro Druso*. Tiberii filio.

CAP. L. *Ne serviles quidem cruciatus*. Tormenta, patibula, cruces, alii que id genus servorum cruciatus.

*Conquerentem*. Suprà Annal. II, 31.

CAP. LII. *Immensum proruperat*. Quam immensum apud Romanos luxus proruperit, & quæ sint in regnis & in rebus publicis luxûs utilitates aut incommoda singulari dissertatione explicavimus in priore editione, Tom. I, pag. 402 & seqq.

CAP. LIII. *Unius invidia*. Unius Principis invidiâ ab omnibus peccatur: omnium delicta uni Principi imputantur.

*Promiscuas viris & feminis vestes.* Sericas levesque vestes; de quibus Plinius XI, 23. *Nec puduit has vestes usurpare etiam viros, levitatem propter æstivam. In tantum a loricâ gerendâ discessere mores, ut oneri sit etiam vestis.*

*Pecuniæ nostræ.* Peregrini odores ex felicî Arabiâ, ex Indiâ & Seribus margaritæ tam effrenâ luxuriâ petebantur, ut minimâ computatione millies centena millia sestertium, Gallicæ monetæ libras 19,455,025, annis omnibus imperio adimerent. Tantò Romanis delieicæ & feminæ confabant. Plin. XII, 18.

CAP. LV. *Verum hæc nobis.* Verùm hæc nobis majores tulere: id est, verùm hæc luxûs & parcimonix exempla majores nobis reliquere. Certamina ex honesto maneant: vel, pergamus de honesto ac virtute certare.

CAP. LVII. *Præceperant animis.* Patres jam præceperant animis, quod petebat Tiberius. Ideo quæstior fuit adulatio.

CAP. LVIII. *Prorogatâ.* Vide suprâ Annal. III, 35.

*Flamên Dialis.* Flamines Diales, Jovis; Martiales, Martis; Quirinales, Romuli, seu Quirini, sacra curabant.

CAP. LXI. *Ephefii.* In Ioniâ Ephesus, urbs Dianæ Ephesinæ templo celeberrima, nunc *Agiozoluc.*

*Delo.* Delos, insula, nunc *Sidili*, vel *les Dilles.*

CAP. LXII. *Magnetes.* Magnetes ad Mæandrum, in Cariâ. Eorum urbs Magnesia, nunc *Guzel-hissar.*

*Dianæ Leucophryenæ.* Ita dictæ a Leucophryne, in hoc templo sepultâ. Hoc autem templum fuit Ephesino templo & concinnitate & architecturâ præstantius.

*Aphrodisiensēs.* In Cariâ. Eorum urbs Aphrodisia, nunc Geyra.

*Stratonicensēs.* In Cariâ; eorum urbs Stratonicea, nunc *Eski-hissar*. Illustria Aphrodisiensium & Stratonicensium monumenta attulimus & explicavimus in priore editione, Tom. I, p. 409 & seqq.

*Jovis & Triviæ.* Jovis Chrysaoris, & Hecateæ, quam in triviis natam & educatam Tacitus Triviam appellat.

*Hierocæsariensēs.* In Lydiâ. Eorum urbem Hierocæsaream nocturno terræ motu collapsam vidimus suprâ, Annal. II, 47.

*Perficam apud se Dianam.* Ob sacra Perfica ita appellatam. Delubrum post Lydiacam victoriam a rege Cyro dicatum est.

*Perperna, Isaurici.* M. Perperna Aristonicum; qui Asiam invaserat, vicit anno U. C. DCXXIV. Publius Servilius anno U. C. DCLXXIX piratas domuit, validissimas urbes Ciliciæ, ipsamque arcem Isauron evertit: Unde conscius sibi magni laboris, Isaurici cognomen adamavit. Florus III, 6.

*Cyprii tribus delubris.* Tria hæc Cypri insulæ, *l'isle de Chypre*, delubra in tribus urbibus cognominibus posita: templum Paphiæ Veneris Paphi, nunc *Baffo*; Amathusiæ Veneris, Amathunte, cujus rudera adhuc exstant prope urbem *Limisso*; Jovis Salaminii, Salamine, nunc *la vieille Famagouste*.

*Aerias.* Rex Aerias, de quo infrâ Hist. II, 3.

CAP. LXIII. *Apud Pergamum.* Pergamus; urbs Mysiæ majoris, nunc *Bergame*.

*Stratonici Veneri.* Ita dictæ in honorem Stratonices, aviæ Seleuci II, cognomento Calpini, qui sancivit templum Veneris Stratonicidis asylum fore, urbemque Smyrnam, nunc *Smyrne*, sacram & asylum. Monumentum Veneris Stratonicidis vide in priore editione, Tom. I, pag. 417 & seq.

*Tenios.* Tenos insula, una Cycladum, nunc *Tine*.

*Sardianos.* Sardes, urbs Lydiæ, nunc *Sart*.

*Milesios.* De Mileto dictum supra, Annal. II, 54.

*Cretenses.* Creta insula, nunc *Candie*.

*Figere æra.* Figere tabulas æreas, quibus inscripta essent senatusconsulta de asylyis.

*In ambitionem delaberentur.* Specie religionis nova semper ac majora ambiunt populi.

#### CAP. LXIV. *Julia Augustæ. Livia.*

*Supplicia diis.* A senatu decernuntur supplicationes diis, ludique magni, id est Circenses, quos pontifices, & augures, & quindecimviri, simul ac septemviri & sodales Augustales ederent. Simul Græcorum exemplo cum tertio casu jungit Tacitus.

*Feciales.* Non ludorum, sed fœderum, pacis, belli, induciarum oratores feciales iudicesque sunt. Cicero de Legibus II, 9.

*Augustales adjectos.* Apud Romanos ludorum cura erat commissa quatuor collegiis pontificum, augurum, quindecimvirorum & septemvirorum. Ludis vero pro Julia editis adjecti sunt Augustales, quod hoc sacerdotium esset proprium Julia Augustæque domûs pro quâ vota persolverentur.

#### CAP. LXV. *Pedarii senatores. Senatores, quâ*



magistratum curulem nondum cœperant , pedibus itabant in curiam. Propterea senatores , nondum majoribus honoribus functi, pedarii nominabantur. Gellius III, 18. In curiâ magis annuebant , quàm sententiam dicebant.

CAP. LXVI. *Videlicet Scipio.* Tacitus hæc loquitur indignabundus.

CAP. LXVII. *Mancipio acceperat.* De hoc Tiberiano usu , novoque jure , vide suprâ Annal. II, 30.

*Aufis ad Cæsarem codicillis.* Fortè ausus ad Cæsarem codicillos.

CAP. LXVIII. *Insulam Gyarum.* Nunc Joura, in Egæo mari.

*Aliâ parente.* Fortè *Manliâ parente.* Ejus enim soror *Torquata* appellatur in Cap. seq. Retineri tamen potest *aliâ*, quòd Silani mater non e gente *Junia*, sed ex *aliâ familiâ* esset.

CAP. LXIX. *Ordinis ejusdem.* Senatorii ordinis.

*Cytheram.* Insula Cythera , nunc Cerigo , juxta promontorium Maleam , -le *Cap Malio*.

CAP. LXX. *Cyrenenses.* Cyrenaïca , le désert de Barca. Ibi urbs Cyrene , nunc *Curin*.

*Egregium publicum.* Egregiam in publico famam & bonas domi artes dehonestavisset. Dixit quoque Gellius VII, 3. *Optimum publicum.* Varro de Re Rustic. I, 13. *Pessimo publico.* Egregium illud publicum , honores , nobilitatem majorum , claritudinem militiæ explicat ipse Tacitus Annal. IV, 6.

CAP. LXXI. *Tali cognomento erat.* Ergo tunc dirutum templum Fortunæ Equestris a Fulvio Flacco olim inauspicatò factum, de quo Livius XL, 40. Fuit in nonâ Urbis regione; postea, ut videtur, in septimâ regione exstructum. Sic enim P. Victor: in VII regione, *templum novum Fortunæ.* In nonâ, *Fortunæ Equestris vetus.*

*Apud Antium.* Nunc Capo d' Anzo; ubi manent templi rudera.

CAP. LXXII. *Basilicam Paulli.* In octavâ Urbis regione fuit magnifica Paulli basilica, quam *columnis e Phrygibus mirabilem* laudat Plinius XXXVI, 15. Basilicarum usus tum erat ad exercenda judicia, & negotiatorum mercatorumque conventus peragendos.

*Taurum.* Statilius Taurus amphitheatrum, Marcius Philippus ædem Herculis Musarum, Cornelius Balbus theatrum exstruxerant. Vide Suetonium in Aug. Cap. 29.

*Apud Theatrum Pompeii.* In nonâ Urbis regione.

CAP. LXXIII. *Triumphus insignibus.* De quibus diximus suprâ, Annal. I, 72.

*Ne Spartaco.* Spartacus, Cænomaus & Crixus servile bellum in Italiâ concitarunt anno Urbis conditæ DCLXXXI.

CAP. LXXIV. *Quid prædatio in Leptitanos.* Tria Romanorum agmina ita disposita fuisse videntur, ut Cornelius Scipio in Byzacenâ haud procul a Tritone amne & palude, *le lac Elloudeah*, prope Syrtin minorem, *le golfe de Cabès*, præesset, ne Leptitanos inter minorem majoremque Syrtin positos, Tacfarinas prædaretur, &

inde ad Garamantas, *la partie Orientale du pays des Dates*, suffugeret. Contrà verò in Numidiâ prope fluvium Ampsagam, nunc *Wad-el-Kibir*, excubias agebat Blæsus filius ne Cirtensium pagi, quorum urbs princeps Cirta, nunc *Constantine*, in Tacfarinatis partes impunè traherentur. Scipionem inter & Blæsum filium medius Blæsus pater arcta & infensa hostibus cuncta in Africâ faciebat. Tum quoquò inclinaret Tacfarinas, occurrebat pars aliqua militis Romani. Si Africam peteret, in ore erat Blæsus pater, in latere dextro Blæsus filius, in sinistro Cornelius Scipio. Si forrè versùs Blæsum filium aut Scipionem progrediretur, tum alteruter erat in tergo.

*Veteris provincia. Africa.* Africa autem dicitur vetus provincia, quòd Numidia, nova provincia, ei accesserat.

*Mutantem mapalia.* Sallust. in Jugurth. Cap. 18. *Ædificia Numidarum agrestium, quæ mapalia illi vocant, oblonga, incurvis lateribus tuta, quasi navium carinæ sunt.* Sic adhuc habitant barbari, quos dicimus *les Bedouins*, suaque mapalia appellant *Beet el shar*, Gallicè *Maisons de poil*, quòd, ut antiquitus, eorum mapalia, tentoriave, tegant vela jubis contexta. Vide eruditum Shaw, *Voyages*. Tom. I, pag. 369.

*Blæso postremum.* Imperatoris nomen Blæso postremum datum est. Quod observatione dignum. Sic enim quidquid erat decoris & honoris in se trahebant Principes, ut veteris populi mores obsolescerent, & virtutes evilescerent.

CAP. LXXV. *Fratre Druso insignis.* Afinius Saloninus Drusi Cæsaris frater erat, ut pote filius Vipsaniæ Agrippinæ, Drusi matris, quam Tiberius jam gravidam dimiserat. Tiberio autem

progener destinatus, quòd ei destinata una ex Germanici filiabus.

*De quo memoravi.* Suprà Annal. I, 76 & 79. Annal. III, 70.

CAP. LXXVI. *Philippensem aciem.* Pugnatum ad Philippos in Macedoniâ, victique Cassius & Brutus anno U. C. dccxii. Manent adhuc Philipporum rudera prope locum, qui nunc dicitur *la Cavale*.

*Præfulgebant.* Inter tot nobilitatis decora, Brutus & Cassius præfulgebant, eo ipso, quòd, oppressâ libertate, eorum imagines non visebantur. *Negatus honor gloriam intendit.* Annal. IV, 26,





## NOTÆ

## IN LIBRUM QUARTUM

## ANNALIUM.

**CAP. I.** SUPRA MEMORAVI. *Annal. I, 24. II, 72.*

*Vulturniis. Nunc Bolsena, in Etruriâ.*

*Apicio diviti & prodigo. Apicius, famosus helluo, cum sestertiûm millies, Gallicæ monetæ libras 19,455,025, in culinam congefisset, & comestationibus exsorsisset, vitam veneno finivit: reputans se fame periturum, si in sestertio centies, Gallicæ monetæ libris 1,945,502, quod sibi reliquum erat, vixisset. Vide Senecam, Consol. ad Helviam. Cap. 10.*

*Juxta adulatio. Quanta adulatio, tanta superbia.*

**CAP. II.** *Crederetur. Fortè crearetur.*

*Perfecta sunt castra. Castra prætoria fuere haud procul Urbe, ubi fermè nunc porta Pia.*

*Principia legionum. Ibi inter aquilas & signa imagines Imperatorum colebantur. De principiis dictum Annal. I, 61.*

**CAP. III.** *Juvenis filius. Drusus, Tiberii filius.*

*Nepotes adulti. Filii Germanici, Tiberii nepotes.*

*Municipali adultero.* Sejanus dicitur adulter municipalis, quòd in municipio Vulturnensi genitus.

CAP. IV. *Repetita.* Suprà Annal. III, 29.

*In fratris liberos.* In liberos Germanici.

*Angustius imperitatum.* Latius enim imperium sub Trajano Principe, cum scribebat Tacitus. Vidimus suprà, Annal. I, 9, sub Augusto Principe imperium mari Oceano, aut omnibus longinquis, Rheno scilicet, & Danubio, & Euphrate fuisse septum. Postea a Claudio addita est Britannia: sed maximum incrementum victoriis Trajani optimi Principis accessit. Tum enim imperium Romanum ad mare rubrum, *la mer des Indes*, patuit; propagatum quoque est ultra Rhenum & Danubium. Immo ultra Tigrim visæ sunt aquilæ Romanæ, orbi universo dominaturæ, si junior fuisset Trajanus. Sed de his plura dicemus in Appendice Chronologicâ ad annum U. C. DCCCLXIX.

CAP. V. *Utroque mari.* Tyrrheno & Adriatico, Mare Adriaticum, aut superum, nunc *le golfe de Venise*. Mare Tyrrhenum, aut inferum, nunc *la mer de Toscane*.

*Misenum apud & Ravennam.* Misenum in mari Tyrrheno ad promontorium Misenum, *Capo di Miseno*. Ravenna, *Ravenne*, in mari Adriatico. Misenatum classis Occidentalem imperii partem præsidebat; Ravennatum verò, Orientalem.

*Galliæ.* Narbonensis.

*Oppidum Forojuliense.* Nunc *Fréjus*.

*Acceperat.* Juba junior, senioris Jubbæ filius, Maurorum regnum ab Augusto acceperat anno U. C. DCCXXIV.

*Ibero.* Iberia, nunc *la Géorgie*.

*Albano.* Albania, nunc *le Shirvan*.

### 384 IN LIBRUM QUARTUM

*Thraciam. Nunc la Romanie.* Thraciam obtinebant Rhœmetalces, filius Rhescuporidis, & liberi Coryis, ut dictum est suprâ Annal. II, 67.

*In Pannoniâ. Nunc la basse Hongrie & partie de l'Autriche.*

*In Mœsiâ. Nunc la Servie & la Bulgarie.*

*Dalmatiam. Hodie quoque la Dalmatie.*

*A tergo illis. A tergo illis legionibus, quæ erant in Pannoniâ & Mœsiâ.*

*Tres Urbanæ, novem prætorix.* Ergo tunc imminutus Urbanarum & prætoriarum cohortium numerus. Nam Dio LV, pag. 565, ait sub Augusto fuisse decem millia prætorianorum in X cohortes divisos, & sex millia Urbanorum, seu Urbis præsidiariorum, in IV cohortes distributos. Septem cohortes Vigilum meritò omisit Tacitus. Militibus enim minime annumerandi homines illi, restinguendis incendiis agendisque nocturnis vigiliis constituti.

*Etruria. Nunc la Toscane.*

*Umbriaque. Nunc l'Ombrie.*

*Vetere latîo. Vetus Latium Tiberim inter & Antium, nunc Capo d'Anzo.*

*Antiquitus Romanis.* Dum olim viguit res Romana, non modò Urbanæ & prætorix cohortes, sed legiones omnes civibus Romanis constabant. Quâ lege nihil fuit ad gloriam splendidius, ad præsidium tutius. Id sensim mutatum, alique milites adsciti. Dein jure civitatis pluribus dato, ac tandem ab Antonino Caracallâ cum omnibus, qui sub Romano imperio erant, communicato, periit disciplina militaris, & res Romana pessumdata.

*Apud idonea provinciarum.* At apud provincias, quæ seditionum & hostium periculis obiectabantur, erant sociorum triremes, alæ & auxilia cohortium,

cohortium. Scilicet tota res militaris Romanorum constabat legionibus, quæ Romanæ erant, & auxiliis, quæ a sociis vel fœderatis gentibus mittebantur. Veget. II, 1. In auxiliis erat ferme tantum virium, quantum in legionibus, si spectetur numerus, non verò si virtus. Hæc enim in legionibus præpollet. Unde ut ait Vegetius II, 2. *Legionibus auxilia, tamquam levis armatura, in acie jungebantur, ut in his præliandi magis adminiculum esset, quam principale subsidium.*

*In iis virium.* De militaribus imperii Romani viribus, ætate Tiberii, differuimus in prior editione, Tom. I, pag. 424 & seq.

CAP. VII. *Modesta servitia.* Modesta servitia, nec gratiâ, nec fastu tumida.

*Cerni effigiem ejus.* Suprà Annal. III, 72.

CAP. VIII. *Octo post annos.* Vide Supplementum Annal. V, 44.

*Sede vulgari.* In imis senatorum subselliis, non verò in tribunali curulibusque consulum sellis. Inde Tiberius eos honoris locique admonuit: loci, quòd infra tribunal sederent; honoris, quòd sellas curules occupare deberent.

*Rudem adhuc nepotum.* Nondum adultam, & artis regnandi rudem nepotum ætatem.

CAP. IX. *Quæ in Germanicum.* Suprà Annal. II, 83.

*Attus Clausus.* Attus Clausus e Sabinis Romam transfugit anno U. C. ccl. ibique appellatus *Ap-pius Claudius*, auctor fuit gentis Claudiæ. Vide infra Annal. XI, 24.

CAP. X. *Is Lygdus.* *Lygdus* redundat.

Tom. I,

R



*Per Apicatam Sejani. Sejani uxorem.*

*Recentem Liviae conscientiam.* Vetus Juliae Augustae odium, recentem Liviae, olim Drusi uxoris, nunc pellicis Sejani, conscientiam exagitare, ut apud Tiberium arguerent Agrippinam superbam, fecunditate subnixam, popularibus studiis inhiare dominationi. Atque hæc Sejanus dictitabat callidis criminatoribus, inter quos delegerat Julium Postumum, per adulterium Mutilæ Priscæ inter intimos Augustæ, & consiliis suis peridoneum: quia Prisca in animo Augustæ valida, anum Augustam, suapte naturâ potentiae anxiam, infociabilem Agrippinæ efficiebat.

CAP. XIII. *Civitati Cibyriticæ.* Cibra, urbs Phrygiæ, Turcis dicta *Buruz*.

*Ægiensi.* Ægium, urbs Achaia; nunc *Vostirza*.

*In insulam Amorgum.* Ægæi maris insulam, nunc *Amorgo*.

*Pater Sempronius.* Suprà Annal. I, 53.

*Africam obtinuerant.* Africae proconsules.

CAP. XIV. *Samiis.* Samos, Ægæi maris insula; hodie quoque *Samo*.

*Cois.* Cos, Ægæi quoque maris insula, nunc *Stan-Co*.

*Amphiſtyonum.* Amphiſtyones, publicum Græciæ concilium ab Acrisio institutum: vere Delphis, autumnus ad Thermopylas conveniebant, ut tum de re Græcorum publicâ, tum de sacris simul consultarent.

*Trucidarentur.* Dum mutuis Marii Syllæque odiis Roma laborabat, cives Romanos Asia tota, Mithridatis jussu, ad condictum diem trucidavit anno U. C. DCLXVI. Trucidatos CL M. uno die tradit Plutarchus in Syllâ, pag. 467.

*Oscum ludicrum.* Oscas fabulas, quæ dictæ sunt quoque Atellanæ, reperere Osci, Campaniæ populi, ab Etruriâ oriundi.

CAP. XV. *Censorium funus.* Censorium funus omnium maximum fuit, quo ipsi Principes celebrabantur. Purpurea vestis fuit censorii funeris insigne, teste Polybio VI, pag. 495. Neque censorium funus idem videtur ac publicum.

*Forum Augusti.* In VIII Urbis regione.

*Damnatur.* Et in exilium mittitur. Dio LVII, pag. 618.

*In C. Silanum.* Suprà Annal. III, 66.

CAP. XVI. *Maluginensis.* De quo suprà Annal. III, 58 & 71.

*Confarreatis parentibus.* Parentibus confarreatione conjunctis genitos. Per fruges & molam falsam conjungebantur illæ nuptiæ: inde confarreatio appellabatur. De confarreatione plurâ diximus in priore editione, Tom. I, pag. 427.

*LLS XX.* Id est, vices centena millia sestertiûm. Gallicæ monetæ libræ sunt 389,252.

CAP. XVII. *Vota susciperent.* Singulis quidem annis fiebat votorum nuncupatio die tertiâ Januarii, ut notatum est in veteribus Kalendaris, III NONAS IAN. VOTORVM NVNCVPATIO. Fortè tamen hæc altiùs penetrant, & ad Tiberii decennialia pertinent. Singulis enim decenniis festum, quasi ob imperii renovationem, agebant Romani. Quâ de re plura vide apud Dionem LIII, p. 507.

CAP. XVIII. *Moderator.* Suprà Annal. I, 31; II, 6; & III, 43 & seqq.

R ij

## 388 IN LIBRUM QUARTUM

**CAP. XIX. Aut Varro consul.** Quasi aut legibus cum Silio ageretur; aut Varro consulis auctoritatem, non verò speciem, nomenque inane, haberet; aut denique illud pristinam reipublicæ libertatem ac formam argueret.

*Non occultante.* Non occultante se Tiberii irâ premi.

*Nec dubiè.* Certa quidem erant repetundarum crimina; sed cuncta, ut in majestatis reum, fuere exercita.

**CAP. XX. Stipendiariis.** Gallis, qui tributum pendebant. Oppida stipendiaria passim memorat Plinius.

*Liberalitas Augusti.* Quæ Silius ex Augusti liberalitate acceperat, avulsa sunt, ut Tiberio redderentur: singillatim verò computata, quæ fisco petebantur.

*Secundum necessitudinem legis.* Quæ sit lex illa haud ita constat. De lege majestatis interpretatur Lipsius, satis probabiliter. Ab illâ quartâ parte bonorum pro accusationis præmio acceptâ, accusatores dicti sunt quadruplatores. At invalescente accusatorum rabie, majoribus præmiis dignitatibusque aucti sunt. Eos tandem undique & quasi latrones nefariè grassantes repressit vel pessimus Princeps Domitianus, cujus hæc meliori Principe digna vox, PRINCEPS, QUI DELATORES NON CASTIGAT, IRRITAT.

**CAP. XXI. Feroci viro.** Virum intellige fortem ac recti pervicacem, non verò atrocem & efferum.

*Ut retuli.* Suprà Annal. II, 34.

*Cassio Severo.* De quo jam actum Annal. I, 72.

*Jurati senatûs.* Jurati sententiam suam e reipublicâ esse. Vide Annal. IV, 31.

*Saxo Seriphio.* Seriphus, nunc Serpho, parva Ægæi maris insula.

CAP. XXIII. *Tres laureatæ.* Statuæ scilicet Furii Camilli. Annal. II, 52; L. Apronii. Annal. III, 21; & Junii Blæsi. Annal. III, 72.

*Jubæ filio.* Filio Jubæ junioris, de quo dictum suprâ Annal. IV, 5.

*Rex Garamantum.* Garamantes, la partie Orientale du pays des Dates.

*E provinciâ.* Ex ipsâ provinciâ Africâ, la Royaume de Tunis.

*Reportari nonam legionem.* Reportari in Pannoniam, unde nona hæc legio ducta præsidio Africæ. Vide Annal. III, 9.

CAP. XXIV. *Thubuscum oppidum.* In Numidiâ; seu Mauretaniâ Cæsariensi, Thubuscum. Ptolemæo IV, 2, dicitur Tubusuptus, nunc Burg; dans le canton de Kuko.

*Musulanorum.* Musulani, la partie Occidentale du pays des Dates.

CAP. XXV. *Auzea.* Ptolemæo IV, 2, in optimis Mss. libris Palatino & Claromontano dicitur Αὐζία. Castellum fuit haud procul lacu, qui nunc appellatur le lac Titteri, Orientem versûs, in Mauretaniâ Cæsariensi, seu Numidiâ.

*Positis mapalibus.* De quibus diximus suprâ; Annal. III, 74.

*Stipatoribus.* Stipatoribus suis.

CAP. XXVI. *Et huic.* Dolabellæ.

*Nec culpæ nescia.* Suprà Annal. III, 74, memorantur suffugia Garamantum; eorum quoque rex prædarum receptor & socius prædandi. Annal. IV, 23.

R iij

*Toga picta.* Purpurea erat auro mixta. Vide Plinium VIII, 48; IX, 36.

*Antiqua patrum munera.* Ea Porſenæ regi data anno U. C. CCXLIX, memorat Dionyſius Halicarnaff. Antiq. Rom. V, 35. Maſiniſſæ, Livius XXX, 15.

CAP. XXVII. *Brundifium.* Nunc *Brindifi.*

*Illo mari.* Mari ſupero, nunc *le golfe de Veniſe.*

*Calles.* Cui evenerat cura publicorum ſaltuum & callium in quibus pecora paſcebantur. Provincia illa Julio Cæſari & M. Bibulo conſulibus olim decreta, ne Cæſar graviora agitare & rempublicam turbaret. Sueton. in Jul. Cap. 19. Calles illos Gallicè dicimus *les Communes*. Sunt qui *Cales* emendent, & de Calibus oppido, nunc *Calvi*, intelligant. At minimè probabiliter.

*Claffiariorum.* E claſſe Ravennatium, de quâ ſuprà, Annal. IV, 5.

*Multitudinem familiarum.* Ob multitudinem ſervitiorum, quæ creſcebat immenſum opulentiorum dominorum luxu. Contrà verò minor erat in dies plebs ingenua, & Urbe cedere cogebatur, acriore annonâ fatigata. Quàm effræna autem fuerit illa familiarum oſtentatio haud inutile erit paucis exponere. Scipio Africanus, tot bellorum ſuperſtes & victor, miſſuſque ut regna adſignaret, quinque tantum ſervos habuerat: ipſe Julius Cæſar in Britanniam cum mille navibus trajecturus, tres ſolum ſervos habere voluit. At Romæ tandem eò prorupit luxus, ut infinita eſſet familiarum multitudo. Teſteque Athenæo VI, pag. 272 & 273, inter Romanos plurimi habebant mancipiorum decem aut viginti millia, atque etiam plura, nec utilitatis ac quæſtus cauſâ, quam ob rem Nicias, Græcorum ditiffimus, ſervos olim comparaverat, verum ut anteambulones & pediſſequos oſtentarent.

CAP. XXVIII. *Vibius Serenus*. De quo suprâ Annal. IV, 13.

*Falsa exterritum*. Græcorum more, pro *falsis exterritum*.

CAP. XXIX. *Robur & saxum aut parricidarum pœnas*. Robur dicebant Romani obscurum carcerem, Gallicè *le cachot*; quòd olim malefici in carcere robusteis arcis includebantur. Vide Festum verbo *Robus*. Saxum illud, Tarpeium est, nunc *le Capitole*, e quo præcipites agebantur rei. Parricidarum pœna fuit culeo insutos, vivosque, in flumen deijci.

*Libonem*. De quo vide Annal. II, 27 & seqq. *Suum tantum studium*. Libonem accusando.

*Octo post annos*. Damnatus erat Libo anno U. C. DCCLXIX.

*Contrà evenissent*. Etiam si tormenta non eum habuissent exitum, quem voluisset Tiberius. Pervicaces enim servi structas fuisse Principi insidias negabant.

CAP. XXX. *More majorum*. Ut virgis ad necem caderetur. Vide jam notata suprâ, Annal. II, 32.

*Intercessit*. Jure tribunicie sue potestatis Tiberius intercessit.

*Gyaro aut Donusa*. De Gyaro dictum Annal. III, 68; de Amorgo Annal. IV, 13. Donusa, Ægæi quoque maris insula, nunc *Stenosa*.

*De præmiis accusatorum*. Si accusatus damnaretur, tunc quarta pars bonorum accusatoribus cedebat.

CAP. XXXI. *Ut retuli*. Suprà Annal. II, 27.

CAP. XXXIII. *Delecta ex his*. Hæc est rei publicæ forma, quæ ex populi, primorum ac

R iv

regis potestate delecta & confociata, in Anglico imperio viger.

CAP. XXXV. *An illi. An pro annon dictum; ut aliàs sape.*

*Sexagesimum ante annum.* Perperam in libris editis *septuagesimum ante annum*. Cassius ac Brutus perempti anno U. C. DCCXII. Ab eorum morte ad hunc annum DCCCLXXVIII numerantur tantum anni LXVI. *Septuagesimum* autem pro sexagesimo dici non patitur præpositio *ante*.

*Abstinentiâ finivit.* Cremutii Cordi mortem fusè descripsit Seneca in Consolatione ad Marciam, Cap. 22.

*Occultati & editi.* Librorum damnatorum more, apud curiosos occultati manserunt. Postea, imperante Caio Caligulâ, editi sunt: nec oblitterata eorum fama.

*Punitis ingeniis.* Ex periculis crescit fama; & vetita semper celebrantur. Ne tamen existimes impunitam esse debere quamcumque scriptorum proterviam. Servitute quidem deteruntur ingenia, vigent libertate; at licentiâ corrumpuntur, quam nisi arctioribus legum vinculis coerceas, atrociam in scelera erumpit. Inde severissimæ illæ gentium omnium adversus ingeniorum licentiam leges. In veteri Basilicorum glossario lex exstat: *Sciendum est eos qui famosos libellos componunt, inveniunt, legunt, nec statim dilacerant, esse capite puniendos.* Quæ dicta fiat, non in Cremutium Cordum, fortissimum Sejanianæ insolentiæ vindicem, sed adversus licentiosos religionis & humanitatis, patriæ ac Principis hostes. Ipsi quoque XII Tabulis, quæ perpauca res capite sanxerant, edictum: *Si quis occentassit malum carmen, sive condisit, quod insaniam faxit flagitiumve alteri, capital esto.* Egregièque dixit Julius Paulus Sentent. V,

Tit. 4. *Interest enim publicæ disciplinæ, opinionem uniuscujusque turpi carminis infamiâ vindicari.*

CAP. XXXVI. *Feriarum Latinarum diebus.* Feriæ Latinæ, a Tarquinio Superbo institutæ; & Jovi Latiali sacrae, in monte Albano, nunc *Monte Cavo*, per tres dies celebrabantur. Cùm huc consules ac magistratus proficiscerentur, in tempus deligebatur e primâ nobilitate juvenis aliquis, qui consulare munus usurparet, jus redderet, ac subitis mederetur. Vide infra VI, 11.

*Auspicandi gratiâ.* Drusus, Germanici filius; primo magistratûs sui die muneris aliquid, auspicii causâ, delibavit. At levia lætaque erant tractanda. Quod gravia lævaque fuissent agitata, a Tiberio palam meritôque increpitum.

*Cyzicenis.* Cyzicus, urbs Mysiæ minoris. Ejus ruderibus, nunc nomen *Artaki*.

*Bello Mithridatis meruerant.* Quâ de re plura Plutarchus in Lucullo, pag. 497; & Strabo XII, pag. 575.

*Vibium Serenum.* Vibium Serenum filium, jam memoratum supra Annal. IV, 28 & 29.

*Leves, ignobiles.* Leves & ignobiles accusatores pœnis afficiebantur.

CAP. XXXVII. *Hispania ulterior.* Lusitania & Bætica, le Portugal, l'Andalousie & le Royaume de Grenade.

*Exemplo Asiæ.* Suprà Annal. IV, 15.

*Apud Pergamum.* De hac urbe dictum Annal. III, 63.

CAP. XXXVIII. *Ut majoribus meis dignum.* Ut pro dum, dum modò ab optimis scriptoribus usurpatur. Fortè tamen scriptum olim, ut me

R v.



*majoribus meis dignum. Me potuit facilè excidere ; poteft quoque intelligi.*

*Pro fepulcris fpernuntur. Æquè ac fepulcra fpernuntur. Hæc enim contemptorum Principum delubra , veriùs fepulcra erant , quàm templa.*

*Mentem duint. Mentem dent. Antiquitus dictum.*

*Liberum. Bacchum.*

*Quirinum. Romulum.*

**CAP. XXXIX.** *Flagitante Livid. Germanicâ forore , olim Drufi uxore. Suprà Annal. IV, 3.*

*Conjunctione Cæfari. Sejani filia olim desponfa Drufo , Claudii filio , ut dictum eft fuprà , Annal. III, 29 ; & IV, 7.*

*Conlocandâ filiâ. Juliâ , Augufti & Scriboniæ filiâ.*

*Consultaviffè. Vide Suetonium in Aug. Cap. 63.*

**CAP. XL.** *C. Cæfari. Caio Cæfari , Augufti nepoti.*

**CAP. XLI.** *Verâ potentiâ augere. Sublatifque inanibus , fe verâ potentiâ crefcere & angeri. Eodem modo verbo augere ufus eft Salluftius , Frag. Hift. pag. 947. Ceterùm illi , qui gentis Æmilie benefacta extollebant , & ignoscendo-populi Romani magnitudinem auxiffe , id eft auctam effe , nusquam etiam tum Lepidum progreffum aiebant. Et Cato apud Gellium XVIII, 12. Eodem convenæ complures ex agro accessitavere: eò res eorum auxit. Unde meritò Gellius. Id quoque habitum eft in oratione faciendâ elegantie genus , ut pro verbis habentibus patiendi figuram , agentia ponerent : ac deinde hæc vice inter fe mutuâ vererent.*

**CAP. XLII. In cognitione.** Vel in causæ cognitione. Causæ autem cognitio intervenit, cum de negotio, præsentē utraq̃ue parte, & auditā, vocatave, disceptatur.

*Majestatis pænis adfectus est.* Eusebius in Chronic. ad annum tertium Olympiadis CCI. Tiberii XIV. *Votienus Montanus, Narbonensis orator, in Balearibus insulis moritur, illuc a Tiberio relegatus.*

*Lege Julia.* Lege Juliâ, de quâ diximus suprâ; Annal. II, 50; Aquilia relegatione fuerat mulctata. Tiberius, inclementiam amplexus, eam exilio punivit. Relegati enim civitatem non amittebant, amittebant exules.

**CAP. XLIII. Lacedæmoniorum & Messeniorum.** Peloponnesi populorum. Lacedæmoniorum urbs princeps Sparta, nunc *Paleo-chori*. Messeniorum, Messene, nunc *Mauromatia*.

*Templi Dianæ Limnatidis.* In finibus Messeniorum fuit templum Dianæ Limnatidis, Messeniis & Lacedæmoniis commune. A lacubus, ἀπὸ τῶν λιμνῶν, Diana cognominabatur Limnatis. Quantum assequi licet ex Pausaniâ in Laconicis III, 2, pag. 208, in Messen. IV, 31, pag. 356. templum illud Dianæ Limnatidis, castellumque Limnæ haud procul fuere a loco, qui nunc dicitur *Zarnata*, près du Golfe de Coron dans la Morée.

*C. Cæsaris.* Caii Julii Cæsaris dictatoris, & M. Antonii triumviri.

*Dentheliatem agrum.* In agro Dentheliate fuit templum Dianæ Limnatidis.

*Vatum, annalium.* Quòd si ad poëtarum annaliumque testimonia vocentur.

*Philippum.* Alexandri Magni patrem.

R vj

*Regis Antigoni.* Antigonus, Macedonum rex; dictus *Dofon*, seu *Dator*, cum regnasset annos duodecim, mortuus est anno U. C. DXXXIII.

*Imperatoris Mummii.* L. Mummius, ob devictam Achaiam, cognomento Achaicus, Corinthum everit anno U. C. DCVIII.

*Milefios.* Milefii in Cariâ, quorum urbs Miletus; de quâ jam dictum Annal. II, 54.

*Secundum Messenios datum.* Ita quoque secundum Messenios pronuntiatum; iisque templum Dianæ Limnaidis datum.

*Segeſtani.* In Siciliâ Segeſta, nunc *Caſtel a mare.*

*Montem apud Erycem.* Eryx, mons Siciliæ; nunc *Monte San Giuliano.*

*De origine ejus.* Delubrum Veneris Erycinæ ab Æneâ conditum ferebatur. Vide Pomponium Melam II, 7.

*Ut conſanguineus.* Ob familiam Juliam, se Æneæ & deæ Veneris conſanguineum eſſe gloriabatur Tiberius.

*Maſſilienſium.* Maſſilia, nunc *Marſeille*, en *Provence.*

*P. Rutilii.* Anno U. C. DCLX, P. Rutilius; vir non ſæculi ſui, ſed omnis ævi optimus, publicanorum factione interrogatus lege repetundarum, maximo cum gemitu civitatis per equites judices damnatus eſt. Vide Velleium Paterculum II, 7 & 13. Valerium Maximum VI, 4.

*Smyrnæi.* Smyrna, nunc *Smyrne.*

CAP. XLIV. *Lentulo.* Cn. Lentulus Coſſus; olim Druſo comes additus in Germaniâ, ut dictum eſt Annal. I, 27, conſul fuit anno U. C. DCCLIII. Gætulos vicit anno U. C. DCCLIX; triumphalia nomenque Gætulici conſecutus. Dio LV, p. 567

*Gætulis.* Gætuli, gens valida, suprà Mauritaniam longè latèque exspatiabatur, nunc *la partie la plus Occidentale du pays des Dates.* At, cùm complures Romanos duces vicissent, antequam a Lentulo debellarentur, versùs Syrtis progressi sunt. Inde Florus IV, 12. *Musulanios atque Gætulos accolas Syrtium, Cossò duce, (Augustus) compescuit: unde illi Gætulici nomen.*

*Domitium.* L. Domitium Ahenobarbum, Neronis Principis avum.

*Pro optimatibus.* Id est, in partibus Pompeianis, quæ optimatum erant.

*Minor Antonia.* Suetonio in Nerone, Cap. 5, major dicitur, & fuisse videtur.

*Flumen Albim.* L'Elbe.

*L. Antonius.* Nepos Octaviæ, sororis Augusti.

*Julo Antonio.* De quo dictum suprà, Annal. III, 18.

**CAP. XLV. Citerior Hispania.** Hispaniæ septentrionalem partem usque ad ostia Durii fluminis, nunc *Douro*, complectebatur.

*Nationis Termestinae.* Cujus nationis urbs princeps Termes; nunc, parum mutato nomine, *Tiermés, dans la vieille Castille.*

*Ad quæstionem.* Ad quæstionem. Eadem utriusque vocis vis.

*Pecunias e publico interceptas.* Pecunias e publicis vectigalibus a Termestinis interceptas L. Piso cogeabat acrius, quàm ut tolerarent barbari.

**CAP. XLVI. Montium editis.** Montem Hæmum habitabant ac vallabant, Plin. IV, 1.

*Delectus.* Gallicè *les levées de troupes.*

**CAP. XLVII. Rex Rhæmetalces.** Rex Traci  $\alpha$ ; de quo suprà Annal. II, 67; III, 38.

*Sugambrae cohortis.* Sicambri, vel Sugambri; Germaniæ populus, se jam pridem Romanis dederant, & in Gallias fuerant trajecti. Vide *Annal.* II, 26; XII, 39.

**CAP. XLIX.** *Fossam loricamque.* Vegetius IV, 28. *Obsidentes ultra jactum teli fossam faciunt, eamque non solum vallo, & sudibus, sed etiam turriculis instruunt, ut erumpentibus ex civitate possint obsistere, quod opus lorikulam vocant. Nos dicimus une ligne de circonvallation.*

*Neque ignobiles.* Neque erant ignobiles, quamvis diversa sentirent.

**CAP. LI.** *Manualia saxa. Minima saxa . . . manibus jacienda.* Veget. IV, 8.

*Muralia pila.* Pila graviora, quæ ex muris in oppugnatores jaciebantur. Cæsar. *Bell. Gall.* VII, 22.

*Sponte vicorum.* Proxima recepta sunt sponte vicorum, qui hinc & inde in Hæmo monte habitabantur. Remotiora verò non subacta sunt propter præmaturam & sævam montis Hæmi, nunc *Monte Argentaro*, hiemem.

**CAP. LII.** *Commotâ Principis domo.* Per Drusi mortem. Suprà *Annal.* IV, 8.

*Sed imaginem veram.* Sed se veram Augusti imaginem.

*Frustra Pulchram præscribi.* Frustra Pulchram obtendi; ipsam, ipsam Agrippinam peti.

*Oblita Sosiæ.* Sosiæ Galliæ, de quâ suprà *Annal.* IV, 19 & 20.

**CAP. LV.** *Perfi & Aristonici.* Perseus, rex Macedonum, ab Æmilio Paulo superatus anno U. C. DLXXXVI. Aristonicus, spurius Eumenis

filius, cūm Asiam invasisset anno U. C. DCXXXIII, a Perpernā domitus & captus est.

*Hypæpeni.* Hypæpa, urbs Lydiæ, nunc *Berki*.  
*Tralliani.* Trallis, urbs Lydiæ, Ptolemæo Cariæ, nunc *Chora*.

*Laodicenis.* Laodicea, urbs Phrygiæ, nunc *Ladik*.

*Magnetibus simul.* Magnesia ad Sipylum, urbs Lydiæ, nunc *Magnisa*. Græcorum more, *simul* cum quarto casu conjungit Tacitus.

*Ilienses.* Ilium, urbs Troadis, nunc *Troie*.

*Halicarnassii.* Halicarnassus, urbs Doridis, nunc *Bodroun*.

*Pergamenos.* De Pergamenis, Sardonis, Milesiis, & Ephesiis dictum est suprâ Annal. II, 47 & 54; III, 61 & 63.

*A Pelope nomen.* A Pelope tota regio dicta Peloponnesus, nunc *la Morée*. Una ergo Lydorum, Tyrrenorum, seu Etruscorum, & Peloponnesiorum origo.

CAP. LVI. *M. Porcio consule.* Anno U. C. DLIX.

*Super numerum legaretur.* Censuit Vibius ut præter certum numerum legatorum, qui proconsulibus assignabatur, alius super numerum adderetur, qui templi curam susciperet.

CAP. LVII. *Ulcerosa facies.* Non faciem tantum, sed totum Tiberii corpus ulcerosum fuisse docet Julianus, in Cæsaribus, pag. 309. Tercius accessit ad ipsos Tiberius, gravis vultu, & truculentus aspectu, simulque prudens, ac militariter intuens. Quo ad cathedram converso, sese oculis obtulerunt cicatrices a tergo infinitæ, ulcerationes quædam, ac maculæ, plagæ graves & vibices,

## 400 IN LIBRUM QUARTUM

*lepra quædam & lichene ex intemperantiâ & cruditate quasi inusta.* Hæc omnia ad cutis vitia, ulcerosofque morbos, non verò ad luem Venerream, traxerim, ducibus eruditis medicis Richardo Mead, Medica sacra, pag. 6, & Johanne Astruc, de morbis Venereis I, 3 & 4. Libidinis verò, vel in ipsâ senectute, ita immodicus fuit Tiberius, ut in Atellanico exodio, plaudente populo, *hircus vetulus* dictus fuerit. Sueton. in Tiber. Cap. 45. Appellatus quoque a Juliano, loc. cit. Senex Satyrus, ὁ γέρον ὑποὶ ὁ Σάτυρος.

*Medicaminibus interstincta.* Formula medicamenti, ad illos Tiberii herpetas præscripta, exstat apud Galenum, de composit. medicament. per genera V, 12. Tom. XIII, pag. 794, Edit. Characterii. Πρὸς ἑρπητας ὁ Τιβέριος Καίσαρος. Ὁ Διφρυγῆς, μεκονίῳ, χιτῆς, ἀκακίας ἀνὰ ὑγγίας γ' ὄξος, ἢ ὕδατι ἀναλαμβάνων, χρῶ. *Ad herpetas Tiberii Cæsaris. ℞ Diphrygis, Meconii, Aluminis fissi, Acacciæ, singulorum uncias tres aceto vel aquâ diluens, utitor.*

**CAP. LIX. Speluncæ.** Hæc villa, nunc *Sperlonga*, fuit in Campaniâ, haud procul Terracinâ, marique vicina.

*Mare Amuclanum.* Nunc le golfe de Gaëte.

*Fundanofque montes.* Nunc les montagnes de Fondi.

*Patientiam senis.* Patientiam senis Tiberii, & segnitiam juvenis Neronis.

**CAP. LX. Cum uxor.** Julia, Drusi Cæsaris filia; uxor Neronis.

**CAP. LXI. Asinius Agrippa.** Quem consulem vidimus suprâ Annal. IV, 34. Auctor ejus clari-

tudinis Pollio, eloquentiâ & Augusti amicitia, quam majoribus, insignior.

*Q. Haterius.* Nonagenarius mortuus est, teste Eusebio in Chronic. De illo D. Hieronymus Ep. LXI, ad Pammachium, Cap. 4. *Q. Haterius, ingenium in numerato habebat, ut sine monitore tacere non posset. De quo egregie Cæsar Augustus: Quintus, inquit, noster sufflaminandus est.*

CAP. LXII. *Apud Fidenas.* Fidenæ, oppidulum Sabinorum, nunc Castello Giubileo.

*Atilius quidam.* Librariorum incuriâ hæc videntur luxata. Quæ restitueris, si, ut Cl. Ernesto placet, legeris: Nam *Atilius quidam, libertini generis, cæpto apud Fidenas amphitheatro, quo spectaculum gladiatorum celebraret, neque fundamenta per solidum subdidit, neque firmis nexibus ligneam compagem superstruxit.*

*Nec municipali ambitione.* Non pecuniæ suæ abundantia & ostentatione, nec ambitione ut municipum suorum gratiam honoresque obtineret, sed ut sordidâ mercede quæstum faceret, amphitheatrum exstruxerat.

*Virile ac muliebre secus.* Antiquè dictum pro virilis ac muliebris sexus. Sic Sallustius, Fragm. Hist. II, pag. 960. *Magna gloria concurrentium undique virile & muliebre secus, per vias ac tecta omnium visebatur.* Livius quoque XXVI, 47. *Liberorum capitum virile secus ad decem millia capta.* Ipseque Priscianus V. de generibus, masculinum est. . . . Sexus, quamvis Plautus & hoc sexus, hujus sexi, neutro genere prorulit in Rudente. *Virile sexus numquam ullum habui.*

CAP. LXIII. *Quinquaginta hominum millia* Suetonius tamen in Tiber. Cap. 40, ait, *Apud Fidenas*



*supra viginti hominum millia gladiatorio munere amphitheatri ruinâ periisse. At, ut opinor, de debilitatis & obtritis Tacitus, de obtritis Suetonius est intelligendus. Tanta autem strages hujus amphitheatri molem prodit. Romæ amphitheatrum Vespasiani cepit loca LXXXVIII millia, teste P. Viçiore, de Regionibus Urbis, Reg. III.*

*Quadringentorum millium res. Gallicæ monetæ librarum 77,812.*

**CAP. LXIV. Monte Cælio.** Cælius, unus e septem montibus, & secunda Urbis regio, nunc *S. Jean de Latran.*

*Bis eiapfam. Annis U. C. DCXLIII & DCCLVI. Vide Valerium Maximum I, 8, num. 11.*

*Ædem Matris Deûm.* In Palatino monte & decimâ Urbis regione fuit ædes Cybeles, matris deûm, seu magnæ matris.

**CAP. LXV. Querquetulanum.** Ita dictum a querneâ silvâ.

*Cæle Vibennâ.* De quo plura vide in Tabulâ Lugdunensi, memorandâ infra in Notis ad Annal. XI, 24.

*Tuscum vicum.* In octavâ Urbis regione, teste Sexto Rufo de Regionibus Urbis.

**CAP. LXVI. Varum Quintilium.** Quintilii Vari a Germanis superati filium, Juliæ, Germanici filiæ, maritum.

*Condemnator.* Vide suprâ Annal. IV, 52.

**CAP. LXVII. Per Campaniam templis.** De quibus suprâ Annal. IV, 57.

*Capreas se in insulam.* Capreæ, nunc *l'isle Capri*, a Surrento, nunc Sorrento, octo millibus

passuum distantes, circuitu quadraginta millia passuum. Plin. III, 6.

*Surrentini promontorii.* Nunc *Capo della Minerva.*

*In Favonium.* Favonius, le vent d'Ouest.

*Pulcherrimum sinum.* Campanum sinum, nunc le golfe de Naples.

*Vesuvius mons ardescens.* Id contigit anno U. C. DCCCXXXII. Vide Appendicem Chronologicam ad hunc annum.

*Telebois habitatas.* Teleboæ olim Acarnaniam, Echinadas aliasque Ionii maris insulas habitavere. Inde profecti Capreas tenuere: quas cum Neapolitani occupassent, eas, datis Pitechusis, sive Ænariâ insulâ, nunc *Ischia*, permutavit Augustus, & ædificiis ornavit. Strabo V, pag. 248. Sueton. in Aug. Cap. 92.

*Duodecim villarum nominibus.* Tiberius, Augusti heres, Capreis potitus, eas duodecim villarum molibus infederat; quibus, ut videtur, duodecim magnorum deorum nomina indidit. *Villa, quæ vocatur Jovis*, a Suetonio in Tiber. Cap. 65, memoratur.

CAP. LXVIII. *Titio Sabino.* Quem Sejano Tiberioque invisum jam vidimus supra Annal. IV, 18. Vide quoque Dionem LVIII, pag. 621.

*Tectum inter & laquearia.* Domus Romanorum, ut & nunc nostra palatia, ornatae erant laquearibus, *des plafonds*; inter laquearia & tectum est vacuum spatium, ut, si quid est vitii in laquearibus, emendetur; & pro domorum altitudine spatium illud quatuor quinqueve pedes altum est. Tale spatium videre est Parisiis in palatio Luxemburgensi, *le Luxembourg*, aliisque. Hæc est turpis latebra, quâ sese abstruserunt senatores.

## 454 IN LIBRUM QUARTUM

CAP. LXX. *Ol' mēſe ſeſſe.* Obduſſi ori veſte.

*Quem enim.* Quem enim diſtinguabant diem vacuum potatā, ubi inter ſacra & vota incipientis anni, quo tempore verbis etiam profanis iudicive aſſueri mos eſſet, vincula & laqueus inducantur. Dicitur abſque ſcribere pariter omiſſum infra Annal. VI, 2.

*Panidiſent.* Non in Sabinum tantum, ſed in ejus quoque ſervitia ſervitum eſt. Inter hæc horrenda enituit memorabile fidei exemplum in cane, quem merito laudavit Plinius VIII, 40. *Super omnia in noſtro ævo actis populi Romani teſtatum, Appio Junio & P. Silio coſſ. cum animadverteretur ex cauſa Neronis, Germanici filii, in Tivium Sabinum, & ſervitia ejus, unius ex his canem nec a carcere abigi potuiſſe, nec a corpore receſſiſſe abjecti in gradibus gemitoriis, mæſtos edentem ululatus, magnā populi Romani coronā: ex quā cum quidam ei cibum oljeciſſet, ad os deſuncti tuliſſe. Innatavit idem, cadaver in Tiberim abjecti ſuſtentare conatus, effuſā multitudine ad ſpectandum animalis fidem.*

CAP. LXXI. C. Cæſar. Dictus Caligula;

*Convictam adulterii.* Suprà Annal. III, 24.

*In inſulam Trimetum.* Unam e Diomedæis inſulis, nunc l'iſle de Tremiti, dans le golfe de Veniſe, ſur les côtes de la Pouille.

*Florentes privignos.* Auguſti nepotes, Caium; Lucium, Poſtumum Agrippam, ipſumque Germanicum.

CAP. LXXII. *Friſii.* Friſii, mæris accolæ; Rhenum inter & Amiſiam, l'Ems, habitabant.

*Druſus.* Germanici pater.

*E primipilaribus.* Primus legionis centurio.

*Terga urorum.* Uri, quos Germani appellant *Urochs*, boves sunt feri, de quibus vide Plinium VIII, 15; & Julium Cæsarem, Bell. Gall. VI, 28.

*Cui nomen Flevum.* Castellum illud Flevo Rheni ostio fuit adpositum. Periit, ut loca hæc omnia, quæ nunc occupat *Zuyder-zée*. Manet tamen memoria in *Ulie*, & *Ulie-lande*.

CAP. LXXIII. *Vexilla legionum.* De Vexillariis dictum suprâ Annal. I, 38.

*Alam Canninefatem.* Alam Canninefatum, qui Occidentalem insulæ Batavorum partem habitabant.

*Acri pugna.* Acris illa pugna inter *Sneck* & *Lewarde* commissa est. De eâ vide Cl. Alting, *Notitia Germaniæ inferioris antiquæ*, p. 14 & 15.

*Insignes centuriones.* Centuriones ordine & donis militaribus insignes.

*Lucum. . Baduhennæ.* Nunc *Seven-Wolden*, silvam Frisiæ maximam.

*Quondam stipendiarii.* Nonnulli explicant, qui quondam stipendia tributave Romanis pendebat. Alii, quod verius puto, intelligunt, qui stipendia in exercitu Romano quondam meruerat. Idque aliter accipi vix patitur vox *quondam*. Stipendiarios autem dictos fuisse, qui stipendia meruerant, patet ex Livio VIII, 8. *Clypeis antea Romani usi sunt: deinde postquam stipendiarii facti sunt, scuta pro clypeis fuere.*

CAP. LXXV. *In Domitio.* Neronis, postea Principis, pare.

*Augustum avunculum.* Magnum avunculum.

FINIS TOMI PRIMI.











